

ANTONII  
SEBASTIANI  
MINTVRNI

EPISCOPI VVENTINI,  
DE OFFICIIIS ECCLESIAE  
PRÆSTANDIS,  
Orationes Tridentinæ.

*Habes hic omnia, quæ per sexdecim ferè menses P 10  
1111. Pont. Max. in S. Synodo Tridentinâ di-  
sceptata sunt: nempe an iure diuino Episcopia mu-  
nera teneantur, Episcopi instituantur, utrâque po-  
testate afficiantur, Presbyteris præficiantur, resi-  
dere denique cogantur.*



VENETIIS, apud Io. Andreæ Valuassorem.  
M D LXIIII.

1990

... (1)

: 895 : 6

*Journal of Interpersonal Violence* 26(10)

7-11-1964

*Journal of Management Studies*, 19(1), 67-80.

...the ...  
...the ...  
...the ...  
...the ...  
...the ...

MO  
ILL. CLAVDIO FERNANDO

QVINONIO COMITI LVNENSI,

REGIS CATHOLICI

apud Concilium Tridentinum Legato,

Antonius Sebastianus Minturnus,

Episcopus Vxentinus.



*AM* menses sexdecim sunt, cum disceptari in Concilio ceptum est, quo iure Episcopi in sua quisque dioecesi residere cogantur. Accessit deinde de Principibus Ecclesia disceptatio: quorum auctoritas decem menses agitata est:

cum in controuersia poneretur, an à CHRISTO Domino essent instituti, & potestatem Christiani cætus regendi haberent. Viraque de re ad decernendum confessus Antistitum saepe inditus est; saepe etiam dilatus. Ac planè adhuc esset incerta dies decernendi: nisi PIVS IIII Beatiss. idèmq; sapiētiss. Pontifex Maximus Ioannem Moronum Amplissimi S. R. E. collegij singulare decus, qui Concilio præsideret, legasset. Interea, cum iam quotidiani conuentus haberetur, ac suam quisque sententiã diceret longiore interdum, quam tempus ferebat, oratione: qua breuiter disserui; tum ut, quod sentiebam, probarem; tum ut, quæ, qui contradicebant, disputauerant, refutarem; constitui more declamatorio longius me esse persecutum.

A 2 rum.

rum : quando enim iterum & sapius utraque res ad  
disceptandum proposita est; & mihi identidem, ut ca  
teris omnibus tractanda fuit, uisa est postulare, ut non  
unâ dictione pro se declinarem : etiam si nō semel idē  
esset mihi repetendum. Itaque sex scripsi orationes ad  
sententiam septuaginta Patrum defendendam; in qua  
statueram, donec sacrosanctum Concilium decerne  
ret, permanere. Quas, cum multi sanctissimi An  
tistites, ipsique doctissimi, ut ederē, hortarentur; tum  
ipse, QVINONI Princeps amplissime, etsi etiam  
atque etiam suadebas, qua tamen plurimum apud  
me uales auctoritate, imperare uidebaris. Quam  
obrem, cum parēre in animum induxissē, editionē  
quidem differendam decreui; quousque perspectum  
esset, quid sancta Synodus consenseret. quippe cuius  
iudicio, nihil unquam cogitatione sim complexus, ni  
hil unquam in medium protulerim, quod non planē  
subiecerim : nihil iam animo, nil uerbis comprehen  
dam, quod non libenter subyciam; nihil denique sim cō  
prehensurus, quod subiectum non uelim. Eius decreto,  
cum ferē, quae egomet poscebam, disertē statuuntur; ad  
moti mihi ad edendum calcaria uidentur. Cogitan  
ti autem, qui esset deligendus; cuius nomine protectū  
opus in lucem prodiret, multi in mentem uenerunt;  
quae, ut hoc tibi dicarem, admonebant. Nam, si  
ad QVINONIOS Maiores tuos spectabam, Regi  
bus Hispanis nō modo propinquitatis necessitudine cō  
iunctos, sed & ante eius Regni proceres omnes alios ca  
riores, nihil in omni Hispaniâ genere tuo nobilius oc  
curre-



currebat: si ad res eorum gestas, nihil illustrius: si ad  
 maximas illas animi ingenijque virtutes, quæ in te u-  
 no, quasi clarissima sidera, cum in aliquam cœlis splen-  
 didam regionem conuenerunt, præfulgent, nihil is præ-  
 clarius: si ad hæc omnia, nihil mirabilius, nihilque  
 præstantius. Is enim profectò es, qui meritiò Principum  
 doctrinæ, studiisque optimarum artium eruditissimus;  
 eorum; qui literas proficuntur paterni maternique san-  
 guinis claritate, & rerum gestarum gloriâ nobilissi-  
 mus habéris. Quas ob res mirifice laudandus est  
 PHILIPPVS ille Rex Maximus, & potentiss. quo  
 permulta secula nihil maius uiderunt; in quo nescias,  
 utrum magis emineat, Regiūne decus Regalium  
 omnium uirtutum præsidio munitum, an pietas Chri-  
 stiana: quæ tantò plus ei gloriæ parit, quàm poten-  
 tia; quantò ante reliqua omnia ornamenta, quæ in  
 summum uirum ac potius heroem cadunt, plus lau-  
 dis splendorisque obtinet: cum inter procures tam mul-  
 tos, atque ita illustres, quibus abundat Hispania, te  
 unum elegerit, quem Legatū ad Concilium mitteret.  
 Legatum non vulgari laude dignum apud CÆSAR-  
 EM, quo nondum alterum angustiores, magisque  
 pium uel Hispania, uel Germania, uel utraque ad  
 imperandum progeniuit, agebas. Inde huc deduce-  
 ris; quasi non faciliè reperiri posset, qui tam cognita  
 uirtute; tam spectatâ fide, tam præclarâ dignitate  
 hoc loco ad agendum splendidissimo, ad dicendum or-  
 natissimo, hoc tot clarissimorum luminum totius Chri-  
 stianæ religionis amplissimo conuentu, hoc sanctissimo  
 A 3 quasi

quasi Deorū concilio legationem esset obiturus. Quā-  
probe, quā prudenter, quā cum omnium admi-  
ratione munus hoc exequaris: quā praeclarè impo-  
sitam tibi personam sustineas; quā mirum in modū  
Regis Maieſtatem, à quo legationem accepisti, tuea-  
ris: non est, ut epistolā exponi queat. Atque, cum om-  
nibus compertum sit, id nec meum, nec alterius cuius-  
quam, quo declaretur, testimonium requirit. famā  
iam peruulgatum est, quā nulla potior testificatio re-  
peritur. Accedunt & officia; quā me & humanita-  
ti tua debere agnosco, et beneuolentia, quā erga me ue-  
bementer affectus, ut tua facilitas est, uideris; praeſer-  
tim cum mea scripta praeferas, te haudquaquā  
nauci habere, si parui ea faceres; ut ederem, nunquā  
me sanè commonefecisses. Quare id, quicquid est, ti-  
bi dicatum edo. Tuum erit, auctoritatis tuae clypeo  
protegere: quo eorum mucrones ad maledicendum di-  
strikti retundantur; qui, cum in exiguis nanis, quibus  
alijs affici solent, animaduertendis, non modò argutos,  
uerū etiam Argos se uideri uelint; in grauissimis  
quidem mendis, uitiisque suis notandis hallucinan-  
tur, oculosque hebetiores, non acres, acutōsque habent.  
Hoc ipso enixè studui complecti, quaecūque in quoridia-  
nis concilijs in utranque partem disputata sunt: ut al-  
tera ad approbandum essent adiumento, quod mihi  
placebat: altera, ne officerent, confutarentur. Ac, ne  
quis miretur in conuentu dicta nonnunquā esse; quā-  
minus fortasse decere putarentur; intelligant, uelim,  
Episcopos homines esse, atque in sententijs dicendis suā  
quen-

quenque duci opinatione: ad eam confirmandam nemini nefas esse congerere, quæ, etsi à vero abhorrent, uim tamen aliquam aut probandi, aut refellendi habere uideantur: singulos, quod sentiunt, uerum id esse arbitrari: hoc cerè, quo rationes, cogitationesque omnes referant, quo intueantur, sibi proponere: eorum, qui, quod ipsi persuasum habent, defendunt, sinem esse persuadere; seu uera sint, seu falsa illa quidem, sed quæ uerisimilitudine, & probabilitate aliquâ nos fallant, per quæ ad hoc ipsum totas ingenij uires intendunt: (id nunquàm ijs, qui disceptant, non licuit, ac nunquàm non licebit) nec iam nunc primum his de rebus contro uersas haberi cœptas. Iam pridem non desuerunt, qui scripserint partim ad hanc sententiam, quam inuenimur; partim ad alteram, quam refutamur, approbandam. Utrique, quod uerum esset, aut cerè quidem quod ad ueritatem propius accederet, se affirmare existimabant. Concilium litem diremit: cùm diuino spiritu incitatum docuit Episcopos esse et Hierarchas à Deo, qui Ecclesiam regerent, institutos, & presbyteris superiores; præceptoque diuino aduigilare, atque assistere ad custodiendum, pascendumq; accuratè, quem quisque gregem suscepit, oportere. Undè decretum fecit; quo in suâ singuli diocesi ad residendum cōpelluntur. omnes & quod illud docuit, & quod decreuit, summâ et incredibili animorum consensione probauerunt: ut perspiciat planè totus terrarum orbis, sanctam Synodum Dei nutu ac numine, non humano consilio gubernari; & quotquot Antistites in eam

sunt conuocati, qui non sancti pauci sunt; non modò exi-  
miâ doctrinâ præstare; sed et præcellenti sanctitate,  
morumque probitate singulari: neque aliud denique  
quicquam animo moliri, quod non Domini Deiq; no-  
stri gloriam attingat. Siquis autem in scriptis meis id  
deprehendat, quo acriter inuehi me putet; deponat, ob-  
secro, hanc opinionem: nihil unquam ad quempiam  
perstringendum me dixisse existimet. Nempe id dum  
taxat contendebam; ut, quod obijciebatur, reicerem.  
siquid offensum est, profectò id contrà, ac putabam,  
euenisse arbitretur: me nihil de animaduersione re-  
cusare: sed paratum esse ad subeundum non modò cen-  
sorium S. R. E. iudicium; cui parere debent, quot-  
cunque Dominum nostrum IESVM CHRISTVM  
colunt, Christianâque religionem profitentur: ve-  
rùm etiam & doctissimi lætissimiq; cuiusque hominis  
notationem. Tu uerò Hispani nominis decus, proce-  
riumque splendor, & aula ornamentum QVINONI,  
quod mitto, accipe illâ animi hilaritate, qua uel mini-  
mum quodq; munus accipere consueuisti. In eo te oro,  
ut nihil aliud spectes, quàm mei non mediocris erga  
te studiij declarationem: ut pote qui nullo non officio  
te persequi cupiam. Vale.

ANTO-

# ANTONII

SEBASTIANI MINTVRNI,

EPISCOPI VXENTINI,

De officijs Ecclesiæ præstandis;

TRIDENTINA I.



EST non eum me esse intelligo, Exordium.

Patres amplissimi, qui tātū uel ingenio ualeā, uel eloquentiā, uel doctrinā, uel auctoritate, quātūm satis sit ad, quod uelim, persuadē dum; hoc præsertim tātōrum Præsidū cōspectu, hoc probatissimorū,

doctissimorūque Antistitum conuentu, qui non in aliorum sentētiā ire, sed alios ad suam perducere cōsueuerunt: cū tamen, quæ res agitur, maximi sit momenti, ut ne desim officio meo; at, siquid in ratione dicendi sum assecutus, in qua me non inficior multum tēporis consumpsisse, id omne, quod uideo, quā sit exiguum, conferam ad agēdum, quod Sacerdotem decet, cū sententiā rogatur; illum oro, qui infantes ad ap-  
tē dicendum, puerōsque ad rectē iudicandū spiritu suo  
diuino solet excitare; ut mihi adsit ad hoc ipsū perficiēdum, quod sibi sit laudi, cui soli gloria debetur sempiterna. Ac peto à uobis hanc ueniam, huic negotio ac commodatam, uobis, ut spero, non iniucundam; ut patiamini me hoc loco paulō liberius fusiūsq; loqui de re susceptā, quā moris est. Quod si mihi à uobis concedi sentiam, cōfidam me adiutum diuinā ope effecturum,

Da. xii

45.

ne

## Oratio prima

**Narratio.** ne uos pœniteat patientes, mihi aures præbuisse. Cum enim propositum esset considerandum esse, quæ ratio de residendo iniri possit; quod minus, qui custodiendas, pascendasque Domini nostri IESU CHRISTI oues sumpserunt, de custodia passionemque gregis, nisi iustas ob causas, discedat; animaduerti, qui ante me rogati sunt, omnibus eadem de re idem sentire. Quandoquidem nemo eorum non asseruit, Episcopi præsentiam Ecclesiæ, cuius administrationem suscepit, omnino necessariam esse. Quod autem necessarium est, cum semper sit idem, ut docet Philosophia; quod uerò est eiusmodi, id non hominum iudicio atque consilio sit, sed uel naturam ipsam, uel diuinam institutionem: quid est, quod quauis complures probe ac prudenter Dei præceptum esse affirmarint, addiderint alij explanari id oportere; multi tamen, quod animo comprehensum habent, silentio coerceant, atque explicare uereantur; pauci non dubitarint dicere, non esse hodie declarandum; nec defuerit, qui Dei mandatum non esse contederit? At planè uelim, ut pigeat aliquando uel id asserere, quo nos ipsi nostræ sententiæ contradicamus; ne uideamur, quod in primis turpe est, nobis ipsi non constare; uel illud prætermittere, quod cœlesti spiritu incitati animo complectimur: ne in Dei, (qui maxime timendus est) offensionem incurramus. Neque enim est dubium, eiusdem id modi semper extitisse; postquam Sacerdotium esse cœpit. quippe, antequam Ecclesia Romana id præcepisset, Vates diuino spiritu afflati iusserunt; et is à quo et Synagoga, et Ecclesia originem habet, mandauit Dominus Deusque noster. Mihi uerò eorum

rum

rum sententiâ potissimum probatur, qui nullam aliam inueniri uiam posse existimât potiore, quàm ut iudicio uestro, quo tãdem iurè, suâ cuique in Ecclesiâ sit residendû, decernatur, eòq; magis in hac sum sententiâ; cum perspiciam, quod antehac nunquàm habuit dubitationem, Episcoporum & cooptationem, & officia muniâque Dominû Dcûmque nostrum instituisse, temporibus nostris in dubium uocari; atque ita in dubium uocari, ut homines non indocti, ueriti non fuerint eâ de re sic disceptare, ut scrupulum euellant, quo, qui Deû metuant, punguntur; ne, si minùs resideant, grauissimi erroris capitalem culpam suscipiant. Quapropter uestrum est in hoc ipsum toto animo incumbere, omnia uestra cõsilia referre, omnem operam enixè dare, omnes denique cogitationes cõferre; ut demptâ hac totâ hæsitatiõne, sublatâque opinione, qua ueritatem obtegere studuerunt, qui contradicendi studio ducebantur; quod uerû est, quod maioribus nostris nûquàm dubium fuit, libentissimè omnes amplectâtur. Nam ita se res habet, ut, si nihil aliud urgeret, cuius causâ concilium fuisset conuocandum, hoc unum quidem certè meritò compelleret. Habetis enim maiorum uestrorû exempla, qui de diuinâ CHRISTI naturâ, de sancti spiritus diuinitate, de eius origine, de filio Dei, eodèque hominis filio, de geminâ eius & naturâ et uoluntate, de ueneratione sanctorum cœlitum, de beneficietiâ diuinâ, quam gratiam appellant, de libero uoluntatis humanæ arbitrio, concilia nunquàm instituisent; nisi quæ in Ecclesiâ certa et minimè controuersa haberentur;

Confirma-  
tio.

Ab exem-  
plo maio-  
rum.

## Oratio prima

*sur; in id controuersia seditiosi nefarii que homines, et  
 falsa gloria cupidi adduxissent, ut uero nocte erroris  
 offundere, qua multos in cœtu Christiano obruerent,  
 contendissent. Quid? paucis antè amissis, eodem hoc lo-  
 co, nonne concilium habitum est, ad uanitatem eius  
 opinionis delendam, qua tum primum de fide, de actio-  
 nibus uirtutum, de uoluntatis libertate, de peniten-  
 tiâ, de cæteris mysterijs, ijs auctoribus, qui à commu-  
 nione uniuersi cœtus Christiani recesserunt, fereba-  
 tur? atque constituit undè, & quem in modum im-  
 pius cum Deo in gratiam redeat, fiatque iustus? mul-  
 tæque præterea reliquit inchoata; quæ, ut perficiat,  
 huc iterum conuocatum est? An non à communitate  
 Ecclesiæ, quam, maiores nostri optimè administra-  
 uerunt, ij disiuncti sunt, inter quos non est eius commu-  
 nio iuris, quo se illi teneri fatebantur? Nec uerò dubi-  
 tandum est, quin Dei uoluntate ac nutu à uobis illustris-  
 mi Præsides propositum fuerit, quæ potissimum ratio  
 de residendo esset ineunda. Cum enim nihil aliud minus  
 animo agitaretis, quàm ut de iure disceptaretur; ille  
 idem Dei spiritus, qui uos ad hoc proponendum per-  
 mouit, maximam conuentus partem ad enixè rogan-  
 dum, ut, cuius id ipsum sit iuris, declaretur, excita-  
 uit. An non diuino spiritu incitante factum putatis,  
 ut non modò permulti natu grandiores, qui iam refri-  
 gerato cupiditatum ardore, ac potius restincto; effe-  
 rtoque corpore hoc, ualeant uoluptates, dixerunt: ue-  
 rum etiam magna iuuenum manus, quorum et mollis  
 educatio, & florens ætas fugere laborem & incom-  
 modita-*

*Ab occasio-  
 ne diuini-  
 tûs oblata.*



moditatem, sectari vitæ commodæ, et quæ oblectant, deberent; hoc idem appetant. Atq; ne de me ipso hoc missum faciam, ego ætate quidem prouectus, sed naturâ ipsâ ab omni operoso negotio abhorrens, appetens quietis, natus in nobiliss. illâ regione, à qua tota Italia Ausonia dicta est, educatus in opulentiss. splendissimâque domo illustrissimi, & excellentissimi Ducis Vibonensis Hectoris Pignatelli, et quidem Neapoli, quæ ut maximarum urbium Italiae nullâ posterior, ita multarum prima est; ubi otio affluens omne meum tempus in studia literarum, interdum quoque in eas actiones, quæ animum & liberaliter institutum, & Christianum summo opere delectant, insumebam: si mallem noluptatibus meis indulgere, non præferrem amœnitati Campaniæ asperitatem Hydruntinæ regionis; non delicijs Neapolitanis, iniucunditatem Vxentinam; non hominum nobilissimorum frequentiæ, uiduitatem & solitudinem; non antiquæ amicorum, propinquorumque consuetudini, qua nihil solet esse iucundius, gentis non unâ è regione collectæ, nec mihi unquàm antea perspectæ familiaritatem; non patriæ suauissimæ, acerbissimum exilium; non luci optatissimæ, in qua iucundissimè uiuitur, urbem desertam, iniucundam, tenebris oppletam, à Turcis penitus euersam, in extremâ orâ Italiae positam, à meis remotissimam; non animi securitati anxiam solitudinem, curâque acerbam; ne quando ab hostili Christianique nominis inimicâ classe, quæ sæpe oram illam inuadit, capiamur, captique durissimâ seruitute

## Oratio prima

te opprimamur. Explicate igitur, Patres amplissimi, priscam ueritatem sophismatum obscuritate obtectâ; eruite fallacijs argumentorum obductam: euellite ex pusillis animis hanc opinionem, quæ diuinæ institutioni contradicit: dirimite controuersiam, in quam ad ductâ res ipsa est: eximite scrupulum, quem qui Ecclesiasticum, non etiam diuinum esse præceptum dixerunt, animis nostris iniecerunt. Siquis enim ex Hispaniâ, uel ex Galliâ, uel ex quauis aliâ natione ad uos scriberet, Præsides optimi, postularétq; hoc idem sibi declarari, nõnne uestrum esset eius postulationi satisfacere? Nam Romanorum Pontificum per multæ Epistolæ reperiuntur, quibus ad id, de quo ipsi rogabantur, respondebant. Vos hoc loco sedem Apostolicâ representatis: uos summi Pontificis personam geritis. Multum enim id sanè refert, huius ne, an illius sit modi: quandoquidem nemo, quid inter Diuinum & Pontificium mandatum intersit, ignorat. Nâ, quod Pontificium est, uel consuetudine antiquari, uel posteriorum decretis mutari, abrogarique potest: quod est Diuinum, non potest; quamuis declarari queat. Iam uerò, quod proponitur, si esse Dei præceptum fuerit constitutum; nos ignis diuinæ charitatis ad parendum summâ cum delectatione inflammabit; aculei uerò metuendæ seueritatis uehementiùs agitant: sin Ecclesiæ; liberi erimus à metu, ne plûs, quam oportet, nos pungat. Cum planè perspectum sit, quo nos illa uinculo obstringit, eandem posse nos liberare: nec dubitetur, quin alia non residenti, si diuino iure obligatur, alia

Ab Utilitate.

alia si Ecclesiastico, multa sit irroganda. Atque tota hæc ratio sumitur à personâ præcipientis. Id enim naturâ comparatum est, ut multum in lege conditâ eius auctoritas, qui condidit, spectetur. Quod cum animaduertissent, qui Atheniensem, qui Spartanam, qui Romanam Rempublicam insituerunt, se ab Deo, quæ in Sinituta tradebant, accepisse fatebantur. De Mose autem illo, qui Hebræos grauissimo, superbissimoque Aegyptij Regis dominatu liberauit; dubitandum non est, quin ad eos ab Deo mandata sibi data esse uerè professus fuerit. Iam et qui leges ferunt, adeas seruandas tum propositis præmijs alliciunt, tum metu pœnæ, quam minantur, compellunt. Quisnam hominû, ut summam habeat rerum potestatem, uel munerata tam præclara, tamque optanda potest asferre, uel supplicia tam acerba, tamque formidanda inferre, quàm Deus: qui rerû omnium effector est, et procreator; sine cuius tutelâ nihil uiueret, nihilque seruaretur; sub cuius omnia posita sunt imperio, quæ in cælo enitêt, quæ in terris uigêt, quæ apud inferos latent; qui unus, quæ non sunt, ad uitam potest arcessere; quæ sunt, ad interitum penitus adducere? Agè uerò, quid ille sua præcepta seruantibus nobis pollicetur? uitam æternam, eamque perbeatam. Quid negligentibus minatur? supplicium teterrimæ, acerbissimæque mortis sempiternum. Quid autem Reges hominum? nunquid aliud commodi unquàm attulerint, quod nequeat temporis longinquitas delere? Nunquid aliud mali intulerint, quod aliquando non sit defuturum? Et si

enim

## Oratio prima

enim corpus torquere possunt, atque etiam occidere: nec illud tamen possunt, nec eius animam in flammis ignis æterni coniungere. Neque uerò animaduertendum non est, quòd lex diuina ad sempiternam beatitudinem refertur: lex uerò humana ad Remp. bene administrandam, ut non modò seruari possit, uerùm etiam augeri. Estlo autem, ius Pontificium, quò Diuinum, eòdem dirigatur: non tamen quàm primum, atque proximè id ipsum attingit: cùm per se, ac primum ad statum Ecclesiæ probè instituendum atque informandum attineat, quæ Deo possit rectè ac ritè inservire. Quia uerò uel, accinctis promptisque ad exequenda Dei mandata, uita æterna, uti summa, & quæ nullo pretio comparari queat, merces parata est; consequitur, ut hunc etiam finem sibi proponat. At Dei præceptum rectè atque statim eodè contendit. Quamobrem, quod imperatur, ubi intellexeris Deum imperasse, quem nosse, tum propter se, & amandum esse in primis, & timendum, quia Deus est; tum quia nihil boni est, quod benefaciendi gratiâ, nihil mali, quod puniendi causâ ab eo non proficiscatur (Amandus enī ille tibi est, quia te sibi maximis beneficijs deuinxit: ille te i lucē edidit, educat, seruat, augeat: ille te corporis naturæq; bonis ornauit; te fortunæ cōmodis locupletauit; te animi ornamenti honestauit. Quæ tibi omnia uel cum ijs, quorū instituta à nostrorū religione sacrorū abhorret, cōmunia quidē sunt; illud uerò propriū, ut Christiano: unicum tibi filium dedit, cuius merito te adoptauit, ut æternæ hæreditatis participè faceret.

denique

## De officiis Eccl. præst. 9

denique nihil habes; quod ab eo non acceperis; neque habere potes, quod ab eo non sis accepturus. Timendus autem ille tibi est, propterea quod sibi uni potestas est omni suppliciorum genere, etiam æterna in te animaduertendi.) Vbi Deum, inquam, intellexeris imperasse, quoniam tum propter se, tum multas alias ob res, tibi summopere amandum, metuendumque esse non dubitas; quid est, quod non paratiore alacrioréque animo ad parendum sis futurus; siue te eius charitas ad hoc ipsum, ut decet, inflammet, siue etiam metus impellat? At Pontifex Cōsuetatio. Romanus instar eius habet, eius personam gerit; cum nobis representat. Qui hunc despicit, illum profecto spernit. qui hunc audit, illi sane obtemperat. Obiicitur. qui hunc offendit, in offensionem illius incurrit. qui hunc tangit, pupillam oculorum illius præstringit. qui eum non veretur, non colit, non obseruat, sed eius præcepta contemnit; pœnâ dignus est utique sempiterna. Refutatur. Quis unquam hæc in dubitationem adduxerit? quis non concesserit? Sed cuius causâ? eius profectò, cuius vicem obtinet, cuius in locum est constitutus. At uulgatum, scitumque; illud est; quod causâ est, ut quicque tale sit, id eiusmodi magis est. Matrōna enim, quæ diligit filij præceptorem, par sanè est, ut filium magis diligat, cuius gratiâ illum adeò diligit. Sol, qui lumine suo ita afficit sidera, ut luceant: consentaneum est, ut lucis plus habeat. Principes, qui administratiuam suam, auctoritatémque deferunt, nonne consequens est, maiore ut

B potesta-

## Oratio prima

potestate ualeant? Atque si plurimum in Deū peccabant, qui CHRISTI Apostolos insectabantur; & uexabant; cū eius membra affligere uiderentur; quod ipse planē professus est; cū clarā terribiliq; uoce Paulum alloqueretur; & increparet: non quidem certē est, quin multo plūs peccauerint, qui eū in crucem egerunt: Ac, tametsi quæ, ut diuina præcepta Ecclesia iubet seruari, & quæ Dei planē esse oracula declarat, idem ualeant, ac si Deus ipse hæc præciperet, ac doceret: quæ tamen per se ipsa ac primum, qua pollet auctoritate, imperat ad rectē Christianeq; uiuendum, statuo mihi seruanda esse illa quidem; sed non eo in metu pono, ut putem summum Præsidem, ueniam mihi nunquā daturum esse, si minis eius mandata fecerim; neque concessurum, ut liceat aliquando exequi secūs, ac ipse mandauit. At, si Dei præceptis negligendis errauero; quis potestatem habuerit, nisi Deus ipse, ignoscendū. Nam, ut rectē, ac uerē scriptum est; si homo in hominem peccauerit, placari poterit ei Deus: si in Deum ipsum, pro eo quis orauerit? At, inquis, quod Ecclesia præcepit, si quis non seruat, in capitali crimine ponendum est, quod supplicio constringi oporteat sempiterno. Caue existimes id genus esse omne Ecclesiasticum præceptum, quod qui sine contemptione non custodierit, meruerit, ut pœna sibi æterna irrogetur. Quanquam nemo unquā eiusmodi esse dubitauit; quod ad seruanda Dei mandata refertur. Cū enim propterea quod Deus iussisset; pastores pascere

1. R. a.

2. R. a.

3. R. a.

pascere oves sibi commissas, Ecclesia edixerit Episcopis, suâ cuiq; in diœcesi esse residendum; nempe eam ob rem, ut Dei faciant imperata; quis negaverit, qui non paruerit, scelere capitali obstringi? Nam, & si diuinæ auctoritati, nullâ humanâ lege opus est, qua sibi parendum sit; Ecclesia tamen, cum animaduertat, homines eâ natos esse conditione, ut magna pars longè magis præsens malum, quàm futurum, licet hoc sit perpetuum, & graue, suprà quàm ferri possit, metuant; quod Deus semel præcepit, sapiens edicit; edictoq; non contenta, supplicio, quod apud inferos æterno cruciatu soluendum est, pœnas durissimas adscribit, easq; persequitur: ne mireris à maximo Christianæ Reipublicæ Præsidente, quod diuinâ lege præscriptum est, imperari; quasi ab eo mandari minùs oporteret, quod Deus præcepisset. At esto, inquis, concedatur in diœcesi diuino iure Episcopo esse residendum. Quid tum? an, si hoc declaretur, resideat? Qui præsentis incommodi formidine, quod sibi Ecclesia minatur, ad residendum minimè adducitur; futuri, quod abest impellatur? Num, quia constitutum est, ne furtum facito, ne adulterator, diuina esse præcepta; nemo furatur, nemo alienas coniuges corrumpit? Immodò uerò plus peccandi occasionem sancta Synodus dedisse uideatur, si hoc ius, diuinum esse decernat. Ut leuius enim peccarût, qui, antequàm sit declaratum, non resederunt: sic grauius errauerint; qui, postquàm erit declaratum, ab Ecclesiis suis absuerint.

Obiicitur.

## Oratio prima. ¶

Rom. 7.

Refutatur.

quippe si lex data non fuisset, peccatum minus per-  
 spexissem. Libido enim, quod malum esset, nesci-  
 rem, nisi lex prohiberet, ne concupiscam. Nam si-  
 ne lege peccatum mortuum erat. Vide. ne malam  
 rem, esse Dei legem ducas; ne quod sanctam, quod  
 iustum, quod bonum est, tibi permittam, exitumq;  
 fieri arbitreris: quia peccatum, ut peccatum appa-  
 reat, duce & auctore diuino præcepto, quo tibi il-  
 lud ostenditur, te morte affecerit. Si Deo crederes,  
 si Deum timeres, si Deo denique parere necessarium  
 esse in animum induceres; non mali, sed commodi  
 sempiterni; non miseriae, sed felicitatis; non mor-  
 tis, sed uitæ; non peccandi, sed benemerendi causa  
 tibi eius præceptum esset. Nam quibus data lex est  
 Iudeis, qui Christo fidem habuerunt, spemque omnem  
 suæ salutis in eo collocauerunt; illis plurimum profec-  
 cit. quippe quibus fides illa optima atque sanctissi-  
 ma causa fuit, ut Deus uim dederit legis seruandæ.  
 Qui uerò Christo minimè crediderunt, aut potiùs  
 eum contempserunt, tantùm absiit, ut ijs profue-  
 rit, ut maxima exitio fuisse uideatur. Cum enim  
 Dei mandata quotidie legerent, memoria tenerent,  
 seruanda esse faterentur; ea tamen neutiquàm exe-  
 quebantur, quòd eius filio fidem minimè adhibe-  
 bant. Itaque; qui sibi credentibus, uirtus, salus,  
 uita denique est sempiterna; ijs lapis ille fuit offen-  
 sionis, quo fracti sunt, quo obruti, quo præcipites,  
 acti in perpetuam inferorum exustionem. An lex  
 ferenda non erat, quia mali eam non essent seruatu-  
 ri?

1. P. 2.



ri? An non data est, ut cum amore metum etiam inferret? amore enim afficiebat, cum beatitudinem sua facientibus mandata polliceretur: metum incutiebat, cum mortem minaretur. Nempe, qui Deo credunt, sic timent eius minationem, ut prospiciant, ne incidant in eius offensionem: spe utro præmiorum ita inflammantur, ut eum mirifice ament. Quomobrem timendo, atque amando, ad eius præcepta custodienda, toto pectore uehementius incumbunt. Atque lex ipsa fide affecta, ac potius sulta, bonos tandem ad cælum extollit, ducitq; ad commoda æterna felicitatis perfruenda. Malis autem multum etiam proderit, si formidine supplicij peccare desinent. Bonos appello, non qui nunquam peccent. Psal. 143. quis enim uiuens, in conspectu Dei, iustus reperitur, si non est qui rectè faciat, ne unus quidem? sed Psal. 52. qui, Deum cum metuant, atque ament, peccare oderint; atque, ubi peccauerint, resipiscant. Itaque ijs quidem lata lex est, ut dum metuumt, atque amant eius autorem, ita parcant, ut quod ea pollicetur adipiscantur: malis autem, ut si eum, qui tulit, neque diligunt, neque reuerentur; at certè metu pænæ aliquando peccare uereantur: si ne id quidem unquam timeant, uel quia non credunt, uel quia infamiunt; sic planè mors sempiterna. Hæc est enim iustitia diuina: quam nemo profectò est, qui, nisi adeò focior, adeò stolidus; adeò cæcus sit, ut nihil capiat, nihil intelligat, nihil uideat; audeat reprehendere. Quapropter nõ possum satis admirari, si in

## Oratio prima

*hoc amplissimo doctissimoq; conuentu, non desit, qui iuris declarationem, uel detrectandam, uel dissimulandam esse arbitretur: quasi uerò uel animi securitas consequatur; uel, ut libet, uiuendi potestas habeatur; uel diuina pœna, qua cum præceptum conscriptum est, omnino sit effugienda, si minùs declaretur. Aut enim ab eo nosti præceptum hoc esse, aut ignoras. si nosti; num aberit, ubi neglexeris, quin constitutum supplicium feras, si minùs explicetur? si ignoras; num putas iuris ignorantiam tibi esse profuturam, quo minùs Deo pœnam persoluas? an non ignorans, à Deo, ut scriptum est, ignoratur? quid autem infelicius esse potest, quàm ab eo, cui planè omnia perspecta sunt, ignorari? Quia uerò siue ignoret, siue cognitum Dei præceptum habeat, qui non seruauerit, supplicium subierit, declarandum profectò est: ut si norit, sacrosancti Concilij auctoritate ablatam sibi esse intelligat occasionem dissimulandi: si nesciat, ne pereat ignorando. quippe qui non modò pœnam effugiat, si pareat; sed uitam quoque mereat æternam. An diuina mandata si edièta non essent, qui ea non faceret, iudicio capitalis culpæ minùs damnaretur? Nõne si uel Deus, uel homines taceant, ratio naturæ, in mentibus nostris innata, ac penitus inherens, non proponat, non clamet, non edicendo terreat? Quæ uerò naturali notione in animis nostris insitæ sunt, earum sanè rerum auctorem Deum esse, perspectum habemus. Sed hac quidem de ratione, atque de præceptione*

1. Cor. 14.

ceptione diuinâ, qua sit Episcopis in sua cuique di-  
cesi residendum, proximo conuentu, modo Deus ue-  
lit, sanctâq; Synodus inbeat, dicemus. Nunc au-  
tem non omiserim uobis, Patres amplissimi, id non  
esse negligendum, quod est caput omnium rerum,  
quæ uobis obiectantur; quas, ut planè emendare-  
tis, in hunc locum conuenistis; ad quas in pristi-  
num statum restituendas, nos quidem omnes Chri-  
stiani Principes, & literis, & nuntijs hortantur.  
Nam quas alias ob res malè audimus; nisi quia  
putant antiqua nos Dei præcepta contemnere, noua  
inter nos condere, quibus omnia licere nobis existi-  
niemus? Agè uerò, quàm magno pretio id mercen-  
tur, qui uos conuicijs insectari consueuerunt, quod  
non obscurè diuinum mandatum est, quod & uobis  
planè perspectum, si dissimulandum esse in animum  
inducatis; ut habeant, quod in uobis liberiùs exa-  
gitent homines nati ad uos maledictis conscinden-  
dos, atque ad styli aciem in concilia uestra exacuen-  
dam; quasi uerò agantur ad eos non recipiendos, sed  
extra omnes Ecclesiæ fines expellendos, non ad uitæ  
morumq; emendationem, quæ si consequeretur, faci-  
le ad parendum, eos fortasse reuocaret, sed ad con-  
cordiam, pacemque simulandam: cum pro certo ha-  
beatur, in eâdem illos obstinatione, perfractè esse  
permansuros, dum uiderint in statu Ecclesiastico, ni-  
hil emendatum iri. At quantâ efferantur læticiâ,  
qui uos oderunt, & quotidianis conuicijs lacerant;  
dissensiones autem in cœtu Christiano exortas, se-

Elasque fouent et augment, si iuris declaratio, tanto pe-  
 re à multis postulata dissimuletur; tanto maiore affi-  
 ciantur, qui nos colūt, ut ueros Dei administratores, uene-  
 rantur, summo loco habent; pacem et tranquill-  
 tatem in Rep. Christianā, statumq; eius, optimum  
 optant, atque orant multis supplicibusq; uerbis. Ac  
 uereor, si rem tam magni momenti, tantiq; ponder-  
 ris oscitanter negligitis, ne quando, quod Deus omen  
 auertat, hanc beneuolentiam erga uos incredibilem,  
 in summum odium, hanc pietatem et uenerationem,  
 in despectum atque contemtionem conuertant; ac  
 traducant. Illud autem uelim, persuasum habeatis,  
 quod nos quidem negligentius oscitamur, magis ue  
 dissimulamus, eò impensius illos in animum induce-  
 re, hoc præceptum esse diuinum; à nobis autem o-  
 mitti declarari, ne diuino iure ad residendum com-  
 pellamur, sed licentiam nostrarum cupiditatum, li-  
 bertatemq; uagandi facilius assequamur. Ac ueren-  
 dum est, ne si Episcopi id sumere sibi uideantur; ut  
 putent sibi liberis à metu pænæ, quæ diuinā lege ir-  
 rogatur, licere à suis Ecclesiis abesse; non modò de-  
 sinat plebs illos audire admonentes, sed ei quoque  
 sint ipsi ludubrio futuri. Atque tantum abest, ut de  
 potestate sanctissimæ, atque eminentissimæ sedi Apo-  
 stolicæ detrahatur, si in diuinis esse mandatis hoc  
 decernatur; ut si secus; timendum sit, ne ditionis,  
 iurisque multum sit amissura. Videcis enim, quan-  
 tum in Germaniā, quantum in Britanniā amiserit,  
 quantum in Gallia iam nunc amittat. Quam ob cau-  
 sam?

Ad tacitam  
 oppositio-  
 nem.

sam? an non, quod nunquam Episcopis persuaderi potuit pro suo munere obuindo se diuino iure obstringi: plebemq; non modo Christianæ doctrinæ præceptis, sed optimis quoque uiuendi exemplis ad rectam disciplinam informandam, erudiendamque esse? quod si constitutum habuissent, cum in suâ quisque diœcesi assedissent suâque officia diligenter, sancteque seruassent, præsentia, quod efficere nequeunt Vicarij, insolentis nefariosque homines cohibuissent, ne quid noui in Christianâ Religione molirentur populumq; in officio retinuissent. Nam Vicarij præterquam, quod non eadem pollent auctoritate, cum mercenarij sint; non se obijciunt lupo ad pecus dissipandum irruenti; sed adeo metuant, cum minæ iactantur, pericula intenduntur, formidines opponuntur, ut confestim, aut cedant, aut in fugam se conferant. Neque vobis prospiciendum non est nequa siue oscitatione, siue dissimulatione, in eam opinionem nationes, Regesque, ac Principes nominis Christiani adducatis, ut de sede Apostolicâ id putet, à quo illa maximè abhorret; præsertim cum hoc tempore eam teneat PIVS IIII, qui, Deus optime maxime, Pontifex Romanæ Ecclesiæ? qui omnium Episcoporum Princeps? qui Præses Reipublicæ Christianæ? qui Pastor omnium ouium Domini nostri IESV CHRISTI? qui cum religione seruandâ, sedis Apostolicæ auctoritate defendendâ, bene, recteq; præsidendo uniuerso Christianorum orbi, probè custodiendo, compascendoq; toto grege,

superio-

## Oratio prima

superiorum temporum Pontifices, Principes, Praesides, pastores uicerit, hac quidem certè re se ipsum vincit: quòd noctes, et dies nihil aliud mente complectitur, nihil aliud cogitat, nihil aliud molitur, quàm pacem Ecclesiae uniuersae, salutem eorum, qui ab eà defecerunt, impietatis euersionem, sanctitatis restitutionem, pietatis incrementum. Quas ob res Concilium œcumenicum in hunc locum omni industria, omni diligentia, omni denique operâ conuocandum curauit. ô uerè Pium, ut non temerè hoc se nomine appellari uoluerit. An non nationes, Regesque, ac Principes nominis Christiani putauerint ei non placere, diuino præcepto residendum esse, declarari, si cùm propositum id sit, non utique statuatur? Quasi uerò Episcopi sibi soli, non etiam Deo administrationis rationem sint reddituri: se unum Dominum; non etiam Deum sint agnitori: sibi acceptum omne id, quod habent, quo funguntur, quo fruuntur, Deo nihil, sint relaturi? Neque hoc loco aliquid tractari, quod ipse non iusserit; neque constitui, quod ipse non decreuerit? quasi hoc non sit Concilium, sed Concilij potius umbra, imago, nudum nomen, uox inanis. quasi in hunc locum ille sanctam Synodum conuocauit ad decipiendum, ad ostentandum, ad opinionem inferendam per se non stare, quin Reip. Christianae optimè consulatur: non ad dissidia tollenda, quae cum maximo uniuersae Ecclesiae detrimento in dies plus uirium acquirunt; non ad Ecclesiasticos mores emendandos; non ad Pontificiam

ciam

ciam dignitatem in pristinum splendorem restituendam; non ad incommoda uitanda, quæ quotidie inferuntur; non ad errores depellendos, quibus hallucinati plerique omnes suâ potestate abutuntur; non ad ea denique statuenda, quibus sectæ scholæque impietatis omnino evertantur, tranquillitas in Christiano cœtu uniuerso consequatur, una religio, una fides, unus Dominus IESVS CHRISTVS habeatur. Itaque hoc uobis prospiciendum est: ut, cum beatissimi Pontificis, Dominiq; nostri propositum optimum sit, animus integerrimus, mens sanctissima, atque ab eâ opinione, in quam uenire posset, prorsus aliena; ne quam ei notam insignem inuratis, quæ nunquam deleri queat. At latet; inquit, latet anguis in herbâ, Quinam præfertur, inquit, religio iuris declarandi, qua Antistites ad residendum impellantur, sancta illa quidem, ac maxime probanda; sed quæ occultè tendat ad auctoritatem, maiestatemque Pontificis Romani, quæ nescio quo Ecclesiæ malo, Barbaris odio cœpit esse, minuendam. Quo loci? non est sanè suspicandum in hoc sacro sancto concilio reperiri, qui tantum impietatis habeat animo comprehensum: in quo nemo profectò est, qui non eum, ut nimis & numen Dei tenentem, reueretur, suspiciat, colat; qui à Deo non optet, non petat, non precetur, ut sub eius potestatem non modò redeant, quæ temporibus nostris, à Romanâ Ecclesiâ nationes descuerunt; sed uniuersus quoque terrarum orbis subiungatur. Verùm ad omnem sus-

Obicitur.

Refutatur.

Oratio prima

spicionem eximendam; ne sub nomine religionis, impietas lateat, adscribatur decreto eâ de re faciendo, quod est diuini iuris; quando, & quomobrem, & quem in modum, quantumque obliget, summo  
**Obiicitur.** Præsidi arbitrandum, censendumque esse; idq; amplissimis uerbis explicetur, quod etiam si prætermitteretur, solis luce clariùs pateret. At, inquit, quæ egerit, quæ statuerit sancta Synodus, si non antè ipse præscripserit, constituerit, imperauerit, num-  
**Refutatur.** quid roboris habebunt, nisi ille idem probarit? Quisnam hoc non planè assentiatur? quippe cum & prouinciarum concilia, & uniuersi Christianorum orbis, quæ Oecumenica appellantur, quæ ipsa statuis-  
 sent, nunquàm non petere à Romano Pontifice consueuerint, ut ipse tanquàm uniuersæ Antistes Ecclesiæ confirmaret, rataq; haberet. Id enim sanctissima illa Synodus Nicæna à beatis. Syluestro postulauit: id Chalcedonensis à Leone illo, quem nemo unquàm satis laudaret. Addo etiam, quæ sedes Apostolica censuisset, ita semper concilijs fuisse præscripta, ut ea tanquàm diuina oracula sequi ac tenere oportuerit. Sic enim secunda Synodus œcumenica, quæ Damasus Apostolicæ sedis Antistes constituerat, secuta est: sic tertia, quæ Cælestinus: sic quarta, quæ ille idem Leo, quem deindè etiam rogauit, ut actis auctoritatem tribueret: sic quinta, quæ Agapetus, quæ Syluerius, quæ Vigilius: sic sexta, quæ Agatho: sic septima, quæ Adrianus: sic denique octaua, quæ Nicolaus. Itaque uel ipse Dominus



minus noster decernat; ut, quæ ipse statuerit, Concilium consecetur: uel sinat à Concilio, ut puto eum finire; postquam ad Christianæ Reipub. consulendum illud indixit, liberè tractari, suoq; arbitratu decerni, quæ sibi potiora uideantur. Ac demum, quod efficere semper potuit, poteritq; semper, eius acta, quæ probauerit, confirmet: quæ minus, rescindat. Nam Chalcedonense Concilium cum supplicibus literis, Leonem illum orasset, ut quæ tanto patrum conuentu gesta fuissent, ipse Apostolicâ auctoritatè sanciret; quæ ad fidem attinebant, omnia corroborauit: unum illud decretum, quo post Romanam Ecclesiam Constantinopolitana cæteris præferebatur, cum irritum habuisset propterea; quod Apostolicis maiorum suorum consultis aduersabatur, nihil tunc retinuit firmitatis. Quanquam, qui ei successerunt, non adeò uidentur relictisse; ut, quod eo concilio fuit constitutum, Ecclesia illa sibi non arrogarit. Neque uerendum est, si res ad declarandum proponatur, atque disceptetur; fore, ut, quod uti apertum perspicuumque est sumendum, ambiguum incertumque relinquatur. Non equidem puto in hoc sanctissimo doctissimoq; conuentu, esse aliquem ita rudem imperitumque dininarum literarum, ita ignarum monumentorum, quæ patres omnibus doctrinæ sanctitatisque laudibus cumulatissimi, nobis reliquerunt, ita amantem suorum commodorum, qui in Domini nostri IESV. CHRISTI mandatis, hoc nolit esse recensendum.

## Oratio prima

dum. Si qui autem sunt, quorum oculos humanarum cupiditatum flammæ ita præstringunt, ut in clariss. ueri splendore hallucinentur, ac cæci omnino sunt; ij certè perpauci sunt. maximam uerò partem in eadem sententiâ, certò scio, mecum perstare. Neque uerò dubitandum est, quin hoc idem Pontifex Maximus sit probaturus: cum in hoc uestro confessu sint, qui audierint in ampliss. consilio eum docentem, cum Episcopos in suâ quenque Ecclesia ad residendum hortaretur, iure diuino ad id ipsum illos compelli. An non hoc idem probarit sanctiss. idemque sapientiss. Pontifex, qui norit, cum Dominus Deusque noster iussisset Petrum pascere agnos ouesque suas, ius illum statuisse, quo Petrus ipse, cæterique omnes, quos ille idem Petrus eius nomine in partem operis uocaret, tenerentur: nec non cum, ut docet Ioannes ille, quem ante omnes discipulos, Magister ipse maximè diligebat, Pastor qui esset definiuisset, eiusque officia sub aspectu planissime subiēcisset, quem præeuntem oues sequuntur, nominatimque uocantem audiunt; atque eum quidem à mercenario distinxisset (Quoniam ille, animam suam, qua nihil carius habet, nihilque iucundius, exponit pro ouibus suis: hic cum uidet lupum uenientem, eas dimittit, ac fugit, atque ita fugit, ut eas lupus dispergat, rapiat, mactet: idque non aliam ob rem, nisi quia ille quidem Pastor est, cuius propriæ sunt oues; hic uerò mercenarius, quem de ouibus tuendis, nihil curæ, nullumque studium attingit

Ioan. 10.

tingit, cum hæc ille dixisset, ius Pastori præscripsisse: quod cum ipse potissimum seruasset, exemplum sine dubio dedisse, quod essent sequuturi omnes, quos ille Pastores instituisset, quique essent suo nomine instituendi. Enimvero Apostolos eâ de re ille admonerat, quos ipse Pastores ouium suarum, doctoresque suæ discipline constituit, ceterosque qui essent illis in idem opus, in eundem laborem, in idem munus successuri. Nec dubiam est, quin Petro Pontifex Romanus, cæteris Apostolis Pontifices alij successerint. Quod planè intellexerit, qui maximorum Antistitum decreta animaduerterit. Neque enim quisquam uestrum est, qui ignoret Anacletum, qui à Petro quartus, ut alij tradunt, tertius, Apostolicam sedem tenuit, scripsisse; cum electionem Episcoporum, quos ille summos Sacerdotes appellat, sibi Dominus seruasset; eam tamen bonis Sacerdotibus, populisque qui diuino spiritu ducuntur, concessisse. Atque cum post CHRISTVM Dominum, à Petro Sacerdotum ordo initium sumpsisset, ceteros tamen Apostolos pari cum eo consociatione, atque consortione, honorem, potestatemque accepisse, ipsumque inter se Principem esse uoluisse: eis deinde hac uita excedentibus Episcopos successisse: quibus esse gregem Domini commissum, ac de eo rationem esse reddendam, in decretis Apostolicis comperies. Iam & PIVM dixisse, Episcopos à Deo quidem electos, qui oculi sibi essent. Damasum præterea, qui in cætum sanctorum ascriptus est, in Episcopos

scopos acerrimè inuecturi esse, qui suæ commodi-  
tatis uoluptatisque causâ Chœrepiscopis (hoc nomi-  
ne appellabantur, qui ab Episcopis consecrati Sacer-  
dotes eorum nomine uicis præerant) plebes suas  
commendare non dubitarent, eosque reprehendisse;  
primum, quod negligenter curam sibi commis-  
sam à Domino sic dicente; Bonus Pastor, animam  
suam ponit pro ouibus suis: reperenarius, ut uidit  
lupum uenientem, dimittit oues & fugit. Deinde,  
quod meretrices imitarentur, cum haud secus, at-  
que illæ, ut primum partum ediderunt, infantes nu-  
tricibus tradunt educandos, ut citius suas possint li-  
bidades explere; hi populos sibi commendatos, alijs  
præberent alendos, ut liberiùs uoluptatibus suis in-  
dulgerent, humanariumque studio cupiditatum ad-  
ducti, commoda sua consecrarentur. Tum quod mul-  
tùm abhorrerent ab illâ curâ, ab illâ industriâ, ab  
illâ operâ, quam Patriarcha ille, qui coniuges du-  
ram seruitutem seruiendo compararat, in foci-  
grege compascendo enixè dabat. Quantò enim, hi di-  
ligentiùs, quantò uigilantiùs, quantò accuratiùs  
incumbere ad munus susceptum deberent, qui oues  
Dei pascunt, quàm qui hominis pascebat? Iam ue-  
rò Nicolaum sanctiss. doctissimumque Pontificem,  
bis uerbis, eâdem de re Antistites Christianæ ple-  
bis admonuisse, Episcopis dispensatio cœlestis  
seminis iniuncta est. *Væ* si non sparserint; *væ* si  
tacuerint, sicut uas electionis formidat & clamat:  
eundemque illum rogatum, an oues suas deferere li-  
ceat

ceat Episcopo, quem Tyrannus aliquis insectatur, respondisse, perniciosum si est, qui gubernat nauim in tranquillitate deferere; quanto magis in tempestate, ac fluctibus. Neque id se dixisse, quod iniquorum hominum insidiæ fugiendæ non sint, dum sæuiunt, & ob multitudinem peccatorum nostrorum nocendi facultatem, diuinitus assequuntur: præsertim cum eis ultro nos ipsi offerre non debeamus, constetque luce clarius multos & Prophetas & Apostolos, ipsum quoque Dominum, uim eiusmodi infensam, atque inimicam maleuolorum, atque infidelium fugisse: sed quod præcipue nos, ille inquit, qui tanquam arietes ductum gregibus præbemus; immò & horum Pastores sumus Deo auctore, unâ ius ipsi in omni periculo, pro uiribus permanere oporteat; & cum tranquillitas reddita, diuinâ fuerit pietate, & agitatio uexatioque furentium consopita; mox dissipatum pecus perquirere, & in unum cogere, eiusque animos cælestis patriæ, pace ac securitate prædicandâ erigere. Omitto, quæ hoc idem probant, aliorum sapientissimorum Pontificum monimenta, nec non eruditissima scripta sanctissimorum Patrum, Basilij, Chrysostomi, Ambrosij, Hieronymi, Augustini, Gregorij, qui Ecclesiæ sunt columnæ; eamque probatissimæ doctrinæ opibus locupletauerunt: cum certò sciam, nec doctissimum PIVM IIII, nec uos ea latere. Hæc si perspexissent, animaduertissent, considerassent, aut si planè intellexerunt, non deprauassent, non peruer-

C tissent,

## Oratio prima

*tissent, non in sensum deteriore intorsissent, nullā  
 prorsus ratione contra uerum dixissent, qui ab ho-  
 mine, non à Deo, de residendo in Ecclesiā ius Episcopo  
 constitutum esse uoluerunt. Nisi enim Dei præ-  
 ceptum hoc esset, uerbis illis dininis, Bonus Pa-  
 stor: et pascite agnos meos: et pascite oues meas,  
 non ostendissent prisci illi patres nunquam satis lau-  
 dati, Episcopos obstringi, eosque à Deo pastores  
 animarum esse institutos; neque affirmassent ad ean-  
 dem sententiam pertinere, Pascite, qui in uobis  
 est, gregem Dei. & unusquisque sicut acce-  
 pit gratiam Dei, in alterutrum illam admini-  
 strantes, sicut boni dispensatores multiformis  
 gratiæ Dei. & attendite uobis & uni-  
 uerso gregi, in quo uos Spiritus Sanctus po-  
 suit Episcopos regere Ecclesiam Dei, quam  
 acquisiuit sanguine suo. Alloquebatur enim  
 Paulus Episcopos, quos ille manibus porrigendis in  
 Asiā constituerat. & Quosdam quidem posuit  
 Deus in Ecclesia, primum Apostolos, secun-  
 dō Prophetas, tertio Doctores, docere enim  
 Episcoporum est. & Ipse dedit quosdam qui-  
 dem Apostolos, quosdam autem Prophetas,  
 alios autem Pastores, & Doctores. & Pastores  
 audite Verbum Domini, & quæ ante-  
 cedunt, & quæ sequuntur, uerba Prophetæ, quibus  
 perspicuè Pastoris munia describuntur; et, quemad-  
 modum eorum incuriā sit mulctanda, exponitur. &  
 Væ Pastoribus, qui dispergunt, & dilacerant  
 gregem*

Ioan. 10.  
Ioan. 21.

1. P. 5.  
1. P. 4.

Act. 10.

1. Cor. 12.  
Ephes. 4.

Ezec. 34.

1. 23.

gregem Pascuæ meæ, dicit Dominus. & paulo post, uos disperdistis gregem meum, & eiecistis eos, & non uisitatis eos: ecce ego uisitabo super uos malitiam studiorum uestrorum, ait Dominus. Agite nunc, exponite diuina elogia secus, atque sedis Apostolicæ præsides, et summa doctrinā, et mirā sanctitate præstantes, nec non eruditissimi, ipsiq; sanctissimi Doctores, quibus Ecclesia auctoritatem dedit, intellexerunt; dicite fuisse Pontificum officio iure humano instituta. Nisi putatis Sacerdotium ueteri testamēto esse à Deo constitutum: nouo autem ab homine inductum; aut diuinā institutione esse illud quidē, sed uni datum Pontifici Romano: quasi uerò ceteri Antistites non Episcopi sint, sed Chorepiscopi; non summi Sacerdotes, sed Vicarij; non Pastores, sed mercenarij, quos quidem ille summus Sacerdos fratresque suos appellat, tāquam colegas, sociosque ritē adscitos in pecore Domini cōpastendo. Cū ipse sit Princeps omniū Pastorum, uni uersoq; pecori præsideat; quod cū ille idem in multos greges distribuisset, eò quod custodia multorū egeret, suū maximo cuique sacerdoti, ut Deus præcepit, gregem tribuit custodiendum. Quod præceptū, quod institutum, quem morem Dominus Deusque noster Apostolos docuit, Apostoli nobis tradiderunt: ut quisque uestrum ex epistolis Clementis, Anacleti, Alexandri, cæterorum beatissimorum Pontificum, si uelit, didicerit. An non animaduertistis in consecrando, quæ uobis dicerent, committerent, man-

## Oratio prima

Eph. 5.

darent, quæ in uobis requirerent, quæ à uobis exigerent, quæ uobis à Deo precarentur, atque optarent, qui uos consecrabant? omnia sanè eò pertinebant, ut quisque uestrum se intelligeret, à Deo in Episcopos relatum esse plebis commoditatum, non suarum causâ; ut populo ad regendum suscepto ministraret, non ut ab eo sibi ministraretur; ut oves sibi commissas pasceret, non degluberet; custodiret, non dissiparet; seruaret, non perderet; ut ipse in earum custodiâ pastioneq; resideret, non alteri cuiquam commendaret. Quid? Euaristus ille sanctiss. Pontifex, ut Paulus mulieris cum uiro connubium mysterium esse ostendit, quo Ecclesiam uniuersam nuptam esse Christo significatur: nonne suam cuiusque Episcopi sponsam Ecclesiam esse demonstrauit; atque hoc coniugium cum illo comparauit, quo femina uiro nubit: ut, quemadmodum uir coniugem suam derelinquere nō debet; ita nec suam Ecclesiam, cui iam consecratus est, Episcopus deferere, cum sanè illud carne, hoc spiritu sit? At nemo unquam ita stolidus fuit, ita socors, ita in se ipsum negligens, ita rationum suarum despiciens, ut uxorem suam alterius fidei commiserit. Episcopus ita stultus erit, ita rationis expers, ita immemor suæ dignitatis, ut sponsam suam alterius potestati commendet? Neque uerò abnuerim usu interdum uenire, ut iustas ob causas ab eâ possit abesse, ut quod sibi soli, non Ecclesiæ secum commune periculum imminet, deuinet, ut Ecclesiæ suæ utilitati prospiciat, ut



ut commoda uniuersæ Ecclesiæ confectetur, ut publica commoditati inseruiat, interdum etiam priuata, si res ita se habeat, ut unus ipse, aut nemo alius tam probè ei possit consulere. Tum deindè uel uoletudinis, uel animi causâ, idque sine multo Ecclesiæ suæ detrimento, nec temporis longi diuturnitate. Nam uir etiam domo suâ, ad quoddam tempus, negotij causâ discedit. qui nisi, ut primùm, licuerit, redierit, multa incommoda insequentur, bona dispergentur, coniux fiet impudica, domus euertetur: ita nisi Episcopus quàm primùm repetat suam administrationem, oues pereant, morbi crescant, sectæ factionesque erumpant, Sacerdotes deprauentur, Ecclesia destruat. Quapropter amplissimi præsides, Patrèsque prudentiss. ne dubitate id declarare, quod diuinis quidem oraculis constat, quod summorum Pontificum, sanctissimorumque doctorum auctoritate, quod is, qui nunc orbi præsidet Christiano, profitetur, quod prisca, eaque omni prædita sanctitate concilia sciuerunt, Episcoporum cooptationem à Domino Deoque nostro initium habuisse, atque ab eodem illorum officia fuisse constituta: ne quis non residere in Ecclesiæ administratione, crimen non esse capitale arbitretur, neque contra id, quod ipsius quoque ratio naturæ non monet, sed præcipit, non suadet, sed concludit, non probat, sed decernit. ex quo fit, ut statuere nos oporteat, quod Antiocheno Concilio constitutum est, qui non iustâ, sed qualibet de causâ in Ecclesiâ suâ

Peroratio.

## Oratio prima

non resederit , huic aquâ ignique esse interdicendum, nullamque fore cum cœtu Christiano communionem , donec resipiscat , administrationemque sibi delatam suscipiat , ita ut ne post hæc quidem Ecclesiæ fructus , qui interim uel capiantur , uel debeantur , consequatur ; atque , si ad certum constitutumque tempus non resipuerit , neque ad residendum accesserit , depositâ Ecclesiæ præfecturâ atque potestate , omni beneficio priuandum esse : qua animaduersione uos docet Propheta in eos uti oportere . Quod quidem ut caput Ecclesiasticæ disciplinæ , si uos prætermittendum putatis ; uidete , ne quid maculæ suscipiatis , quod nulla temporis longinquitas possit eluere : immò uerò ne qua diuinæ seueritatis nota uobis inuratur ad supplicium sempiternum . sin minus ; at prospiciendum esse existimatis , ne maleuolis & iniquis materia , quam optant maledicendi præbeatur ; ac ne quid inuidiæ sedi Apostolicæ pareatur ; uerique plus rationis habendum , quàm humana uoluptatis ; atque Reip. Christianæ decus priuatæ commoditati præferendum : quid obmutescitis ? quid , quod animi conscientiam comprehensum tenetis , silentio cōstrictum , ne prodeat , cohibetis ? quid dubitatis ? quid ueremini in conspectu hominum , quod Deus præcipit , profiteri ? Abijcite omnem hæsitacionem : in metu ne ponite , quod humanum est , neque perdendi aliud , quam quod corporis fortunæque est , potestatem habet . Illum time-  
te, qui & corpus & animam potest in ignem æter-

Mat. 19.

nm

num detrudere. Considerate, si uerum est illud sapientis admodum scitum, qui dicebat bonum nomen magnis diuitijs præstare: quàm bonum clarumque nomen estis adepturi, quantùmque mirandæ laudis in memoriâ omnium gentium sempiternâ; si dicetur uestro consilio, studio, labore, Ecclesiæ statum in pristinum splendorem esse reuocatum. Nam principium eius restituendi erit, si opinionem illam conuelleris, quæ malo nostro, hac ætate exorta est, non iure diuino ad residendum in suâ diœcesi, Episcopum cogi oportere. Circumspicite, quantâ expectatione, pendeant omnes in toto Christianorum orbe, quantam cā de re spem habeant; præsertim qui summâ ueneratione uos colunt, Romanâque Ecclesiæ Præsidem, ut Dei planè instar habentem, suspiciunt: quantâ læticiâ sint exultaturi, si rerum expetitarum, tam felix initium factum esse audierint. at; quod potissimum in optatis esse debet, non aberit, quin in cælesti Regno perpetuæ gloriæ, uobis sit futurum. Nam Dominus noster IESVS CHRISTVS, qui Concilium in hunc locum ad Reip. suæ prouidendum conuocauit, hoc ipsum auidissimè expectat: ut, si cupiditatibus uestris sua præcepta uos prætulisse intelligat, nos coram patre suo de se benemeritos esse fateatur, ac uitæ æternæ præmijs dignos arbitretur.

Mat. 19.

# ANTONII SEBASTIANI MINTVRNI,

EPISCOPI VXENTINI,

De officijs Ecclesiæ præstandis ;

TRIDENTINA II.

Exordium.



V<sup>o</sup> M<sup>o</sup> existimarem, Patres opti-  
mi, in hoc tot maximorum Sa-  
cerdotum Concilio, quod uerè  
sanctissimum, amplissimúmque  
uniuersi Christianorum orbis  
consilium dici potest, nihil pro-  
fectò desiderari, quod ad dan-  
dam rebus gerendis uim & auctoritatem attineret:  
uidebar enim mihi uidere, senes grauitate pruden-  
tiâque singulari, iuuenes modestiâ, morúmque pro-  
bitate insigni, omneis eximiâ doctrinâ, alios iuris,  
alios rerum diuinarum præstanteis, et quod est ma-  
ximum uinculum religionis, ac plurimùm ualeat  
ad Ecclesiæ tranquillitatem, ad eam in pristinam  
amplitudinem restituendam, ad instaurandam, sta-  
biliendam, augendam rem Christianam, summâ  
charitate, ac mirificâ animorum consensione, et qua-  
si concentu, quo nihil est Deo iucundius, coniun-  
ctos: cùm hæc, inquam, Patres optimi de uestro  
Concilio existimarem, càmque opinionem habe-  
rem,

rem, tãtã laticia sum affectus, ut cohibere me nequiverim, quin ad Principes viros Italiae scripserim, eam esse hanc Synodum; quam, siue ad frequentiam Antistitum, siue ad existimationem, siue ad uitæ sanctitatem, siue ad scientiam rerum spectemus; cum quouis priscorum Conciliorum, quorum laus & gloria et auctoritas permagna est, possimus sine dubio conferre. Nunc autem quid dicam? quid scribam? incredibili sanè quidem mœrore conficior, me meam persuasionem fefellisse: cum de Rep. non idem, ut mihi persuasum erat, vos omnes sentire animaduertam. Vt primùm enim propositum est, quod quidem est principium pristinae & ditionis et dignitatis recuperandæ, quam Ecclesia Romana non in una occidentis regione amisit, atque delandæ malæ opinionis, in quam nos utique uenisse, iam palàm factum est, cum plerique in suscepta diæcesi neutiquàm residerent; quia nos iure diuino obstringeret, atque à studio nostrarum commoditatum ad Ecclesiæ utilitatem, & à cupiditatibus nostris, ad curam earum rerum, quæ sunt Domini nostri IESU CHRISTI auocaret, pars nostrum speciem illam assimulatæ de re Christianâ uoluntatis cœpit exuere. Itaque ei similes esse uidentur, qui uomica, qua malè affectus est, non modò faciliè patitur fomenta, & quæ deliniunt, apponi; sed fert etiam periucundè: cum autem nouacula ad eam excidendam, aut candens carbo ad exurendam admonetur; accipit ita permolestè, ut cultrum tonsorium, ignem uel iubeat confer-

sim

Narratio.

## Oratio secunda

*flim amoueri . Sic ijs uidetur contigisse , qui nolunt declarari , quo iure ad commorandum in administratione , quam sumpserunt , compellantur . Cùm ha-*  
*Et enus quæcunque ad curationem ægrotantis Eccle-*  
*sia allata sunt , propterea quòd doloris mitigandi*  
*uim haberent , iucundissimè tulerint : ubi autem non*  
*pauci postulassent deliberari , an qui pecoris Domi-*  
*ni Dei que nostri custodiam susceperint , diuino præ-*  
*cepto obligentur ; ac si id esset ferrum , quo ulcus*  
*intestinum ad uiuum refecari , atque ignis , quo exu-*  
*ri deberet , iniquo animo acceperunt . Nempe hic*  
*ille culter est , hic ille ignis , quo in terrarum orbem ,*  
*se erat immissurus Dominus noster IESVS CHRI-*  
*STVS , altero ut præcideret , altero ut exureret ul-*  
*cera cupiditatum humanarum . Atque adeò id ini-*  
*què acceperunt , ut cùm planè perspicerent , si ius ,*  
*quo stringimur , diuinum esse declaratur , nobis adi-*  
*mi omnino , quas sine ratione interdum causas præ-*  
*tendimus , uoluptatibus nostris indulgendi : omnem*  
*mouerint lapidem ad hoc medicamentum deuitan-*  
*dum , quo nihil est salubrius , nihilque magis neces-*  
*sarium ad morbum , quo laborare solemus , expel-*  
*lendum : nec defuerit , qui scribere ueritus non sit ,*  
*iuris declaratione de auctoritate sedi Apostolicæ de*  
*tractum iri : quasi in hoc sacro sancto Cócilio sint , qui*  
*Romanæ Ecclesiæ maiestatem imminuere cupiant .*  
*Quisnam ita à Christianâ religione abhorret , in cu-*  
*ius animum tam impia , tàmque nefaria appetitio*  
*cadat ? In hoc quidem certè Concilio is non erit : cùm*

**omnino**

omnino nemo nostrum, non enixè omnem operam naret, omnem curam adhiberet, omnem laborem conferret, omnes denique vires animi atque ingenij, omnes opes, uitam etiam profunderet, ad ornandam, augendam, amplificandam Romani Pontificis Potestatem, qua ius ipse suum ditionemque non modò retineat, sed in omnes quoque terrarum fines, promoueat, proferat, protendat: cum in illo uno & columen decusque, atque auctoritas religionis Christianæ seruetur; & præcæ amplitudinis Romanæ, quæ in Principe maiestas elucebat, retineatur. At huius calumniæ molitor; si quis est, qui tam iniquè, tam æquam postulationem interpretatur, nonne uidetur ex patre ortum alio, quàm à Deo duxisse? quis æquâ bonâque id mente acceperit? quis animo adedò callum obdlexerit, cui non stomachum id moueat. quis ita ferrens fuerit, qui non summo dolore laceretur; si repertus sit, quem tam pio sanctoque Concilio notam impietatis inurere non puduerit? An non insigni dedecore, Patres optimi, hanc Synodum afficit, qui tanti sceleris crimen, in tot patres, eosque perdoctos, dignosque summâ ueneratione conferre non ueretur? septuaginta enim Antistites, quorum & sanctitatem & doctrinam nemo non laudat atque obseruat, ego etiam admiror, iuris declarationem efflagitant. cæteri in tres partes diuiduntur. Nam alij sibi eam postulationem, consulto quidem Pontifice Maximo, placere dixerunt. alij, nisi consulto eodem Pontifice, non placere: paucissimi

## Oratio secunda

cissimi non placere omnino. Itaque ad Pontificem Maximum, qui rem ipsam referebant, partim eam non improbare uidebantur, partim etiam probare; ueriti, ut puto, sibi placere absolutè ac sine ullâ conditione affirmare: qui tum primùm asserere cœperunt, ut ficti criminis suspicionem uitarent; qui iam antea planè ac sine ullâ hæsitatione, ut expurgarent, ac dimouerent: usque adeò ne in offensionem primæ ac summæ sedis inciderent, uerebantur. At his quidem ignoscendum est, cum uel in animum constantem sapientis cadere metus interdum soleat. Si quis autem tot Antistites tantæque præditos sanctitate, tamque mirificâ animi propensione, in potestatem dignitatèmq; Ecclesiæ Romanæ affectos sceleris maximè infandi falsò insimulauit; qua pœnâ, Patres Amplissimi, mulctandum esse censetis? Ego uerò nullam profectò ab eo poposcerim, nisi ut acutum conscientiae mucronem in se ipse ita distringat, qui tandem mutatâ sententiâ resipiscat. Quamobrem ad conuellendam hanc sollicitudinem, qua multorum animi punguntur, ostendam multùm abesse, ut, si à Deo præceptum hoc esse statuatur, sanctissima sedes Apostolica detrimenti quicquam sit acceptura. Deindè prosequar, quæ hesterno conuentu à me de iure naturæ, atque de diuino in eâ de re differendo fuerant inchoata: atque ita prosequar, ut, quæ tunc erant quodammodo affecta, hodie Christi spiritu adiutore conficiam. Atque si Christianæ charitatis igniculi in animis uestris extincti non sunt, nec semi

na

Diuisio.



na rerum diuinarum in mentes uestras iacta exaruerunt, uos etiam atque etiam oro, atque obsecro, Patres optimi, ut omni propria priuatæq; commoditatis ratione abiecti, omnique rerum humanarum curâ depositâ, quemadmodum sanctissimos Ecclesiæ præsides decet, qui ad restituendam amplificandamque Rem Christianam, in hunc locum conuenistis, animum ab omni perturbatione liberum, ad quæ dicturus sum, intendatis. Ita enim ea uos puto esse probaturos, ut non modò esse declarandum, quo iure in suâ quisque diœcesi Episcopi residere cogantur, uerùm etiam & lege naturæ, et Dei præcepto, eos ad hoc ipsum compelli, constituendum censeatis. Ac primum peto, atque optò à te, quisquis es, qui iuris declarationem sedis Apostolicæ auctoritati obesse arbitraris, ut retegas, quod ais in eâ uenenum latere. Euomatur, ut nullo prorsus modo nocere possit: in apertum prodeat, ut omnino denitetur. Si præfecturas Ecclesiasticas, inquis, earumque munera ad diuinum ius attinere Concilium declararet; eriperet sanè Pontifici Maximo potestatem augendæ, minuendæ, diuidendæ ditionis, mutandæ, transferendæque sedis Pontificalis; nouæ etiam instituendæ diœcesis; tribuendæ, auferendæ uel administrationis; deferendi, adimendæue magistratus. Iam uerò petere opus non esset Episcopis a summo Præsidente, parochis ab Episcopo, ut nominationem ratam haberet, uel collegij Sacerdotum, uel plebis, uel cuius uis aliûs, cui fuerit ius nominandi.

Obiecta.

## Oratio secunda

nandi. Nam qui præest uniuersæ Ecclesiæ, quoniam à Deo fuit institutus, cum ritè electus fuerit, à nemine eius electio confirmetur, oportebit. Neque Pontifex Maximus inferiores Antislites; neque Summi Sacerdotes, qui parochijs præpositi sunt, possent prohibere, ne absoluedi facultate uteretur, etiam si aqua ignique ijs interdicerent, adimerentq; omnium rerum cum cæteris communionem. Idque propterea quod scriuus atque administer legem Domini neque abrogare potest, neque ullâ ex parte immutare. Neque Dei potestatem, neque uim naturæ hominum quisquam potest, quo minus agat, cohibere. nunquàm enim effecerit, quin ignis materiæ, quæ arida fuerit, admotus incendium excitet. Adde, quod neque ille, quæ inferiorum Pontificum iurisdictionem attingunt, ad se aduocandi uim haberet, alijs'ue delegandi, neque mittendi aut speculatores in eorum præfecturas, qui omnia diligenter inspectent: aut legatos, qui exactè, prout opus fuerit, prospiciant. At in Apostolico solio sedenti non est dubitandum, harum omnium rerum fuisse semper potestatem, sempérque futuram esse: cum ille unus uniuersæ Ecclesiæ sit à Deo præfectus, qui maximus ut iudex & præses è summo templi uertice omnia prospiceret, ac prouideret. Quippe ille unus diœceses tribuit, minuit, amplificat, mutat, unam in duas diuidit, duas in unam redigit, sedes Pontificias transfert, collapsas instaurat, nouas instituit, Ecclesiarum dignitates constituit,

tuit, auget, extollit. Ille unus Episcopus creat, nominatos confirmat, pascendis Christi ouibus præficit, magistratu interdum priuat, potestate spoliât, in eos animaduertit: interdum etiam præfecturas eorum commutat, multa ijs impertit, multa adimit, multa concedit, multa reuocat: omnia denique suo arbitratu dispensat, administrat, gerit. Agnosco argumenta Crematensis doctissimi Antistitis; qui, cum prudenter ac disertè scribendo, optimè esset de sanctiss. sede Apostolicâ meritis, in amplissimum Romanæ Ecclesiæ collegium meruit cooptari. Iis ille exercitum armauit, aciemque instruxit contra eos, qui ita Sacerdotum ordinem ac iurisdictionem in ius diuinum referebant, ut Pontificis Romani nullam esse habendam rationem existimarent: non contra nos, qui eundem uniuerso Christianorum orbi præsidere contendimus, in terris Dei uim ac numen tenere, omnem eius potestatem habere, rerum omnium Ecclesiasticarum esse administratorem, profitemur, cuius nutu ac uoluntate omnia fiant et regantur, nihilque de his, quæ à te illi tributa sunt, & quidem uerè, tibi non assentimur. Atqui mysteriorum administrationem, Antistitum electionem, atque confirmationem, iurisdictionem; diœcesium parochiarumque distributionem, diminutionem, amplificationem, mutationem, ceteraque id genus omnia ex diuino esse instituto affirmamus. Itaque, cum ille Episcopus creat, suum cuique hominum gregem custodiendum, pascendumque committit, aut commissum

Refutatio  
cum confir-  
matione  
coniuncta.

## Oratio secunda

missum adimit, potestatem iuris dicendi tribuit, aut tributam aufert, id omne eum ex Dei praecepto, ut Dei administrum, facere asseueramus. Ac, ne dubites Crematensem, quem tuae sententiae puto à te auctorem proferri, idem sentire: ab eo dictum esse, memineris uelim, Ecclesiasticas potestates mandato Christi à praeside sedis Apostolicae deferri. Iam uerò, cum ille idem planè, quod omnes Theologiae scriptores asserunt, fateatur Ecclesiae quidem ordines à Deo proximè fuisse constitutos; consequitur, ut eorum munia, quaeque cum ijs apta connexaque sunt ab eodem auctore proximè item manauerint, praesertim cum ille ordines sui quenque operis causam instituetit. Ex quo fit; ut, quemadmodum Sacerdos, cum primum Sacerdotio fuerit initiatus, potestatem sui muneris obeundi assequetur: ita Episcopus, ut primum summi Sacerdotis fuerit adeptus dignitatem, officij sui fungendi ius etiam nanciscetur: Immo uerò praefecturam, pro qua iam Deo consecratus, ac propemodum deuotus erit, fungatur, oportebit. Etsi enim Sacerdos uel sine cuiusquam aedicularum titulo creari potest, Episcopus sine Ecclesiastica praefectura non potest. Quid tum inquires? an non & iurisdictionem à Romano Pontifice accipit? nisi enim ab eo acciperet; ab eodem illi priuari nequirit. Adde etiam ordinis dignitatem. nam inter ordines iuris Pontificij doctores, summum Sacerdotium recensent. quod illis concedi potest, quatenus eius dignitas in animo Episcopi, tanquam insignis quaedam

Obijcitur.

Refutatur.

quædam nota, quæ nunquam deleri queat, inscribitur. Neque enim Episcopus quisquam crearetur, nisi eum ille idem uel eligeret, uel eius electionem confirmaret, electumque consecraret, consecrandumque curaret. At inquires, quid est, ut Episcopus dignitatem à Deo proximè habere dicatur, si à Pontifice maximo accipit? Anacletus Diui Petri discipulus Romanæ autem sedis Apostolicus Antistes, id scrupuli ex animo tibi euellet. Is enim scripsit, cum electionem summorum Sacerdotum sibi Dominus reseruasset; eam tamen bonis Sacerdotibus; & , qui Dei spiritu aguntur, populis concessisse. Itaque, cum Pontifex Romanus Episcopum nominat, aut alterius nominationem, ut Christi Vicarius, corroborat, Dei tanquàm princeps administer sumgitur potestate: idque omne Deum ratum habere existimandum est. Cum autem id sibi Deus reseruaret, ut ordinis dignitate, qui semel affectus est, exui nunquam possit, ab eo proximè deferri dicta est: quippe qui spiritu suo, ita eum afficiat, ut administrante Romano Pontifice, aut cui munus hoc ipse delegarit, sibi ille consecratur, & quodammodò deuoneatur. Deuonetur autem, non more ueterum, qui superstitione ducti, sui capitis deuotione cum se Reip. Deos placare arbitrarentur, in mediam aciem hostium, ut occiderentur, irruebant; sed eâ religione obligatus; ut, si res postulauerit, sinat se pro Ecclesiæ salute mactari: quemadmodum Dominus noster IESVS CHRISTVS, quem ille imitari debet, pro

Obijcitur.

Refutatur.

D uniuersi

## Oratio secunda

uniuerſi generis humani redemptione, libentiſſimo  
 animo ſe præbuit immolandum. Quamobrem, cum  
 auctore Deo, Episcopuſ & ordinis dignitatem, &  
 uim ſui muneris exequendi conſequatur; atque hæc  
 inter ſe ita connexa, aptæque ſint, ut ſeparari ne-  
 queant; hiſ nunquam poterit utique ſpoliari. Quid  
 eſt ergo, inquit, quod proximè habet à Pontifice  
 Maximo? nempe uſum ſui iuris, ſuæque poteſtatis;  
 qua ſemper fungetur, niſi fuerit iuſtas ob cauſas im-  
 pedituſ. Impedietur autem, ſi Præſeſ Maximuſ in-  
 terdiixerit, aut quam ei præſecturam Eccleſiaſticam  
 detulerat, ademerit. Ademerit autem nunquam,  
 niſi merito & iure, nam immerito ſi faceret, in  
 maximam Dei offenſionem incurreret: quippe qui  
 mandatuſ ei uſ non ſeruaret. Nam ille idem Cre-  
 matenſiſ, uel quæ proximè ait deſerri à ſummo An-  
 tiſtite, Dei mandato deſerri conſtitetur. Quapropter,  
 cum ex diuino inſtituto Pontifex Maximuſ Episco-  
 poſ eligat, aut eorum electionem conſirmet, eoſque  
 Eccleſiaſti, ad quarum adminiſtrationem electi ſunt,  
 curet conſecrandoſ, iuriſque dicendi uſum, pote-  
 ſtatiſque exequendæ facultatem tribuat: conſequẽs  
 eſt, ut in iuſ diuinuſ omne hoc genus coniicienduſ  
 ſit. Niſi putas, quod regiſ Vicariuſ regiſ mandato  
 exequitur, ad iuſ regiuſ attinere: quod in locuſ  
 Dei conſtitutuſ qui ſit, ex eiſ præcepto admini-  
 ſtrat, non ad diuinuſ ſpectare. An qui ab illo uel  
 ditionem, uel præſecturam aliquam accipit, regi ſi-  
 dem obſtringit: qui ab hoc Eccleſiam ſumit admini-  
 ſtrandam

## De officiis Eccl. præst. 26

strandam ac iurisdictionem, nullâ religione Deo obligatur? Ex quo fit, ut non sequatur, si iure diuino hæc comprehenduntur, à sedis Apostolicæ potestate abhorrire. Atqui inquires, si ad ius diuinum id omne esset referendum, quod iure facit Pontifex Romanus, quicquid ille sciuit, constituit, decreuit ad idem ius referri oporteret; nec Pontificia lex ullo modo à diuinâ distingueretur. At multum refert, siatua'ne Apostolicæ sedis Antistes ex Dei præscripto, an ex potestate duntaxat, quam ab eo accepit. Nam à Deo potestatem eum habuisse nō modò quod ille præcipit exequendi, sed noui etiam iuris condendi prostemur: multaque etiam sciuisse, quæ in diuinis præceptis non recensentur: sed quæ ad diuina mysteria dispensanda spectant, omnia Dei mandato administrare. At inquires, ostende Dei mandatum, quo & Episcoporum electionem, atque consecrationem, & iurisdictionem asseritis mandari. Quamquam hoc ostendere tuum potius, eorumque est, qui nos impietatis accusant, quasi non esse ex Diuino iure sedis Apostolicæ summam potestatem contendamus; tamen, ut desinas tam turpe, nefandumque crimen nobis obiectione, at perspectum habeas nos asserere maximam ac plenissimam potestatem Romano Pontifici à Deo delatam esse: dicimus, quo omne hoc genus continetur, aut mandatum illud esse, quod scripsit Ioannes, cum Dominus Deusque noster iussisset Petrum pascere oues suas; aut scriptum non esse illud quidem, sed memoriter ita traditum, ut us-

Obijcitur.

Refutatur.

Opponitur:

Refellitur.

Ioan. 21:

## Oratio secunda

que à constitutâ Ecclesiâ, ad tempora hæc nostra seruatum fuerit. Quocirca diuino præcepto hæc omnia comprehendere assueueramus. At uerò & quæ dicta sunt eâ de re, & quæ dicenda, ut sint planiora, de iure pauca quædam paulò altiùs mihi uidentur esse repetenda, ut qua lege obstringimur, intelligamus. Nam ius omne aut scriptum est, aut minùs. Quod scriptum non est, aut naturæ, aut consuetudini tribuitur. quod scriptum, uel à Deo, uel ab homine positum est. Quod quidem à natura proficiscitur, necessarium est, atque diuinum habetur. nam uis illa, quæ in mentibus nostris uiuendi præcepta impressit, à Deo non est dubium, quin originem ducat. Mores autem si probauerit uetus communisque consuetudo, quæ naturæ uim obtinet; & altera natura dici solet; præsertim cum ab eo ducta sit, qui uel ciuitatis, uel gentis, uel nationis cuiusquam genitor auctorque fuerit, eamque institutis informauerit; non est quin immutabili cuiusdam inuiolatæ legis necessitate teneantur. Quod autem ab homine duntaxat datum est, sub mutationem cadere potest: quod uel à Deo, uel ab utrôque nunquam mutari potest. Atque in ius diuinum conijcitur, non modò id omne, quod cum Deo auctore constitutum sit, scriptum comperitur: uerùm etiam quodcunque à Domino nostro IESU CHRISTO Apostoli acceperunt; ab Apostolis, qui proxime successerunt; ab ijs, qui sunt deinceps subsequuti. nec non quicquid ex eius præscripto instituitur, ac si qui sunt mores, si qui



quiritus, qui certè sunt, qui ab eo ipso, qui Ecclesiam fundauit, atque constituit, ad hanc usq; ætatem manauerunt, atq; omnia documenta, quæ nobis natura dedit, etiam si scripta non sint. nam multa, quæ illa docuit, literis tradita reperiuntur. Nec uerò non usu uenit, ut quod Deus mandauit, homines quoque statuerint: cuiusmodi est, quod nunc tractamus. Nam & ueterum Concilia, & Romani Pontifices, ut uniuersæ Præsides Ecclesiæ, non semel Dei mandato iusserunt Episcopos suâ quenque in diœcesi residere. Itaque ipsa in primis Maiestas atque facultas sanctissimæ sedis Apostolicæ, quæ summa & amplissima est, & uniuersum terrarum orbem complectitur; iure diuino perscripta est & constituta; quo, ut omnem rem Christianâ administrat, ita in partem operis Episcopos uocat, eisq; diœceses tribuit, & quidem ut neque curam administrationemque illarum deponat, quò minus eis suo arbitratu queat prospicere; neq; sibi adimat potestatem præcipiendi, quod expedire putauerit. Quippe cum, nisi Pontificatu se abdicauerit Romanæ Præsides Ecclesiæ, neque illâ eximi curâ, neque hac potestate possit, quin peccet. Hoc enim ei munus detulit Christus, ut uniuersum pecus pasceret suum, & custodiret. Episcopi autem, cum eius sint planè oues, eodem iure illi parere coguntur. Quamobrem qua lege, quæ à Deo data est, hi creati cum fuerint & consecrati, ad obeundum munus sibi delatum compelluntur: eâdem quoties ille idem ad aliquem laborem

## Oratio secunda

extra Ecclesias eos accersierit, ad parendum impelli poterunt, ut si dicto obedientes non fuerint, peccent, mulctandique sint. Verum enim, si quando suo discessu dioceses multum detrimenti existimauerint esse accepturas, curent, ut ea de re ille certior fiat. Ac si nihilominus idem imperauerit, imperata faciant. recte, an iuste, an quod oportet, imperet, ipse uiderit, ipse rationem reddiderit. Nobis autem, ut pareamus, ac tanquam oues Pastoris uocem audiamus, necesse omnino esse norimus. Quapropter concludendum est, quo iure ille ad custodiam pastionem que totius Christiani gregis compellitur, eodem nos urgeri; ut & sibi parere, & quod quisque pecus a se suscepimus, custodire, atque pascere debeamus, seruata quidem, ac nullo prorsus modo imminuta illa sua maxima atque amplissima potestate: quæ quem in modum sibi utenda sit, ipse prospexerit. Nostrum autem erit, capeffere iussa, & facere imperata: non præscribere, quo pacto ius ipse suum persequatur. Hæc est nostra sententia de sanctissimæ sedis Apostolicæ auctoritate ac facultate. Hoc idem sentiunt omnes, qui postulant declarari, quo iure Antistites in suâ quisque Ecclesiâ residere cogantur. Ac si eodem, quo ille, nos quoque obstringimur iure, idem autem ius se ipsum non perimit: quid est, ut uerendum sit, ut si hoc declaretur, ne Apostolicæ Maiestatis imminutio consequatur? An quo illa constituitur, quo stabilitur, quo confirmatur, fieri potest, ut eiusdem iuris declaratione minuat? immo ue-

mò uerò maximè uerendum est, ut si iuris diuini declaratio negligatur, ne iuris, ne potestatis, ne ditionis denique illa suæ (quod Deus omen obruat) multam faciat iacturam, secúmque nos planè omneis in eandem calamitatem trahat. Eadè enim procellâ, eadè agitemur oportet tempestate. nam ex cæterorum perniciè membrorum, ut molestiam capiat, ruinâ quidem non opprimitur caput: at capite collapsò, totum corpus concidat opus est. An non, si fundamentum diruetur, ædificium omne corruat necesse erit? quod rimas agit, quod labat, quid reliquum est, nisi ut penitus ruat, præcèpsque feratur? Ius enim diuinum & caput & fundamentum est uniuersæ Rei Christianæ. Videte, ne dum uel dissimulatione nostrâ, uel negligentia, uel oscitatione finitur ignorari, ita contemnatur, ut demum conculcetur. Quippe una nauis est iam omnium Antistitum: quæ quidem, danda est opera, ut recta teneatur, sui que iuris normâ regulæque gubernetur. Utinam prospero felici que cursu, licet sapientissimo gubernatore utatur; ut in portu salua collocetur: atq; rebus, quas ij maximo habent in precio, plurimique faciunt, onusta illa quidem, sed maximis turbibibus fluctibusque ita agitata, ut nisi oneribus alleuetur, uasissimo mari nè obruatur, horreamus. Iam uenti undique, sole erepto, increbrescunt; iam instant magis undique circumflarè; iam tempestatem exortam; imbrémque augent; iam naufragij periculum undique circumstat. Initur consilium, ut

## Oratio secunda

salutis causâ bonorum externorum iactura fiat: nemo oneris proyiciendi initium facit. quisque enim ita chara, quæ dicuntur esse fortunæ, habet; ut uitam longè, retróque ponat. Prospiciant igitur, prospiciant, ne quod si minùs prospèctum fuerit, consequatur, necesse est, hac rerum iucundarum potiùs, quàm bonarum cupiditate suspensi et incerti obscurâ spe, dum animi pendent, morâque interponunt, qui uehuntur; nauis & marinis et pluuijs aquis oppleta mergatur, euertaturque, secum uectores omnes, & bona eorum omnia in profundum rapiat: ac fiat, ut uerum id, quod uulgò dicitur, esse reperiatur, nihil demum retinere, qui rem omnem seruare cupit. opus est enim, Patres Amplissimi, qui saluam uult rem Christianam, sedisque Apostolica dignitatem, suarum commoditatum faciat detrimentum, earumque rerum; quæ, cùm amplitudinis speciem præferant, ab eâ tamen multum abhorrent. An non perspèctum habetis, in quantam, & quàm præclaram expectationem de hoc uestro Concilio Reges, Principes, Respublicæ, nationes denique omnes nominis Christiani adducantur. Quid à nobis aliud postulant, atque expectant, quàm uitæ, morumque emendationem? Hanc eorum nomine poscunt, efflagitant, orant, qui legatione funguntur, uiri Illustres, atque grauitate, sapientiæque præstantes, ut literis ad uos datis intellexistis, ut nutu eosdem frontis que significatione, qua animus declaratur, præseferre animaduertere potestis.

fis. Huius caput esse dicunt, quam nos enixe ac ue-  
 herementer petimus, iuris diuini declarationem: qua  
 nobis persuasum erit, quæ sunt Christi esse queren-  
 da, non quæ nos oblectant: quæ Ecclesiæ conducunt,  
 non commoda nostra consuetanda: Corpus Christi,  
 quod constat ex cætu Christiano, morum probitate,  
 rectæque doctrinæ edificandum, non prauitate euer-  
 tendum: Diuinæ scientiæ præceptis, uitæq; proba-  
 tæ exemplo populum docendum, non peruersâ in-  
 stitutione, deprauatæque ratione uiuendi ea præben-  
 da documenta, quibus deterior propensiorque ad uiti-  
 tia reddatur: pecus Domini Dei nostri, cuius cura  
 tionem suscepimus, nobis custodiendum, non mer-  
 cenarijs commendandum; pascendum, non perden-  
 dum esse: atque ita pascendum, ut, quod pingue sit  
 atque ualens, seruemus; quod infirmum, corroboremus;  
 quod ægrotum, sanemus; quod confractum,  
 restituamus; quod abactum, repetamus; quod pe-  
 rierit, queramus. Si ad hæc omnia, qui à ditione  
 Romanæ Ecclesiæ defecerunt, perspexerint, nos to-  
 to pectore; totoque animo incumbere; num dubita-  
 tis, quin quàm primum resipiscant, atque in fidem  
 potestatisque Romani Pontificis se conferant? At  
 contra, cum ex omni plebe Christianâ pro comper-  
 to nemo non habeat, Dei præcepto Antislites ad re-  
 sidendum in suâ quenque diœcesi compelli; si audie-  
 rint Concilio uestro non placere hoc esse declaran-  
 dum; non modò apud eos, qui iam pridem nos om-  
 neis, Principemque nostrum maledictis conscindunt,  
 in quam

## Oratio secunda

in quam uenimus, malam opinionem confirmari acceperimus; uerum etiam hoc idem ceteri omnes de nobis opinari inceperint. Existimabunt enim hoc nos constituere noluisse, ne, ubi constitutum sit, libertatem perdamus, uoluptatibus nostris licentiùs indulgendi; splendidius uiuendi; quò libuerit, liberius uagandi; quo uis in loco potiùs, quàm in Ecclesiis nostris commorandi; quarum libet rerum in administratione magis, quàm earum, quæ munus nobis delatum attingunt, residendi; diæcesum, quæ inter se distent, curationis sumendæ, multis diuersisque earum uectigalibus fruendi; Domicilij perpetuò Romæ habendi; Romæ sedis omnium rerum, fortunarumque nostrarum collocandæ; Regiæ frequentandæ; Regibus inseruiendi; officijs, quæ ad munia nostra non attinent, fungendi; ambiendi, ad summos honores contendendi; ea demum omnia solutiùs appetendi, consequendi, agendi; ex quibus fit, ut malè audiamus, ut contemnamur, ut ludibrio simus ijs, qui nos ueluti Dei Sacerdotes, Ecclesiæq; Antistites uenerari, ac suspicere deberent; ut denique sanctissimum Christi nomen, in nobis paruipendatur, causaque nostrâ eminentissima sedis Apostolicæ amplitudo spernatur. Itaque cauendum est; ne, dum nimia Domini nostri indulgentiâ hæc omnia uel consecramur, uel retinere studemus, eiusque patientiâ ad nostras cupiditates explendas abutimur; quod reliquum est in Germaniâ, quod nondum expugnatum in Galliâ, quod uix in Hiberniâ

custo-

custoditur, quod in Pannoniâ, atque in Ponto hætenus defensum labat, quod adhuc in Hispanijs, atque in Italiâ integrum seruatur, amittamus. At inquires, si Dei mandato residendum est, adimatur oportet Pontifici Maximo potestas dispensandi. Quid est dispensare? num rem Christianam euertere? num perdere, quod Dominus noster IESVS CHRISTVS sanguine suo fundendo, uitâque impendendâ comparauit? An non idem est ac rectè probèque administrare? Hoc certè quidem nunquàm consequetur, quin benè rem omnem dispense: si fidelis, ut à Paulo didicit, erit ille administrator, ut à Domino, etiam prudens. Dicam, inquires, apertè: adimatur, oportet, potestas, quod libuerit, indulgendi. Num putas summam illam facultatem atque auctoritatem, quam ipse à Domino ad suum templum construendum accepit, ad diruendum ei datam esse? Cane, ne opineris sanctissimum ac sapientissimum uniuersæ Ecclesiæ Præsidentem ita malè affectum, ita malè institutum, eâ prauitate imbutum, hoc ingenio præditum esse; ut, quod liceat quidem, sed non deceat, uelit; iusque diuinum sinat ignorari, ut nobis nostrique similibus, quicquid appetimus, assentiatur. Ipse est diuinæ legis interpret: ipse eam planè sciat, seruètque necesse est: ipse uiderit, quod nobis sit concessurus: nemo hoc ei præstituit. Illud autem mihi compertum est, nondum quenquam eorum, qui in Apostolico solio sederunt, id quod nobis cordi est, indulgisse: sed mul-

1. Cor. 4.  
Mat. 24.

## Oratio secunda

tos perspicuè cauisse, ut quod perspectum Dei præ-  
 ceptum habebant, tuerentur, ne cui daretur Epi-  
 scopo ab Ecclesiâ suâ licentia discedendi. Nec sanè  
 aliam ob rem, quàm quòd Dei mandato cogitur sum-  
 mus Pontifex eam curam in grege Domini pascen-  
 do adhibere, ut quos in partem operis uocauerit,  
 in suâ quenque Diœcesi iubeat residere. At, quan-  
 quam inquires, hoc tibi assentiamur, necesse est; con-  
 cedamusque etiam sinere eum non posse Episcopis  
 non esse in ouium curatione residendum, quin diuini  
 iuris uim frangat; nec temere hoc onere quenquam  
 alleuare, quin in salutis periculum pro eo se inferat:  
 non tamen continuo sequitur, ut residendi à Deo  
 præceptum Antistites omnes habeant: cùm ius eis  
 præscribat, modumque muneris exequendi Reip.  
 Christianæ præses, ac pœnas arbitrato suo consti-  
 tuat. Agè uerò, quo nomine id omne ille facit? num  
 alterius, quàm eius mandato, cuius ipse personam  
 gerit. An non est ille Domini primarius administer,  
 qui nunquàm id genus quicquam exequitur, quin e-  
 ius nomine id se præstare fateatur? Qui alterius no-  
 mine uel præcipit, uel mandat, uel edicit; quod uel  
 præceptum est, uel mandatum, uel edictum, non  
 ne hoc eius iure præscribit? Itaque planè fateor, me  
 nunquàm intelligere potuisse, quod diuino iure Pon-  
 tifex Maximus cogitur administrare, eodem iure  
 id non teneri: atque concedi quidem Episcoporum &  
 ordinem, & munus à Deo fuisse institutum; tradi-  
 tumque ijs ab eodem auctore pascendi præceptum;  
eodémque

Obiicitur.

Refutatur.



eodémque præcepto in primis Antistitem Maximum compelli ad Episcopos eligendos, quibus diæceses committat, nec non ad iubendum eos in suâ quenque Ecclesiâ residere: idque illum iubere, cum eis præfecturas Ecclesiasticas desert: negari autem omnino quos ille creat Episcopos, eodem iure obstringi. Pugnant hæc profectò inter se, pugnant: quorû prius cum planè uerum sit, & minimè controuersum; consequitur, ut posterius falsum omnino ducatur. Illud autem enuntiatum, si ut uerum, & ab omni controuersia prorsus alienum sumamus, Quicquid à Deo mandatum habet Pontifex Maximus, id omne ad ius diuinum attinere: assumamus deindè, Sed ut Episcopos crearet, eisque diæceses tribueret, à Deo mandatum ille habet: consequitur, ut Episcopos creare, eisque diæceses tribuere, ad ius diuinum attinere concludamus. Nam assumptio nem mihi concedas oportet: quippe qui & ordinem Episcoporum, & officium, quod eis fungendum est, à Domino constitutum esse fatearis. At inquires, non sequitur, ut diuino mandato, uel me, uel te Episcopum efficeret, atque uel huic, uel illi diæcesi præficeret. Quidni? an non genere uniuerso singula comprehenduntur? Cum enim Dominus noster I E S U S CHRISTVS pro uniuerso genere humano redimendo se immolandû in arâ crucis præbuisse, corpusque suum, ut cæleste alimentum, pro mundi uitâ dedisset; nemini dubium est, singulorum eum saluti prouidisse: cum mysterium illud Corporis, sanguinisque sui

Opponitur.

Refellitur.

fui diuinissimum instituisse, ecclesiæque tradidisset, qui cætus Christianorum est, singulis Christianis, Sacerdotibus quidem rem diuinam cum facerent, ut ipse instituit, cæteris uero quem in modum illa statuere, dedisse: cum duo illa mysteria hominum salutis in primis necessaria, sanctam humani corporis lauationem, religiosamque confessionem errantium uniuersè edidisset, singulis utique consuluisse, dicens est: Quid? cum Apostolos Sacerdotes fecisset, nonne cæteros omnes, qui essent successuri, eodem ordine comprehendit? Cum eosdem Apostolos Episcopos creasset, spirituque sancto afflauisset, atque ad docendum misisset, eadem illè institutione non quénque eorum, qui in summorum Sacerdotum ordinem cooptandi essent, complexum fuisse, ut eodem more, eodem ritu, eodem instituto, eodem iure constituerentur, existimaueris? An si de diuino instituto singulos exemeris, quòd uniuersè datum sit, non consequitur, ut diuina mysteria singulis ex Dei præceptione tribui non teneas? Ex quo fit, ut illa etiam deleas, totumque ecclesiæ statum euertas, ac fidem Christianorum conuellas: Quisnam libenti animo peccata Sacerdoti confiteatur? quis salutaris alendi spiritus causâ ad sacrum conuiuium accedat? quis certâ cum spe salutis comparandæ, in sanctissimo fonte mergendum abluendumque se dedat? quis sacris initiari, ut Deo ritè inserviat uelit? quis cætera mysteria sibi prodesse credat, si ex diuinâ institutione ea sibi impertiri persuasum non habeat?

An

*An non, inquires, quod Ecclesia statuit, quod præscribit, non Deus; ad ius duntaxat Ecclesiasticum spectat? sed Ecclesia non Deus, quo quisque tempore, quo loeo, quomodo & confessurus peccata sit, & cælesti alimentum participaturus, definiuit. Quid tum? Eodem more, inquires, cum Pontifex Romanus singulos Episcopos eligat, singulasque tribuat dioceses, ut illa superiora, hæc item ad Pontificium præceptum, non etiam ad diuinum referas oportet. Vide, ne fallaris: quando earum quidem rerum non eadem omnino est ratio. Cum enim Dominus noster IESVS CHRISTVS, mysteria illa esset editurus, nihil aliud præcepit, quam ut ne uitam esset habiturus, qui non suâ carne, suoque sanguine aleretur: nec scelerum ueniam esset impetraturus, qui non sacerdotis iudicium subiret: ut ex eius quidem præcepto nemo ad id exequendum, antequam periculum mortis impendeat, compellatur. Cum autem omnium suarum curationem instituisset, eamque Sacerdotibus, quos Episcopos appellamus, mandari iussisset, præceptum dedit; quo, qui uniuersæ Ecclesiæ administrationem suscepit, ne quo tempore, ne quo in loco desit, qui suum pecus pascat, prospicere cogitur. Quocirca, ut nullâ Domini præceptione compulsus, sed optimo ductus consilio Christianorum omnium salutis prouidendæ, qui ut priscis temporibus crebro ijs mysterijs utebantur, ita deinceps ab eorum usu adeò desuesierint, ut non pauci ante mortem obirent, quam ijs salutis sue prospicerent,*

Obijcitur.

Refutatur.

## Oratio secunda

rent; Reip. Christianæ sapientiss. Præses diem, locumque præstituit, quo cuique illa utenda essent: sic ex diuino mandato ei necesse est; cum oues pastore indigent, hunc illum Episcopum creare, qui hunc illum gregem pascendum sumat. Quamobrem uidete, Patres optimi, quam probanda sit hæc opinio, quæ in tot difficultates, in tam asperas angustias, in tam extrema discrimina; uniuersam Rem Christianam adducit. Nec me latent, quæ huius sententiæ Antesignani obijcere consueuerunt: sed eam uim habent, quæ nullo negotio, nulloque labore infringi possint; atque in alium locum mihi sunt differenda. Nunc autem obsecro, Patres Amplissimi, utra pars nostram Apostolicæ sedis auctoritatem minuit? qui ius diuinum, quo Episcopi tenentur, declarari possumus; an qui sinunt ignorari, ac potius nullum esse contendunt? Quidnam aliud est, quod augustissimam eius maiestatem tueatur, nisi ius diuinum, quo in rerum maximarum administratione uti illam arbitramur? An non floccifere, si non diuinâ religione, sed lege humanâ, Dei mysteria impertire putaretur? Nam quod diuinius ea dispensare existimatur, eò plus retinet auctoritatis. ecquid est, quo magis Ecclesiæ Romanæ decus & amplitudo emineat, quam si summo loco Sacerdotes, ex quibus ea consiat, habeantur? Quis summo loco eos habuerit, si humano iure, non diuino esse constitutos intellexerit? quis magnâ ueneratione ab ijs, quæ sibi ministrantur, acceperit; si ab homine potest-

potestatem suam eos habere, non à Deo putauerit? Nec sanè aliud est, quod magis contendat, qui à Romanâ Ecclesiâ desciverunt, quàm, ut eam contemnendam esse ostendant, quæ in eâ sunt, ex humanâ tantummodò lege constare. Quod si cuiusque summum Sacerdotium, quo nihil in terris augustius, nihilque sanctius ducitur, ab iure diuino remouetur; quid est in Rep. Christianâ, quod ad illud attinere uideatur? At esto, nemo sit, qui Ecclesiastica præcepta contemnat: cùm Pontificem Romanum Deus constituerit, qui suam uim, suumque numen teneret: an non plus uenerationis, maiestatisque habeant, quæ etiam diuina esse censeantur? Quapropter tantùm abest, ut postulatio nostra de potestate sedis Apostolicæ aliquid deroget, ut eam potius muniat, atque stabiliat. Neque enim eius aduersarij poterunt, ut solent, obiectare, Pontificum omnem facultatem, atque omne munus ab homine, non à Deo, proficisci; Sacerdotum esse inuenta mysteria, non Domini nostri IESU CHRISTI; humanâ & præceptione & administratione, non diuinâ ea dispensari; Sacerdotia tribui, dioceses impertiri, omnem denique Rem Christianam humanis institutis, non etiam diuinis administrari; si declarabuntur, quæ ad ius diuinum conferri oporteat, atque ut diuina ratio postulat, gerentur. Agè uerò, si minus declarentur; qui, quod nos flagitamus, ex Dei præcepto eximunt, quid sit, quo plus Pontifici Maximo tribuant auctoritatis? An non illi ipsi amplis-

E simis

simis uerbis, fatentur diuini mandati uinculis, eius  
 potestatem constringi, quo minus, ut libet, sit res  
 Ecclesiasticas administraturus; à lege qua quisque  
 obstringitur, soluitur; Sacerdotes ab obligatio-  
 ne ac feruitore sui officij exempluras; à curatione  
 sui gregis, infortunatas ob causas, quas ipse quidem ha-  
 bet declarare, auocaturus; uni non unius Ecclesia gu-  
 bernatione delaturus. siquidem ad opus minimè neces-  
 sariū cum Ecclesia detrimento, cuius administratio-  
 nem ei mandauit, acciperet; alioue negotio detine-  
 ret; ac si cū plures Ecclesiasticas tribueret præfetu-  
 ras, quæ adeo inter se distaret, ut eis bene ille sua præ-  
 sentia consilium nequireret; affirmant eū à Domini præ-  
 cepto discedere, atque peccare: cū, quod ad diu-  
 ni templi adificium accommodatè construere debe-  
 ret, deturbet, atque demoliat. At, cū ea de re  
 nos idem sentiamus, nobis quæ nulla cum ijs sit con-  
 trouersia; quid est, ut molestè ferant, quod Epis-  
 copis Deus præcepit, in apertum refert? Nunquo  
 alio nos iure, quam quo illi ipsi, Romanum Pontifi-  
 cem obligamus? Nunquid ei de libertate, atque li-  
 centia, quam habet, detrahimus, quod illi idem  
 non derogent? Immo uerò, quo illi eum premunt,  
 nos onere letamur. Utinam hæc coram, PIER III,  
 maximorū Pontificum summum decus, uniuersæ  
 Ecclesiæ columnæ singulare, æternæ sanctissimæ  
 sedis Apostolicæ ornamentum; ut ex uultu & ora-  
 tione cuiusque erga amplitudinem maiestatemque  
 tuam, antiqui pietatem non fictam, uerèque tibi ac-  
 libenter

libenter addictam, sine ullius privati commodi cogitatione, uoluntatem perspiceres. Neque uero possum non uicem tuam dolere. cum enim in hunc locum nos iusseris conuenire, ut ad Apostolici solij dignitatem tuendam, atque amplificandam, ad statum Ecclesiæ in pristinum splendorem reuocandum, ad mores emendandos, ad omnium sectarum impietates tollendas, essent omnia consilia, studiâque nostra referenda; ad nostra quidem commoda ea referre studemus. Sunt &, qui te unum omni diuini iuris necessitate deuinciant; se uero ac nos omnino hac lege soluant: in te uno affirmant omnium malorum, quæ nostrâ causâ eueniunt, culpam residere; nobis utique ueniam dari: te unum quicquid nos offendimus, quicquid uitij, aut incommodi in gubernatione, quam suscepimus, Ecclesiarum accidit, præstaturum esse; nobis impune per aulam spatari, Romanæ Ecclesiæ procures longo comitatu asseclari, de domo deducere, domum reducere, res denique agere alias licere: te unum nostræ uel desidiæ, uel cupiditatis, uel ambitionis pœnam daturum; nobis indulgentiâ tuâ concedi, ut eâ sine ullo periculo fruamur. Hæc illa in te pietas, PATER beatissime, hæc illa religio, hæc illa cura de Apostolicâ potestate seruandâ: nempe ut, quæ nostra sunt, non quæ ad te attinent, quæramus. Quippe cum eam diuinarum legum catenis ita illi constrictam esse fateantur, ut longè minùs urgeatur, si eodem iure Episcopos ob-

## Oratio secunda. I

stringi constituas. Iam uero eorum hæc obstinata  
 perniciaciâ minui illa quidem; ne dicam labefacta-  
 ri, uidetur. Nam humano si iure, non etiam diui-  
 no, ad munus, quod sibi detulisti, obeundum Epis-  
 copi compelluntur; humano iure, non etiam diui-  
 no eâ in re tibi parère debent. Ex quo planè sit, ut  
 tuâ freti facilitate interdum non pareant, sed uel  
 negligant, quod præceperis; uel differant. ut pote  
 qui persuasum habeant, si Dei præcepto non obli-  
 gantur, nihil se à lenitate tuâ non posse impetra-  
 re. Quotus enim quisque est, qui tuo iussu sæpe im-  
 pulsus, non ad suscepti pecoris custodiam accessum  
 de die in diem distulerit? quâvis multi adhuc procras-  
 tinant? At uerò, qui Dei mandatum postulant de-  
 clarari, plus tibi deferunt. Cùm eâ declaratione,  
 qua intellexerint Antistites iure diuino tibi esse pa-  
 rendum, exequendumque, quod de residendo man-  
 daueris; auctoritas tua magis corroboretur, at-  
 que stabiliatur. Quia uerò hæc iuris diuini tam  
 optata declaratio, caput est emendationis, quam  
 tantoperè uniuersus Christianorum orbis expectat,  
 ac potius flagitat; quanquàm ad res optimè geren-  
 das incredibilis ille tuus amor, tuâque illa pietas  
 in eum singularis, cuius personam geris, adducit,  
 et quem tui maximi laboris expectis fructum in adi-  
 piscendâ gloriâ, quæ sanè in Dei conspectu sempi-  
 terna est, atque in summis commodis æternæ ui-  
 tæ perfruendis collocasti; si clarum tamen inter  
 homines nomen, præsertim cùm ad Patris nostri,  
 qui



qui in cælo est; laudem honorémque referatur, non profectò uidetur esse spernendum; quàm bona fama, quàm frequenti omnium nationum prædicatione, quàm præclaro omnium testimonio, sanctitatem tuam putas esse celebrandam; si te Pontifice, te duce, te auctore, tuâ curâ, tuâ uigiliâ, tuâ denique operâ Ecclesiastici mores emendabuntur, menda plebis corrigentur, quicquid tulit abusus, tollitur, in pristinam dignitatem Ecclesie status restituitur, omne id quod ab amplissimâ tuâ potestate descinerat, recipietur, ditio sedis Apostolicæ in omneis Christianorum fines proferetur, pax in toto orbe Christiano consequetur, ad custodiendas, pascendâsque Domini nostri IESU CHRISTI oues incumbetur? Quæ quidem res, quantò plûs habent difficultatis, quantò magis in desperatis recensentur, quantò minùs adhuc confectæ sunt, quantò minùs ad hunc diem etiam affectæ (id enim obijcitur, neque sanctissimorum patrum Concilijs, neque summorum Pontificum consultis hætenus fuisse, quod nos efflagitamus; declaratum) eò plus existimationis, eò plus claritatis, eò maioris præconijs splendorem, eò maiorem amplitudinem tibi sunt planè allaturæ. Quænam opum magnitudo, quæ diuitiarum magnificentia, quæ rerum humanarum felicitas, quæ potentia cum eâ gloriâ ac laude conferri potest? Quare, PATER sanctissime, tibi potissimùm prospiciendum est, ex cuius consultatione totum hoc negotium

## Oratio secunda

pendet; ne præclaram tam bene rei Christianæ gerendam occasionem amittas. quam si amiseris, non modò nihil posthac occurrerit, quo tantum decus, assequare; sed vereor etiam, ne dedecus, quo maiestati Apostolicæ nihil detestabilius uideri debet, suscipias; ac ne quam in eius offensionem, qui te sibi in Vicarij locum constituit, incurras. Hæc eadem offensio, Patres amplissimi, hoc idem dedecus, hoc idem decus uos quoque attingit: deus, si res tam magni momenti, tantique ponderis rectè administrantur: dedecus & offensio, si negliguntur; si postquam Apostolicum Antistitem, ut par fuit, consulcre statuistis, per uos stabit, quò minus ille, ut decet, provideat. Quomobrem prospicite; ne quâ malitiosâ nostræ postulætionis interpretatione, ignominiosâque calumniâ, quam falsam omnino esse ostendi; quod de residenti iure quasitum est, diutius differatur; ac res tam expetita, tam utilis, tam etiam necessaria ad nostrum munus exequendum, extrahatur. Nihil est enim, quod ea Apostolicæ facultati, ut comminiscuntur, officiat, quò minus illa possit diœceses, quibus uelit, deferre, diminuerè, augere, coniungere, diuidere, nouas conderè, ueteres mutare, Pontificium solium transferre, Episcopos eligere, præfecturâ officioque priuare; omnem rem denique Ecclesiasticam, in toto terrarum orbe suo arbitratu administrare. At, si minus obest, nihil quidem expedit ad amplitudinem do-

Peroratio.

Obijciatur

mina-

minationis. An non maximè expedit Dei præceptum declarari? siquidem, ut scriptum est, diuinorum declaratio uerborum illuminat, & intellectum dat paruulis. Illuminat autem hominis mentem ignorantia tenebris oppletam, obscurasque & necessarias ueri intelligentias exodat, tanquam scientia fundamenta. Quippe cum Dei sermo pedibus nostris lucerna sit, & lumen seruitus nostris: ac lex Domini immaculata, conuertens animas: testimonium Domini fidele, sapientiam præstans paruulis. Atque tantum abest, ut nihil expediat ad maiestatem sedis Apostolicæ tuendam, ut planè demonstratum sit Romani Pontificis auctoritatem multò magis, si diuino iure astringi obligationem in Ecclesiâ residendi, quàm si humano, declaretur, stabiliri: si contrà, præterquam quòd nec quo constringitur diuinæ legis uinculo ullâ ex parte soluitur, nec onere aliquo leuatur, immò uerò magnum uitæ periculum sibi constat: uerendum esse, ne ab ijs, qui se parui faciunt, magis contemnatur; à cæteris, qui reuerentur, & colunt, minùs metuatur. Nec, si diuini præcepti declaratio prætermittatur, nobis proderit, quin eo potiùs, quàm alio nostrum quisque teneatur. Nemo enim est nostrum, quem ignorare, quod Deus præcepit, oporteat. quippe quod, etiam si ignoretur; qui nosse id debent, obstringat. Quare, si uestro studio, uestro consilio, uestro denique labore nostræ postulationi,

## Oratio secunda

nostrisque optatis factum fuerit satis; non est dubitandum, quin Apostolica potestati, summi Pontificis claritati, Ecclesiae tranquillitati, morum emendationi, Concilij dignitati, uestrae & saluti & gloria cum mirifica uniuersi Christiani orbis letitia optime consulatur: sitque honoris Deo: cui profecto uni laus debetur sempiterna. Amen.

ANTO-

## A N T O N I I

SEBASTIANI MINTVRNI,

EPISCOPI VXENTINI;

De officijs Ecclesiæ præstandis ;

TRIDENTINA III.



VDISTIS, Patres amplissimi, Exordium  
cum narra-  
tione.  
quæ unâ atque alterâ oratione  
sum complexus, ad planè osten-  
dendum, quo iure Episcopi in  
suâ quisque Ecclesiâ ad munia  
sua exequenda residere cogan-  
tur; declarari, uti nos postu-

lamus, oportere: atque, si diuino iure ad hoc ipsum  
eos compelli decernatis, tantùm abesse, ut aliqua  
Apostolica potestatis imminutio consequatur, ut ea  
potius eiusmodi decreto non modò seruanda confir-  
mandâque sit, uerùm etiam amplificanda, atque  
omnino augenda: at, si diuini præcepti declaratio  
prætermittatur, uerendum esse, ne multum detri-  
menti sit acceptura. Ex quo palàm factum est, quàm  
non modò frigida, atque ieiuna, uerùm etiam de-  
testabilis execrandâque sit ea calumniâ, quam ne-  
scio quis dicitur adhibuisse ad nostris non solùm hone-  
stis, sed optimis quoque necessarijsque postulatis re-  
sistendum; quasi impudentie multum illa, offensio-  
nisque

# Oratio tertia

nisque haberent, atque interposita essent ad auctoritatem sedis Apostolicæ minuendam. Audite nunc, obsecro, quæ ad hunc sanctissimum conuentum asfero, cum ex doctissimorum probatissimorumque auctorum monumentis assumpta, tum ex diuinæ scripturæ thesauro deprompta: ut quæ de lege & naturali, & diuinâ attigimus, absoluamus, ad docendum utroque inre ad sua munera obeunda Episcopos impelli. Spero enim uos ita hæc esse probaturos; ut sine ulla procrastinatione postulationi nostræ faciendum satis esse censeatis. Illud autem in primis mihi latandum meritò esse intelligo: quod apud uos, Patres optimi, sum dicturus: qui hæc omnia, quæ mihi tractanda erunt, ita perspecta habetis, ut, cum primum in memoriam redegeritis, & naturæ & Dei præcepto Episcopis in suâ cuique diœcesi residendum esse statuatis, Nam puto uos neutiquam dubitare eam rem esse, quæ non modò ad, quæ adhuc elucet in Ecclesiâ, retinendam, cumulandamque dignitatem; uerùm etiam ad pristinum splendorem ei reddendum nihil utilius, nihil accommodatius inueniri possit. Itaque primum mihi dicendum est de iuræ naturæ, quo Antislites urgentur: deinde ostendendum à Domino nostro IESU CHRISTO & Episcopos esse institutos, & eorum officia constituta: tum uerò eiusdem Domini nostri mandato eos ad considendum in suâ quenque præfecturâ compelli. Nam lex naturæ docet, si abfuerit neque præluere lucem posse, neque candelabrum illuminare, neque sal

Diuisio ac  
propositio.

Confirmatio.

sal condire, neque fidelem seruum familiæ curam sus-  
 tinere, neque rerum domesticarum administrato-  
 rem rectè eas dispensare, neque ducem exercitum  
 ducere, neque militem stipendium merere, neque na-  
 uiculatorem nauigium gubernare, neque agitato-  
 rem currum agere, neque cultorem agriculturam  
 adhibere, neque messorem manipulos legere, aut  
 messem non amittere, neque doctorem populum do-  
 cere, neque pastorem oues custodire, neque sponsum  
 sponsæ indulgere, neque medicum ægrotantibus me-  
 deri, neque magistrum discipulos literis informare,  
 neque speculatorem esse in speculis, & obseruare.

Ac si qua præterea sunt uocabula, quibus Episcopi  
 soleant appellari; ut, quæ sua sunt, munia planè  
 perspiciant; eos, quorum illa sunt nomina, natura  
 ipsa commonescit; ut cum aberint, se exequi suum  
 munus nequire intelligant. Vos enim, cum Domi-  
 nus Deusque noster alloquitur, Vos estis, inquit,  
 Lux Mundi. Vos instar urbis, quæ supra mon-  
 tem posita abscondi non potest. Vos & lu-  
 cerna, quæ non sub modio, sed supra cande-  
 labrum accendi solet, ut omnibus qui domi-  
 num conspectu, qui cum uestra bona digna-  
 que laude conspiciant opera, patrem ue-  
 strum, qui est in cælo, gloria prædicatione-  
 que effertant. An plebi hæc lux, hæc lucerna præ-  
 luxerit, iterque monstrauit, ne a uia directâ aber-  
 ret? Hæc urbs apparuerit, in quam, ut in uita exem-  
 plar,

.v. 32.1

.v. 32.1

.v. 32.1

Mat. vii

.v. 32.1

.v. 32.1

.v. 32.1

## Oratio tertia

- plur, oculos ipsa coniiciat; si conspiciendam se illi non dederit, si presentiam eius fugerit, si ab aspectu abhorruerit? Quòdnam opus uestrum aspexerit, ut Deum catandare possit, si nullum uiderit?
- Mat. 7.** Vos estis, inquit, sal terræ. Vt enim sui, ne putrescat, pro sale anima data dicitur; ita populo Episcopus, ne eius uita deprauetur. an sale, quod uel euanescat, uel absit, eius mores condiantur? Vos uti fideles prudentisque seruos familiae suae Dominus praefecit, ut ei cibaria tribuatis. uidete, ut beatos uos ille sit dicturus. dixerit autem, rerumque suarum omnium praefectos constituerit; si opere in illo exequendo deprehenderit. Vobis ille talenta dedit, ut sibi lucri plurimum faciatis. cauete, ne, cum acceptæ pecuniae rationem poposcerit, si in terræ uisceribus conditam reperiatur, uos in tenebras
- Mat. 23.** infimas detrudi iubeat. Vos ille foribus adium suarum ianitores praeposuit. uigilate, ad ianuam assistite; ne, cum uenerit, uos somno uictos uel ostij custodiam neglexisse, uel alijs commississe comperiatur. Vobis ille administris sua mysteria mandauit, ut ea summa cum fide dispensetis. an fidelis rerum domesticarum administrator patri familiars erit, qui eas alteri administrandas reliquerit? Vos eius milites facti estis, & quidem militiae sacramento obstricti, ut stipendia mereatis. num uestrum cuiquam stipendium soluitur, ut laborem fugiat, locum in acie deferat, alterum substituat, ut contrahendis negotijs occupationibusque à religione remotis implicetur?



plicetur? an qui non certauerit, uel in eburneâ sella, uel in aureâ coronatus sederit? Immo uerò duces copiarum suarum uos ille posuit, ut eas quotidiano periculosoque bello, quod cum humani generis hoste iniquissimo geritur, probe atque prudenter ad certandum instruatis. prospicite ne quid detrimenti accipiant, ne sine uestro ductu in fossam aliquam occultam se conijciant, ne in hostiles insidias incendant, ne sub iugum denique mittantur. Vos ille aurigas, uos ille nauarchos constituit, ut uos ipsi suas quadrigas agitetis, suas nauiculas gubernetis. prouidete, ne relicta ille præcípites agantur; hæ uel in maris tranquillitate fluctibus obruantur. Vos ille operarios, cum opere soluti nihil ageretis, certâ quadam mercede ad uineam suam colendam conduxit. Vos ille ad permultam messem misit. An non, ut uestra operâ uteretur? ut sibi cultu uestro ager fructus ferret: manibus uestris coram se manipuli portarentur? Vos ille ad Euangelium suum prædicandum legauit? quod præconio uestro, non cuiusquam alterius, publicè esset celebrandum. Vos ab eo clauem scientiæ accepistis. Videte, dum piget introire; ne introire, ac discere cupientes prohibeatis. an non introire negligitis, atque cupientes introire prohibetis, cum abestis aliud agentes? Vos ille pastores suo gregi compascendo, custodiendoque creauit, ut ouiculas suas uestris humeris feratis, uestris manibus contrectetis. Vestra sane hæc opera est, uestra curatio: caute, ne eam abijcia-

Mat. 23.

Mat. 20.

Luc. 10.

1. Cor. 12.

Mat. 23.

Mat. 16.

Luc. 11.

# Oratio tertiā

abijciatis. abijciatis quidem certè, si alijs mande-  
 tis. Vobis ille Ecclesiam suam despondet. num ue-  
 strum erit quisquam, qui sponsæ, quod spon-  
 dedit, dum eius conspectum fugerit. Hæc spon-  
 sora præbet pretiosissimis unguentis delibuta: quæ  
 illo absente, cum usui non sint, arescunt. Vos ille in  
 morbis animarum medicos adhibuit. quis autè, cum  
 in difficillimā agrotatione medicum sibi lectissimum  
 quæsierit, stipendiūque condaxerit, ferat, ut in cu-  
 rando alterius cuiusquam operā utatur, non suam  
 ille ipse ponat. Vos ille populo suo doctores, magi-  
 strōsque dedit, quem ore uestro doceretis. qui præ-  
 ceptorem delegit, cui liberos traderet erudiendos; si  
 negligentia incuriaque illius hos perisse intelligat;  
 nonne in eum gravissimè animadueritat? quænam  
 maior incuria, negligentiaque erit, quàm quod su-  
 sceperis negotium, si cuiquam alteri, quisquis ille sit,  
 mandaueris? Vos ille in Ecclesiā suā principes con-  
 stituit; ut eam utique regeretis. at uerò, qui præse-  
 nturam sumit, id compertum habet, eam non sibi  
 deferri, ut non ipse per se, at per alios administret.  
 Vos ille denique speculatores in templo collocavit.  
 an non acerbissimam de eo penam Imperator sum-  
 pserit, qui speculam, in qua erat constitutus, reli-  
 querit? Etenim si uocabuli ratio in definiendo haben-  
 da est, atque uerbi enodatio notatioque ad rem ex-  
 plicandam plurimum ualeat, quid aliud ipso nomine  
 Episcopum esse intelligemus, nisi speculatorem.  
 Quod aliud opus eius, præterquàm speculationem,

in -

inspectionemque evidentem? Qui ἐπισκοπῆς appetit, inquit Paulus, bonum opus appetit. Verum enim, qui Græcè nesciunt, facillè decipiuntur. existimant enim uerbo, quo Apostolus utitur, Episcopi, dignitatem significari: quemadmodum Pontificatus idem est, quod Pontificis potestas. At esto, Latinum nomen Episcopi auctoritatem præferat; Græcum quidem propriè priuatimque munus opusque denuntiat. Sed num speculatoris est mittere, an ire speculatum? Num Reges Dicesque, ad speculandum qui mittunt, an qui mittuntur, speculatores appellantur? Itaque speculatores Episcopi cum planè sint, atque constituentur, ut speculatum eant; si miserint alios ad speculandum, ipsi neuiquam ierint; desinant oportuerit esse speculatores. Eadem erit quoque ratio, si cætera uocabula explicaueris, quibus Episcopi nuncupantur. cum earum rerum sint nomina, quæ cum aliquo conferuntur, eandemque sub rationem cadunt. Ea porro sunt huiusmodi, ut si alterum depatur, alterum quoque tollatur, oporteat. Dum quis enim filium habuerit, fuerit pater; contra, dum patrem, filius: item dum seruum Dominus; contra, dum Dominum, seruus. Cum enim qui agit, ita cum actione, à qua nomen habet, conferatur, ut ad illam tota sit eius ratio referenda; consequitur, ut quemadmodum tantisper id est, quod esse dicitur; qui agit, dum in agendo uersatur: ita hoc esse desinat, cum ab actione destiterit. Quamobrem, cum Doctor à docendo, Pastor à pa-

### Oratio tertia

à pascendo, Speculator à specularando dicatur: consequens est, ut si docere, pascere, speculari, sicut catera munia, si qua sunt, à quibus nomen Episcopus ducat, exequi desierit; id esse quoque desinat, quo antehac appellabatur. Quandoquidem non habitus, animi, ut est uirtutis, aut artis perceptio alicuius, aut quævis scientia, quo his muneribus habiles, aptique sint, atque cum uelint, efficere hæc possint, in ijs requiritur: sed exercitatio potius, atque usus, quo in ijsdem rebus uersentur, ut inde meritò nomē adipiscantur. Agè uerò Sacerdoti decumæ quam obrem adiectæ sunt? cur agri uectigales assignati? cur bona permulta legata? an non operis causâ? At cui pro labore uectigal penditur, is alias res agens, si Vicarium in negotio suscepto, uel se præstantiorem aptioremque ad id perficiendum supposuerit; nonne naturæ ius, tanquam ualde sit offensum, reclamabit, eumque illo nomine damnandum esse censuerit? Quia uerò planissimè puto me demonstrasse non esse dubitandum, quin lege in animis inscriptâ Episcopi præsentia necessaria sit ad, quæ officia sua fuerint, omnia Ecclesiæ suæ præstanda: nunc, ut apertissimè doceam hoc idem à Deo uerbis amplissimis, plurimumque habentibus efficacitatis, & institutum esse, & præceptum, dilucidissimè ostendam, quod ne ipsi quidem aduersarij nostræ opinionis inficiari possunt, Episcoporum ordinem à Domino nostro IESU CHRISTO fuisse constitutum. Nisi enim de hoc institutio præceptioque diuina esset,

set, Paulus ille à Domino Deoque nostro ad oracula sua edenda electus, id non dixisset: Attendite vobis, & uniuerso gregi, in quo uos Spiritus sanctus posuit Episcopos, ut regatis Ecclesiam Dei; quam acquisiuit sanguine suo. Nec illud, & quosdam quidem posuit Deus in Ecclesia primùm Apostolos. Omnes autem cum Apostolos dixit, Episcopos eum quoque intellexisse fatentur. Nam Apostolos eosdem atque Episcopos compertum habent extitisse. Nec ipse Dominus IESVS CHRISTVS ire per omnes terrarum fines iussisset Apostolos ad Euangelium uniuerso hominum generi prædicandum, ad salutem ei dandam, ad Regnum Dei procurandum, ad Ecclesiam administrandam; nisi Episcopos eos instituisset. Neque eos ita instituit, ut hoc idem munus, quod eis deferbat, in illis ipsis finem haberet: sed, ut perpetuò in Ecclesiâ ijs, qui erant successuri, assignandum permaneret. Qui eidem officio præponebantur à Paulo atque etiam à Petro, Episcopi dicti sunt. Nam Petrus et ipsum Dominum Pastorem atque Episcopum animarum nostrarum appellat; & in ius officiumque Episcopi, quòd pecuniâ corruptus, præuaricat usque Iudas per summum dedecus amiserat, ut multò antè prædixerat uates, alterum dixit esse subrogandum; qui postea fuit Matthias; ut planè intelligatis duodecim, quos ex multis discipulis Christus Dominus elegit, Apostolosque uocauit, & Apostolos & Episcopos ab eo fuisse institutos. Quemadmo-

AR. 20.

1. Cor. 12.

1. P. 3.  
A. 2. 1.

Pf. 108.

Luc. 5.

F dùm

## Oratio tertia

dum enim sine oculis non potest extare munus oculorum: ita nec sine Episcopis officium Episcoporum. qui, tametsi non planè in omnem facultatem potestatemque Apostolis successerunt, in hoc quidem certe munus suffecti uidentur. Nec dubium est, quin Ecclesiam Deus perpetuandâ constituerit, atque in perpetuū præclarâ disciplinâ, optimisque institutis gubernandam. Nam ipse, ut ait Paulus, Dedit quosdam Apostolos, quosdam autem Prophetas, alios uerò Euangelistas, alios autē Pastores & Doctores ad consumationem sanctorum in opus ministerii, in ædificationem corporis Christi; donec occurramus omnes in unitatem fidei & agnitionis filii Dei. Itaque asserendum est à Deo ipso, tanquam ad coagmentationem ædificationemque corporis Christiani, necessarios Episcopos fuisse institutos, ut essent cum Ecclesiâ perpetuò duraturi: qui præterquam quod Pastores & Doctores propriè priuatimque; appellantur, cætera quoque ut munera nacti sunt; sic & eorum nomina adepti. Nam Timotheum ille idem Paulus admonuit, ut bene, quod à Deo munus acceperat, exequeretur; & Euangelici præconis opus efficeret; ac, ne donum, quod ex diuinâ prædictione ceperat, negligeret: eundemque Dei ministrum in Euangelio Christi appellat, atque idem opus Domini agere affirmat, quod & ipse agebat. Ipse autem ad Regnum Domini constituendum legatione fungebatur. ac sese Euangelij prædicatorem, & A-

posto-

ph. 4.

Tim. & 2.

Tim. 1.

Theff. 3.

Cor. 16.

1. 6.

postolum, & Doctorem gentium, & Prophetam uocat. An Mosaico Sacerdotio Euangelicum minus præstans, minusque necessarium est? Illud, quod Pontificem Sacerdotesque cōprehendebat, ut cum lege, donec ei locus fuisset, permaneret, constitutum accepimus: hoc, in quo Sacerdotibus Episcopi præferantur, non putas institutum, ut ad finem usque uniuerſitatis sit permanſurum? At Paulus, Hebr. 7. quem auctorem sæpe appello, testatur, cū lex illa ad Euangelium deducta esset, Sacerdotium quoque illud ad hoc esse translatum. Nec mirandum est in illo unum Pontificem fuisse, in hoc multos existere: quamuis unus uniuerſæ Rei Christianæ præſideat. Cū enim illā sub lege unus atatem degeret populus, imāque esset synagoga constituta; uno erat præſide contenta. Res publica autem Christiana, quæ uniuerſum terrarum orbem complectitur, etsi unum habet, qui uniuerſitatem rerum administret, cū tamen in Ecclesias multas sit distributa, plures sanè præſectos, qui, in suā quisque præſecturā, conſideant, requirit. Iam uerò, cū dubium uobis non sit, Christi fuisse hæc uerba, Super hanc petram ædificabo Ecclesiam meam. Illa autem Pauli, Fundamentum nemo potest aliud ponere, quā quod positum est, qui est CHRISTVS IESVS. ab eodem illo Christo Ecclesiam longè præclariùs fundatam, & constitutam fuisse, quā à quouis alio principe quantlibet aliam Remp. tenendum est. Sed quis Remp. un-

## Oratio tertia

quàm fundauit, quam non ita legibus institutisque ornârit, & magistratus constituerit, qui ijs legibus, ijsque institutis eam administrarent? Neque enim satis erat, docuisse illum, fidem esse rerum sperandarum, ad quas omne consilium nostrum, omne studium, omnem laborem, omnem operam, omnem denique diligentiam conferre debemus; & præcepta, quæ eò nos ducant, tradidisse; nisi præsidēs etiam dedisset, qui seruanda, quæ ipse præcepisset, cùm enixè curarent, cœtum Christianum probe gubernarent. At ij quidem sunt, quos Episcopos appellamus, quos Augustinus ille Christianæ ueritatis clarissimum lumen pro Apostolis patribus filios natos, datosque nobis ait fuisse, diuinum illud oraculum secutus. Pro patribus tuis nati tibi sunt filii. constitues eos Principes super omnem terram. Deus enim Ecclesiam sponsam suam alloquitur. Quod Anacletus quoque Pontifex Maximus Petrique discipulus testatus est, cùm literis tradidisset, Apostolis Episcopos successisse; eorūque electionem, quanquam sibi ipse Dominus reseruauit, bonis tamen Sacerdotibus, populis que diuinā charitate affectis concessisse. Audite etiam Pij sanctissimi uniuersæ Ecclesiæ præsidis testimonium. Episcopi à Deo sunt iudicandi, qui eos sibi oculos elegit, Quid? cùm dubitet nemo Christum Dominum Ecclesiæ mysteria dedisse: qui illa instituit, nonne qui ea ministrarent, instituuisse oportebat? Cùm autem uni omnium Sacerdotum Episcopi, quæ

Chrisma-

Aug.

Ps. 44.

Anacl.

Pius.



# De officiis Eccl. præst. 43

Chrismata Græco uocabulo appellamus, consficient; ac diuino spiritu afflando, qui sanctissimâ lauati-  
 one abluti sunt, uni ipsi certis quibusdam ceremonijs  
 confirment, uni Dei ministros inicient, quis non ab  
 eodem illo auctore constitutos fuisse affirmarit? Iam  
 que Episcopia dignitas in ijs profectò donis recense-  
 tur, quibus sponsam suam Ecclesiam IESVS CHRI-  
 TVS dotis nomine locupletauit, ut ferme omnes as-  
 ferunt, qui uerba illa Pauli exponunt. Diuision- 1. Cor. xi.  
 es gratiarum sunt; idem autem spiritus: &  
 diuisiones administrationum sunt; idem au-  
 tem Dominus. Et diuisiones operum sunt;  
 idem autem Deus, qui omnia in omnibus  
 operatur, Idque planius perspicias; si animad-  
 uertas, & quod ad Timotheum ille idem scripsit; 1. Tim. 4.  
 cum eum admoneret, ne cæleste donum negligeret,  
 quod ipse haberet, quod sibi datum esset ex diuinâ  
 prædictione, quam Græce προφητειαν uocat, presby- 1. Tim. 4.  
 terij manibus porrectis, quod Græce dicitur μετὰ  
 ἐπιθέσεως τῶν χειρῶν τῶν πρεσβυτέρων: et quod ad Ephe- Eph. 4.  
 sios, Vnicuique, inquit, nostram data est gra-  
 tia secundum mensuram donationis CHRI-  
 STI. Propter quod dicit ascendens in altum  
 captiuam duxit captiuitatem: dedit dona ho-  
 minibus. Quæ sint illa dona cum exponeret, Ip-  
 se, inquit, dedit quosdam Apostolos: quos-  
 dam autem Prophetas: alios uerò Euange-  
 listas: alios autem Pastores & Doctores. Ac  
 si Pontificiâ dignitate eadem, quæ summus Anti-

## Oratio tertia

*stes, ceteri Antislites ornantur: quâquam ille aucto-  
 ritate ac potestate & ditione ceteris omnibus præ-  
 fiat, ut maximus Ecclesiæ præses, unicuique uniuersæ  
 Rei Christianæ administrator: cùm illi ea Christo  
 auctore delata sit: his etiam eodem auctore delatam  
 esse concludendum est. Nam Episcopus ille, ut uerè  
 est, sic item appellatur. Idque facillè intellexerit, qui  
 Episcopi initiandi ritum notauerit: quem in Ponti-  
 fice Romano consecrando non alium, atque in quo-  
 cunque alioprehenderit. Atque cùm ille creatur,  
 creatur autem iam pridem ab amplissimo, ut nunc  
 uocant, Cardinalium collegio, sicuti quondam etiam  
 à Populo Romano; summum illud Sacerdotium si-  
 tum non instituitur, sed ei defertur: cùm ipse Ma-  
 ximus Pontifex Episcopum aliquem creat, non eius  
 dignitatem instituere, sed eam à Deo institutam tum  
 illi tribuere, ut Dei administer summam habens po-  
 testatem, dicendus est. Atqui, inquires, cùm ipse  
 Pontifex Romanus & legat Episcopos, & insti-  
 tuat; non est profectò, quod ad diuinam institutio-  
 nem referatur. quippe ipse, ut Ecclesiasticas præse-  
 sturas, ita etiam magistratus distribuit. Quid me  
 cogis hac longius repetere? neque enim dubitamus  
 Romanum Pontificem uniuersæ Ecclesiæ à CHRIS-  
 TO Domino præfectum esse, ut non modò diuina  
 oracula testificantur, sed prisca illa etiam Concilia  
 in Oriente celebrata, ipsique Græci, qui nostris in-  
 uidere solent, fatentur; datamque illi potestatem  
 suo arbitratu Reip. Christianæ gubernandæ, iurif-  
 que*

que condendi; ac mysteria, quæ ipse instituerat, ut suo iudicio dispensaret; & quæ Ecclesiæ suæ donauerat, ut, cui uellet, tribueret, commendata. Itaque hac ille auctoritate, hac potestate, hac uis summa Ecclesiæ mysteria dispensat, munera tribuit, diuinamandata exequitur, ius dicit, nouum etiam constituit, quo multorum dierum celebritates religiosæ, multi ritus sacrorum, multa præcepta Ecclesiasticè uiuendi continentur. Sunt quæ, si ingenere uniuerso spectentur, ad Dei pertineant institutum: fin in singulis, Pontificij iuris esse omnino reperiuntur. Nam ieiunium esse, septimum quæque diem purò Dei cultu, sanctâque religione celebrare, Sacerdoti peccata confiteri, multa præterea id genus, in diuinis percenseri præceptis fateare necesse est. sed hunc in modum, hac ratione, hoc tempore, hoc die, id esse quidem exequendum, Pontificis Maximi planè fuit semper, eritque præcipere. Item saceris initiare, in Sacerdotium eligere, Episcopum creare; caue dubites ex diuinâ esse institutione: sed cui, quo tempore, quo loco id deferendum sit, Pontificis Romani esse prospicere, constituendum est. Quo circa, cum & Episcoporum electio, & Ecclesiarum distributio Deo tribuenda sit, tanquàm ab eo instituta; & si hos uel illos Episcopos creare, has uel illas Ecclesias tribuere, ad Pontificem Maximum spectat: nunquàm tamen hoc ille minus exequetur, quin ex diuino instituto efficiat. Satis enim Deo fuit Apostolos instituisse, Matthiam forte prætulisse,

### Oratio tertia

Paulum Barnabamque nominasse: ceteros, qui successuri erant, ex sua institutione Vicario creandos Episcopos reliquisse. An, cum ipse hos nominarit, illum prætulit, Apostolos instituerit, uelles quotidie hoc idem ab eo præstari, ut uerè Episcoporum electionem diuino fieri instituto tibi esset affirmandum? præstaret quidem certè hoc ille, si expedire perspexisset. At uerò, cum Dominus in terris non tempore æterno sibi permanendum esse statuisset, sed ascensurus esset ad patrem, & quidem illò, unde descendisset, ut sanctum mitteret spiritum; qui, quemadmodum ille aspectabili sua præsentia, præsentique sermone, ac tractabilem in modum Ecclesiam, dum inter homines uitam ageret, gubernarat; sic numine cælesti interius mente humanâ excitandâ eidem assideret: par sanè fuit, ut quæ ipse mysteria instituisset, quæque munera præbuisset, ministris suo nomine dispensanda atque assignanda, antequàm à mortalium conspectu abscederet, delegaret; moremque ijs in rebus tenendum ostenderet; quem iam inde à temporibus Apostolorum ad hæc nostra, Ecclesia seruauit. Nempe exteriore quadam cæremoniâ manibusque porrectis Timotheum ac Titum à Paulò in ordinem summorum Sacerdotum cooptatos esse, ut nunc sit, compertum habemus. At, inquires, si asseris, ut hunc in modum, hac ratione, hoc tempore, hoc die, Christianos esse ieiunos iubere, dierum celebritates seruare, se iudicio Sacerdotis subijcere: ita, quis Episcopus sit creandus, hæc, illa

## De officiis Eccl. præst. 45

illa Ecclesia cui sit deferenda, prospicere, ad Pontificem Romanum attinere; quid est; quòd, non quem admodum illa, hæc item iure Pontificio, non diuino comprehendendi fateris? Quid certè aliud, nisi quòd omnino earum rerum eadem ratio non est; neque illa, ut hæc, Dei mandato Ecclesia constituit? Còstat enim Domini præcepto ad pascendum eius gregem Reip. Christianæ præsidem ita compelli, ut ne qua in parte desit, qui oves Episcopium in morem custodiat, atque pascat, pro ut ille ipse Deus instituit, providere cogatur. De abstinentiâ, de corpore castigando, de celebritate atque religione dierum, de confessione peccatorum, non liquet mandatum esse, quo ille idem Pontifex statuere debeat, certis quibusdam temporibus; qui Christum colunt, ieiunos esse oportere; statos quosdam dies religiosos celebrésque ad diuorum memoriam colendam habere; statuto quodam tempore de peccatis Sacerdotis iudicium subire: Et si planè perspectum habemus Deum non nunquam cibi ieiunitatem, corporisque castigationem indixisse; septimum quenque diem religiosè celebrari iussisse; quem Ecclesia eum esse declarauit, atque constituit, quò Dominus Deus noster se ipsum è sepulchro excitauit, atque surrexit; qui absolui scelerum culpâ expetunt, ijs erratorum confessionem præcepisse, ut cum opus fuerit, nempe cum mortis periculum impenderit, Sacerdotis iudicium de ijs sit utique subeundum. Quamobrem, ut undè digressa est, cò se referat oratio; cum Pontifex Maxi-

Quæritur.

Respondetur.

mus

## Oratio tertia

mus ex præscripto Domini nostri IESU CHRISTI  
 Episcopos eligat, absurdum profectò est asserere  
 electionem illam non teneri iure diuino. Nam  
 1. Tim. 4. Paulus, quos ipse initiauit, non à se, uerùm à  
 numine diuino Dei donum accepisse testatur. An  
 2. Tim. 1. primarius Regis administrator cum Regio man-  
 dato eligit, quibus Regni tribuat præfecturas,  
 iure Regio præfecti illi fidem obstringunt: Episcopi  
 non item iure diuino, cùm ex Dei constitutione à Ro-  
 mano Pontifice creantur? Nisi putas, qui Regi iu-  
 re iurando obstringuntur, cùm ab eo deficiunt, ma-  
 iestatis imminutæ reos haberi; Deo, qui sacramento  
 obligantur, non eâ religione constringi, quæ & uitâ,  
 & hæreditatis æternæ bonis, ad quam uocaban-  
 tur, sint exuendi; si quando ab eo descuerint, hoc  
 est non præstauerint, quæ promiserint. An non te-  
 nes memoriâ, quæ qui te consecrauit, postulauerit?  
 quæ te toto pectore uelle responderis? Vis (ille ro-  
 gabat) ea, quæ ex diuinis scripturis intelligis, ple-  
 bem, cui iam initiandus es, & uerbis docere & e-  
 xemplis? Volo, inquiebas. Cuiam tum sponsio-  
 nem faciebas? cui te obligabas? nõne Deo, more  
 sponsi? Eodem quippe uerbo respondebas, quo &  
 sponsus, cùm rogatur, an uelit suam coniugem es-  
 se, quæ sibi datur. nam & tu quoque sponsus Eccle-  
 siæ tuæ. Quod ut magnum esse putes mysterium, te  
 Paulus commonefecit. Dominus enim noster IESUS  
 CHRISTVS, eiusque, postquam ille in cælum  
 ascendit, Vicarius, uniuersæ quidem sponsus  
 Eccle-

Eph. v.

*Ecclēsiæ est: tu uerò tuæ, ut Christi etiam eā quidem in parte Vicarius; cui meminisse potes te consecratum esse. Quo autem præcepto hæc ille interrogabat? nonne eo, quo Timotheo Paulus dedit? Apostolorum uerò præcepta quis esse diuina unquam dubitauit? quippe qui eā ualerent auctoritate, eā uirtute pollerent, eo spiritu permouerentur, ut quæ ipsi uel assererent, uel præciperent, nisi quæ illi ipsi disertè exciperent, Dei planè essent oracula, iussuque diuinum constituerent. Age uerò Ecclesiæ mysteria quò iure administrantur? Qui abluit ad renouandum, qui absoluit; Sacerdos proximè quidem, ut istius opinionis Antesignani loqui solent, tum abluere, tum absolvere dicitur: sed Domini Deique nostri mandato ac nomine hunc abluit, illum absoluit: qui Episcopum cooptauerit, tametsi proximè elegerit, non eodem iure instituerit? Quæ enim Dominus Deus noster mysteria constituit, suo, non alio nomine dispensanda mandauit. Quamobrem ille idem Paulus, quem sæpe appello, Corinthios reprehendit, quòd, Alius ego quidem, inquebat, sum Pauli, alius autem ego Apollinis. quid, inquit, est Apollo? quid Paulus? ministri eius cui credidistis: & quidem sicut cuique Dominus dedit. Ego seui, Apollo rigauit: at Deus incrementum dedit. itaque neque qui serit est aliquid, neque qui rigat: sed, qui incrementum dat, Deus. Quid ueteris testamenti Sacerdotium? nonne iure diuino tenebatur? Cùm enim*

*nim*

1. Cor. 3.

Oratio tertia

*nim Deus Moſen affatur, Applica, inquit, ad te Aaronem & filios eius, ut mihi Sacerdotio fungantur. Nū, quia Dei miniſter ad ſe illos appelleret, non diuino iuſſu appulſos fuiſſe arbitraris? An oblitus es tu quidem, quæ ſummus Sacerdos, cū te conſecraret, aſſerebat, quæ optabat, quæ præcabatur? Nōne inquiebat? Iccircò huic famulo tuo, quem ad ſummi Sacerdotis miniſterium elegiſti, hanc quæſumus gratiam largiaris. et paulò poſt, ſit fidelis ſeruus & prudens, quem conſtituas tu Domine ſuper familiam tuam, ut det illi cibum in tempore oportuno: & exhibeat omnem hominem perfectum. A Deo te Eccleſia in Episcopium Sacerdotium eſſe electum affirmat, ſua' que adminiſtratorem familiæ conſtitutum: tu id negare neutiquam uereriſ? At proximè inquis, Pontifice Maximo electore agnoſco hoc mihi obtigiffe. Quid acta agis. an non IESV CHRISTI & auctoritate & institutione? an non & ut eius adminiſter poteſtatem quidem ille habens te elegit? Sic nos, inquit, Paulus, Exiſtimet homo, ut miniſtros CHRISTI, & adminiſtratores myſteriorum Dei. Iam uerò cū iſ idem Summus Pontifex, quem ſepiſſimè appellamus, non ſemel deleget, qui Episcopum aliquem ſit creaturus; qui fuerit creatus, nōne ab illo ipſo potiùs, qui delegarit, quàm ab eo, cui munus delegatum ſit, ſe in Episcoporum numerum eſſe adſcitum exiſtimauerit? Eàdem quoque ratione,*  

*quem*

Obijcitur.

Refutatur.

ſ. 700. 1

1. Cor. 4.



quem Christi Vicarius ex eius instituto Episcopum cooptauit, te ab eo, cuius ille uim & numen tenet, in isto amplissimæ dignitatis gradu locatum esse per suasum habeas, oportet. Quod etiam eo sanè argumēto tibi probari potest. Quisquis enim amplitudinis potestatem habet tribuendæ, cum eam possit item adimere; qui Christi uicem tenet, si ipse Episcopum crearet, posset etiam illi Pontificium decus auferre. At, sicut potest decernere, ut ille iurisdictione magistratūque se abdicet; non ita, et qua dignitate, ueluti quadam honestatis notā interiūs adeò insculptā & insignitā, ut deleri nequeat, spiritu cælesti imprimente, affectus est. Nam quem Pontifex Maximus Episcopum officio priuauit, cum ei posthac uel eandem, uel quamuis aliam Ecclesiam tribuerit, quod non semel usu uenit, non opus erit iterum creari Episcopum, Deoque consecrari: ut pote qui dignitatis suæ nihil amiserat: ac ne potestatem quidem diuinis datam; quæ adeò cum dignitate coniuncta est, ut ab eā seiungi non possit; quanuis sibi desit subiecta materia, quam tractet, & in qua uersetur. At quanquā, inquis, si res in genere uniuerso cernitur, ius diuinum attingit: quia tamen si in singulis attenditur, humano eam agi concedis arbitrato; id satis est, ut Episcoporum electio ex Pontificiā fiat constitutione. Quod sanè, ut assentiaris, id confirmauerit, quod, ut ore Prophetæ Deus queritur, multos non suo iussu regnare, & si ut amplissima quæque potestas à Deo, sic etiam Regia profecta

Obijciunt.

## Oratio tertia

Hier. 23.

*facta est; ita & Hieremia uerbis fert permolestè à pastoribus discerpi pecus suum, atque dilacerari. quippe qui non per ostium intrauerant, sed alio aditu, ut fures, & latrones. Hos quidem certè non Dei numine, sed humanâ & ratione & uoluntate*

Refutatur.

*creatos esse consitendum est. Caue, quos Pontifex Romanus eligit, non ostio, sed alio aditu, ut fures & latrones, ingressos arbitrere. Quamuis decipi ille possit, cum homo sit: ô tamen infelices, à quibus decipitur. Verùm enim tibi perspectum hoc certè esse debet, iuris usum, quod ius est, haud quaquàm omnino id esse. Ius enim in præceptione consistit: usus autem in tractatione, atque exercitatione uersatur. Ac ius, de quo loquimur, à Deo quidem institutum est: eius autem usus iudicio arbitriòque summi administri relictus est. Quamobrem, cum illo iure bene is utitur in Episcopo eligendo, esse non potest, quin Episcopus à Deo ipso eligatur; & quod consequitur, diuinâ lege teneatur. An non le-*

Leo Papa.

*gisti unquam, quæ de se in Pontificatum electo Leo ille, qui uel ab uniuerso Oriente beatissimus nuncupatur, cum uerba faceret, dixit? Dignatio, inquit, cœlestis gratiæ gignit Antistitem. Et*

Ambrosius.

*quæ diuinus ille Ambrosius, quæ Theodosius Imperator summâ ueneratione prosequabatur, cæterisque maximis Sacerdotibus præferebat; cum in eos inueheretur, qui sacra intiâque uendebant? Quis, inquit, dat gratiam pontificialem? Deus ne, an homo? sine dubio Deus. sed tamen per homi-*

hominem dat Deus. homo imponit manus: Deus gratiam largitur. Episcopus initiat: Deus tribuit dignitatem. si homo, inquit, in ordine nihil amplius agit, quàm ministerium, quod ei creditur; cur Deo totum negatur, qui te in ordinem ipsum cooptat? Quapropter quicquid dignitatis, cum Summus Pontifex eligit, defert; id omne Dei nomine iurè que diuino deferri dicendum est; & quod præcipit, diuinum præceptum esse. Ac uide, ne in animu inducas, quibus uerbis, qui consecrabat, te, qui consecraberis, alloquebatur, Accipe Euangelium, & prædica Populo tibi commisso, non Dei, sed eius esse Vicarij: ut, si ille curam non adhibuerit, ut rectè munus obeas tuum; ei, non tibi ipsi planè sit ascribendum. Neque enim hæc minus Dei nomine, pronuntiantur, quàm illa; Accipe baculum pastoralis officij, & accipe annulum. Nam orauerat Deum, qui hæc pronuntiabat, his precibus, Sustentator imbecillitatis humanæ Deus, benedic baculum istum. et Domine emitte benedictionem super hunc annulum. Itaque tanquam iusserit Deus, eius nomine, accipe, inquit, baculum, & accipe annulum. et accipe Euangelium. Vt baculo, te intelligeres à Domino suarum ouium effectum esse pastorem: annulo, Ecclesiæ suæ sponsæ custodem; Euangeliorum libro, suæ plebis doctorem. Nam consecrantis ea uerba sunt, ut ministri, ut in Dei loco positi, ut pronunciantis: Dei uerò ut

Ex Pontificali.

### Oratio tertia

*rō ut instituentis , ut iubentis , ut auctoris . Quem-  
 admodum , quæ uates effatur , oracula Dei sunt , ut  
 mentem linguamque humanam permouentis : ua-  
 tis , ut ad proferendum incitati . Atque hæc quidem  
 nunquam tibi secus esse uideantur , si relegas , qui-  
 bus usus est precatationibus , qui te consecrauit , cum  
 caput mitrâ honestaret , manûsque integumento in-  
 dueret ; si memoriâ repetas , cum Deo pro te ille of-  
 ferre , dixisset , Pro famulo tuo , quem ad Epif-  
 coporum ordinem promouere dignatus es .  
 Te uerò , qui cōsecraberis , cum pro te ipso offerres ,  
 Pro me famulo tuo , quem ad Episcoporum  
 ordinem promouere dignatus es . & qui-  
 dem rectè . Nemo enim sibi sumit honorem : sed qui  
 uocatur à Deo , quemadmodum Aaron : ut à Pau-  
 lo discere potuisti . Tu , qui tum professus pland es ,  
 te à Deo , non à Romano Pontifice in Pontificum cœ-  
 tum esse cooptatum , quanquam utrique id omne de-  
 bes , illi ut auctori , huic ut Vicario munus Episco-  
 pium eius nomine deferenti , qui suo arbitratu aliū ,  
 non te designare potuisset ; nunc ab hoc , non ab illo  
 ais Episcopum te creatum esse ; huic fidem , non illi  
 obstrinxisse ; pontificio iure , non diuino teneri : te  
 in administratione susceptâ non residere , huic , non  
 tibi uitio dandum esse ; incuriam tuam , uoluptates  
 tuas , delicias tuas huic , non tibi in crimine ponen-  
 das : quòd tibi nimium indulserit , culpam hunc præ-  
 staturum esse , pœnamque etiam soluturum . quòd  
 eius indulgentiâ licere tibi existimas , ubi libet po-  
 tius*

Hebr. v.

tius quàm in tuâ diœcesi commorari; huius licentiæ animaduersionem nullam in te futuram: quasi uerò, si diuinâ te lege solutum opineris; ista opinio, quo minùs Dei iudicium subeas, tibi sit profutura. Quid? cùm ad se Deus iussisset Moſen de Israelitis ætate prouectis quadraginta conuocare, atque dixisset, se de spiritu eius ablaturum esse, illisque traditurum, ut cum eo onus populi regendi sustinerent, ne is unus grauaretur: nonne, cùm Moſes eis hoc munus detulit, illi à Deo uerè sibi delatum esse in animum induxerunt? Quòd autem Auferam, inquit, de spiritu tuo, non est profectò, ut id accipias, quasi quod principi Israelitarum dederat, Deus esset imminuturus: sed uim eandem cœlestem, qua illum donauerat, eius quoque adiutoribus, sociis que esse impertiturum. Ita, cùm Pontifex Romanus ex diuinâ institutione in partem operis atque laboris Episcopus uocat; quo dono illum affecit Deus, hoc item his impertire existimetur, necesse est. Iam uerò, cùm ille idem Moſes Deum orasset, ut in locum suum idoneum ducem tantæ multitudinis constitueret, ab eo resposum his uerbis accepit. Tolle Iesum filium Nuni, uirum, in quo est spiritus Dei. & pone manum tuam super eum: qui stabit coram Eleazaro Sacerdote, & omni multitudine: & dabis ei præcepta cunctis uidentibus, & partem gloriæ tuæ. Nempe ut esset Israelitarum Imperator, non summo Sacerdotio fungeretur. Audi, quæ pars illa gloriæ fuerit: uir ille, in

# Oratio tertia

Deut. ult. mo. *quo erat spiritus Dei, Impletus est, inquit, spiritu sapientiæ, cum ei manus Moses porrexisset. At quamvis Deus iusserit Moſen ei dare partem gloriæ ſuæ, quippe ſpiritum ſapientiæ: non tamen Moſes, ſed Deus dedit. Quod autem Deus præbet, id Pontifici tribuit, ad oſtendendam dignitatem ac po- teſtatem conſecrantis adminiſtrantisque Sacerdotis. Huius loci teſtificatione uſus eſt diuus Hieronymus, ut Apoſtolos alios fuiſſe per ſe ipſum à Deo conſtitutos, alios per hominem declararet. Nam, ut Moſen Deus per ſe ipſum & Imperatorem & Pontificem Iſraelitarum: ita CHRISTVS Dominus duodecim ex diſcipulis, & Paulum per ſe ipſum Apoſtolos inſtituit. Atque ut ille per Moſen Aaronem ſummum Sacerdotem Iſraelitarum, Nuni- ſium Imperatorem conſtituit: ita hic per hominem, qui Pontifex ſit, Episcopos creat. Accipe & teſti- monium diui Auguſtini: Nec illa ipſa cleri ele- ctione, nec plebis aſſenſu: ſed ſola Pontificia li cooptatione et conſecratione quiſquam ſit Sacerdos aut Pontifex: cui non homo, ſed Deus ipſe Sacerdotalem Pontificialemque auctoritatem, et uerò diuinam tribuit. Id- que Pauli auctoritate aſſeritur, & dicentis nemi- nem ſibi honorem ſumere, niſi qui uocatur à Deo, tan- quam Aaron; et iubentis Episcopos Aſianos incum- bere ad paſcendum gregem, in quo cuſtodienda Spi- ritus ſanctus eos poſuerat, ut Eccleſiam Dei rege- rent. Quod ſine dubio perſpectum habere debes, ſi unquam*

Hierony. in Ep. ad Gal.

Aug. cùm ſi- bi Graduum ſucceſſorẽ elegiſſet.

Heb. 6.

Act. 20.

inquam bene tibi precantis Episcopi obsecrationem  
obseruasti: Propitiare Domine supplica-  
tionibus nostris: & inclinato super hunc famu-  
lum tuum cornu gratiæ Sacerdotalis, benedi-  
ctionis tuæ in eum infunde uirtutem, & da  
ei clauces regni cælorum; ut utatur, non ut  
glorietur potestate, quam tribuis in ædifi-  
cationem, non in destructionem. Et tribuas  
ei Domine cathedram Episcopiam ad Re-  
gendam Ecclesiam tuam, & plebem sibi com-  
missam. An id genus preces Ecclesia inquam  
instituisset, institutæ sue probasset, nisi Episcopus a  
Deo creari credidisset? Quisquis es, qui secus sen-  
tis, secus prædicas, secus scribis; uide, quanto pe-  
rè fallaris, quantoque in errore uerferis. Quoniam  
Pontifice Maximo auctore, quando ab Ecclesiâ hoc  
institutum, qui ius Ecclesiasticum esse contendis,  
ostenderis? neminem poteris proferre, ne ipsam qui-  
dem Petrum, cuius auctoritate id primum fuerit  
constitutum: cum Petrus ipse, ceterique Apostoli,  
atque illorum discipuli ad CHRISTVM Dominum  
omnia referant; Ecclesiâ, cum eâ de re aut præcipit,  
aut uerba facit, ad ueteres Patres: non sanè secus,  
ac si Apostoli a Domino nostro IESU CHRISTO  
hoc ipsum acceperint; ab Apostolis, qui successa-  
runt, quod porro eiusmodi est, nemo inquam non  
esse diuinum duxit. Qui uero eâ de re primi aliquid  
uidentur præcepisse, fuere Paulus ac Petrus, cum  
ad Timotheum ille scriberet, cum ad Titum; Epif-

*capitulum enim descriptum, & admonuitque; quantum esse oporteat; quantaque diligentia in eo creando sit adhibenda. Neminis placuit, cito manus imponeris. Hoc praeceptum fixum Eccl[esi]ae instituit, quod, cum esset consensuodus, interitusse potes, principio dictum esse: Antiqua sanctorum Patrum institutis docet, & praecipit. Hic uero; etiam sanctores hortaverunt ad dirigendam pascendum; docet et quem suscepit, quem in modam gerere deberent. At uero; quae ipsi tribebant, Deus dictabat; ne putes eorum dictas iussa; documenta in eis aliud à diuino conferri. Nam Paulus, cum ipse loquitur, non Dominus; nos planissime commonefacit; ut cetera omnia; quae ipse uel memorior tradidit, uel literis mandauit; dei fuisse oracula arbitris. Hos autem archieptos; uel quae illos; qui Euangelium scripserunt, adhibuit Ecclesia ad edificandum Sacerdotium; atque ad constituenda; quae Episcopis praecepit. Eorum elogia sunt in ipsis Ecclesiasticis; quod iactas, quo obstringi te fateris; firmissima fundamenta. Tolle constituta Regis publicae solum atque sedem; corruius eius edificium oportet. Adime Episcopis ius diuinam; quod eo fundatum stabilitumque est: Ecclesiasticum adimmas necesse erit. His quidem scriptoribus; sed Domini Dei nostri & uerbis & exemplo, Enanias, Damasus, Nicolaus, ceteri beatissimi atque sapientissimi Ecclesiae praesides, Episcopi in sua diocesi residendum esse docuerunt.*

*Quoniam latissime exposui summum Sacerdotium*

*Enanias*

*1. Tim. 5.*

*Ex Pontif.*

*tium*



# De officiis Eccl. Præst.

51

tim a Deo fuisse institutum, atque ex diuina institutione summos Sacerdotes creari: nunc planissime ostendamus eorum quoque officia fuisse a Deo constituta. Neque enim ille Episcopos instituit, nisi munus, quod essent suscepturi, constituit. quippe cum banda quamquam Antistitis causa Ecclesia constituta sit: sed contra ille propter Ecclesie administrationem sit institutus. Nec uero eadem ratio inita est de Rep. instituenda, atque uel de mundi molitione, uel de urbe condenda, uel de domo edificanda. Nam hominum causa Mundus, ut etiam Philosophi tenentur, dicitur factus: urbes item conduntur, domus edificantur; quæ ipsæ qui successuri sunt, patres familias amplificant, opibusque augent, quandoquidem Deus, qui & Mundum subiecit; hos illi & homines procreauit, his illum subiecit; hos illi dominos, non ministros dedit. At non Resp. magistratus causa instituta est; sed magistratus, ut eam administraret, constituitur. Neque enim Aristocratia ob Senatuum, et propter Aristocratiam Senatus esse cepit; neque populi dominatus ob Tribunos; at propter populi dominationem Tribuni inuenti dicuntur. Hoc enim a Rege differt Tyrannus, & Senatus dominatio paucorum, quippe cum & Rex & Senatus publici commodi gratia imperet, ac rem omnem oblineat: sua uero causa Tyrannus regno, pauci dominatione abutuntur. Quid in re Christianas nunc putas eam ad presulum commoditates institutam esse? an præsidet ad eam probe administrandam creatos?

G 3

Nam

### Oratio tertia

Nam Dominus Noster IESVS CHRISTVS, qui propter nos homines, & propter nostram salutem de caelo descendit; cum sibi Ecclesiam fundasset, atque extruxisset; Antistites, qui eam tuerentur, & gubernarent, constituit: At uero inter humanam Remp. et Christianam id sanè interest; quòd illa, tanquam proximum finem, sibi pacem, uiuendique tranquillitatem proponit: hæc beatitudinem sempiternam; ad quam huius Architectus, atque molitor IESVS CHRISTVS, ut opera suorum administratorum perducamur, contendit. In illâ principes et dignitatem et uim dominorum præ se gerunt: in hac omni prorsus dominandi specie depositâ, Antistites ministrorum; famulorumque omnino personam sumunt. Quod & uerbo nos docuit Dominus Deusque noster, & exemplo: quippe qui uenerit, ut ipse de se deservificatur, ad planè ministrandum; non ut sibi, tanquam Domino atque Magistro, et si uterque uere erat, ministraretur: atque ad uitam pro liberatione multorum profundendam. Illud quoque Augustini scitum admodum est, cum diceret, qui ad Pontificatum uocantur, non ad principatum, sed ad famulatum Ecclesiæ seruientem uocari. Quod nemini dubium esse debet: cum, ut seruus domino, ita Episcopus Ecclesiæ, non sibi, quicquid adipiscitur, acquirit. Quamobrem liquet, officij causâ ordinem Antistitum fuisse constitutum: cum sine ullâ dubitatione officium eis sit præstitutum: ac si quæ dignitas tribuitur, ea profecto officium sequatur. Nam

ad

Matth. 10.  
Luc. 22.

Aug. super  
Ic. hom.  
vii.

ad officium ijs præscribendum, Pasce, inquit, Dominus, oves meas, cum Petrum alloqueretur: cuius persona omnes Episcopos, qui essent in partem operis nocandi, comprehendit. Atque eos officij nomine Pastores non qualescunque quidem instituit: neque enim sis mihi pastor, inquit; nam & uerordes segnēsque pastores reperiuntur: sed Pasce, hoc est instrue, custodi, gubernare gregem meum; adhibe omnem laborem, exple præceptum in hoc munere exequendo, præbe te pastorem omnibus numeris & partibus perfectum: cum Antistites ille constitueret non socordes, sed prudentes; non ignauos, sed nauos; non somniculosos, sed uigilantes ad Ecclesiam administrandam. An non ex literis tam profanis, quam sacris ad templi custodiam, uigilantiam semper necessariam fuisse cognouistis? Nam apud ueteres Græcos, qui & haberi se Theologos, & appellari uolebant; cum accepissent Hebræorum monumentis traditum esse, cælestem custodem hortos deliciarum adseruare, septōsque uigilantiā tenere; ac Sacerdotes ad diuini tabernaculi custodiam uigilare consueuisse: Dæmonum instinctu, tum qui hortos Hesperidum, tum qui in Colchis templum Iouis custodiret, uigilem Draconem, ut ueritatem, quemadmodum non in aliā in re solebant, imitarentur, atque adumbrarent, sinxerunt. Nec Dominus Deus

Mar. 13.

Luc. 12.

Luc. 10.

uerò eum discipulos ad Euangelium prædicandum  
 ac diuulgandum misisset, tanquam messores eos ire  
 iussit, qui fruges meterebant. Nam sic, ut non pauci,  
 ad quarum rerum scientiam eruditi sunt, eas non  
 exerceant. Messis enim, inquit, multa est; opera-  
 rii uerò pauci. nempe qui operam nauarent; non  
 qui nauare scirent, ac possent. Nam quid prodest  
 rerum doctrinam & facultate præditos esse Sacerdo-  
 tes, si minus, ad quod munus electi sunt, exequun-  
 tur? Atque, cum iussisset ad se Aaronem Deus, e-  
 iusque liberos applicari; non ut Sacerdotes, inquit,  
 mihi sint, uerum ut Sacerdotio fungantur. Quid  
 Paulus? eum ait, qui Episcopium munus appetit,  
 bonum opus eum appetere; nonne eius laudabilem  
 appetitionem ad opus, quod Dominus constituerat,  
 non ad dignitatem ostendit esse referendam? Quale  
 autem illud opus esset, definivit, cum Episcopum  
 dixit doctorem esse oportere; uidelicet qui doceat,  
 non qui arte docendi præstet. quandoquidem expo-  
 nendo, quid esset Episcopium munus, ut ait Angu-  
 stinus, docuit Apostolus esse nomen operis, non sa-  
 piæ honoris. quod etiam Hieronymus dilucidè te-  
 statur. Ille idem quoque Dominus noster Antisti-  
 tes familiæ suæ præfecit, qui non imperarent, sed,  
 quem in modum diximus, uelut i fideles prudentes  
 que serui ei cibaria præberent; ut sal, epulas condi-  
 rent; ut lux, præluerent. Dedit etiam eis talen-  
 ta, quæ duplicata saltem, cum ipse rationem posce-  
 ret, sibi numerarent; non uti inertes, & ignaui,  
 ac

Aug ad Pau-  
linum.Hier. ad Ho-  
noratum.

ac potius nequàm & improbi, uel arenâ obruta,  
 uel in arcâ condita seruarent. Itaque his officiis præ-  
 scribendis, ad quæ Episcopos instruebat, cum trans-  
 lationes minimâ indecoras ille adhibuisset, doctis-  
 simi sanctissimique scriptores omnè munus pon-  
 tificiæ dignitati assignatum cum explicarent, tri-  
 partitum esse uoluerunt. quippe ad Antistitem  
 attinet enixè omnem operam dare, primum,  
 ut Ecclesiæ sobolem ad uitam cælestem mysterio-  
 rum usu, & exercitatione gignat, alat, informet,  
 deinde, ut Christianâ doctrinâ optimisque uivendi ex-  
 exemplis instituat, foueat, seruet. tum uerb, ut sum-  
 mâ prudentiâ moderetur, regat, gubernet. Nam  
 ad eum propriè, priuatimque spectat, sacris Dei  
 ministros initiare, uirgines consecrare, templa  
 dedicare, altaria ponere, aras sanctè castèque un-  
 gere, uasa indumentaque sacra religioſaque effice-  
 re: iam aquâ spiritûque diuino ablutos, atque è te-  
 nebris in lucem editos, sanctâ uncturâ ad confirman-  
 dum oblinere: his denique omnibus bene præcari.  
 Eius deindè præcipue partes sunt, docere ac prædi-  
 care: hoc est, non modò interdum ex suggesto con-  
 cionari; sed & frequenter diuinâ oracula interpre-  
 tari, atque dubijs in rebus responsa dare. Quod  
 cum summi Ecclesiastici scriptores animaduertis-  
 sent, eosdem de Apostoli sententiâ Pastores & Do-  
 ctiores esse affirmant: ac si non temerè non dixerit  
 Paulus, alios Pastores, & alios Doctores; quem Eph. 4.  
 admodum dixerat, Alios Apostolos, & alios  
 Prophe-

Prophetas: sed summâ cum prudentiâ, Alios Pastores & Doctores disertè dixerit. Iam & probe rem omnem ita administrare, ut non modò ne quid Ecclesia detrimenti accipiat, provideat: sed toto etiam pectore ad eius utilitatem incumbat, ac pauperum, et viduarum, pupillorumque commoditati prospiciat. Quæ uerò Episcopi sint officia, te docuit Ecclesia, cum ex Pontifice, qui te erat consecraturus audisti, cum diceret oportere Episcopum iudicare, interpretari, consecrare, initiare, offerre, & abluere. Quia uerò nostrum nemo inficiatur uim interpretandi & consecrandi & initiandi haberi à Deo; iudicandi item ab eodem dari auctore concedas, necesse est. Quippe ab Ecclesiâ, quæ ad Episcopi munus attinent, æquè atque unâ in Episcopi consecratione recensentur. Atque ille idem, qui te consecrabat, ut diximus, Deum orabat, ut tibi claves Regni cælestis, quarum potestas in gubernando uersatur, præberet; tribueretque sedem Episcopiam ad Ecclesiam suam regendam. Ac, nequando possis inficiari, à Deo uim Ecclesiæ gubernandæ fuisse institutam, Episcopisque datam; recitentur, quæ accuratissimus Euangelij scriptor Lucas tradidit, cum CHRISTVS Dominus Apostolos esset, post optatissimam illam cœnam, allocutus. Ego dispono uobis, sicut disposuit mihi Pater meus regnum, ut edatis, & bibatis super mensam meam in regno meo: & sedeatís super thronos iudicantes duodecim tribus Israelis. Nec uerò Apostolis

Luc. 22.

*Stolis hanc ille dedit facultatem, ut in ijs ipsis esse de-*  
*fineret (nisi arbitraris non rectè ab eo Christianam*  
*Rempub. esse constitutam) sed quæ in Ecclesiâ perpe-*  
*tuò permaneret. Cum autem in Apostolorum locum*  
*Episcopi successerint, non est dubitandum, quin di-*  
*uinitus Ecclesiæ gubernandæ potestatem accipiant.*  
*Quod sanè tibi confirmet, si repetantur, uerba illa*  
*Pauli: Attendite uobis, & gregi uniuerso, in* Act. 20.  
*quo Spiritus sanctus uos posuit Episcopos,*  
*ut regatis ecclesiam Dei. Agè uerò Ezechielis* Ezec. 34.  
*Propheta uerba consideremus, quo Episcopi minia*  
*dilucidius, planiusque inspectemus. Fili hominis,*  
*inquit, Propheta de pastoribus Israelis: Prophe-*  
*ta, & dices pastoribus: Hæc dicit dominus De-*  
*us, Væ pastoribus Israelis: qui pascebāt semet*  
*ipsos. Non ne reges à pastoribus pascūtur? Iac-*  
*comedebatis: lanis operiebamini. Nempe hæc*  
*duo significant, quæ Episcopis ad uescendum, atque ad*  
*corpora uestienda, ut docet Paulus, satis esse debent,*  
*atque à populo abundè suppeditantur. Quæ uerò se-*  
*quuntur luxum quendam, ab eâ uinendi ratione, quæ*  
*Antistitem decet, abhorrentem, præ se ferunt.*  
*Quod Pingue erat, inquit, occidebatis, ad maxi-*  
*mam pastoris iniquitatem innuendam: cuius officium*  
*cum sit ita gregem compascere, ut tantum absit, ne*  
*macie extabescat, ut pinguius ualensque admodum*  
*sit: ipse eius cæde optimum adipalemque corporis ha-*  
*bitum acquirat. An non tanquam oues, quæ bene*  
*habrant, qui adeo probe doctrinâ Christianâ educa-*  
ri

ri sunt, ut recte uiuant, eos improbi Antistites per-  
dunt, & interficiunt: cum eorum malo exemplo, ut  
ad uitam deteriore inducantur, sic etiam ad inter-  
nitionem perducantur? Gregem autem deinde,  
inquit, meum non pascebatis. Cū enim pasto-  
res positi essent ad oues pascendas, illi se ipsos pascē-  
bant: eas autem ita negligebant, ut hæc incommo-  
da consequerentur. Quod infirmum est, non  
consolidastis: quod ægrotum, non sanastis:  
quod confractum, non colligastis; quod ab-  
actum, non reduxistis: quod perierat, non  
quæxistis. Quinque enim incommoda pecoris male  
habentis notantur: quæ diligenter, antequam eue-  
niant, cauenda sunt: ubi euenerint, pellenda. Ac pri-  
mum est, cum uel magnitudine rerum credendarum,  
uel periculoso temporum motu, nimirumque impetu per-  
turbationum, & infelicitatis dimicatione fides reli-  
gioque infirmatur. præsens autem huic malo reme-  
dium sit, si dubitationem Episcopus euellat, tenebras  
ignorantiæ ueritatis luce expellat, animos labantes  
sustinet, mentes hæsitantes confirmet, ad res ad-  
uersas ferendas hortetur, ad humanam felicitatem  
mortalis uitæ contemnendam adducat, obsequio de-  
nique erga fidem summittat: ut præcipit Paulus, 'qui  
laudi Abraamæ dedit, quod nunquam ei fides dese-  
cisset. Alterum est, cum morum probitas ægrat',  
animique constantia commodorum auaritia læquet,  
ac uoluptate flaccescit. quæ ut recte ualeat, uirēsque  
amissas adipiscatur, uoluntas ita saluari admonitio



ne sananda est, ut fons perturbationum, à quo omnes id genus agrotationes emanant, exsicceetur, ac penitus exarescat; eaque cura adhibenda; ut luxur omnino tollatur; quo, cum animus diffluit, firmitudo eius dissolvitur, honestas scèdatur. Tertium, in discordia versatur, quia ius omne confringitur, atque, ut uulgò fertur, maximæ res dilabuntur; nullaque est domus tam stabilis, nulla ciuitas tam firma, quæ non possit funditus eueri. Seminarium autem ea eum sit factionum, atque scètarum, eius uerò mater cupiditas habeatur; ex qua odia, dissidia, seditiones, bella denique nascuntur: hæc non modò sedanda est, uerum etiam ui & grauitate dicendi restringenda; ut, quod confractum est, atque disunctum, amicitia uinculis colligetur. Quæ animorum colligatio, quæ coniunctio studiorum nunquam profectò erit, ut nec illa sanitas mentis, nec ea moderatio uoluntatis, si in diuicis, quorum est dissensiones conuellerè, pacemque conciliare, Episcopi non confederint. Quartum, in hæresi seditiosissimorum hominum consistit, qui pecus abigunt, & à pascuis sanctissimæ matris abducunt. Ad hoc recipiendum, Pauli præceptum adhibeatur; qui iubet semel atque iterum admoneri, ad Ecclesie disciplinam ut redeant, qui ab eâ recesserunt. Postremum, in errore positum est, quo ab uniuerso grege longè diuicula aberrat: atque ita in animum de relicita defleuit, ut demum omnino pereat, necesse sit; nisi cætero pecore in saltu relicto, ad eam querendam descenderit pastor, illum imitatus, qui de

# Oratio ter tia

de colo se demisit, ut quod aberrauerat, reuocaret;  
 & quod perierat, reperiret. At, quanquam hæc  
 commoda à Dei beneficentiâ proficiuntur: quia ta-  
 men summi Sacerdotis operâ præbentur, sit interdum  
 ut eius incuriâ minùs præstentur: quod idem Prophe-  
 ta nos docet. Nam Dispersæ sunt, inquit, oues  
 meæ eò, quòd nò esset Pastor. & factæ sunt in  
 deuorationem omnium bestiarum agri. An  
 belluarum ulla uitij, quæ miserabilem plebeculam  
 lanianit, immanior potest uastiorque reperiri? Quam  
 obrem Requiram, inquit, gregem de manibus  
 eorum. Reposcet enim, reposcet Deus ab Episco-  
 pis rationem pecoris, quod custodiendum, compa-  
 scendumque sumpserunt, repetetque omnia detrimen-  
 ta, quippe qui perindè pro salute plebis uigilare de-  
 beant, ut docet Paulus, ac si eius rationem sint pla-  
 nè reddituri. Considerate igitur, quæ uobis munia  
 Deus ore uatis sui definiat, præcipiat, præscribat:  
 quæ supplicia, si ea neglexeritis, minetur. Ea por-  
 rò eiusmodi esse intelligite, quæ uestram præsentiam  
 omnino requirant. quandoquidem non modò concia-  
 ne in templo habédâ; sed priuatim quoq; alloquendo,  
 exhortando, deterrendo, consolando, consulendo, pro-  
 uidendo, defendendo, reprehendendo, admonèdo; nec  
 tantùm uerbis, uerùm etiam exemplo, ac re proficien-  
 do, subsidijs adiuuando, opibus tuendo, hæc ipsa ef-  
 ficere debetis. Agè uerò expendamus, quæ, qui uos  
 Antistites consecrabat, presabatur, Sit, inquiebat,  
 fidelis seruus & prudens, quem constituas

Hebr. 13.

Ex Pontifi-  
 ciali.

tu

tu Domine super familiam tuam; ut det illi cibum in tempore oportuno: & exhibeat omnem hominem perfectum. *Quid sibi uolunt potestrema hæc uerba? Magnum quidem sanè est, ita fidelem prudentemque seruum esse, ut cibaria familie, quemadmodum exposuimus, oportuno tempore tribuat. Sed longè maius & præclarior quiddam erit, si eam perfectam effecerit. Nam Dionysius ille Pauli discipulus, ut tria munera, sic etiam tres ordines reperit in Ecclesiasticâ Hierarchiâ à Deo constitutâ. quandoquidem, ut primum munus perficiendi, alterum illuminandi, tertium purgandi esse dixit: ita summo loco Episcoporum ordinem; quorum officium est perficere; secundo Sacerdotum, ad quos attinet illuminare; tertio Ministrorum, quorum est purgare, constituit. At, præterquam quòd in sacro illo genere propagando, quod ad officia Deo præstanda deditur, & in diuino Spiritu afflando magnâ ex parte ea perfectio consistit: absolutio præterea totius Christianæ familie, cum & in morum sanctitate, & in rerum diuinarum perspicientiâ uertatur, tum luculentissimis ueræ doctrinæ præceptis, tum optimis sanctæ castæque uiuendi documentis comparatur. Nam ut ueritatem sanctitatēque & uideant, & ostendant, Episcopi tum lux mundi, tum etiam oculi Dei, quemadmodum ostensum est, nuncupantur: cum per eos populus Regni cælestis reconditiora suspiciat. Dicuntur etiam & sal terræ, ut mares condiant: & Vrbs in monte posita, ut tanquam in conspectu omniū*

Dionys.  
con-

constituti, clarissimum eminentissimumque recte uiuendi exemplar proponantur. Quapropter omnibus uirtutum numeris adeo perfecti expleti que sint oportet, ut earum perfectionem absolutionemque non iam nunc discant; sed doceant; non iam nunc querant, sed inperitiant; non iam nunc appetant, sed exhibeant: atque Ecclesiam ita expurgent, ita expoliant, ita extolant, ita exornent, atque illustrent, ita denique perficiant, ut omnimaculâ elutâ, omni tabe deletâ, omni mendo sublato, multo lumine diffuso, spiritu cœlesti afflato, ueluti Christi sponsam pulcherrimam, nullo non laudum genere cumulatam, nullo non sanctitatis splendore ornatam, nullis non denique religionis Christianæ partibus absolutam, Deo patri sint oblaturi. Atque cæ quidem omnia hoc præcepto, Pasce oues meas, continentur. Iam uerò locus ille; Ego sum Pastor bonus. bonus Pastor animam suam dat pro ouibus suis: mercenarius autem fugit: si perpendetur, erit planissimè documento, tantum abesse, ne in Ecclesiâ suâ residere cogatur, ut pro eâ mortem oppetere Episcopus debeat. Præceptum enim hoc est; quod ex Domini exemplo, et ex boni pastoris definitione constat. Cum enim Dominum Deumque nostrum ita nos imitari oporteat, ut cruce in humeros sublatâ eum sequamur, docet ille suo exemplo boni pastoris officium nobis esse fungendum: definit autem sic bonum pastorem, ut eum esse uelit, qui in ouium suarum defensione uitam insumat. Quia uerò pro pecoris sui salute se ipse

Ioan. 10.

Mar. 10.

ipse in arâ crucis mactandum dedit, evidentissimè ostendit se bonum pastorem esse; & quod consequitur, admonet, quos ipse ouium suarum pastores esset instituturus, ut in earum custodiâ hoc idem à se documentum sumerent, quo boni pastoris munus obirent.

Atque, ut euidentius, qui sit bonus pastor, intelligatur; eum à mercenario distinguit, quem constituit eum esse; qui, cum uidet lupum uenientem, dimittit oues, & fugit; non se pro eis lupo irruenti opponit, non pugnat. Quamobrem? quia mercenarius est, quem nulla de pecore cura attingit, nulla animi sollicitudo excitat; nulla cogitatio permouet. Itaque commonefacit Antistites, ut animaduertant se esse institutos, qui sint boni pastores (cum eius personam gerant, qui pro grege seruando occidendum se præbuit; ouesq; eis, cum ad cælum esset ascensurus, commisit: quas uti suas compascere; & ex quibus ad uictum, cultumque necessarium, laboris fructum aliquem caperent) non mercenarij; qui ad alienum pecus custodiendum mercede conducuntur; non quo ille in se amore pastorem affici oportere declarauit, inducuntur: declarauit autem, cum ter Petrum rogasset, an se amaret: ac si nos commonefaceret, ut summâ duntaxat in Deû charitate adducti pastoris officium exequamur. Ad hanc enim sententiam ea Ioannes docuit esse referenda: In hoc enim, inquit, cognouimus charitatem Dei, quoniam ille pro omnibus animam suam posuit: & nos debemus pro fratribus nostris ponere. Habemus & lo-

1<sup>o</sup> Ioan. 3.

## Oratio tertia

Greg.  
Papa.

cupletissimorum auctorum testimonia, qui hunc locum ita intellexerunt. *Recita, quæ dixit Gregorius ille. Magnus, cum plebem alloqueretur: Eius bonitatis formam, quam nos imitemur, adiunxit dicens, Bonus Pastor animam suam pro ouibus suis ponit. Fecit quod monuit: ostendit, quod iussit. Recita, quæ firmissimum Ecclesiæ columen Augustinus. Pastor bonus CHRISTVS. quid Petrus? nonne bonus Pastor? nam & animam suam pro ouibus suis posuit? quid Paulus? quid cæteri Apostoli? Quid qui eis successerunt Antistites? nonne horum permulti, ut illi ipsi, pro suscepto grege uitam profuderunt? Ille idem Augustinus testatur, cum Ecclesia nexatur, etiam si periculum mortis immineat, Episcopum fugâ sibi salutem querere non posse; propterea quod, ut ille ait, exemplo Domini debet bonus pastor pro ouibus suis animam ponere. Itaque non modò exemplum de grege pascendo, quod sequi nos oporteat; sed normam quoque & regulam dedit, cum boni pastoris uim propriam ac naturam definitione declarasset: quam tametsi ipse non seruasset, nos quidem iure diuino seruare cogeremur. Nam sanctissimi doctores; quorum in sententiam Nicolaus Pontifex Maximus, & Diuus Thomas iuerunt, ex hoc loco præceptum sumpserunt, quo asserunt; si quod in discrimen Ecclesiæ salus uocetur, Episcopum non modò ad resistendum compelli, uerùm etiam ad mortem pro eâ obeundam. Agite uerò, cognoscite, quàm bellè,*

Augustinus

Nicolaus  
Papa.  
D. Thomas.

bellè, quàm appositè, quàm dilucidè, quod definierat, illustravit; cùm boni pastoris quid sit proprium, explicauit. Ego sum Pastor bonus: & cognosco oves meas, & cognoscunt me meæ. *Ioan. xi* Quasi diceret; se ijs, qui futuri pastores essent, ut boni quisque pastoris munus expleret, documentum tradidisse; quo darent operam, ut & oves agnoscerent suas, & ab ijs ipsi agnoscerentur. Quod cum planè scriptorum Ecclesiasticorum nemo secus intellexit, tum maxime Theophylactus & amplissimus Antistites & luculentiss. diuinorum oraculorum expiator. *Theophylactus* Accipite, quæ ille scripsit: Agnosco differentiam Pastoris & mercenarii. nam mercenarius quidem nescit oves eò, quòd non sæpe illas inuifit. Et uerò quisquis non cælesti amore inflammatus Ecclesiam sicut sponsam sibi coniugauit, multùm abest, ut eius coniugio fruatur, & conspectu atque congressione oblectetur. Nunquid officium boni pastoris præstauerit, qui non cuiusque ouis balatum uultumque norit? Nunquod ægrotanti præsens remedium afferre poterit, qui ab alijs acceperit; non ipse ex eius aspectu, uoce, omni reliquo motu, & statu morbum perspexerit? An contrà, pastorem suum pecus diligit, auscultet, sequatur, citius nec uocem unquam audiat, nec præsentiam aspiciat? Ac, ne quis dubitet, quod sibi attribuit, id in cæteris à Domino requiri; repetatur, quod paulò antè ab eo dictum est: Qui non intrat per ostium *Ioan. x.* in ouile ouium, sed ascendit aliunde, ille tur est,

### Oratio tertia

est, & latro. qui autem intrat per ostium, Pastor est ouium: huic ostiarius aperit: & oues uocem eius audiunt: & proprias oues uocat nominatim, & educit eas: & cum proprias oues emittit, ante eas uadit: & oues eum sequuntur, quia sciunt uocem eius.

Alienum autem non sequuntur: sed fugiunt ab eo, quia non nouerunt uocem alienorum.

*Videtis, Patres amplissimi, quam perpulchrè, quam luculenter, quam exactè Dominus Deusque noster pastoris munia sub oculis subiyciendo eum definierit; atque ab illo, qui pastor non sit; sed, ut ipse ait, alienus, secreuerit. Quo discrimine hic ab illo seiungitur? quo alio, nisi quòd huius uocem oues agnoscunt, illius non agnoscunt? Cuius uocem agnoscunt oues? non furis, non latronis. quippe cui fores caulae non pateant, sed aditus aliunde quaeratur. Cuius tandem uocem agnoscunt? nempe eius, qui per ostium intrat. Ac, ne ostium ignoremus, Ego, inquit, sum ostium. per me si quis introierit saluus erit, & ingredietur, & egredietur, & pascua inueniet. Fur non uenit, nisi ut furetur, & mactet, & perdat. ego ueni, ut uitam habeant, & abundantius habeant. Quisnam hoc ostio ingreditur? qui fidèi mysterio initiatus Domino Deo nostro ita credit, ut eum unice diligat; in eo spem omnem ponat; eius quæ sunt, consecrètur; ad eius gloriam, non ad sua commoda, omnia studia atque consilia referat; quæ Deus mandauit, per*  
scrute-

Ioan. x.



scrutetur, ignorari ea non sinat; ut & sciat, quæ sibi ex diuino præcepto seruanda sint, & seruet. Huic profectò ianitor templi fores aperit. hunc docentem plebs audit. hic singulos nominatim appellat, comiter affatur; amicè consolatur, ad concordiam magnâ cum auctoritate hortatur, in officio benignè retinet, ad pascua cælestis doctrinæ educit, duce eis in nitæ actione se præbet, discordias tollit, lites componit. hunc libenti animo illi sequuntur. Quamobrem? quia frequenter hæc munera is ita coram exequitur, ita crebro illos inuisit, ita complectitur, educat, fouet, quod uberius uiuant, ut uocem uultumque eius agnoscant. Non sic fures, non sic latrones, qui non ostio, sed astio aditu ingressi omnia diripiunt; expilant; dilaniant. Quid, qui à grege alieni sunt? nonne, etiam si quando per ianuam intrent, ita rem tamen non ritè administrant, ut quasi mercenarij, meritò externi habeantur, & alieni? An non sapientis documentum illud unquam animaduertistis, ad quod Domini elogium uidetur allusisse? Diligenter cognosce uultum pecoris tui, tuosque greges considera. Num alium quempiam pastorem ille alloquitur, quàm qui populum regendum custodiendumque sumpsit? Nam uerius dici putas ποιμένα λαόν, qui Remp. aliquam apud ueteres administrabat, quàm qui Rem Christianam gubernat? atque singulorum ciuium aspectum intueri, suo singulos nomine, ut docuit etiam Homerus, appellare, totâ mente in eam curam co-

PRO. XXV II.

ε. π. α. ο. ι.

H 3      gitatio-

### Oratio tertia

gitationemque incumbere, ne quis incommodi quicquā accipiat, ad hunc minus attinere, quā ad illum attinebat? Accedat eodem Pauli sententia, qui munus Episcopi in eā constituit actione, cuius nunquam cum pudere possit, atque in docendo, quod uerum est, cum Timotheum communesaceret, ut eum se Deo exhiberet, quem ille esset probaturus; & quidem operarium, qui merito nunquam erubescat, & quæ in ueritate consistunt, pertractet. Omitto præterea permulta, quibus Episcopia munera facile probarem à Deo fuisse instituta: cum id sententia nostræ aduersarij nobis assentiantur. Quod reliquum est, ut esse eiusmodi hæc planè demonstramus, quæ, nisi præsens, ille exequi nequeat; quamuis magnā ex parte actum esse uideatur, id tamen, quā breuissimè poterimus, conficere contendemus: ut demum ei iuxta diuinum esse in suā diœcesi residendum concludamus. Ius autem diuinum propriè priuatimque appello, quod uel ex diuinæ scripturæ monumentis constat: uel ex præceptis, quæ & si literis prodita non sunt, data tamen à Deo cum essent, deinceps nempitèr, tanquā per manus, tradita iam usque ab ætate Apostolorum ad hanc nostram peruenerunt. Quæ uerò scripta sunt, aut proprijs apertis que uerbis expressa reperiēs, aut ijs quidem certè, quæ tantūdem ualeant. Nam perspicua illa quidem claræque uerba sunt: Nisi quis ex aqua Spirituque sancto renatus fuerit, non potest introire in regnum Dei. & Qui crediderit,

&

& ablutus fuerit, saluus erit: qui non crediderit, condemnabitur. Illa uero, Pasce oues meas. & bonus Pastor ponit animam pro ouibus suis: id ualent, quod esset, si hæc dicerentur, Sit tibi curæ, ut ad pascendas oues meas resideas. Et illud habeto, boni pastoris esse non modò à grege neutiquàm discedere, sed pro eo uitam quoque deferere. Quidnam existimas esse residere, nisi instare, urgere assidue, perficere quod susceperis, ita arctè cum grege coniungi, ut, duo qui sitis, unum tamen esse omnes perspiciant. Audi, quæ August. Augustinus, cum ea uerba, Petre amas me: pasce oues meas: exponeret, dixerit; Sic ei oues commendabat, ut esset ille caput, & ille figuram corporis, id est Ecclesiæ portaret; &, tanquàm sponsus & sponsa, essent duo in carne una. unum enim facere Petrum & Ecclesiam uolebat. Quod Deus à Petro tunc exegit, à te quoque nunc exigit; nimirum unum esse illum quidem & Ecclesiam uniuersam, te uero & quam eius partem sumpsiſti. Quod sanè quidem est, si susceptum pecus non deseris; sed præsentia tuâ custodis, pascis, defendis: atque ita defendis, ut, cum opus fuerit, pro eo mortem oppetas. Num unum esse potest, qui absit? num pastoris absentis uultum oues agnoscunt? num uocem audiunt? num absentem sequuntur? num absens ille in eas lupo inuadenti se opponit? eas tutatur? pro eis uitam ponit? num absens labantem ouiculam sustentat? cadentem erigit? iacentem tol-

## Oratio tertia

lit? aberrantem querit? repertam gaudens bumeris suis reportat? agrotantem sanat? balantem solatur? abactam repetit? arietum certamen dirimit? concordiam inter eos conciliat? num quam aliam officij sui partem agit? Quid Petrus? quid Paulus? quid ceteri Apostoli? quid successores, Clemens, Anacletus, Evaristus, Alexander, Ignatius, Polycarpus, Phileas, Cyprianus, ceteri sanctissimi & gloriosissimi milites Domini nostri IESU CHRISTI, quorum seriem longi operis esset recensere? nonne, quod Dominus precepit, intellexerunt, intellectumque seruauerunt? num gregem unquam deseruerunt? An non adeo in eo custodiendo atque pascendo resederunt, ut pro eius salute nihil, quod periculum intenderet, extimuerint; nihil, quod esset agendum, pratermisserint; uitam denique absumpserint; ut cuique, quod priuatim Domino Deo nostro attribuitur, sibi non falso id assumere licuerit? Quidnam tibi, uinea mea, facere unquam potui, quod non fecerim? Ego, his manibus, his inquam manibus te cõseui: te sepe densissimam circumuestiui: te firmissimo praesidio muniui: in te eminentissimam turrim ad te custodiendam extruxi: quam maximo poteram opere, ut fructum ferres, colebam: te ab immani apro, ne te inuaderet, defendebam: à te beluam singulari feritate insignem, ne te illa popularetur, propellebam: pro te denique nihil sanè laboris unquam, ne illud quidem, ne cum sanguine uita efflueret, recusavi. Nunquid est, ut nobis id quod

que liceat profiteri; quibus nihil profectò minùs cura est; quam, ut in administratione rerum, quæ ad Deum spectent, commoremur? Cùm autem omnia, quæ scripta sunt, ad nos erudiendos sint conferenda; perpendatur, obsecro uos, quod de Petro Ecclesiæ principe memoriæ proditum est. Is enim cùm acerbitate supplicij deterritus, uitæ periculum, quod impendebat, fugeret; urbe egredienti dicitur Dominus occurrisse; agnitusque atque rogatus, quò iret; respondisse, Romam, ut iterum in crucem tolleretur: intellexisse autem ille sibi Dominum esse imitandum, Dominique & præcepto & exemplo compelli ad uitam pro grege suscepto profundendam. Et quàm primùm paruisse: actusque in patibulum; quæ Dominus nosler IESVS CHRISTVS Ecclesiæ iecerat fundamenta, in urbium omnium reginam communisse, ei que mœnia circundedisse: ut, quemadmodum Romana potentia uniuerso terrarum orbi imperabat; ita Romana Ecclesia uniuersæ rei Christianæ præesset: ac Roma hoc nouo Architecto magis, quàm prisco illo Romulo gloriaretur. Quod cùm Beatissimus ille Pontifex Maximus Leo pulcherrimam oratione effusè prosecutus esset; ego quidem hoc carmine, cùm templum Diui Petri inuiserem, sum complexus:

Dic mihi, Romanæ maior qui conditor urbis;  
 Romulus, an Regni Ianitor atherij?  
 An'ne homo, an ipse Deus? periturum denique Romæ  
 Ille quidem Imperium, ast hic sine fine dedit.

Ille

Rom. xv.

## Oratio tertia

*Ille caput Latij regnantem effecerat orbis :*

*Hic extra fines protulit Oceani .*

*Iam uerò, qui abest Antistes, neque prolem Ecclesiæ potest uirtute mysteriorum procreare, neque uitæ præceptis informare, neque subsidijs tueri, nec diuinâ sapientiâ gubernare, nec opus ullum obire, quod suam præcipuè curam attingat. Num quem de plebe accedentem affari, tristem consolari, egenti subuenire, periclitanti opitulari, ignorantem docere, errantem admonere, peccantem corrigere, roganti respondere, dubitationes euellere, falsas opiniones delere, dissidia dirimere, omne odium amicitiae uenenum expellere, amicitiam gignere, genitam augere? num ut publicæ felicitati, sic & singulorum saluti omni studio, omni consilio, omni denique labore prospicere? num sanæ doctrinæ qui obloquuntur, arguere? num eorum uanitatem, qui honestas piâsque domos euertunt, comprimere? At perspectum uobis est ex præcepto Pauli, oportere Episcopum amplecti eum, qui secundum doctrinam est, fidelem sermonem, ut possit exhortari doctrinâ re-  
ctâ; & eos, qui contradicunt, reprehendere. num Euangelium prædicare? num urgere, instare, increpare, castigare? Atque ille idem Paulus, cùm tempus è uitâ abscedendi immineret, qua obtestatione id Timotheo, mandârit, tamen si non ignoratis, adhuc tamen cognoscite: Testificor coràm Deo  
& IESU CHRISTO, qui iudicaturus est uiuos & mortuos per aduentum ipsius, & re-  
gnum*

1. Tim. 3.

2. Tim. 4.

gnum eius: prædica uerbum, inſta oportu-  
 nè importunè, argue, obſecra, increpa in  
 omni patientia & doctrina. erit enim, cùm  
 ſanam doctrinam non ſuſtinebunt. *Quid ſigni-  
 ficant illa uerba, Oportunè, importunè? quid aliud,  
 quàm quod Chryſoſtomus & Theophilaëtus docue-  
 runt? Episcopo nullum eſſe definitum, certumque  
 tempus in ſua diœceſi conſidendi; ſed perpetuò, ſuo,  
 alieno tempore, ſiue pace omnia ſint tranquilla, ſiue  
 bello perturbata, ſiue tuta uideantur, ſiue in peri-  
 culis maximis uerſentur, laboris plurimum ſumen-  
 dum: & quod multò antè Euaristus Pontifex Roma-  
 nus his uerbis explicauerat? Episcopum oportet  
 oportunè, & importunè, atque ſine intermiſ-  
 ſione eccleſiâ docere, eâque prudenter regere,  
 & amare, ut à uitiiſ ſe abſtineat, & ſalutem con-  
 ſequi poſſit æternam. Audite &, quæ ſequuntur:  
 Tu uerò uigila, in omnibus labora, opus fac  
 Euangelistæ, miniſterium tuum imple. An  
 qui in Eccleſiâ non reſederit, in eâ uigilauerit? om-  
 nem operam nauauerit, præconis opus ad Euange-  
 lium peruulgandum obierit, famulandi miniſtrandi  
 que munus explenerit? Quamobrem, cùm Dominus  
 Deusque noſter, ut planiſſimè oſtenſum eſt, Episco-  
 pos, qui hominum ſint paſtores, gregemque ſuum  
 paſcant, inſtituerit, hiſque ſinem ſalutem illorum  
 propoſuerit, officia uerò ad eam quærendam, aſſe-  
 rendamque perſcripſerit, neque autem hi munus e-  
 xequi ſuum, niſi in præſecturâ reſederint, queant;  
 neque*

Euaristus.

1. Tim. 4.

### Oratio tertia

neque immortalī animorum felicitati consulere: consequitur planè; ut, qui illa constituerit, edixerit, mandauerit; hoc item, ut Antistites in diœcesi resideant, præceperit. Nam, quo iure continentur, quæ agimus, eodem quoque teneantur oportet, quibus utimur ad ea peragenda: quo illud, quò tendimus, eodem & studia eò perueniendi, & omne id, quod eò ferat, atque deducat: quo rei susceptæ finis, eodem & quibus eum assequimur. Quia uerò Dei mandato Episcopus Ecclesiæ officia sua præstare debet: ad hæc autem præstanda ei necessarium est ibidem, ut latissimè demonstrauius, residere; consequens est, ut eodem mandato ad residendum in eadem diœcesi compellatur. quippe cùm id quod personæ tribuitur, eius præsentiam requirat: personæ autem, quæ per se & sciat, & queat rectè obire munus, quod suscepit; non generis claritati, non potentiæ, non fortunæ, dignitas, qua cum rerum administratio coniuncta sit, deferatur: at cum Pontificio magistratu ita curatio pastoralis iure diuino cohæreat, ut personæ sit ea tribuenda, quæ per se, illum gerere, ut Deus præcepit, neque ignoret, neque non possit. Neque enim in Episcopo deligendo tam multa maiorum nostrorum concilia, totque Pontifices Maximi tantum operæ ac diligentie ponendum esse stauissent, nisi personæ Episcopium munus tribuendum esse perspexissent; & quidem tantâ uirtute affectæ, quanta in eo requiritur, qui sit in optimo hominum genere collocandus. Cùm enim tria genera homi-



hominum veteres Philosophi, teste Hesiodo, fecerint: unum eorum, qui nec per se sciant, nec consulant peritiores, quod pessimum esse dixerunt: alterum, quod optimum, eorum qui et per se intelligant, quod rectum sit, & agant: tertium, quod mediocre, eorum qui, & si per se ignorant, à prudentioribus tamen consilium capiant: ex illo optimo Antistites Dei præcepto sunt eligendi. Nam ubi bonum pastorem ille definiuit, optimum descripsit: cum optimus qui non sit, bonus pastor esse non possit: et sicuti Horatius Poetis dixit, ego quidem affirmem Pastoribus, esse mediocribus non licere. Ex quo fit; ut, qui iure diuino pascere coguntur, eodem quoque ad residendum compellantur. Quemadmodum enim, quia Dei mandato proximum diligere debemus; sequitur, ut eodem mandato ei pecuniâ nostrâ subuenire debeamus: quando Ioannis testimonio diuinâ is charitate non ardet; qui, cum bonis affluat, quem uidet egere fratrem; nullâ liberalitate prosequitur: ita cum Dei præcepto Episcopus docere cogatur, eodem ut ad docendum resideat, oportet; ac prospiciat, ut ne sit veluti fucus inter apes: at solis instar habeat, cuius præsentiam & lux & calor consequatur: ut tenebris ignorantibus depulsis, altera mentes hominum illuminet, altero frigentes inflamet ad corporis mystici perfectionem. Nec dum quisquam dubitauit, cum iussisset Apostolos ire ad Euangelium peruulgandum, præcepisse Dominum nostrum IESUM CHRISTUM, ut docerent & pastoris

1. Ioan. 4.  
& 3.

## Oratio tertia

floris officio fungerentur. Nam ab Apostolico officio non erat in eis Pontificia potestas seiuncta: et, quod de Episcopio munere fungendo eis mandavit, etiam his mandasse, qui essent illorum in locum successuri. Ut enim cum eosdem Apostolos iussisset facere, quod ille in sanctissimâ illâ cenâ fecisset, & antequàm ad cælum ascendisset, accipere Spiritum sanctum ac potestatem & ligandi & soluendi; noluit illud idem facturos esse, & Spiritum sanctum, uimque absoluendi accepturos, qui posthac essent Sacerdotes cooptandi; nimirum ut utrunque per se ipsos explerent. Ita, quod ille dixit Petro, nempe ut pasceret oues suas; et quod omnibus item Apostolis; quippe ut Euangelium prædicarent, ut ad iudicandum de plebe suâ sederent, ut Ecclesiam regerent: idem quoque cæteris omnibus, qui Episcopi futuri essent, dictum esse maiores nostri intellexerunt, ut per se quisque hoc munus exequeretur. Nam Paulus malum sibi ominabatur, nisi Euangelium annuntiaret; &, quod in mandatis habebat, efficeret. Atque, cum omnis Episcopia potestas à Deo sit ad oues pascendas instituta, qui eam fuerint adepti, iure diuino per se pascendi officium ipsi obeant, oportebit; et ad quem Pontificium honorem ascenderint, eius onera sustinere cogantur. Nam, ut oculi suapte natura ad intueendum atque ad conspiciendum in fronte positi sunt; ita Episcopi in præcelso dignitatis gradu ad pecus custodiendum, atque ad speculandum collocantur. Iam ue-

Ioan. 21.  
Mar. 16.  
Luc. 22.  
Eph. v.  
Act. 20.

In Politi-  
cis.

rò

rò, si Aristoteles non mentitur, in Rep. Magistratus, quem in animali anima, locum tenet: in Ecclesiâ non eundem Episcopus tenebit? Ac, si anima abscefferit, cadat corpus; uitâque animal amittat, necesse erit: si desit Magistratus, pereat Resp. si absit Episcopus, Ecclesiâ non malè habeat? Quid? rerum, quæ à naturâ in uniuersitate proficiuntur, gubernatio, naturalium præsentiam exigit causarum: Reip. ab homine constitutæ administrationis ab ijs, qui præsidet, ut consideant, postulat: quam Deus fundauit Ecclesiâ, cum longè præstantior sit, eius curatio Episcopis residendum esse non poscit? Nunquis præsidere potest, qui non resideat? nam, etsi non quisquis residet, præsideat, oportet: nemo tamen qui uerit præsidere, quin etiam residerit: ut nemo est homo, qui animal non sit. Agè uerò, si docet Paulus Episcopum esse oportere, 1. Tim. 3. qui rectè suæ præsit familiæ, liberòsque in officio, atque in castimoniâ retineat; qui uerè suæ familiæ præesse nescit, hunc esse diligentem in Ecclesiâ Dei gubernandâ nequire: nonne ut pater familiâs, dum aberit domo, nec familiæ suæ præsidere, nec liberos regere poterit, neque castè educare; quippe quos, si longo pòst tempore ille redeat, ne agnoscat quidem; tantum abest, ut in eos curam diligentiamque contulerit: ita, diu qui à suâ diœcesi abfuerit, Antistes, neque Ecclesiæ Dei præesse poterit, neque in eâ, quos genuit, filios castè sanctèque erudire? Nam illo eodem Apostolo auctore, hæc ita inter se compa-

## Oratio tertia

comparantur ; ut , quam habet paterfamilias cum familiâ , cui præest , comparisonem ; eadem Episcopo sit cum Ecclesiâ , quam regendam suscepit . Ecquis pastor Ecclesiasticus non sibi ad imitandû ac curationem ac uigilantiâ , ab illo Israhel electi populi parente in alieno pecore compascendo , adhibitam sumere deberet ? Si homini ille rationem cum esset redditurus , ut nos commonescere Damasus Pontifex Maximus & Chrysostomus Constantino- politanus Antistes , summâ diligentia summâque so- lertiâ dies , noctesque in saltu ad custodiendum pa- scendûque soceri gregem , infumebat : qui Deo ra- tionem suâ curationis redditurus est in eius Ecclesiâ regendâ non tantundem operæ atque studiij posuerit ? Ille abditos recessus , sylvasque compascuas habita- bat , & à consuetudine propinquorum abhorrebat , ut oves suâ præsentia pingues , ualentesque habe- ret : hic urbanas delicias non reliquerit , non Ro- mæ abfuerit , non ab aulâ discesserit , ut præsens Do- mini pecus pascat ? Ac si rectè à Diuo Hieronymo Paulus tanquàm Christi Apostolus cum Præfecto prætorio Cæsaris militum magistro ; à nobis Epi- scopus , uti Christi Vicarius , confertur : uideat , que- so , quantum laboris , quantum industrie , quan- tum uigilantiæ , ut ipse suæ militiæ munus obeat , sit adhibiturus . Nimirum hoc illud est , quod pulcher- rimâ comparatione insinuat , hominis , qui cum peregrè esset profecturus , uocatis seruis tradidit bo- na sua ; cum Domino Deo nostro , qui antequàm è

terrâ

terrâ se extulisset, diserte iussit discipulos pascere oves suas, & ire ad omnes gentes docendas, ab eis rationes, ubi ipse redisset, accepturus. Quid est enim, ut Ecclesiasticas ille potestates instituerit, ac suum cuique munus adscripserit? num ut nomine & gloriatione inflati dignitate fruerentur, non suo singulæ officio fungerentur? Repetat illud quisque nostrum memoriâ, quod sibi precabatur, qui se consecrabat: Da ei, Domine, claves Regni cælorum: ut utatur, non glorietur potestate.

Ex Pōific.

Quam ob rem Paulus, Ecclesiam Dei cum humano corpi ore, ministros cum membris comparavit? nonne, ut quemadmodum illa in corpore ad, quæ cuique munia tributa sunt, peragenda ponuntur: ita hi se intelligerent in Ecclesiâ constitutos, ut suum singuli opus ad ædificationem corporis Christiani conficerent. Quomodo conficerent, si abessent? nam, ubi non adfis, perinde est, ac si neutiquam ibidem sis. Itaque, si iure diuino non esset in præfecturâ Ecclesiasticâ considendum, diœcesis sine præfecto esse posset. quippe, si rei natura ita ferret, ut abesse Episcopis ab Ecclesiâ, cum libeat, liceret; sequeretur, quod maximè absurdum est, ut Ecclesia possit Episcopis carere. Cum autem greges ouium suum quisque custodem, Ecclesiæ suam quæque præsidem habeant, necesse sit; neque custodire possit, qui non speculatur; nec præsidere, qui non resideat: si absuerit Episcopus, propterea quod nec residere absens quisquam potest, neque speculari, quod longè ab aspe-

1. Cor. 12.

## Oratio tertia

1. Cor. ix.

6. 1. 200

*Et remotum sit; grex custode, Ecclesia præsede car-  
 nerit. An putas omnem agrum Israelitanum à Deo  
 factum esse Sacerdotibus ex parte decimâ ueſtiga-  
 lem, qui diuino tabernaculo ſeruirent; ab eodem non  
 habuiſſe mandatum Sacerdotes, ut in eo famulatu  
 conſiderent? Niſi arbitraris aliam ob cauſam aut  
 decimas dari conſueſſe; aut Dominum operarijs ſol-  
 uendum eſſe ſtipendium cenſuiſſe: aut Paulum il-  
 lum, quem per ſæpe appello; cùm ad Corinthios ſcri-  
 beret; multa ex lege nature arrepta congeſſiſſe; ad  
 oſtendendum Eccleſiaſticis operis mercedem debe-  
 ri; cuiusmodi eſt, cùm nec ſuis ſtipendijs quenquã af-  
 ferit militare; nec eſſe; quod ſcriptum etiam repe-  
 riri fatetur, os boui trituranti alligandum; nec ma-  
 gnum quiddam eſſe, qui ſerit, quæ ſpiritum aſſtant.  
 ſalutarem, aſſlatumque alunt, atque efficiunt im-  
 mortalem; ſi, uim corporis quæ ſuſtinent, metat;  
 nec non Dominum ſtatuiſſe, qui Euangelium annun-  
 tiaret, ut de Euangelio uiueret: aut cùm ad Gala-  
 thas, præcepiſſe, ut, qui diuinis eruditur præceptis,  
 erudienti omnia bona communicet; ex quo fit, ut  
 communicationem bonorum ſanctæ rectæ quæ do-  
 ctrinæ communicatio neceſſariò conſequatur; et ſi do-  
 ctrinæ communicatio ſine illâ eſſe poteſt; cùm ali-  
 quando ille idem Apoſtolus, qui bona cæleſtia præ-  
 beret, uitæ mortalis commoda nō caperet: aut Theſ-  
 ſalonicenſes rogaffe, ut noſſent, qui inter eos labo-  
 rarent, ac nomine Domini præeſſent, atque doce-  
 rent; nempe ut operis cauſa, quod nauarent, quàm  
 libera-*

liberalissimè, commodissimè que haberent, et suminà  
charitate prosequerentur. An persuasum habes tot  
bona, tot commoda, tot uectigalia Episcopis, non  
Ecclesiæ legata esse? illorum, non huius causæ? quòd  
illi uel perdocti, uel claro illustrique loco nati, uel  
quouis ingenij, animiue splendore insignes; non  
quòd huius administri sint, huic seruiant, huic de-  
nique famulentur? Neque enim inficiari potes san-  
ctissimos prudentissimosque Romanæ Ecclesiæ præsi-  
des diuina oracula secutos, apertè statuisse operis  
causâ Ecclesiastica stipendia persolui, pontificias  
dignitates deferri, ac planè omne beneficium pro-  
pter officium dari. Quid tam multa? potèstne quis-  
quam humanâ lege compelli ad mortem pro aliorum  
salute obeundam, nisi id uel Deus, uel natura præ-  
ceperit? Quisnam illi paruerit, etiam si pro Rep.  
pro Regno Dei, pro Ecclesiâ hoc ipsum imperârit;  
nisi id iure niti uel naturali, uel diuino existimaue-  
rit? At amplissimis uerbis Dominus constituit, pa-  
stori pro pecore defendendo uitam esse profunden-  
dam: idque exemplo docuit, cum ipse maximus opti-  
mus hominum pastor pro eorum salute libentissimo  
animo mortem oppetierit. Quod ita sanè cum omnes  
& sanctitate & scientiâ maximâ præditi patres,  
tum uerò, ut dictum est, Augustinus Episcopus Hip-  
poniensis, cuius doctrina Ecclesiæ non parua colum-  
na est, & Nicolaus Pontifex Romanus, cuius con-  
sulta uim mirificam habent, acceperunt; ut Epis-  
copo ab Ecclesiâ suâ discendendum non esse statue-

Inn. 3. de  
Præ. c. cum  
secundum  
in post. & de  
Reier. c. po-  
stremo.

## Oratio tertia

rint. Quid si maximi detrimenti periculum intendatur? si hoc ei priuatim, non etiam Ecclesiæ impendeat, licere concedunt, ut suæ salutis prospiciat, abscedere; modò sedatis fluctibus, ac tempestate commutata, qua iactabatur, quàm primum ad ouium suarum curationem se referat. Quare, si nullo alio rerum, nisi hoc uno discrimine, fas est illi gregem sibi commissum relinquere, dummodò, ut primum licuerit, redeat; sed adeò necesse in eo pascendo commorari, ut pro eius tutelâ uita etiam sit ponenda: quo præterquàm diuino iure hoc ei præscriptum esse

Peroratio.

putaueris? Illud porrò omnes uelim, Patres optimi, consideratione complectamur; siquaratis sine gubernatore in mari uasiss. undique maximis cincta periculis uehitur, & dum hinc uenti increbrescunt, procellæque impendent, indè prædonum classis insequitur; initur consilium qua normâ, qua regulâ, qua ratione ad gubernaculum, ut portum tenere queat, sit sedendum; res autem in dubium uocatur, ac diutius, quàm opus est, differtur, nisi quàm primum eâ lege ad gubernandum eatur, quâ dedit, qui primus nauigandi artem inuenit, fore alterum de duobus, uel ut fluctibus obruatur, uel ut in piratarum manus deueniat: ita, cum Ecclesia nauis instar habens, quam Pontifex Romanus uniuersæ, ut princeps, gubernandam suscepit; Episcopi uerò partitè ac singulatim, prout quisque in partem laboris adscitus est; in hoc mari tam æstuoso, tam sædâ tempestate malorum exortâ, totque non

uno



uno è signu prodeuntibus prædonum seclis ad se inuadendam, in maximum discrimen adducta uideatur; propterea quod, & si non desit, qui puppin bene regat, clauumque rectè teneat; desunt tamen, qui in lateribus, qui in prorâ nauigium tueantur (nā longū ampliūque est) dum hoc loco cunctamur, et quæ ratio gubernandi sit ineunda in disceptando hæsitamus; uerendum est, quando haud unā in parte tum soluitur, succubibusque calamitatum obruitur; tum in uim impiarum opinionum, quæ prædatur ac rapiunt, incidit; ne tota denique, quod omen Deus auertat, opprimatur. Quamobrem, si nauim saluam defensamque uultis, uestrum est, Patres Amplissimi, providere, ut eā quisque suam partem ad custodiendum tuendumque susceptam, ratione sibi esse gubernandam intelligat, qua regendam, qui eam construxit, instituit. Unus enim Dominus noster IESVS CHRISTVS Ecclesiam fundauit, unumque ius est, quo illa administratur; nempe quod ille ipse constituit; quæcunque insuper lex ascripta reperitur, hoc sanè quidem iure nititur. Nec dubitandum est in seuerio tribunali de nostrâ postulatione uobis reddendam esse rationem: ut, siquam ista uestrâ hæsitazione res Christiana iacturam fecerit, æternum supplicium, quod Deus obruat, soluendum sit: sin uestrâ sapientiâ, uestròque studio rectè ei prospectum fuerit, ut opto, atque obsecro, beatè uiuendi decus immortale consequendum.

# ANTONII

SEBASTIANI MINTVRNI,

EPISCOPI VXENTINI,

De officijs Ecclesiæ præstandis ;

TRIDENTINA IIII.



EMINI quidem uestrum, Pa-  
tres Amplissimi, ut puto, du-  
bium est, quin apertissime o-  
stenderim, primò iustas hone-  
stasque ob causas postulatum  
esse; ut, quo iure sit Episcopis in  
suâ cuique diœcesi cōsidendum,  
decernatur: deindè, si diuinum illud esse declaretur,  
tantùm abesse, ut eâ declaratione sedes Apostoli-  
ca detrimenti quicquam sit acceptura, ut longè plus  
splendor is, uimque maiorem adeptura esse uideatur:  
tum uerò, Episcopos à Domino nostro IESV CHRI-  
STO ad Ecclesiam regendam fuisse institutos; il-  
que munia quædam præstituta, atque ad ea præ-  
standa Dei mandato esse residendum. Sed quoddam  
mibi egregium & præclarum contradicendi studiū  
ostenditur: cui quemadmodum resistam, magnope-  
rè est mihi, Patres optimi, nitendum. Et si, cum  
loquar apud sanctissimos Antisites Ecclesiæ, legum

&

Et in his custodes, timere non debent, ne divinum præceptum ita contemnatur, ut sinatur omnia ignorari. Nefas enim nobis esse arbitramur, Pontificis Maximi potestatem non tueri: & rectè ac meritò, siquà ex parte eius maiestas, qui universam Ecclesiam gubernat, ac regit, minus videtur, commouemur: alienum rationis, Episcopi dignitatem contemnere, qua nihil præstantius, nihilque maius à Deo profectum esse ad homines existimamus: Domini Dei que nostri, à quo quidem Ecclesia quicquid maiestatis, quicquid dignitatis habet, accepit, auctoritatem negligere fas erit? An non ea negligitur, si, ad quod propositum est decernendum, atque stabilendum, nihil ualere putatur? si de loco ipso deicitur, quem eà in re, quæ agitur, in primis obtinet? si denique dissimulatur, quod Deus ipse mandauit? Scilicet quod homines praeceperint, scire maxime percre studemus: quod inierit Deus, libet nescire? Illud prodesse plurimum arbitramur: hoc non modo nihil utilitatis asferre, uerum etiam multum obesse. Non sic ille & Rex & Vates Maximus, quo quidem Deo nihil unquam charius fuit, hoc unum ille maxime petebat, ac potius efflagitabat, ut Domini uoluntatem perspiceret. intelligendi uim sibi dari poscebat, ut eius legem perscrutaretur. Nempe lucernam pedibus, lumen semitis suis Dei præceptum esse statuebat, eiusque uerborum declarationem illuminare, atque uim ipsam dare intelligendi. Ipse Dominus iussit nos, quæ scripturæ sunt recom-

Pl. 16.  
Ps. 112.

## Oratio quarta

dita, scrutari: nos uerò piget animaduvertere planio-  
 ra, animaduversa atque perspecta confectari, contro-  
 uersa et dubia declarare. Iam uerò ad oues, quæ ab-  
 Etæ sunt, recipiendas enixè incumbendum esse cense-  
 mus: ad eas retinendas, quæ à grege nondum aber-  
 rauerunt, curæ nihil adhibemus. Ad aliorum, qui  
 defecerunt, salutem querendam omnia studia, con-  
 siliâque nostra nitimur conferre: nostram maximè  
 negligere uidemur. Ad tollendas sectas, quæ aliquâ  
 in hæresi uertuntur, operæ plurimum damus: ad  
 euellendum errorem, in quo ipsi eorum causâ uer-  
 samur, qui in controuersiam, quod de iure diuino ne-  
 mini dubium fuit, adduxerunt, ne hilum quidem no-  
 bis esse elaborandum existimamus. Quisnam ma-  
 iorum nostrorum unquam dubitauit, CHRISTVM  
 Dominum Pastores in Ecclesiâ posuisse; ijs mandaf-  
 se, ut ad custodiendas oues omnem diligentiam ui-  
 gilantiâque ponerent; eas agnoscerent, blandè no-  
 minatimque appellarent, ad pastionem ducerent;  
 eis præirent; pro earum salute uitam denique, ubi  
 opus esset, profunderent. Num exequi harum ali-  
 quid rerum potest, qui gregem non inuisit, qui al-  
 teri custodiendum committit, qui in eo pascendo non  
 commoratur? Ac iure optimo illa nobis prospicien-  
 da sunt: hæc omittere, par est, ut nefas esse arbitre-  
 mur. Nec temerè, Patres Amplissimi, dixi nos  
 in errore uersari, nostrâque salutem negligere. au-  
 diui equidem ab Episcopo perdocto illo quidem uiro,  
 atque etiam sancto, sed quem sanè cuperem sancti-  
tate

tate æquè ac doctrinâ præstare ; cùm diceret se admodum iunare , quòd ipse antehac opinabatur , naturali atque etiam diuino iure teneri ; nunc in dubitationem adductum esse ; cùm antequàm statuatur , Dei præcepto Episcopo esse in Ecclesiâ considendum , sibi non confidenti , existimaret supplicium æternum nequiquàm esse metuendum . nam iure Ecclesiastico , quo eiusmodi negligentie non unum mulctandi genus ascriptum est , inficiabatur illud esse constitutum . Itaque , ac si reus detestabilis peccati non esset eò , quòd an Deus id mandarit , Ecclesiâ nondum declarasset , illâ iuris ignoratione frui uolebat . Vtinam uel ille unius hac in re laberetur , uel hæc opinatio nihil erroris haberet . An cuiquam fas est uelle , quod Deus præcepit , ignorari ? Ego uerò tantum abesse puto , ut fas sit cuiquam id uelle , ut etiam summo sceleri , hoc illi existimem esse tribuendum ; & uerò , quòd ea pœna , qua grauius nihil sit , astringendum esse uideatur . quanquam homini quæ maior pœna esse potest , quàm à Deo , qui omnia nouit , quæ sint , quæ fuerint , quæ mox uentura trahantur , ignorari ? Cùm autem ignorans , ab illo , ut scriptum est , ignoretur ; & , quem puduerit , dixerit Dominus , de se in conspectu hominum loqui , auersaturum se coram patre suo ; quantò magis eum ignorari fatendum est , qui sponte suâ nescit , quod si uellet , scire posset ? quantò magis à Domino contemni , qui suâ uoluntate negligit eius mandatum profiteri ? Nec uerò assentiendum est , nondum Ecclesiam hoc esse

## Oratio quarta

esse Dei præceptum intellexisse. Quoniam pascit id  
 ea testificari euidentius potuisset, quam cum sepiissi-  
 me tot sanctissimorum patrum Cencijs, tot beatis-  
 simorum uniuersæ Ecclesiæ præsidum consultis, tot  
 doctissimorum scriptorum testimonijs, qui tum anti-  
 quitate, tum sanctitate plurimum habent uenera-  
 tionis, hoc ipsum præcepisset? An tam sæpe, illud  
 idem repetiuisset, tam crebrò auribus Episcoporum  
 inculcasset, tam grauius mulctandum esse statuisset,  
 nisi ius diuinum perfringi perspexisset? Iam  
 satietas uos cepit audiendi, quæ non sanè non  
 moleste, persæpe, uobis obiecta sunt ex Esaiâ,  
 Speculatores cæci omnes nescierunt, uniuersa  
 si canes muti non ualentes latrare, uidentes  
 uana, dormientes, & amantes somnia. Atque  
 ex Hieremiâ, Vos disperdistis gregem meum,  
 & eiecistis eos, & non uisitastis eos. ecce ego  
 uisitabo super uos malitiam studiorum ue-  
 strorum, ait Dominus. Nec non ex Ezechiele,  
 Hæc dicit Dominus, uæ pastoribus Israelis,  
 qui pascebant semet ipsos. no' nne greges à  
 Pastoribus pascuntur? Omitto illa ex Ioanne ar-  
 repta, Pasce oues meas. & Pastor bonus ani-  
 mam ponit pro ouibus suis. & proprias o-  
 ues uocat nominatim & educit eas. &, cum  
 proprias oues emittit, ante eas uadit: & oues  
 illum sequuntur. Quæ ad uos attinere nunquam  
 in animum inducere potuistis. Cum hæc persæpe au-  
 dierimus, cur non totâ mente complectimur? cur  
 dissi-

Esai. 56.

Hier. 23.

Ezech. 34.

Ioan. 21.

Ioan. 10.

dissimulamus? Iam uerò nemo uestrum; Patres optimi, non planè fatetur necessarium esse residendi præceptum. Cùm autem ita comparatum sit, ut Deus æquè ac natura earum quidem rerum, quæ necessariae sint, nihil unquam prætermittat; hoc sanè in Dominum Deumque nostrum cadere non potest, ut quod ad gregem suum pascendum necessarium esset, omiserit: omisisset uerò, nisi mandatum dedisset; quo pastores ad munus suum obeundum considerare cogantur. Nisi putatis, qui neutiquàm errare potest, quem quid dicam solum sapientem esse, cùm sapientiæ nomen solus obtineat? incuriæ nomine posse accusari. Resipiscamus aliquando, patres amplissimi, resipiscamus, & quæ Deus mandauit libentissimo animo teneamus. At esto; Ecclesia nunquàm hoc nomine id præceperit: num quæ superiores nondum explicauerant, quia cognita ea perspectaque habebant; ut primùm in hæsitationem addita sunt, posteriores declarare minimè debuerunt? Scilicet errauerunt, qui antehac eodem hoc in loco comitia habuerunt, cùm id decreuissent, quo impius Dei munere fiat iustus: cùm ea statuissent, quæ de diuinis sint mysterijs tenenda. Errastis uos ipsi, cùm de admirabili illo mysterio, ac de sanctissimo sacrificio; quæ, ut uera, Christiani omnes tenere, atque seruare debeant, censuistis. At de illis quidem rebus erat nobis cum ijs controuersia, qui à fide uniuersæ Ecclesiæ defecerunt. Num errauerunt maiores nostri, qui non pauca, quæ nondum in iudicium uenerant,

Obijcitur.

Refutatur.

uenerant,

## Oratio quarta

uenerant, constituerunt; & uerò de quibus inter se  
 ij dissidebant, qui cum adhuc summum pastorem se-  
 querentur, nondum ab uniuerso grege aberrauerant:  
 nec in aliquâ hæresi, quam arbiter in omni contro-  
 uersâ de re Christianâ maximus reieciisset, uersa-  
 bantur. Vt enim omittamus Arrianas dissensiones,  
 Sabellianas contentiones, Eunomianas dimicatio-  
 nes, Nestoriana certamina, Eutychiana bella,  
 quanquam earum nulla gentium esse in hæresi ali-  
 quâ dicebatur, cum de his rebus, quas singulæ asse-  
 rebant, deliberatio esset introducenda; antequam cu-  
 iusque opinio ut impia detestabilisque reiecta fuis-  
 set, atque damnata: quid disceptationes illæ, an mo-  
 re Iudeorum circuncidi, ueteremque legem seruare  
 alienigenas oporteret, qui nomen Christianum inci-  
 perent profiteri; an iterum essent ritè abluendi, quos  
 ij, qui à communitate cætus Christiani recessis-  
 sent, abluerant; an in pane consecrato, præter-  
 quam quod in eo esset uerum corpus Domini no-  
 stri IESU CHRISTI, uis quoque ipsa pa-  
 nis cum his, quæ materiam illam sequuntur, re-  
 lineretur: an animus intelligentiæ rationisque  
 particeps corpore humano, ut uehiculo, aut nauigio  
 quodam, uteretur; non esset etiam effectio, quæ il-  
 lud uti materiam fingeret, atque formaret: nonne  
 inter eos fuerunt, qui eundem Christum Dominum  
 colebant, eandem fidem seruabant, eadem decreta  
 tuebantur, iuris omniumque rerum communionem  
 habebant? Atqui Ecclesia, utrum uerum esset,

utrum



utrum teneri oporteret, definiuit. Nam, secus atque Iudæi contendebant, Apostolicum illud, quod primum fuit, concilium decreuit: secus ac Cyprianus & conuentus, quem ille de sanctâ lauatione habuit, censuerunt; Cornelius Pontifex Maximus Sacerdotum concilio conuocato, prospexit, ne iterum ablueretur, qui more maiorum ueterique instituto Ecclesiæ à quouis etiam hæretico ablutus esset: hoc idem deinde Concilium Carthaginense sanciuuit. Disceptabant nonnulli, qui Theologiam profitebantur, de mysterio illo sanctissimo, an adeò panis ille sacratus in Christi carnem, uinum in sanguinem mutetur, ut præter speciem exteriorem, præterque ea, quæ rerum illarum naturam consequuntur, retineat profectò nihil. At Concilium Lateranense illud generale, quod Innocentius III. conuocauit, uim omnem earum rerum, panis in carnem, uini in sanguinem Domini Dei que nostri conuerti declarauit. Cum de animo, qui ratione utitur, atque intelligit, Philosophi Christiani ad utranque partem disputarent; Concilium Viennense, quod Clemens V. celebrauit, eum formam esse corporis humani decreuit. Quod multò antè statuerat octaua Synodus œcumenica, quæ fuit postrema Constantinopolitana. cum enim in homine animam partim unicam, partim geminam ponerent, sacro sancta illa Synodus Christianâ ueritate innixa unicam eam esse, qua ille & intelligat, & uiuat, constituit. Atque cum sænationes alij reijciendas esse, alij admittendas

## Oratio quarta

mittendas putarent ; illud idem *Viennense Concilium* eas diuino iure uetitas esse iudicauit. Quid contentio de unâ eadêmque naturâ trium personarum, qua *Ioachim* sanctæ religioſæque ſodalitatis parens cum *Magistro ſententiarum* certauit? nōne in eodem illo *Concilio Lateranensi* ſublata eſt, improbatâ quidem ac proſus reiectâ *Ioachimi* opinione: ipſo autem auctore haud quaquâ damnato: quippe qui omnia, quæ ſcripſerat, *Pontificis Maximi* iudicio ſubiecisset? Illud autem uobis, *Patres Ampliſſimi*, in primis cauendum providendûmque eſt, ne apud eos, qui ab hoc ſanctiſſimo *Concilio* præclarum & egregium quiddam poſtulant, et expeſtant; nedum apud illos, qui ſe à noſtro cætu abalienauerunt, opinio, quam *Deus* auertat, excitetur; ſi diuini iuris poſtulata declaratio prætermittatur, non aliam ob cauſſam prætermitti; niſi quia multum à comoditatibus, cupiditatibusque ueſtris abhorret. Nam, ſi ad eas attineret, nihil proſectò contentionis fuiſſet, quin ſummâ inter uos conſenſione quàm primùm iure diuino reſidendum eſſe ſtatueretis. Cum enim in ſcholis diuturna diſceptatio fuiſſet, an qui *Apoſtolicum* uiuendi morem ſeruaturi eſſent, iſ liceret bona, ut ſua, poſſidere; nec deſuiſſent, qui præſacræ affirmarent, nec *Dominum noſtrum IESVM CHRISTVM*, quod ſibi uel proprium eſſet, uel cum ſuis diſcipulis commune, tenuiſſe; nec eius deindè *Apoſtolos* ne communiter quidem omnes, nedum propriè priuatimque ſingulos aliquid habuiſſe;

habuisse; Ioannes XXII. dimicationem diremit, amplissimisque uerbis, eorum opinionem, tanquam sacris literis refragentem falsamque, et in peruersâ hæresi positam damnauit, atque reiecit, qui inficiarentur CHRISTVM Dominum; eiusque Apostolos bona possedisse; iusque ullum in ea, quæ possidebant, obtinuisse. Nec ius diuinum, quo fundata est sanctiss. sedes Apostolica, quo stabilita, quo illustrata; quo Respub. Christiana constituta, quo amplificata, quo denique seruatur, negligendum esse uobis uidetur. Si quis rogauerit, quamobrem illâ in re, quæ diuinâ scripturâ continentur, libentissimo animo perquisita fuerunt, & explicata: in hac non modò sinuntur ignorari, uerum etiâ contemnuntur; inquierent, propterea quòd illa sapientissimi optimique Pontificis Maximi constitutio ad commoda nostra spectabat: hæc diuini præcepti declaratio, quâ à uobis uehementer non pauci postulant, ea duntaxat, quæ Christi sunt, attingit: nobis licentiam adimit uoluptatibus nostris indulgendi. Quid? efficietne siue ignoratio, siue dissimulatio hæc nostra; ut, quod sanctissimi uates Dei iussu minantur, minatio diuina ne sit? quod CHRISTVS Dominus admonuit, quod præcepit, ne sit admonitio, præceptioque Dei? Qui admonitionem, qui præceptionem, qui minationem illam floccipendunt, supplicium sempiternum ne sint, nisi eos pœniteat, daturi? Nec possum satis mirari esse in hoc amplissimo eruditissimoque conuentu; qui cum planè affirment iure diuino

## Oratio quarta

diuino Episcopo in suâ diœcesi esse residendum, insci-  
 entur sanè quidem id expedire, si declaretur. Ego  
 uerò, ut alio loco dilucidè latè que puto me ostendisse,  
 ad sedem Apostolicam ornandam, nedum ad  
 Reip. Christianæ utilitatem, existimo plurimum ua-  
 lere. At, si ad nihil aliud, ad hoc certè quidem mul-  
 tùm profecerit: nempe ad eorum salutem curan-  
 dam, qui in tam sœdo errore uersantur: cùm ijs ni-  
 hil iuris ignorantia profutura sit, ne quando grauif-  
 simam huius inscientiæ pœnam Deo soluant. Ac no-  
 bis uerendum est, ne oscitationis, dissimulationis que  
 nostræ multam longè grauiorem pendamus: si no-  
 strâ incuriâ nesciri, quod illis ipsis, nobis que scien-  
 dum esset, sinamus. An non ad sanctissimorum pa-  
 trum Concilium, quod ritè conuocatum uniuersam  
 Ecclesiam repræsented, attinet docere, quæ Deus  
 præcepit, ad quæ de eius præcepto postulatur, re-  
 spondere, dubitationem euellere, quod uerum est  
 explicare? Considerate, Patres optimi, quam quis-  
 que uestrùm in Ecclesiâ suâ personam gerit, ean-  
 dem in uniuersâ, ac potiùs longè ampliorem uos ip-  
 sos ex toto orbe Christianorum in unum cætum sa-  
 cro sanctum coactos unâ præferre. In suâ quisque Ec-  
 clesiâ, quæ Deus mandauit, populû doceat, oportet;  
 nisi malit se reum esse peccati, quod ignorando ille  
 commiserit. Hoc loco uobis de his, quæ ad salutem  
 spectant, docendi sunt uniuersè Christiani omnes,  
 præsertim qui in errore uertuntur; ac tum maxi-  
 me, cùm haud quaquàm desint, qui ea, quæ am-  
 bigua

gna uidentur; declarari etiam atque etiam petant,  
 & obsecrent; nisi libet, quorum culpam præstare  
 debetis, inscitia pœnam etiam dare. si ad circumspe-  
 ctanda longè latèque omnia, quasi in præcelsa qua-  
 dam speculâ, uos Deus constituit, & ad sua peruul-  
 ganda mandata; cur ea uobis dissimulanda esse, ac  
 silentio prætermittenda existimatis? Repetite quæ-  
 so memoriâ; quæ sibi præcepisse Deum Ezechiel te-  
 statur: repetite quæso, inquam, memoriâ, uobis-  
 que mandari tandem intelligite. Hæc enim ille:  
 Fili hominis; speculatorem dedi te in domo  
 Israelis. & audies de ore meo uerbum: & an-  
 nuntiabis eis, ex me. Si dicente me ad impi-  
 um, morte morieris; non annuntiaueris ei;  
 neque locutus fueris; ut auertatur à uia sua  
 impia, & uiuat; ipse impius in sua iniquita-  
 te morietur: sanguinem autem scius de ma-  
 nu tua requiram. sin autem tu annuntiaue-  
 ris impio, & ille non fuerit conuersus ab im-  
 pietatè sua; & à uia sua impia; ipse quidem  
 in sua impietate morietur: tu autem animam  
 tuam liberaisti. Sed & si conuersus iustus à iu-  
 stitia sua fuerit, & fecerit iniquitatem, po-  
 nam offendiculum coràm eo; ipse morietur,  
 quia non annuntiaisti ei: in peccato suo mo-  
 rietur: & non erunt in memoria iustitiæ eius;  
 quas fecit. sanguinem uerò eius de manu tua  
 requiram. sin autem tu annuntiaueris iusto,  
 ut non peccet: & ille non peccauerit, uiuens

Ezech. 3.

K uiuet:

uiuet: quia annuntiasti, & tu animam tuam liberasti. Quid obsecro, planius ad nostram hesitantiam tribulationemque eximendam dici potuisset? Quid ac commodatius ad definiendum, quod in controuersia uersatur? Quid praestantius ad animos nostros excitandos; ut aliquando, quod Deus praecepit, explicemus? Nemo enim inficiari potest, Dominum nos in Ecclesia sua speculatores doctoresque posuisse; nemo eundem nobis praecipisse, ut Ecclesiam suam regamus, ut suas oues pascamus, ut de suis mandatis omnes doceamus, etiam qui iusti habentur, tantum abest, ut ille non iusserit, neminem non esse, ne peccet, suo nomine admonendum. Nos autem satis esse arbitramur, si nostro nomine quisque admoceatur. Sed enim animaduertamus necesse est, quod Deus ipse minatur; nimirum nisi, quae ipse mandauit, denuntiemus, quam iustus, iniustusue homo iacturam animae fecerit, se à nobis esse repetiturum? Itaque est & nostrae salutis, & eorum, quibus tanta ignorantis tenebrae offunduntur, prospiciendum. Id porro erit, si dissimulatio depelletur, si haesitatio conuelletur, si opinionis scrupulus adimetur, si incertitia tolletur; si denique, ut breuissime id omne cōplectar, hoc ipsum, quod uerum est, decernetur. Quamobrem te, sanctissime Antistes, quisquis es, qui Reip. Christianae diuini iuris declarationem inficiaris expedire; quia monendi locus est; ex hoc loco moneo, uideas etiam atque etiam, et consideres, quid agas, quò progrediare, quid demum,

et qua ratione defendas. Neque tibi præscribo, quò minus cum doctissimis amplissimisque patribus, qui, quòd tu enixe tutaris, reprehendunt, ingenio, atque doctrinà, & omni dicendi facultate contendas. At, siquid artificio, consilio, potentiâ, gratiâ, æalumniâ, fallacijs illorum, qui fraudulentâ interpretatione postulata nostra pervertere conantur, quasi id, quòd sit potestatem sedis Apostolicæ imminuturum, machinemur, moliri cogitas; ut libertatem in Concilio dicendi evertas; eos, qui quòd uerum est, quòd tibi etiam probatur, quòd ipsi uniuersæ rei Christianæ prodesse in primis arbitrantur, pronuntiare non puerentur, deterreas; siqua prætereâ te spes, uel dignitatis augendæ, uel plus opum adipiscendi ad hoc ipsum impellit, magnoperè censeo desistas; & illa, quæ ab ijs tentata iam, & cæpta sunt, moneo, ut extinguas; & longius progredine sinas. Magno tuo periculo peccabitur in hoc ipso conuentu maiore, quàm putas. Quòd enim te liberatum existimationis metu, summos honores adeptum, eâ præditum auctoritate, quæ plurimum apud Pontificem Maximum ualet, cogites: mihi crede, ornamenta ista & beneficia sanctissimæ sedis Apostolicæ non minore negotio retinètur, quàm comparantur. plures tibi esse poterunt exemplò; qui, cum ad maximarum fastigia dignitatum ascensissent, atque potentiæ plurimum haberent, eoque se positos loco uiderent, de quo nunquàm dimoueri ac depelli se posse opinarentur: ceciderunt tandem;

## Oratio quarta

adeoque grauius ceciderunt, ut eorum quidem casus plus miserationis, quam admirationis attulerit amplitudo. Ac tanto miserabilior hic, grauiorque fuit; quanto plus illa uirum, atque splendoris habere uidebatur. Fuit fortasse necesse aliquando, si quando id fuit, ut Concilia tulerint regiam quandam eorum dominationem in consensu, & in omni re Christiana, qui in suam sententiam ceteros omnes perducere studerent. Sed postquam Pius II. sapiens, Ecclesie praeses uniuersae, atque ita publicae salutis amantissimus, ut obseruantissimus Apostolicae dignitatis, Concilium ad errorem omnem euellendum atque ad omnem abusum delendum indixit; illud rite ac sancte habendum curauit: nihil aliud, nisi quod uerum sit, ut quaeratur, praescripsit: omnia ista, si forte nondum intelligitis, adepta atque erepta sunt. omnium nunc oculi coniecti sunt hoc ipso tempore in unum quendam nostrum, qua fide aliorum sententiam reprehendamus, qua religione nostram dicamus, qua ratione hoc, illud defendamus. De omnibus nobis, si quis tantulum de recta regione deflexerit, non illa tacita existimatio, quam fortasse iam pridem contemnere soletis; sed uehemens ac liberum totius Christiani orbis iudicium consequetur. Nam cuique nostrum perspectum est, quid de hoc ipso Concilio ille exspectet, nimirum, ut nostrarum commoditatum obliti, publicae utilitati consulamus; ad Rem omnem Christianam instaurandam; ad sedem Apostolicam in eam dignitatem, qua maiorum nostrorum memo-



ria splendebat, restituendam; ad cupiditates rerum  
 humanarum comprimendas; ad ea, quæ Dei sunt,  
 quærenda; ad mores denique omnino emendandos to-  
 to pectore incumbamus; ad hæc ipsa omnem ope-  
 ram, omnem uigilantiam, omnem laborem conse-  
 ramus. Neque tibi persuadeas, uelim, eum latere,  
 bona hæc tam expectata quis inturbet, quis in-  
 terrumpat, quis intercidat: neque hoc loco quic-  
 quam disceptari, quod non, antequam extra fores pe-  
 dem educamus, ad aures uulgi euolauerit. Ego ue-  
 rò mei me rationem officij confido, quibus debebam,  
 persoluisse. At, si admonitionem meam tibi negli-  
 gendam esse arbitraris, obsecro te, uideamus, utri-  
 plus Pontifici Romano deferant, qui eum non modò  
 à CHRISTO Domino esse institutum, qui suus es-  
 set in cætu Christianorum uniuerso Vicarius, suum  
 numen obtineret, suam uim omnem in terris habe-  
 ret; uerum etiam iure diuino Ecclesiam omnem ar-  
 bitratu suo gubernare, iure diuino cum omneis Chri-  
 stianos, tum maxime ipsos Episcopos sub potesta-  
 tem suam iurisdictionemque subactos tenere, iure  
 diuino Episcopos instituere, diæceses eis tribuere,  
 tributas adimere, ditiones constituere, mutare, au-  
 gere, diminuere fateantur: an qui præterquam quod  
 de summâ iurisdictione ac de plenitudine potestatis  
 idem affirmant, cætera quidem omnia Ecclesiasti-  
 cã duntaxat lege ut probent esse constituta, ex eaque  
 omnino pendere contendunt? Adhuc ipsa lex diuina  
 inuisa est, ut non modò ei nihil in Ecclesiâ regendâ

## Oratio quarta. C

loci relinquunt, sed ne nomen quidem ipsum audire uelint? Adeone hi ducibus suis se prudentiores doctioresque ducunt; ut, cum illi hæc omnia Dei mandato à Pontifice Maximo administrari profiteantur, bos id ipsum inficiari non pudeat? si diuino præcepto putarent, ut uel ipsi Antesignani nostræ opinionis aduersarij fatentur, eū cogi Episcopos creare; præsecluras ijs Ecclesiasticas deferre; ut in munere, quod susceperint, obendo confideant, præcipere; eodem item præcepto Episcopis esse parendum; parere nihil aliud esse, nisi exequi, quod mandatum sit: asserere non esse in diæcesi diuino iure confidendum ueriti fuissent. Quomodò, Patres optimi, patientes aures eorum sententiæ præbere potuistis? quorum alios à CHRISTO Domino petere ueniam non piguit, ut sibi disertè affirmare liceret, se nihil ei debere. quasi ille non suo pretiosissimo sanguine fundendo Ecclesiam sibi comparasset; non ad eam regendam Episcopos posuisset; non, quo iure illa esset gubernanda, statuisset, antequàm ab hominum conspectu, ut in cælum ascenderet, discessisset. Alios non pœnituerit dixisse, Dei præcepto inuidiæ plurimum concitari; cum Iudæis id lapis fuerit offensionis; quasi Episcopi sint in hæresi Phariseorum, aut sub lege alià quidem ab eà, quam CHRISTVS Dominus Deusque noster tulit, uiuant Christiani. Alij temerè id effutire non dubitarint, cum dicerent Episcopos se pluris haberi, quàm Apostolos uelle; propterea quòd non contenti, se à Spiritu sancto ad Ecclesiam

cleſiam adminiſtrandam eſſe conſtitutos, poſtulent  
 etiam dilucidè explicari ſe à CHRISſO fuiſſe in-  
 ſtitutos: qui ad patrem cum eſſet rediturus, ſuam  
 omnem dimiſit poteſtatem; quippe quam in Pon-  
 tificem Maximum detuliſſet. quaſi Spiritus ſanctus  
 non ſit ſpiritus Chriſti; aut quos conſtituit Spiritus  
 ſanctus; eorum à CHRISſTO conſtituatur nemo;  
 aut cum Pôtiſfici Maximo ſuam detulit poteſtatem,  
 ius ille ſuum uimque omnem depoſuerit; aut non ſtet  
 promiſſis, quæ animo libentiſſimo fecerit. quippe  
 pollicitus eſt perpetuò ſe eſſe in Eccleſiâ ſuâ, donec  
 omnia ſæcula finem habeant, aſſeſſurum. Nôſne  
 igitur ſedis Apoſtolice imminuimus maiestatem;  
 qui, ut diuino illam iure aſſerimus fundatam eſſe,  
 & communitam, ita etiam ſeruari ac regi; eodem,  
 tanquàm firmo ſtabiliſque folio innixam, uniuerſo  
 terrarum orbi præſidere, edictis Reges, principes-  
 que terre, rem omnem gubernare, Epiſcopos ad  
 gubernationis ditioniſque partem adſeſcere? an qui  
 humanâ lege agi hæc omnia nituntur? Ius enim di-  
 uinum æternum eſt, non marmoreis inſcriptum co-  
 lumnis, ſed ijs, quæ ſint quouis adamante, aut ſi-  
 quid aliud durius eſt, longè ſolidiores; atque ita in-  
 guſtum ac uerendum, ut neque in terris poteſtas ulla  
 ſit, neque in cælo, à qua non formidetur. Humanum  
 uerò, præterquam quod ſuapte ui mutari poteſt, et  
 abrogari; niſi Dei præcepto niteretur, non deeſſet,  
 à quo contemneretur. Quæ Regum potentia Ecce-  
 ſiaſticis parère decretis deliberaret, niſi ijs diuinum

## Oratio quarta

dam contineri existimaret? Neque illud urget, quòd  
 ij persape iactare solent; Qui uos audit, me au-  
 dit: qui uos spernit, me spernit. Addant quam  
 obrem CHRISTVM audiat, qui Pontificem au-  
 dit; CHRISTVM contemnat, qui Pontificem con-  
 temnit. An non, quia Dei præceptum annuntiat, à  
 Deo se mandatum habere affirmat, Dei nomine se  
 mandare, non suo, profitetur; Dei se personam ge-  
 rere aperte ostendit? Id sanè me ipse Dominus do-  
 cuit: qui Deus cum esset, quia tamen hominis for-  
 mam induerat, Pontificemque agebat, se patris man-  
 datum exequi asserebat, se à patre, quæ ipse dicebat,  
 accepisse. quapropter uerè asserebat, qui se contem-  
 nebat, ab eo patrem contemni. At sanctissimos no-  
 strorum temporum Antistites piget fateri, à Deo se  
 præceptum habere: eius auctoritate ac ui ualere ad  
 præcipiendum; ut meritò dicant sperni Deum, à quo  
 ipsi spernantur. Non sic Apostoli illi Ecclesiæ prin-  
 cipes, quorum in locum ij se successisse gloriantur.  
 nempe nihil mirandum efficiebant, nihil sanctum re-  
 ligiosumque instituebant, nihil denique omnino præ-  
 cipiebant, quod ad Domini auctoritatem non refer-  
 rent, quòd à Domino se accepisse non affirmarent,  
 quod à Domino mandatum se habere non palàm de-  
 clararent. Siquid ipsi, quod Deus non expressè man-  
 dasset, docerent; commonefaciebant, quos alloque-  
 bantur, ut se illud, non Dominum dicere intellige-  
 rent. Hos etiam atque etiam obtestor, atque ob-  
 secro, ut uideant, ne ipsi, qui cætum omnem hunc  
 nostrum

nostrum calumnijs oppugnant, maledictis lacerant, conuicijs conscindunt; dent occasionem ad nos uehementius insectandos, ad illud elogium, quod contra nos crebro repetunt, in nos liberius intorquendum: Dei præceptum nos irritum fecisse, ut nostras institutiones tueamur; diuina mandata negligere, ut magni nostra faciamus. Nōsne ergo, inquam, nos de summi Pontificis potestate quicquam derogamus, qui hoc unum maximè studemus; eam, ut est uerè, augustam atque diuinam uideri? an qui Regiam esse cupiunt, regiâque uti dominatione; quæ cum humanâ sit, nihil quidem est; quod sibi licere non putet: Deus autem, cuius instar ille habet, etsi omnium rerum præpotens est, non tamen omnia, ut Theologi docent, sibi licere uoluit? Nōsne aliquid de amplitudine Apostolici præsidis detrahimus, qui pristinum ei splendorem, quo nihil unquam uenerationis plus habuit, ut quod de amplissimâ ditione amisit, recipiat, reddere conamur? an qui, quod reliquum est, auferre nituntur: cum eius omnia studia, omnesque cogitationes ad rerum humanarum commoditates conferri uelint? Nōsne de Ecclesiâ Romanâ nefariè aliquid molimur, aut quod meritò reprehendi possit, cogitamus; qui eam non modò incolumem seruatiâque uolumus, sed & qualem Deus pater, ut sibi filius exhibeat, optat; pulcherrimam, castissimam, summâ dignitate præditam, ab omni labe alienam, sine ullo mendo, omni laude cumulatam, omni denique sanctitate expletam? an  
qui,

Eph. v.

qui, si quis in ea sit abusus, non solum retinere nituntur, uerum etiam augere? Nosne uim Præsidis Maximi euerimus, qui iuri diuino plurimum tribuere uidemur; cum, ut declaretur eo iure, in sua diœcesi Episcopo esse residendum, postulamus; ut, quo iure id præcipitur, eodem obstringi disertis uerbis decernatur; ut, quo nititur Apostolica potestas, eodem uti intelligatur? an qui ius diuinum ita aspernantur, ut pars illepidum & insulsum, pars etiam frigidum audeant appellare; pars multum offensionis habere ne uereantur quidem affirmare: qui uerò modestius loquuntur, asserant non esse quidem dubitandum, quin Dei mandato in munere nostro obediendo residere cogamur; sed eius declarationem nihil esse utilitatis allaturam? Quid enim profuit, inquit, fuisse Concilio Viennensi declaratum usuram diuino præcepto prohiberi? num desierunt Christiani posthac fœnerari? an non maiore in dies licentiâ, qui mercaturam exercent, ad fœnerandas, diripiendâsque prouincias incumbunt? At, obsecro, animaduertant, quomodo ius diuinum esse possit, quale ipsi fingunt. Num illepidum insulsumque esse potest, nihilque quod gustatum delectet, habere Dei præceptum, quo se Regius uates admodum letari, quod sibi incundum esse, quod dulcius melle, quod uitam afferre decantauit? Num frigere, quod ille ardere plurimum, igneumque esse disertè affirmauit, CHRISTVS Dominus etiam ignem appellauit? An non humanam gloriolam, opesque terrenas

Pf. 118.  
Pf. 18.

renas quærentibus saporis expers putidumque est :  
 ad sempiternam gloriam , atque ad cælestes diui-  
 tias contendentibus id incundum , atque optatum ;  
 quod ille idem uates se multò plus , quàm omne au-  
 rum atque topatium optare atque diligere , quo se  
 uehementer oblectari fatebatur ? An molestum cui-  
 quam erit , quòd , qui diligunt , eos ille ipse multà  
 esse in pace , nullà in offensà testatur ? An nihil attu-  
 lerit commoditatis , quod ab eodem auctore dicitur ,  
 lex Domini macula omnino expers , conuertens ani-  
 mas , testimonium Domini fidele , sapientiam præ-  
 stans paruulis , præceptum Domini lucidum , illumi-  
 nans oculos , quod qui seruat , multa bona consequi-  
 tur ? Si omnia Dei mandata uera sunt , ac potiùs illo  
 eodem teste unumquodque eorum ipsa ueritas est ; ue-  
 rum autem idem est , quod bonum ; quem in modum  
 ex ipso uero , quod commodum non sit , oriri potest ?  
 Si Deus id , quod quærimus , præcipit ; unde fit , ut  
 commodi nihil habeat ? an quod Deus mandat , inu-  
 tile & uanum est ? nisi ab utili , quod honestum sit ,  
 separandum censetis ( nihil enim , quod honestum  
 non sit , Deus unquam præcepit ) atque Stoicos Phi-  
 losophos , qui Deum ignorabant , plus , quàm Chri-  
 stianos , quibus diuina oracula non latent , honesta-  
 tem colere ac reuereri . Illi , quod honestum non es-  
 set , nihil esse utile ducebant : uos utilitatis plurimum  
 posse habere , quod ab honestate abhorreat , puta-  
 tis ? At non omne uerum explicandum est . multa  
 mysteria sacrarum literarum abditis penetralibus-  
 que

Obiicitur .

Oratio quarta

que latebris reconduntur, quæ prodire in apertum non sinuntur: cum ea uulgus capere non possit. multa in Gymnasijs ad utranque partem disceptantur, quæ non iubet Ecclesia decerni. Solertes illas ac subtiles de personis diuinis disceptationes ad aures uulgi peruenire nefas est. quæ prudenter & acutè admodum de prænotione illâ atque præsenssione rerum futurarû, quæ Deus præditus est: quæ de sempiternâ illâ rerum ueritate, quam Deus ipse constituit, ac designauit, mentèque suâ inclusam habet; dum alij Augustinum, alij Chrysostomum sequuntur, Theologi differunt: quæ de illo sanctissimo, eodèmq; mirabili conceptu, ex quo Dei mater orta est; nondum sita sunt declarari. De his rebus nihil profectò est, ut concertemus. concedimus id genus eas existere, ut disputari magis debeant, quam explicatè defini-  
**Refutatur.** ri. At longè alia ratio rei, quæ nunc agitur, atque illorum disputationum est. Hæc ad salutem nostram spectat: illæ propriè nihil ad nos, extrâque adeò ponuntur, ut perquirendæ non sint. Hæc in præceptis, quæ ignorari non debent, recensetur: illæ in mysterijs, quæ sensum mentis humanæ fugiant. Huius cognitionem exactam peatermittere, hominis esset negligentis; &, quod suum est, omnino omit- tentis: illas subtiliter inuestigare, curiosi; & nimium, quod est præter suum negotium, agentis. Sed cur, ut illa credenda atque tenenda Ecclesia proponit, proptereâ quòd eorum fides ad hominum salutem attineat; in quibus exquisitæ & acutæ Theo-  
 logorum



logorum quæstiones uersantur : non item admone-  
mur apertis uerbis , ut hoc persuasum perspectum-  
que habeamus , omni differendi subtilitate præter-  
missa : cum sine dubio , qui id ipsum uel dissimulant ,  
uel ignorant , magnum sibi periculum faceffant ?  
Credimus sine ulla hesitatione , & disertè affirma-  
mus treis diuinas esse personas , Patrem , & Filium  
& Spiritum Sanctum : et , cum Deus , unaquæque il-  
larum sit , unum quidem certè esse Deum : qui , ut  
omnia , quæ sunt , creauit , ac fecit ; sic omnia , quæ  
futura erant , quæ sunt adhuc futura , præsensit ;  
omnia prouidit , præfiniuit , in animo consignauit :  
conceptionem illam ex qua beatissima cæli Regina  
edita est , mirandam in primis extitisse : eam ipsam ,  
quæ Dei mater est , nullâ peccati labè aspersam fuis-  
se . Credamus item , disertisque uerbis fateamur  
Dei præcepto Episcopos ad præstanda per se suæ quæ-  
que Ecclesiæ munia sua compelli . Iam uerò ; quas  
dixi abstrusiores disputationes , dissidentium sunt in-  
ter se scholarum ; quæ doctissimè & acutissimè in  
Theologiæ studijs uertuntur : inter uos hac de re nul-  
lam animaduerti esse discessionem . Omnes æque af-  
firmatis Deum Episcopis mandasse : ut , quam quis-  
que Ecclesiam suscepisset , in eâ regendâ consideret .  
Vos alloquor , quibus cum mihi est hæc disceptatio .  
quotus quisque est , qui , quam ipse sequitur opi-  
nionem , quam probat sententiam , quod ipsemet  
sentit , nolit apertè declarari ? Nec uerò assenti-  
mur declaratione diuini præcepti , quo sceleratores  
damnantur ,

## Oratio quarta

Rom. 7.

damnantur, quod minus sœnori detur, nihil profuisse. multi enim à sœnatione abstinerunt; ubi, quod scelere urgerentur, intellexerant: multi præterea pecuniam in quæstum transferrent, sœnori que darent, si iam peccare se nescirent. Sed esto diuini mandati explicatio nihil proficiat: num Deus legem, cum seruandam non esse prouideret, ferre non debebat? num errauit, cum eam, etsi prospexit non esse profuturam, latere tamen noluerit? Si lex bona per se est, num eius explanatio per se mala erit? Nam Paulus detestatur, qui dicerent, quod bonum est, nobis mortem afferre: neque enim, quod accidit, efficiet, ut ne commodum esse ducatur, quod per se bonum sit. quippe in his, quæ rebus accidunt, recensetur, ut legis cognitione peccatum augeatur. quandoquidem qui legem tulit, omne consilium suum ad id conferebat, ut, ubi norimus, quod sit malum, uitemus; quod bonum, consectemur. An Deus præceptum dedit, ut illud ignoremus? nonne potius, ut cognitum habeamus, omni que studio atque labore exequamur? Quid si Concilio Viennensi, quod de sœnatione quæsitum est, non esset definitum? nonne cum sapientissimo illo Pontifice Maximo Clemente V., qui Synodo præerat, tot patres sanctissimi, qui aderant, peccassent; pœnamque ignorationis, quæ sœnantium animis quasi caligo quædam offundebatur, dedissent? cum eos non fugeret, quod amplissimis uerbis Deus edixerat: nempe ut, quod ipse præcepisset, illi denuntiarent. Si denuntiarent  
ipsi

ipsi quidem, quibus autem denuntiaretur, non ser-  
uarent; fore, ut ii perirent, ipsi liberi essent. Sin-  
minus; utrosque perituros; illos, qui cum Dei præ-  
ceptum non acceperant, peccabant: ipsos, qui cum  
minimis denuntiassent, sceleris, quod illi ignorando  
patrarent, multam essent soluturi. Quamobrem  
illa iuris diuini declaratio, si quibus prædicatur,  
cum peccare pergant, non prodest; at quidem cer-  
te non est, quum ijs, qui declarauerint, multum pro-  
ficiat. Neque audiendi sunt, qui nos falso insimu-  
lant esse in tot sanctissimorum patrum concilia, at-  
que in tot beatissimorum Pontificum Romanorum  
decreta quodammodo contumeliosos: quasi illos in  
eo accusemus, quod ignorarint hoc præceptum iure  
diuino contineri; cum id silentio prætermis-  
se uideantur. Quid actum agunt? an non, planissime osten-  
dimus, hoc illis adeo perspectum fuisse; ut, quod dili-  
gentius Dei mandatum seruaretur, coacti sint tam-  
sepe eadem de re discernere, multasque constitui-  
re? nec ambigendum est, si quis de iure dubitasset,  
quin amplissimis uerbis explanassent. Nunc autem,  
utimur esse declarandum: cum in dubium, quod æ-  
tate illorum minimè controuersum erat, uocetur  
eorum contentione, quos non piget inficiari Dei præ-  
cepto Episcopos cogi in suam quenque diocesi conside-  
re. Quamobrem, cum acerrimè, quod uerum est,  
impugnetur; aut certè, quod complures uerum es-  
se affirmant, & pro comperto habent; cum multos  
iam menses sit disceptatum, & adhuc disceptetur,  
nec

Obijciunt.

Refutatur.

Oratio quarta

nec unquam disceptandi finis fore uideatur: cum  
 eâ de re, qui scripserunt, ne conuicijs quidem ab-  
 stineant ad eos exagitandos; qui ius diuinum asse-  
 rebant: meritò petimus esse id omne definiendum; ac  
 nefas esse arbitramur sacro sancto Concilio non mo-  
 re maiorum dubitationem eximere. At instare no-  
 bis non desinunt, quasi diuini præcepti declaratione  
 damnari sanctissimos illos prudentissimasque Pon-  
 tifices Maximos uelimus, qui rem eam secus dispen-  
 sauerunt, qui que essent posthac etiam dispensaturi,  
 ac si lege pontificiâ, non etiam diuinâ teneretur: ex  
 quo Lutheranis occasionem daremus Romanam Ec-  
 clesiam, quam Diaboli Synagogam appellare non  
 uerentur, liberiùs infectandi, quasi ad hunc usque  
 diem, quod à Deo mandatum habet, nescierit. E-  
 go uerò Patres optimi, existimo nec unquam præ-  
 fides illos sapientissimos, quod Deus præcepit, la-  
 tuisse; nec, quod ille prohibuisset, concessisse.  
 Quod aliquando concesserunt; ratione ad conce-  
 dendum fuisse adductos, qua præ se ferebant se de-  
 clarare, diuino id præcepto non refragari; etsi ius  
 Pontificium infringere uidebatur. An Innocentius  
 ille III. diuinarum literarum peritissimus, diui-  
 num mandatum ignorabat; qui uni ex ampliss. Ro-  
 manæ Ecclesiæ collegio Rauennatem Ecclesiam pe-  
 tenti; cum in eâ regendâ residere non posset, dene-  
 gavit? At, cum ille idem carisset; ne quis plures  
 parochias obtineret, quando consultis maiorum id  
 omnino uetitum erat, uiros quidem tum claro loco  
 natos,

natos, tum eruditos uisus est excepisse: quibus eâ liberalitate indulgit, ut unâ Ecclesiâ possent non esse contenti. Sed caue, arbitrere Pontificem sanctissimum, iurisque diuini obseruantissimum eas illis Ecclesias deferendas esse uoluisse, quæ adeò inter se distarent, ut eas per se regere nequirent. Id sanè Deus mandauit, ut, quam quisque Ecclesiam susciperet, ei per se, quæ officia ipse constituit, præstaret. Si uel parochiæ uel diœceses uicinæ sint, in quibus possit Antistes obire munia constituta: qui eas sedis Apostolicæ auctoritate præditus deferat, Dei præceptum non perfringat; et si mandato Ecclesiastico, quo absolute cautum erat, nequis plures Ecclesiasticas præfecturas sumeret, refragatur. Ei refragandi potestatem, ubi expedierit, quis negat Pontificem Romanum habere? At Innocentiani sententiam decreti non ita interpretati sunt summi Pontifices, cum eas uni parochias tribuerunt, inter quas multæ regiones interessent. An tribuerint, compertum non habeo: sed cum homines essent, errare potuissent; & qui tribuissent, suâ fuissent abusi potestate? Ad tollendum abusum, atque ad prospiciendum, ne quid erroris inscientiâ diuini iuris, committatur; assue-ramus sacro sancto Concilio, Dei præceptum esse, disertè denuntiandum. Quas ob causas Concilium conuocatum est, nisi ut abusum omnem depellat, omnem errorem euellat; quicquid offensum est, emendet? Id Reges, id Principes, id gentes nationesque omnes flagitant, rogant, clamant; id causæ fuit,

Refutatur.

Obijcitur.

Refutatur.

L ut

Oratio quarta

ut profligatissimi perditissimiq; homines nati;  
 quam appetebant; occasionem perbacchandi, tot  
 seditiones; tot dissidia; tot denique sectas tumul-  
 tuosissime trans alpes in cœtu Christiano excitârunt:  
 Unde horrida & nefaria bella exarserunt; quæ ur-  
 bium direptiones, agrorum vastationes, pecoris ca-  
 dem, hominum internecionem, templorum eversio-  
 nes, religiosorum locorum oppressiones, sacrorum  
 bonorum depopulationes, sanctarum sodalitatum  
 depulsiones, virginum raptum, casti pudoris la-  
 bem, quid multa? omnium generum excisiones, in-  
 cendia, rapinas attulerunt. Quis talia fando tem-  
 peret à lachrymis? sed quò grauiora hæc sunt, eò  
 magis uobis nitendum est, ut, quod ad tot mala in-  
 ferenda occasionem dedit, adimatur; quò facilius ea  
 non modò longius progredi desinant, uerùm etiam  
 repressa omnino conquiescant. sic et Ecclesiæ tran-  
 quillitati, & rerum Christianarum saluti optimè  
 consultum erit. Paulus ille, quom̃ princeps Apo-  
 stolorum ad arcem uniuersæ Ecclesiæ fundandam so-  
 cium à CHRISTO Domino accepit; ne quem of-  
 fenderet, sibi ad uescendum perpetuò carnem inter-  
 dixisset: nos, qui tantum in nos offensæ, tantum in-  
 uidie, tantum odij in omni cœtu Christiano conci-  
 tauit, pergimus abusum retinere? sed quæro ab ijs,  
 qui & Dei mandato in suâ cuique Ecclesiâ residen-  
 dum esse assentiuntur, & Pontifici Romano, ut quis-  
 que resideat, prospiciendum; num putent, si mi-  
 nus hoc ipso, aut quouis alio id declaretur Conci-  
 lio,

lio, non eodem iure cogi nos in munere nostro obeundo confidere; illum, ut confideamus, providere? Quapropter nos nostra conscientia, ipsaque ueritas, non iuris explicatio convincere, atque ad Deo parendum compellere deberet. Verum enim hoc postulamus, ad errorem ex animis eorum euellendum; qui uel ignorant, uel disertissime contradicunt; cum aduersariam opinionem sequantur, explicari. At, qui metuumendum est, ne causæ nostræ iniquos iudices nos ipsos præbeamus. quippe diuini iuris de residendo explanatio nobis adeo non æqua est; ut nemini unquam ab Ecclesiâ suâ discedere fas esset. Quam obrem non Reip. causâ, non uniuersæ Ecclesiæ, non propriæ, non nullâ necessitate abesse; ne uocatis quidē ad summum ire Pontificem nobis liceret. Quin et iniurandum uiolandum esset; quo cogimur uisere quotannis templum eorum, qui sanguine suo Romam Christianâ pepererunt, ad Concilia indicta proficisci, mandatis Pontificis Maximi parere. Cur hoc tantoperē uerendum est? si Dei præceptum ita Episcopos urgeret, ut isti simulant (non ita animo sentiunt, sed simulatione id moluntur, quo studeant postulationi nostræ obsistere) etiam si nunquam denuntiaretur, fas esset cuiquam à suâ diocesi abscedere? Qui diuinum hoc mandatum esse consitentur, num sibi indulgere possunt, ut illud secus, atque ipsi conscientiæ suæ iudicio sibi fingunt, ac formant, exequi liceat? At non usque adeo iuris diuini uinculis colligamur, ut quasi Promethei, quod est in fabulis Poetarum,

Refutatur  
tacitè obiectum.

Obijciatur.

Refutaturi,

ad iugâ Caucasî arētissimis deuincti nodis, atque con-  
 stricti perpetuò teneamur. Multæ planè sunt causæ,  
 quibus ex eâ colligatione laxari aliquid possit. illas  
 Concilium ipsum habet, aut Pontifex Maximus de-  
 clarare. Quid ad simulatam illam admonitionem  
 respondendum, ne cum Lutheranis, qui iure Eccle-  
 siastico reiecto, quæ seruanda sunt, omnia Diuino  
 conniti uolunt, sentire uideamur? Utinam illi ius  
 Diuinum, prout Ecclesia interpretatur; non, ut sibi  
 ipsi fingunt, intelligerent. non esset utique illis no-  
 biscum ullâ de re dimicatio. Nos Ecclesiæ senten-  
 tiam nullâ non in re sequimur, eius iura toto pectore  
 amplexamur, decreta tanquàm Spiritu sancto af-  
 flante perscripta, tenenda nobis censemus. Eam co-  
 lumnâ esse fidei profiteamur, ducem uitæ Christianæ,  
 magistrâ ueræ doctrinæ, interpretem diuini  
 iuris, explicatricem oraculorum, expultricem er-  
 rorum, lucem ueritatis: arcam illam, quæ qui se-  
 condunt, seruantur; extra quam nihil salutis repe-  
 ritur, nec cauere potest quisquam, quin eluione  
 obruatur: nauigium illud, quo tuti mare uastum et  
 scopulosum uentis que agitaturn traicimur; sine quo  
 nemo in aliquam cœli regionem se traicit: amplum  
 rete illud piscatorium in mare iactum, quo qui non  
 includuntur, in Regno cœlesti non collocantur: ui-  
 neam illam, in qua qui palmites arescunt, excidan-  
 tur oportet, atque in ignem coniiciantur: ouile il-  
 lud, à quo qui aberrant, pereant necesse est: si quid  
 in controuersia uersatur, ad eam esse confugiendum;



ab eâ petendum, ut dubitationem eripiat, ut uerum definiat. Id ab eâ nos in præsentia poscimus, id rogamus. Concilium ritè indictum, Ecclesiam ipsam repræsentat. Hoc etiam atque etiam oramus atque obsecramus; ut, quam iuri diuino ambiguitatem nostræ opinionis aduersarij offuderunt, amoueant, errorem expellat, ueritatem explanet. Huic præsent, nomine Pôtificis Max. illustrissimi et amplissimi. Legati: intersunt tot sanctissimi. Patres, quot uix unquam Patrum memoriâ in altero interfuerunt, ipsique cum in omni rerum scientiâ, tum in literarum diuinarum perspicientiâ maximi. si uoluntas adsit ueri perquirendi, nihil sanè desit. ea deesse non deberet. At caueant isti admonitores; ne, dum à littore iuris Diuini recedunt, ita in Ecclesiastici finem ingrediantur, ut imprudentes incidant in eodem erroris scopulos, ad quos afflicta est eorum nauis, qui ius Diuinum sequuntur, ut Ecclesiasticum omnino fugiant. Illi nullo iure Diuino fundari, aut regi Ecclesiam Romanam contendunt: solo Ecclesiastico inniti, eodémque gubernari. Videant isti, ne idem asserere uideantur, dum neque Episcopos esse à CHRISTO institutos nituntur, neque uim ullam habere Ecclesiæ regendæ, neque ad ei præstanda per se officia diuino præcepto compelli, neque Deo quicquam debere, ut eius lege teneantur. Quid nam hoc aliud est, quàm Episcopos potestate diuinitus datâ exuere; & quo illi solent nomine, appellare? Nempe satellites hominis, non Dei; ministros

Obijcitur.

Refutatur.

nistros humana, non diuina uoluptatis. si se ipsos negligunt, ne despiciant, quam gerunt Episcopiam personam. At erroris damnandi non sunt doctissimi sanctissimæque Antistites, qui contra hanc sententiam scripserunt. An rerum diuinarum periti; an aliquâ præditi fuerint sanctitate, ipsi qui laudant, uiderint. Illud persuasum habeo, qui Dei præceptum hoc esse tradiderunt, longè doctiores, sanctioresque extitisse: nec dubitandum esse, quin & sanctitatis & scientiæ plus habuerint ueteres illi Pontifices, Augustinus Ecclesiæ columen, & qui in septimâ Oecumenicâ Synodo interfuerunt: cum Adriani Pontificis Romani legati ei præessent. Ille nihil omnino, nisi Deum, corpore non cingi, & sub aspectum non cadere, non semel dixit, Platonicos secutus, qui censebant corporeum & aspectabile omne id esse, quod natum esset; cælestesque animos; quos Dei nuntios, administròsque appellamus, nedum humanos, corpore induebat. Hoc idem Synodus illa sensit atque probauit. At Concilium Lateranense Innocentio III. præidente, cum hanc opinionem improbaret, statuit omnia, quæ Deus creauit; partim corporeâ, concretâque naturâ; partim spirabili corporisque alienâ, quam Angelicam appellauit; partim utrâque, nimirum corpore & spiritu, quam humanam uocauit, contineri. Hæc sunt, quæ ab istis obijciuntur, qui iuris diuini explicationem impugnant; nisi quæ mihi fortè exciderunt. quàm facile ueræque resurgentur, puto me dilucide ostendisse.

se. Quamobrem quod à Deo mandatum habemus, non modò arbitramur disertis uerbis esse denuntiandum, sed & hoc ipsam uehementer postulamus: ne, si minus denuntietur; cum iam fama passim toto terrarum orbe peruiulgatum sit, id ceptum iam pridem agi, iamdiu Concilio hoc pertractari; in offensionem omnium gentium nationumque incurramus. Id omnes expectant, ut intelligant, quàm sancti, quàm iusti ueritatis iudices futuri simus; quàm acre, quàm syncerum, quàm ab omni animi perturbatione remotum in nos iudicium daturi: ne Regibus Principibusque occasio præbeatur Episcopos ad se uocandi, in aulâ retinendi, Regiarum rerum administrationem ijs deferendi, eorum operâ ubi, & quandiu libuerit, utendi; cum eis non constet diuino id iure prohiberi: ne in eadem ambiguitate, in quam res adducta est, resideat: ne, quod tam diuturnâ disceptatione agitatum est, in quo disceptando tot menses consumpti sunt, id ambiguum incertumque relinquatur. Turpe est quod ad disceptandum proposueris, quod diu disceptaueris, non aliquando definire: ne ueritas odio nobis esse uideatur: ne, quod Deus uulgatum denuntiaturumque uelit, id latere nos uelle præ nobis feramus. Quod ille præcepit, tantum abest, ut eius dissimulationem unquam probârit; ut, qui uel dissimulauit, uel siuerit ignorari, in eum grauissimè animaduuerit, ac ne ignoranti quidem pepercit. Ecclesiasticum præceptum ad hæc usque tempora

## Oratio quarta

perfectum est, nihil omnino profuisse, ut in suâ  
quisque tandem diœcesi consideret. Cum eâ non suc-  
cesserit, quod Ecclesia moliebatur, aliâ aggredia-  
mur viâ: nempe Diuini mandati declaratione: qua,  
quod optamus, si consequemur, & Reip. Christia-  
næ, & cuiusque saluti multum ac bene prospectum  
erit: sin minus, id saltem commodi euenierit, ut no-  
bis, quod alij offenderint, non utique pœna ulla sit  
pendenda.

ANTO-

83  
A N T O N I I

SEBASTIANI MINTVRNI,

EPISCOPI VXENTINI,

De officijs Ecclesiæ præstandis ;

TRIDENTINA V.



ACTENVS mihi, Patres amplissimi, cum ijs fuit contentio, qui de Residendo Dei præceptū admittunt, ac probant illud quidem, sed negant esse declarandum. Nunc aggrediar ad eā dimicationem, quæ mihi cum il-

lis relicta est, qui eā in re ius diuinum se nullo prorsus modo agnoscere clarā editæque uoce profitentur. Quare ad uos me conuerto, qui, quod nos libentissimo animo amplectimur, omnino reiiciendum putatis. Enimuerò, Antislites optimi, ac summā reuerentiā uenerandi; nulla uobis cognatio est, nulla necessitudo cum ijs, qui, ut Caietanum insectentur, in diuinum ius inuehuntur, & ueritatem aspernantur: quibus excusationibus homines nimium in contradicendo studium suum defendere consueuerunt, earum uos habere in illis nullam potestis. Quæ illi ipsi scripserunt, cum permulti sibi probari dictitent uestrā auctoritate; se paratos esse ad defendendum uestrā

## Oratio quinta

strâ fiduciâ : ea ne uera putentur , uobis maximè est  
 providendum . At , si adhuc in eâdem pertinaciâ uo-  
 bis perseuerandum esse in animum induxistis , agite  
 nunc , proferte in medium argumenta , quibus opi-  
 nionis uestræ duces aduersus eruditiss. illum atque  
 sanctissimum Antistitem aciem instruxerunt ; cu-  
 ius partium esse debuissent : cum eius sodalitatîs cere-  
 moniam & religionem , eius scholæ doctrinam ,  
 quam ille illustrauit , profiterentur . Vtinam ij uiri  
 ceteroqui perdocti , miræque præditi sanctitate , at-  
 que optimè de re Christianâ meriti , ut in maledicen-  
 do prompti , acrésque fuere , ita fuissent in scriben-  
 do prudentes , & considerati . Neque enim oculis  
 uestris , ad uerum occultandum , præstigias offudis-  
 sent ; neque Caietanum illum , quo nihil doctius , ni-  
 bil ueneratione dignius , nihil denique sanctius , ne  
 aliquot quidem seculorum , quæ antè floruerunt , ne-  
 dum nostrorum temporum memoriâ , cognitum est ,  
 maledictis conscidissent . Equidem , qui ex urbe Auso-  
 niæ uetustissimâ , qua Liris amnis notissimus ad ma-  
 re Tyrrhenum perlabitur , oriundus sum ; quæ post-  
 quam fuit ab Agarenis euersa , in Caietanâ diœcesi  
 posita est ; de amplissimo illo Antistite possum id ue-  
 rè testificari , eam curam , eamque diligentiam in  
 Ecclesiâ illâ regendâ ipsum adhibuisse , ut legem  
 quandam ac regulam præclaram dederit pecoris pa-  
 scendi , quam pastores , qui boni esse uelint , sequi de-  
 berent . Verum , agite nunc , proferte , quæ contra-  
 dicendi studio ducti illi opposuerunt : ut quàm futi-  
 lia

lia uanáque sint, ne dicam fallacia & captiosa; uideatis. Nam in cohorte quasi primipilos hastatos, qui sibi Achilles atque Vlysses; alter animi, corporisque uiribus; alter ingenij solertiâ, atque consilio ceteris omnibus præstantiores, uidebamur, Caietano obiecerunt; cum dicerent, tum non reperiri locum in diuinâ scripturâ, ex quo sumere possimus Episcopo in suâ præfecturâ esse residendû; at Concilijs Patrum, consultisque summorum Pontificum id esse cautum, atque prospectum, qui eum non residentem uituperant, non quod ius diuinum perfringat, sed quod Ecclesiastica instituta perrumpat: tum iure diuino haud quaquâm comprehendi, quod suapte uaturâ mutari, uariarique potest; sed ab Ecclesiâ definiri. Constat enim erratorum confessionem à Deo quidem fuisse edictam: quem autem ea in modum, quo tempore, cui Sacerdoti confiteri oporteret, Pontificem Maximum præscripsisse. At residendi modus quin uarietatis mutationisque permultum habeat, dubitat profectò nemo. Quare in ius Pontificium, non etiam in Diuinum coniiciatur, necesse erit. Si Achilles, qui omne Troianis propugnaculum ademit, cum Hectore interfecisset; atq; Vlysses, qui Troiam euertit, cum machinam ad eam capiendam inuenisset; eadê uir hostes adorti fuissent, quæ hi primipili Caietanum aggrediuntur; nunquâm sanè de Pbrigiâ Græcia triûphasset. Ac certè, si uerus alter Achilles, uerus alter Vlysses existerent; timendû nobis esset, ne cum hoc nostro prudentissimo fortissimoque præfecto cadere-

aduersus

## Oratio quinta

caderemus. At, cum Patroclus, ut Achilles speciem ad Troianos perterrendos praeferret, qui Graecorum Regi iratus in praelium prodire omnino recusabat, a fortissimo Heroe uix tandem, ut eius curru, armisque uteretur, impetrasset; ab Heatore, qui cum congregi non dubitauit, occisus est. Falsum uero Vlysses Ajax Telamonius facile interemit: cum arietem gregis ducem per insaniam occidisset; in quo tum sibi Minerva representabat. Abhorrent enim, abhorrent a uero, Patres Amplissimi; etsi speciem quandam ueri ad decipiendum habent, quæ nescio quo errore ducti uiri illi eruditi admodum, & religiosi obiecerunt. Quam nullâ difficultate, nulloque labore non modò in fugam uerti possint; uerùm etiam absumi; audite.

**Refutatur.**

Nam planissimè accepistis ex diuinis oraculis, quæ Episcopum ad residendum compellunt. Quanquam enim non proprijs perspicuisque uerbis hæc explicantur: at certè ijs, quæ idem ualent, significantur. Sed iniquent, Antesignani nostri, quæ uos ex sacratiss. scripturâ producitis, aliter intelligunt. Quid tum? num accusatores testimonium in iudicio ferre possunt? num si ferunt, fides ijs adhibenda est? Nos autem multorum, eorumque sanctissimorum ac doctissimorum diuini iuris interpretum, qui, ut aiunt, extra omnem aleam positi sunt, locupletissimo utimur testimonio. quippe Ambrosius, Hieronymus, Augustinus, Gregorius, quatuor Christianæ doctrinæ stabiles columnæ, Origenes, Cyprianus, Basilius, Nazianzenus, Nisenus, Chrysostomus, Athanasius, Beda, Bernardus,



nardus, omnes ferme & Græci & Latini nominis Ecclesiastici scriptores; ipsi præterea uniuersæ Ecclesiæ præsides Euaristus, Calistus, Liberius, Damasus, Nicolaus, qui magnâ ex parte ius Pontificium condiderunt, eam Domini fuisse sententiam testificantur. Signiferi uestri secus sentiunt. Quibus fidei plus habendum est? Quod autem Ecclesiasticâ lege prouisum planè sit, ut Episcopus in diœcesi resideat, non est quod iure diuino minùs urgeatur. Immo uerò, cum illud Ecclesiæ, ut positum, ac planè ita approbatum, de quo nemo dubitaret, haberet; non esse repetendum, atque inculcandum arbitrabatur: sed, quod eâ de restatuebat, ad hoc annitebatur. Cum enim id uideret neglectum eò, quod homines terrena commoda magis, quàm cœlestia diligerent; priuata, quàm publica; tenebras, quàm lucem; se ipsos, quàm Deum; atque eâ de causâ intelligeret eos in metu ponere magis præsens incommodum, rerumque terrestrium detrimentum, quàm supplicium sempiternum; ac diuinæ gratiæ, quam non modo retinere, sed augere etiam deberent, iacturam: pœnas, quas illi ipsi inter homines soluerent, minabatur, ac rerum earum damna, quas longè haberent chariores. Itaque nihil eo loco agitur, nisi non residenti quam multâ dici oporteret: non sanè, qui absit, quantum peccet. Nec tamen desuerunt, qui se illo iure innixos de residendo decreta fecisse amplissimis uerbis declarauerunt. Nam, qui primus eâ de re, quam tractamus, perscripsit, Euaristus cum esset

Euaristus.

esset constituturus, Episcopo nefas esse Ecclesiam suam  
dimittere, eo quod illi uti sponsus sit consecratus; con-  
fert hoc coniugium cum eo, quod est uiro cum uxo-  
re, quasi utrunque mysterium habeatur; quod, cum  
à Deo sit institutum, ab homine solui non potest. At-  
que ad hoc ipsum Apostoli sententiam adhibet, qui  
planè eam de re se à Domino præceptum habere pro-  
fitetur. Eum secutus Calistus, eandem comparatio-  
nem, eundemque Pauli locum perbellè & accom-  
modatè pertrahit. Quid Liberius? cum Episco-  
pos admoneret, ne laboris fugiendi causam uexationis-  
que uitandam, sibi à Deo commissas, ut ille ait, relin-  
querent plebes; nonne eos & Apostoli documento  
& Domini exemplo ad incommoda æquo animo per-  
ferenda hortatur? Iam uerò, quod nos abundè de pa-  
store, qui ponit uitam pro ouibus suis; et de mercena-  
rio, qui fugam salutis sibi querit, exposuimus; eodem lo-  
co pulcherrimè tractatur. Quæ porro hac eadem de re  
scripsit Damasus; quæ Nicolaus, cum ea uobis à me  
sint plenè ac dilucidè hoc ipso loco enarrata, puto me-  
moriâ uestrâ adhuc custodiri. Nec uerò edictum illud  
ex quinto Concilio Carthaginensi sumptum non est,  
Extra Christiani cœtus communionem po-  
nantur Dei ministri, qui sua relicta Ecclesia,  
ad eam redire noluerint. Quam ob rem? nem-  
pe quod sine ullâ Dei reuerentiâ agentes, ut ibidem  
scriptum est, nec Dei timorem ante oculos habentes,  
neque Ecclesiastica instituta custodientes, ab  
Ecclesiâ suâ receperunt. Quidnam significant illa  
uerba,

Calistus.

Liberius.

Damasus.  
Nicolaus.

Ex concil.  
Carthag.

uerba, Sine ulla Dei reuerentia agentes, nec Dei timorem ante oculos habentes; nisi quia Dei præceptum contemnunt? Quippe ne ad Ecclesiastica consultari serantur, additum est, Nec Ecclesiastica instituta custodientes. Neque uero Innocentius Sextus, cum edixit, ut suam quisque Ecclesiam repeteret, atque in ea regenda resideret; non aperte se Dei præcepto ad hoc edicendum adductum esse ostendit. Recita exordium edicti.

Innocent.  
Sextus.

Cum bonus Pastor oues suas per se cognoscere, & agnosci ab eis, & de ipsis iugem & uigilem curam gerere ex debito teneatur: profecto ex consequentia manifestè colligitur; cum, qui eas custodiendas suscepit, illas agnoscere, uel ab eis agnosci refugit; & agnitas pro libito derelinquit, non solum boni Pastoris nomen amittere: sed ex sententia Domini se uerum non esse Pastorem, sed mercenarium potius appellandum: ex cuius culpa simplices oues suo commissæ ducatu à uia Domini faciliè deuiantes, directionis & defensionis debita uirga cessante, uisibilibus & inuisibilibus luporum moribus exponuntur.

Paulus III.

Quid patres illi sanctissimi, qui Paulo III. Pontifici Maximo nunquam non honoris gratiâ nominando, hoc eodem in loco Concilium habuerunt? An non se diuina oracula secutos, cum de residendo decreuissent, præ se tulerunt. Sic illi exorsi sunt dicere, Omnes Patriarchalibus, Primatibus, Metropolitanis

## Oratio quinta

politanis & cathedralibus Ecclesiis quibuscunque, quouis nomine ac titulo præfectos monet, ac monitos esse uult, ut attendentes sibi & uniuerso gregi, in quo Spiritus sanctus posuit eos regere Ecclesiam Dei, quam acqui-  
 siuit sanguine suo, inuigilent, sicut Aposto-  
 lus præcipit, in omnibus laborent, & mini-  
 sterium suum impleant. implere autem illud  
 se nequaquam posse sciant, si greges sibi com-  
 missos mercenariorum more deserant: at-  
 que ouium suarum, quarum sanguis de eo-  
 rum manibus est à supremo iudice requiren-  
 dus, custodia minimè incumbant; cum cer-  
 tissimum sit non admitti Pastoris excusatio-  
 nem, si lupo oues comedit, & Pastor nescit.  
*Quare desinant isti iactare, qui Pontificia decreta  
 fecerunt, nunquam ad diuina mandata spectasse. At  
 esto, concedatur, ijs in libris, qui Ecclesiasticas le-  
 ges complectuntur, ne uerbum quidem eà de re,  
 quod ad ius diuinum attineat, comperiri. Verùm, si  
 Dialecticam didicerunt, nosse debeant locum argu-  
 menti, quem ἀπολογία Græci appellant, nostri  
 Inficiale[m] dicere potuissent, nim nullam obtinere.  
 Neque enim sequitur, ut non sit, quod scriptum non  
 reperiatur: quippe cum multa sint, quæ literis pro-  
 dita non habentur. Num consequens est, ut, qui re-  
 sidere in Ecclesiâ gubernandâ neglexerit, æterno  
 supplicio non sit dignus, quod de peccato eo loco non  
 agatur? At, si Ecclesia asseruisset in Dei præceptis*  
non

non peremseri, argumentatione ualidissima ad suam  
sententiam confirmandam uterentur. Nunc autem,  
ut diximus, non desunt Pontifices Maximi, qui sen-  
tentia nostra sunt auctores. Nec uerò tam multis  
Concilijs hoc idem consultum scitumque fuisse, ni-  
si à Deo præceptum esse sanctissimi Patres eorum  
temporum compertum habuissent. Nam eà in re es-  
se nimia frequensque Ecclesia Domini nostri IESU  
CHRISTI consuevit, qua neglecta illa nouit in-  
maximam Dei offensionem incurri. Quam multa e-  
nim, quam crebro de secta, quæ hæresis uocatur,  
de usuris, de ambitione illa detestabili, quæ à Simo-  
ne Magico nomen accepit, constituit? Itaque Antio-  
cheno Concilio cautum est, nequis à sua diœcesi E-  
piscopus exeat; ac, siquis Ecclesiæ, cui consecra-  
tus sit, administrationem sumere neglexerit, huic  
cum cæteris Christianis nequa sit communio. huius  
dicensi, ne plus tereno dierum septenarium spatio in a-  
lienâ prouinciâ commoretur; neue ad Regiam acce-  
dat, uel inuandi causâ. nempe ne à pascendo pecore  
discedat. Quod idem etiam Romano, Apostolicam se-  
dem Syluestro tenente: et illo, quod in œcumenicis sex-  
tū habetur, prospectum esse comperitur: ut eo, quod  
octauum, ne quis Metropolitanus Ecclesiâ propriâ  
relictâ, aliquam aliam adeat, etiam si eius misendæ  
causam prætexat. Iamque Lateranensi prouisum  
est, ne cui munus Ecclesiasticum omnino deferatur,  
qui nec in Ecclesiâ residere possit; nec ei, quod de-  
bet, officium per se ipsum præstare: ac ne quis, in qui-

Amioch.  
concil.

Sardic.

Rom.  
Sylu. Papa.Lateran.  
concil.

M bus

## Oratio quinta

politanis & cathedralibus Ecclesiis quibuscunque, quouis nomine ac titulo præfectos monet, ac monitos esse uult, ut attendentes sibi & uniuerso gregi, in quo Spiritus sanctus posuit eos regere Ecclesiam Dei, quam acqui-  
siuit sanguine suo, inuigilent, sicut Aposto-  
lus præcipit, in omnibus laborent, & mini-  
sterium suum impleant. implere autem illud  
se nequaquam posse sciant, si greges sibi com-  
missos mercenariorum more deserant: at-  
que ouium suarum, quarum sanguis de eo-  
rum manibus est à supremo iudice requiren-  
dus, custodiæ minimè incumbant; cum cer-  
tissimum sit non admitti Pastoris excusatio-  
nem, si lupo oues comedit, & Pastor nescit.  
*Quare desinant isti iactare, qui Pontificia decreta  
fecerunt, nunquam ad diuina mandata spectasse. At  
esto, concedatur, ijs in libris, qui Ecclesiasticas le-  
ges complectuntur, ne uerbum quidem eà de re,  
quod ad ius diuinum attineat, comperiri. Verùm, si  
Dialecticam didicerunt, nosse debeant locum argu-  
menti, quem ἀποκρίσιον Græci appellant, nostri  
Inscialem dicere potuissent, uim nullam obtinere.  
Neque enim sequitur, ut non sit, quod scriptum non  
reperiatur: quippe cum multa sint, quæ literis pro-  
dita non habentur. Num consequens est, ut, qui re-  
sidere in Ecclesiâ gubernandâ neglexerit, aeterno  
supplicio non sit dignus, quòd de peccato eo loco non  
agatur? At, si Ecclesia asseruisset in Dei præceptis*  
non

non perconferri, argumentatione ualidissima ad suam  
sententiam confirmandam uterentur. Nunc autem,  
ut diximus, non desunt Pontifices Maximi, qui sen-  
tentia nostra sunt auctores. Nec uerò tam multis  
Concilijs hoc idem consultum scitumque fuisse, ni-  
si à Deo præceptum esse sanctissimi Patres eorum  
temporum compertum habuissent. Nam eà in re ef-  
fusa nimia frequensque Ecclesia Domini nostri IESU  
CHRISTI consuevit, qua neglecta illa nouit in-  
maximam Dei offensionem incurri. Quam multa e-  
nim, quam crebro de secta, qua hæresis uocatur,  
de usuris, de ambitione illa detestabili, qua à Simo-  
ne Magico nomen accepit, constituit? Itaque Antio-  
cheno Concilio cautum est, nequis à sua diocesi E-  
piscopus exeat: ac, si quis Ecclesiæ, cui consecra-  
tus sit, administrationem sumere neglexerit, huic  
cum cæteris Christianis nequa sit communio. Sar-  
dicensi, ne plus terno dierum septenium spatio in a-  
lienâ prouinciâ commoretur; neue ad Regiam acce-  
dat, uel inuandi causâ. nempe ne à pascendo pecore  
discedat. Quod idè etiam Romano, Apostolicam se-  
dem Syluestro tenete: et illo, quod in œcumenicis sex-  
tū habetur, prospectum esse comperitur: ut eo, quod  
octauum, ne quis Metropolitanus Ecclesiâ propria  
relictâ, aliquam aliam adeat, etiam si eius iusendæ  
causam prætexat. Iamque Lateranensi prouisum  
est, ne cui munus Ecclesiasticum omnino deferatur,  
qui nec in Ecclesiâ residere possit; nec ei, quod de-  
bet, officium per se ipsum præstare: ac ne quis, in qui

Amioch.  
concil.

Sardic.

Rom.  
Sylu. Papa.

Lateran.  
concil.

M bus

63 . II. Oratio quinta

Alex. 111.  
Cælest. 111.  
Innoc. 111.

Can. Apost.

Obiectum  
1111111111

Refutatur.

1111111111

1111111111  
1111111111

1111111111  
1111111111

bus ipse nequeat commorari, teneat parochias, nec  
eorum fructus percipiat. Idque Tertij tres, Alexan-  
der, Cælestinus & Innocentius sanxerunt. Usque  
addeò pro Ecclesiâ administrandâ Antistites Dei man-  
dato obstringi tenebant. Quid ipsi Apostoli? non-  
ne multo ant. eâ de re canerant, ut Apostolicis de-  
cretis plamissime docemur? Et nero ita se res habet,  
ut, quamvis de Residendo Pontificijs libris nihil es-  
set constitutum, neque non residenti aqua ignique in-  
terdictum, neque ulla pœna irrogata: irre tamen di-  
vino Episcopus ad residendum compellatur, ac, si re-  
sidere negligat, ei supplicium æternum debeatur.  
At, si Deus id iussisset, superuacaneum esset ab Eccle-  
siâ mandari: cum maiorem vim habeat, quod ille,  
quàm quod hæc, præceperit. An non & lege huma-  
nâ furtâ, parricidia, scenerationes, cetera scelera,  
quibus Deus ipse gravissimas pœnas constituit, gra-  
vissime mulctantur? Si Iure civili ita prospectum  
est; quanto magis ad Ecclesiam, cuius quidem scita  
ad diuina proxime accedunt; attinet, quæ Deus  
mandavit, providere, ut serventur? Neque id,  
tantum ei curæ fuit, ut custodiatur: sed & cetera  
omnia Domini nostri IESU CHRISTI præcepta;  
eâque præcipue, quæ ptus habent offensionis, si præ-  
termittantur. At uelim, ne actum agatur: quan-  
do id non semel ab ijs obiectum est; a nobis refuta-  
tum. Verum enim amicissime puto esse admonendos,  
qui atunt in scripturâ locum non reperiri, ex quo su-  
mendum sit, Dominum residendi præceptum diser-  
tis



tis uerbis dedisse, ne Arianos se imitari præse-  
 rant; qui uerbum illud ὁμοούσιον, uti nouum, nec dum  
 auditum, nec in sacris literis compertum respue-  
 bant. quasi uerò satis non sit ea diuina oracula dili-  
 lucidè prodita esse, quæ tantundem ualeant. An de  
 sanctâ religiosâque peccatorum confessione apertis  
 uerbis à Deo mandatum habemus? at, quemadmo-  
 dum illud, ita hoc de residendo præceptum ex his,  
 quæ Dominus disertè præcepit, inferitur. Neque  
 inficiamur uerbum ipsum Residere non multis antè  
 sæculis repertum esse: sed ex Dei mandatis, qui ius-  
 serat discipulos pascere oues suas, salutemque om-  
 nium gentium curare; atque ex maiorum consul-  
 tis, qui præceperant, nequis susceptam Ecclesiam  
 relinqueret, inductum, illatumque affirmamus.  
 Quoniam puto uel terga dedisse, uel cecidisse, quem  
 illi Achillem esse ducebant: nunc Vlyssis fallacias re-  
 tegamus; ut in eo nihil ueri existere ostendamus. Ut  
 enim assentimur ne utiquam iure Diuino compren-  
 di, quod mutari uariarique potest: ita inficiamur,  
 quod Episcopi curam attingit ad officium præstan-  
 dum, prout à Deo præceptum est, mutationem ua-  
 rietatemque habere. At, si residendi ratio in ua-  
 rietate non uersaretur; non utique fieret, ut Anti-  
 stes persæpe non residere cogatur, siue propriæ, si-  
 ue uniuersæ Ecclesiæ gratiâ, siue pacis inter Prin-  
 cipes Christianos conciliandæ, siue quacunque aliâ  
 Reip. necessitate, siue ut summo Pontifici obediat.  
 Adde tum priuatæ commoditatis, tum animi causâ

Obiiciunt.

Refutatur.

## Oratio quinta

interdum etiam licere, dummodò ne hoc interim spatio Ecclesia detrimentum accipiat. Nam præcepta de officijs præstandis id genus profectò sunt, ut nemo ad illa obeunda, nisi cum opus fuerit, prout loci, temporisque, atque personæ ratio postulauerit, compellatur. Num parentes nullo non loci uestigio, nulloque non temporis puncto honorandi sunt? at præceptum illud vulgatum est, Honora Parentes. Num tempus nullum non erit bene merendi? at meritum genera, quæ danda ex Dei mandato sint, reperiuntur. Quid septimus ille dies ita celebris, tamque sanctus? nonne Dei iussu eâ religione celebrabatur, ut nemini fas esset non esse feriato? At nefas cuiquam non fuit necessitate cogentè in opere uersari, ad defendendum arma capere, certare; Apostolis esurientibus licuit spicas uellere; Machabæis obsessis, cum oppugnarentur, dimicare. Iam uerò, qui panis Deo quasi donum aliquod dabatur, eum comesse, qui Sacerdos non esset, nemini licebat. at uati Regio, qui iratum Regem fugiebat, cum esuries urgeret, eo uesci nefas non fuit. Ita etiam isuenit, ut, quamuis Domini præcepto Episcopus in sua residere Ecclesiâ cogatur, ab eâ tamen meritiò interdum possit discedere. Nam uel naturâ ipsâ comparatum est, ut, quemadmodum coniugium, quod carne fit, licet iure diuino ita astringatur, ut ab homine ullo solui non queat; non tamen illo se adeò uir alligatum existimat, ut putet nullum sibi dari tempus à coniuge abeundi: ita, quod spiritus est, etsi diuini

uini præcepti sic arcto uinculo urgetur, ut nullo hominum iussu, quod Deus coniunxit, disiumgi possit; non eo tamen usque hoc Antistes constringetur, ut ab Ecclesiâ, cui tanquàm sponsa coniugatur, nonnunquam abesse nequeat. Vterque propositum id habet, ad quod omne studium, omne consilium, omnem denique laborem conferre debeat: Ille rem domesticam, qua coniuges, liberôsque, & familiam complector: hic Christianam, quæ planè salus est huic gregis, quem pascendum suscepit. Ille nunquàm à coniuge discessurus sit, si rei domesticæ iactura consequatur: hic nunquàm ab Ecclesiâ, in qua salus gregis præsentiam suam requirat, etiam si uitæ sibi discrimen intendatur, Vterque siue intimâ, siue externâ compellatur necessitate, modò suæ rei bene prospexerit, ille à domo, hic à suâ diœcesi, licere sibi abesse putauerit. Neuter propriæ priuatæque commoditatis, uoluptatisque causâ, nisi hoc sanè in utilitatem, ille rerum suarum domesticarum, hic Ecclesiæ suæ, redundare existimauerit. Nam multùm expedit familiæ patrem, Ecclesiæ Antistitem optimè ualere, curis que assiduïs interdum leuari, atque aliquâ cessatione ad labores ferendos fieri uegetiorem. Nec uerò urgent, cum instant nobis, atque inducere conantur; ut idem esse, quod est dissipar, credamus. Quanquam enim à Deo mysteria sunt omnia planè instituta: non eadem tamen omnium, ut alio loco diximus, ratio est. Nam, ut dubitandum nõ sit, Diuino præcepto peccata esse con-

Obiicitur.

Refutatur.

## Oratio quinta

fitenda; non tamen asserendum est ita Deum præcepisse, ut, qui peccauerint, antequàm mortis periculum immineat, uelint, nolint, iudicium subire cogantur Sacerdotis: quemadmodùm Sacerdotibus dedisse potestatem de peccatis, qui fuerit ea confessus, absoluendi; ac iuris item condendi, quo Christianorum saluti prospiciant. Habemus præterea còpertum à Deo cibi ieiunitatem, corporisque castigationem aliquando fuisse indiētam: mandatum uerò eà de re accepisse Ecclesiam, quo sibi curæ esse omnino intelligeret, non planè asseueramus. Ea porò auctoritate freta ac facultate, qua Domino nostro IESV CHRISTO auctore pollebat, & confitendis erratis, & corpori castigando tempus præstituit. At planissimè docuimus ab eodem illo Domino Deoque nostro pastores fuisse institutos, eorùmque officia constituta, atque amplissimis uerbis præceptum, ut ipsi pecus pascere suum; quod est, quemadmodùm sanctissimi eruditissimique patres dixerunt, ut in eo pascendo considerent. Itaque, si munus Episcopo proximè à Deo fuisse præfinitum fatemur; in eo præstando omnem residendi rationem præscriptam item asseramus necesse est. Verùm enim uerò, ut omnium mandatorum, ita huius præcepti declarationem ad Ecclesiam assentimur attingere. Nec uerò, propterea quòd, quando, et quas ob res, et quandiu à suà præfecturâ possit Episcopus abesse, Pontificis Maximi est declarare; ei præstare officia sua Dei præcepto non cogitur. An quia,

quoto

Obijcitur.

Refutatur.

quoto uel cognationis uel affinitatis gradu coniungenda, ille declarat, atque præstituit; ius matrimonij diuinum non est? aut quia ritum modumque in cælesti illo conuiuium, quo & sanctissima caro Domini ministratur, & sanguis pretiosissimus propinatur, uersandi ille suo arbitratu instituit, diemque præscripsit; non Dei mandatum exequitur, qui splendidissima illa mensa perfruitur? Quid, qui celeberrimis diebus, qui merito sancti appellantur, cum Dominus Deusque noster ad genus humanum liberandum in cruce pretium soluerit, ad aurem Sacerdotis puram, illustrémque, ac ueram errorum historiam explicat? nonne diuino pareat præcepto, quamuis ritum, tempusque confitendi Ecclesia constituerit? At assentiamur ijs, confitendi rationem eandem esse, atque residendi: cur illi inficiantur præceptum de residendo esse diuinum; si Dei mandato peccata sunt confitenda? Hoc sane quidem in utrumque cõuenit, ut CHRISTI Domini iussu, cum opus fuerit, obeatur, necesse omnino sit: nempe ut, qui peccauerit, Sacerdotis iudicio se subiciat; qui regendam Ecclesiam sumpserit, in ea resideat. Concedimus etiam Pontificem Maximum, ut confitendi, sic et residendi tempus præscripsisse, at, quemadmodum consequens non est, ut peccatorum confessio Ecclesiastico, non diuino iure teneatur, eò quod ei diem ille præstituit: ita nõ consequitur, ut propterea, quòd ille considendi sp. atium præstiterit, Ecclesiæ, non Dei præcepto sit considendum. Illud uero mihi neutrum

Obijciens.

caderemus. At, cum Patroclus, ut Achillis speciem ad Troianos perterrendos præferret, qui Græcorum Regi iratus in prælium prodire omnino recusabat; à fortissimo Heroe uix tandem, ut eius curru, armis que uteretur, impetrasset; ab Hectore, qui cum congredi non dubitauit, occisus est. Falsam uerò Vlysses Ajax Telamonius facile interemit: cum arietem gregis ducem per insaniam occidisset, in quo eum sibi Minerva representabat. Abhorrent enim, abhorrent à uero, Patres Amplissimi, etsi speciem quandam ueri ad decipiendum habent, quæ nescio quo errore ducti uiri illi eruditi admodum, & religiosi obiecerunt. Quam nullâ difficultate, nulloque labore non modò in fugam uerti possint, uerùm etiam absumi, audite.

**Refutatur.** Nam planissimè accepistis ex diuinis oraculis, quæ Episcopum ad residendum compellunt. Quanquam enim nò proprijs perspicuisque uerbis hæc explicantur: at certè ijs, quæ idem ualent, significantur. Sed in-  
 quient, Antesignani nostri, quæ uos ex sacratiss. scripturâ producitis, aliter intelligunt. Quid tum? nim accusatores testimonium in iudicio ferre possunt? num si ferunt, fides ijs adhibenda est? Nos autem multorum, eorumque sanctissimorum ac doctissimorum diuini iuris interpretum, qui, ut aiunt, extra omnem aleam positi sunt, locupletissimo utimur testimonio. quippe Ambrosius, Hieronymus, Augustinus, Gregorius, quatuor Christianæ doctrinæ stabiles columnæ, Origenes, Cyprianus, Basilus, Nazianzenus, Nisenus, Chrysostomus, Athanasius, Beda, Bernardus,

*nardus*, omnes ferme & Græci & Latini nominis Ecclesiastici scriptores; ipsi prætereà uniuersæ Ecclesiæ præsides Euaristus, Calistus, Liberius, Damasus, Nicolaus, qui magnâ ex parte ius Pontificium condiderunt, eam Domini fuisse sententiam testificantur. Signiferi uestri secus sentiunt. Quibus fidei plus habendum est? Quod autem Ecclesiasticâ lege prouisum planè sit, ut Episcopus in diœcesi resideat, non est quod iure diuino minùs urgeatur. Immò uerò, cum illud Ecclesiæ, ut positum, ac planè ita approbatum, de quo nemo dubitaret, haberet; non esse repetendum, atque inculcandum arbitratur: sed, quod eâ de re statuebat, ad hoc annitebatur. Cum enim id uideret neglectum eò, quòd homines terrena commoda magis, quàm cælestia diligerent; priuata, quàm publica; tenebras, quàm lucem; se ipsos, quàm Deum; atque eâ de causâ intelligeret eos in metu ponere magis præsens incommodum, rerumque terrestrium detrimentum, quàm supplicium sempiternum; ac diuinæ gratiæ, quam non modò retinere, sed augere etiam deberent, iacturam: pœnas, quas illi ipsi inter homines soluerent, minabatur, ac rerum earum damna, quas longè haberent chariores. Itaque nihil eo loco agitur, nisi non residenti quam multâ dici oporteret: non sanè, qui absit, quantum peccet. Nec tamen defuerunt, qui se illo iure innixos de residendo decreta fecisse amplissimis uerbis declarauerunt. Nam, qui priuus eâ de re, quam tractamus, perscripsit, Euaristus cum esset

Euaristus.

esset

## Oratio quinta

esset constituturus, Episcopo nefas esse Ecclesiam suam dimittere, cò quòd illi uti sponsus sit consecratus; confert hoc coniugium cum eo; quod est uiro cum uxore, quasi utrunque mysterium habeatur; quod, cùm à Deo sit institutum, ab homine solui non potest. Atque ad hoc ipsum Apostoli sententiam adhibet, qui planè eà de re se à Domino præceptum habere profitetur. Eum secutus Calistus, eandem comparationem, eundemque Pauli locum perbellè & accommodatè pertrahit. Quid Liberius? cùm Episcopos admoneret, ne laboris fugiendi causâ uexationisque uitandæ, sibi à Deo commissas, ut ille ait, relinquerent plebes; nonne eos & Apostoli documento & Domini exemplo ad incommoda æquo animo perferenda hortatur? Iam uerò, quod nos abundè de pastore, qui ponit uitam pro ouibus suis; et de mercenario, qui fugâ salutem sibi quærit, exposuimus; eodem loco pulcherrimè tractatur. Quæ porrò hac eadè de re scripsit Damasus; quæ Nicolaus, cùm ea uobis à me sint plenè ac dilucidè hoc ipso loco enarrata, puto memoriâ uestrà adhuc custodiri. Nec uerò edictum illud ex quinto Concilio Carthaginensi sumptum non est, Extra Christiani cœtus communionem ponantur Dei ministri, qui sua relicta Ecclesia, ad eam redire noluerint. Quam ob rem? nempe quòd sine ullâ Dei reuerentiâ agentes, ut ibidem scriptum est, nec Dei timorem ante oculos habentes, neque Ecclesiastica instituta custodientes, ab Ecclesiâ suâ receperunt. Quidnam significant illa uerba,

Calistus.

Liberius:

Damasus.  
Nicolaus.

Ex concil.  
Carthag.



uerba, Sine ulla Dei reuerentia agentes, nec Dei timorem ante oculos habentes; nisi quia Dei præceptum contemnunt? Quippe ne ad Ecclesiastica consulti referantur, additum est, Nec Ecclesiastica instituta custodientes. Neque uerò Innocentius Sextus, cum edixit, ut suam quisque Ecclesiam repeteret, atque in eâ regendâ resideret; non aperte se Dei præcepto ad hoc edicendum adductum esse ostendit. Recita exordium edicti.

Innocent.  
Sextus.

Cum bonus Pastor oues suas per se cognoscere, & agnosci ab eis, & de ipsis iugem & uigilem curam gerere ex debito teneatur: profectò ex consequentia manifestè colligitur; cum, qui eas custodiendas suscepit, illas agnoscere, uel ab eis agnosci refugit, & agnitas pro libito derelinquit, non solum boni Pastoris nomen amittere: sed ex sententia Domini se uerum non esse Pastorem, sed mercenarium potius appellandum: ex cuius culpa simplices oues suo commissæ ducatu à uia Domini faciliè deuiantes, directionis & defensionis debita uirga cessante, uisibilium & inuisibilium luporum morsibus exponuntur.

Paulus III.

Quid patres illi sanctissimi, qui Paulo III. Pontifice Maximo nunquàm non honoris gratiâ nominando, hoc eodem in loco Concilium habuerunt? An non se diuina oracula secutos, cum de residendo decreuissent, præ se tulerunt. Sic illi exorsi sunt dicere, Omnes Patriarchalibus, Primatibus, Metropolitanis

## Oratio quinta

politanis & cathedralibus Ecclesiis quibuscunque, quouis nomine ac titulo præfectos monet, ac monitos esse uult, ut attendentes sibi & uniuerso gregi, in quo Spiritus sanctus posuit eos regere Ecclesiam Dei, quam acquisiuit sanguine suo, inuigilent, sicut Apostolus præcipit, in omnibus laborent, & ministerium suum impleant. implere autem illud se nequaquam posse sciant, si greges sibi commissos mercenariorum more deserant: atque ouium suarum, quarum sanguis de eorum manibus est à supremo iudice requirendus, custodiæ minimè incumbant: cum certissimum sit non admitti Pastoris excusationem, si lupus oves comedit, & Pastor nescit. *Quare desinant isti iactare, qui Pontificia decreta fecerunt, nunquam ad diuina mandata spectasse. At esto, concedatur, ijs in libris, qui Ecclesiasticas leges complectuntur, ne uerbum quidem eâ de re, quod ad ius diuinum attineat, comperiri. Verum, si Dialecticam didicerunt, nosse debeant locum argumenti, quem ἀποκρίσις Græci appellant, nostri Inficiale[m] dicere potuissent, nim nullam obtinere. Neque enim sequitur, ut non sit, quod scriptum non reperiatur: quippe cum multa sint, quæ literis prodita non habentur. Num consequens est, ut, qui residere in Ecclesiâ gubernandâ neglexerit, æterno supplicio non sit dignus, quòd de peccato eo loco non agatur? At, si Ecclesia asseruisset in Dei præceptis*

non

non percenseri, argumentatione ualidissimâ ad suam  
sententiam confirmandam uterentur. Nunc autem,  
ut diximus, non desunt Pontifices Maximi, qui sen-  
tentia nostra sint auctores. Nec uerò tam multis  
Concilijs hoc idem consultum scitumque fuisset, ni-  
si à Deo præceptum esse sanctissimi Patres eorum  
temporum compertum habuissent. Nam eâ in re es-  
se nimia frequensque Ecclesia Domini nostri IESU  
CHRISTI consuevit, qua neglectâ illa nouit in-  
maximam Dei offensionem incurri. Quam multa en-  
nim, quam crebrò de sectâ, quæ hæresis uocatur,  
de usuris, de ambitione illâ detestabili, quæ à Simo-  
ne Magico nomen accepit, constituit? Itaque Antio-  
cheno Concilio cautum est, ne quis à suâ diœcesi E-  
piscopus exeat: ac, si quis Ecclesiæ, cui consecra-  
tus sit, administrationem sumere neglexerit, huic  
cum cæteris Christianis nequa sit communio. Sar-  
dicensi, ne plus tereno dierum septenium spatio in a-  
lienâ prouinciâ commoretur; neue ad Regiam acce-  
dat, uel inuandi causâ. nempe ne à pascendo pecore  
discedat. Quod idè etiam Romano, Apostolicam se-  
dem Syluestro tenete: et illo, quod in œcumenicis sex-  
tū habetur, prospectum esse comperitur: ut eo, quod  
octauum, ne quis Metropolitanus Ecclesiâ propriâ  
relictâ, aliquam aliam adeat, etiam si eius uisendæ  
causam prætexat. Iamque Lateranensi prouisum  
est, ne cui munus Ecclesiasticum omnino deferatur,  
qui nec in Ecclesiâ residere possit; nec ei, quod de-  
bet, officium per se ipsum præstare: ac ne quis, in qui

III 77 14  
III 77 14  
III 77 14  
III 77 14

Amioch. do  
concil.

Sardic.

Rom.  
Sylu. Papa.

Lateran.  
concil.

M bus

Alex. III.  
Cælest. III.  
Innoc. III.

Can. Apost.

Objectiones  
J. 11003

Refutatur.

Objectiones

Refutatur

Objectiones

Objectiones

Refutatur

bus ipse nequeat commorari, teneat parochias, nec  
eorum fructus percipiat. Idque Tertij tres, Alexan-  
der, Cælestinus & Innocentius sanxerunt. Usque  
addeo pro Ecclesiâ administranda Antistites Dei man-  
dato obstringi tenebant. Quid ipsi Apostoli? non-  
ne multo ante ea de re canerant, ut Apostolicis de-  
creis plamissime docemur? Et vero ita se res habet,  
ut, quamvis de Residendo Pontificij libris nihil es-  
set constitutum, neque non residenti aqua ignique in-  
terdictum, neque ulla pœna irrogata: imre tamen di-  
vino Episcopus ad residendum compellatur; ac, si re-  
sistere negligat, ei supplicium æternum debeatur.

At, si Deus id iussisset, superuacaneum esset ab Eccle-  
siâ mandari: cum maiorem vim habeat, quod ille,  
quàm quod hæc, præceperit. An non & lege huma-  
nâ furtâ, parricidia, scænationes, cætera scelera,  
quibus Deus ipse gravissimas pœnas constituit, gra-  
vissime mulentur? Si Iure civili ita prospectum  
est; quantò magis ad Ecclesiâ, cuius quidem scita  
ad diuina proxime accedunt; attinet, quæ Deus  
mandavit, providere, ut serventur? Neque id,  
tantum ei curæ fuit, ut custodiatur: sed & cætera  
omnia Domini nostri IESU CHRISTI præcepta;  
eâque præcipue, quæ plus habent offensionis, si præ-  
termittantur. At uelim, ne actum agatur: quan-  
do id non semel ab ijs obiectum est; a nobis refuta-  
tum. Verum enim amicissime puto esse admonendos,  
qui atque in scripturâ locum non reperiri, ex quo su-  
mendum sit, Dominum residendi præceptum diser-

1100

1100

tis

etis uerbis dedisse, ne Arianos se imitari præsegerant; qui uerbum illud ὁμοούσιον, uti nouum, nec dum auditum, nec in sacris literis compertum respuebant. quasi uerò satis non sit ea diuina oracula dilucidè prodita esse, quæ tantundem ualeant. An de sanctâ religioſaque peccatorum confessione apertis uerbis à Deo mandatum habemus? at, quemadmodum illud, ita hoc de residendo præceptum ex his, quæ Dominus disertè præcepit, infertur. Neque inficiamur uerbum ipsum Residere non multis antè seculis repertum esse: sed ex Dei mandatis, qui iusserat discipulos pascere oues suas, salutemque omnium gentium curare; atque ex maiorum consultiſ, qui præceperant, nequis susceptam Ecclesiam relinqueret, inductum, illatumque affirmamus. Quoniam puto uel terga dedisse, uel cecidisse, quem illi Achillem esse ducebant: nunc Vlyſſis fallacias retegamus; ut in eo nihil ueri exiſtere ostendamus. Vt enim assentimur neutiquam iure Diuino comprehendì, quod mutari uariarique potest: ita inficiamur, quod Episcopi curam attingit ad officium præstandum, prout à Deo præceptum est, mutationem uarietatèſque habere. At, si residendi ratio in uarietate non uersaretur; non utique fieret, ut Antistes sæpe non residere cogatur, siue propriæ, siue uniuersæ Ecclesiæ gratia, siue pacis inter Principes Christianos conciliandæ, siue quacunque aliâ Reip. necessitate, siue ut summo Pontifici obediat. Adde tum priuatæ commoditatis, tum animi causâ

Obiicitur.

Refutatur.

## Oratio quinta

interdum etiam licere, dummodò ne hoc interim spatio Ecclesia detrimentum accipiat. Nam præcepta de officijs præstandis id genus profectò sunt, ut nemo ad illa obeunda, nisi cum opus fuerit, prout loci, temporis que, atque personæ ratio postulauerit, compellatur. Num parentes nullo non loci uestigio, nullæque non temporis puncto honorandi sunt? at præceptum illud vulgatum est, Honora Parentes. Num tempus nullum non erit bene merendū at meritum genera, quæ danda ex Dei mandato sint, reperiuntur. Quid septimus ille dies ita celebris, tamque sanctus? nonne Dei iussu eâ religione celebrabatur, ut nemini fas esset non esse feriatum? At nefas cuiquam non fuit necessitate cogentē in opere uersari, ad defendendum arma capere, certare; Apostolis esurientibus licuit spicas uellere; Machabæis obsessis, cum oppugnarentur, dimicare. Iam uerò, qui panis Deo quasi donum aliquod dabatur, eum comesse, qui Sacerdos non esset, nemini licebat. at uati Regio, qui iratum Regem fugiebat, cum esurires urgeret; eo uesci nefas non fuit. Ita etiam usu uenit; ut, quamuis Domini præcepto Episcopus in suâ residere Ecclesiâ cogatur, ab eâ tamen merito interdum possit discedere. Nam uel naturâ ipsâ comparatum est, ut, quemadmodum coniugium, quod carne fit, licet iure diuino ita astringatur, ut ab homine ullo solui non queat; non tamen illo se adeò uir alligatum existimat, ut putet nullum sibi dari tempus à coniuge abeundi: ita, quod spiritum est, etsi diuini

uini præcepti sic arcto uinculo urgetur, ut nullo hominum iussu, quod Deus coniunxit, disungi possit; non eo tamen usque hoc Antistes constringetur, ut ab Ecclesiâ, cui tanquam sponsa coniugatur, nunquam abesse nequeat. Vterque propositum id habet, ad quod omne studium, omne consilium, omnem denique laborem conferre debeat: Ille rem domesticam, qua coniuges, liberòsque, & familiam completor; hic Christianam, quæ planè salus est huius mundi gregis, quem pascendum suscepit. Ille nunquam à coniuge discessurus sit, si rei domesticæ iactura consequatur: hic nunquam ab Ecclesiâ, in qua salus gregis præsentiam suam requirat, etiam si uita sibi discrimen intendatur, Vterque siue intimâ, siue externâ compellatur necessitate, modò suæ rei bene prospexerit, ille à domo, hic à suâ diœcesi, licere sibi abesse putauerit. Neuter propriæ priuatæque commoditatis, uoluptatisque causâ, nisi hoc sanè in utilitatem, ille rerum suarum domesticarum, hic Ecclesiæ suæ, redundare existimauerit. Nam multum expedit familiæ patrem, Ecclesiæ Antistitem optimè ualere, curis que assiduè interdum leuari, atque aliquâ cessatione ad labores ferendos fieri uegetiorem. Nec uerò urgent, cum instant nobis, atque inducere conantur; ut idem esse, quod est dispar, credamus. Quanquam enim à Deo mysteria sunt omnia planè instituta: non eadem tamen omnium, ut alio loco diximus, ratio est. Nam, ut dubitandum nõ sit, Diuino præcepto peccata esse con-

Obiicitur.

Refutatur.

## Oratio quinta

fitenda; non tamen asserendum est ita Deum præcepisse, ut, qui peccauerint, antequàm mortis periculum immineat, uelint, nolint, iudicium subire cogantur Sacerdotis: quemadmodùm Sacerdotibus dedisse potestatem de peccatis, qui fuerit ea confessus, absoluendi; ac iuris item condendi, quo Christianorum saluti prospiciant. Habemus præterea còpertum à Deo cibi ieiunitatem, corporisque castigationem aliquando fuisse indictam: mandatum uerò eà de re accepisse Ecclesiam, quo sibi curæ esse omnino intelligeret, non planè asseueramus. Ea porro auctoritate freta ac facultate, qua Domino nostro IESV CHRISTO auctore pollebat, & consendis erratis, & corpori castigando tempus præstituit. At planissime docuimus ab eodem illo Domino Deoque nostro pastores fuisse institutos, eorùmque officia constituta, atque amplissimis uerbis præceptum, ut ipsi pecus pascere suum; quod est, quemadmodùm sanctissimi eruditissimique patres dixerunt, ut in eo pascendo considerent. Itaque, si munus Episcopo proximè à Deo fuisse præfinitum fatemur; in eo præstando omnem residendi rationem præscriptam item asseramus necesse est. Verùm enim uerò; ut omnium mandatorum, ita huius præcepti declarationem ad Ecclesiam assentimur attinere. Nec uerò, propterea quidd, quando, et quas ob res, et quandiu à suâ præfecturâ possit Episcopus abesse, Pontificis Maximi est declarare; ei præstare officia sua Dei præcepto non cogitur. An quia,

quoto

Obijciatur.

Refutatur.



quoto uel cognationis uel affinitatis gradu coniuncta  
 sint coniungenda, ille declarat, atque præstituit;  
 ius matrimonij diuinum non est? aut quia ritum mo-  
 dumque in cælesti illo conuiuio, quo & sanctissima  
 caro Domini ministratur, & sanguis pretiosissimus  
 propinatur, uersandi ille suo arbitratu instituit, diem  
 que præscripsit; non Dei mandatum exequitur, qui  
 splendidissimâ illi mensâ perfruitur? Quid, qui ce-  
 leberrimis diebus, qui meritò sancti appellantur,  
 cum Dominus Deusque noster ad genus humanum  
 liberandum in cruce pretium soluerit, ad aurem Sa-  
 cerdotis puram, illustrémque, ac ueram errorum  
 historiam explicat? nonne diuino paret præcepto,  
 quamuis ritum, tempusque confitendi Ecclesiæ con-  
 stituerit? At assentiamur ijs, confitendi rationem  
 eandem esse, atque residendi: cur illi inficiantur præ-  
 ceptum de residendo esse diuinum; si Dei mandato  
 peccata sunt confitenda? Hoc sane quidem in utrun-  
 que cōuenit, ut CHRISTI Domini iussu, cum opus fue-  
 rit, obeatur, necesse omnino sit: nempe ut, qui pec-  
 cauerit, Sacerdotis iudicio se subiciat; qui regen-  
 dam Ecclesiam sumpserit, in ea resideat. Concedi-  
 mus etiam Pontificem Maximum, ut confitendi, sic  
 et residendi tempus præscripsisse, at, quemadmodum  
 consequens non est, ut peccatorum confessio Eccle-  
 siastico, non diuino iure teneatur, eò quod ei diem  
 ille præstituit: ita nõ consequitur, ut propterea, quòd  
 ille confidendi sp atium præfiniuit, Ecclesiæ, non Dei  
 præcepto sit confidendum. Illud uero mihi neuti-  
 quam

Obijciunt.

## Oratio quinta

quàm probari potest, cuiusnam Sacerdotis iudicium, qui peccatorum sit absoluendus, subire libeat,

**Refutatur.** Deum non præcepisse. Quos enim Christianorum pastores instituit, eis profectò hoc dixit, Accipite Spiritum sanctum. quorum remiseritis peccata, remittuntur eis: & quorum retinueritis, retenta sunt. Qui uerò eis deinceps succedunt, suo quisque hominum gregi, sunt proprii, uerique Sacerdotes. Quamobrem ea iudicandi potestas cum Pontificio munere ita apta connexaque est; ut, cum primum illud susceptum fuerit, hæc item una suscipiatur, oporteat. Quàm de re tam præcipue, quàm de salute animarum, Episcopum cura attingit? quid est, in quo magis animarum salus uertatur, quàm in absoluendo? Deus igitur instituit, ut suo quisque pastori, ac Sacerdoti, peccata, qui æterno supplicio se liberari uelint, confiteantur. At unum **CHRISTVS** perpetuum Antislitem constituit. quanquam enim Apostolos ille Episcopos creauit; eorum tamen, qui illis successerunt, elegit profectò neminem, nisi

**Obiicitur.** qui in Petri locum deinceps suffecti sunt. Sed uideant, ne tam eâ in re, quam ut certam ueramque sumunt, quàm in ratione fallantur. Quis enim assentiatur aliquem hominem perpetuum esse, aut perpetuò dignitate Pontificiâ perfunditurum? At unum interpretantur munus uniuersæ Ecclesiæ præsidendi, quod esset perpetuò ijs, qui Petro succederent, deferendum; unumque perpetuum magistratum, quo qui fungeretur, uniuersæ

Rei

Rei Christianæ præset; isque perpetuò futurus esset Episcopus Romanus. Vt unum intelligis, qui suo nomine uniuerso terrarum orbi præsideret; Petrum quippe, & quicumque erat ei successurus, à Domino institutum: ita, cùm ille nationes, gentesque omnibus sub Imperio suo futuras esse prospexisset, quas moderari ac regere partite atque distincte unus non posset; qui in partem laboris uocaretur, nempe ceteros Apostolos, & qui essent in locum eorum supponendi, Episcopos instituisse dicendus erit. Quidnam id aliud est, quàm suam Remp. à Deo sic esse constitutam; ut in eâ, quod illi ipsi etiam consentiant, ordo Episcoporum nunquàm sit defuturus: quorum unus sit princeps, unusque Ecclesiæ præses uniuersæ; ceteri in partem operis accersantur? At non eadem eorum est ratio, qui Petro succedunt, atque aliorum, qui ceteris Apostolis surrogantur. cùm enim Dominus iussit Petrum pascere oues suas; successores uisus est etiam iussisse. Num putas id Petro à Domino sit fuisse imperatum, ut una Principis persona non omnibus item reliquos Apostolos; non omnibus etiam ceteros pastores comprehenderit? Quidni? si ad amplissimam summamque iurisdictionem, & ad singularem rerum omnium Christianarum potestatem; qua animum ille Petrum uniuersæ Ecclesiæ præfecit, Pontificumque principem constituit, id referendum existimas: recte quidem sentis, atque hoc tibi planè assentimur. Sin, quod quisque pastor præstare debeat, eo quoque iussu inficiariis comprehendendi:

falli

Obijcitur.

Refutatur.

falli profectò uideris. Nam duo sine ullà dubitatione mādaturū illud complectitur: unum singulare est, atque in solum quidem Petrum cadit, eiusque successores; nimirum quam dixi uim maximā, & ut nunc loquuntur, plenitudinem potestatis: alterum uniuersè pastoris munus præscribit. Vt ille, tāquā pecoris pastor uniuersi, ad pascendum gregem incumberet, non sanè qui singulis sibi in Ecclesiis considerandum esse arbitraretur; sed qui, nequa earum bono Antistite careat, nequid detrimenti accipiat, ne minùs rectè administretur, prospiceret: Episcopos uel singulos, uel cuiusque nationis, uel omneis, quot quot in orbe Christiano reperiantur, literis, quod ut sanctum piūque sequendum sit; quod, ut ne farium, & à religione alienum fugiendum, doceret: in officio retineret: ad ea, quæ sint quæsita, responderet: dubitationes euelleret: ueritatem declararet: Remp. Christianam optimis institutis ornaret: nihil denique quod in totā Re Christianā bene administrandā maximum Principem, summum præsidem, primarium pastorem deceat, præmitteret. Cæteri uerò Pontifices, quo, suā quisque in diœcesi, munere functuri essent, intelligerent: quippe Dei mandatò suū cuique gregem eodem modo custodiendum, pascendumque esse. Ac, nequis putet hoc à me fingi, Augustini testimonium recitetur. Id Petro singulariter iussit Dominus, quod omnibus erat commune, ut unitatem commendaret. Multi enim erant

• ព្រះបាទសីហនុ

• 2004 年 6 月 7 日

**August.**

erant Apostoli: & uni dicitur, *Pasce oues meas.* Quare hoc uni mandatum est, quod ei cum cæteris omnibus erat commune? An non, ut unum Principem, qui uniuersè præsidere, designaret; atque in illo uno cæteris omnibus potestatem daret pascendi, et officium expressè declararet. Recitetur & Ambrosij: Nobis in uerbis diuinis credita est dispensatio, qui gregem CHRISTI pascendum suscepimus. Quibus uerbis Deus pascendum nobis gregem detulit suum? nempe illis, *Pasce oues meas.* Accedat, quod paulò post sequitur, *Væ iam mihi est, si clauēs illas Regni Cælorum, quas in beato Petro Apostolo cuncti suscepimus Sacerdotes, minimè referuauero.* & Repetitur est tertio, *Pasce oues meas.* Quas oues & quem gregem non solum tunc beatus Petrus suscepit, sed nobis cum illas suscepit, & cum illo nos suscepimus omnes. Iussit Dominus Petrum pascere oues: per quem ad reliquos omnes potestas & auctoritas pascendi manat à Deo. Caput est enim Petrus, de quo, Deo infundente, facultas Rei Christianæ administrandæ ad cætera mōbra defluit. Audite etiam, quam afferam ex Leone illo magno testificationem luculentam atque præclaram: Cum dixit CHRISTVS Petro, tibi dabo clauēs Regni Cælorum, transiit in alios Apostolos uis potestatis huius, & ad omneis Ecclesiæ Principes decreti huius constitutio

Ambros.  
Leo.

com-

## Oratio quinta

commendat. Sed non frustra uni commenda-  
tur, quod omnibus commendatur. Petro  
enim ideò hoc singulariter creditur: quia

**Basilius :**

ponitur. *Audite, & quæ testificatur Basilius ille,*

*Aug.*

*Magnus, quem uetustas illa sanctissima admiraba-*

*tur.* Hoc ab ipso CHRISTO docemur, qui

Petrum post se Ecclesiæ suæ Pastorem con-

stituit. Petre enim, inquit, amas me? pasce

quæ meas. Et consequenter omnibus Pa-

storibus & Doctoribus eandem potestatem

tribuit. Cuius signum est, quod omnes ex

**Cyprianus :**

dum ille. *Nec pigeat audire Cyprianum haud mi-*

*nore dignam admiratione, cum exponeret uerba il-*

*la Domini, Tibi dabo clauēs regni cælorum.* Di-

ctum hoc, inquit, est Petro, non quod illi soli

dederit potestatem, quam parem cum illo

omnibus Apostolis dedit: sed, ut unitatem

manifestaret, unitatis eiusdem originem ab

uno incipientem sua auctoritate disposuit.

*Hos, Patres amplissimi, testes nostræ sententiæ uo-*

*bis damus, adeò graues, adeò sanctos, adeò locu-*

*plete, quibus in toto Christiano cætu nihil grauius*

*nihil sanctius, nihil locupletius reperiri possit; ut*

*desistant, qui secus sentiunt, diuinum præceptum*

*interpretari contra, quàm hæc quinque clarissima*

*& doctrinæ & sanctitatis Christianæ lumina, qua-*

*tuor Episcopie dignitatis ornamenta præclara, ac*

nun-

nūquā defectura, quintum etiam sedis Apostolica summum æternūque decus, intelligendum esse ostenderunt. At instant asseuerare Ecclesiastico iure, non diuino Antistites creati: cū Apostolos dūtaxat CHRISTVS cōperiatur Episcopos constituisse, Petrum quidem singularem in modum; cū eum sanē unum pascere oues suas iussisset: omnes autem pariter; cū eos ad Euangelian prædicandum, atque ad uniuersum genus hominum de uitā salutis docendum, misisset; alium præterea neminem. Cæteros Apostoli, qua præditi erant CHRISTO auctore potestate, ut Petrus Marcum, Paulus Timotheum, Ioannes Polycarpum, instituerunt.

Obiicitur.

Actum agunt isti, Patres Amplissimi. Vt enim, cū Apostolos Sacerdotes creauit, Sacerdotium Deus in Ecclesiā perpetuum, iuxta ritum, quem Melchisedecus tenuerat, instituit: ita, cū eosdem ille Episcopos constituit, ordinem Episcoporum in Christianā Rep. perpetuò permansurum fundauit: quòdque uni, ut exposuimus, Petro; quod omnibus æque Apostolis iussum est; id etiam, quotquot futuri erant Episcopi, omnibus pariter imperatum esse maiores nostri intellexerunt. An, quia solis Apostolis Dominus dixit, Hoc facite, non omnes item iussit hoc facere Sacerdotes? Omitto illud, quod est potius libertate loquendi abutentis, suòque ingenio indulgentis, quàm rationem ad consideratè scribendum adhibentis; cū asserunt à Romano Præside, non à CHRISTO, qui Episcopi creantur, ut Episcopi

Refutatur.

Obiicitur.

Refutatur.

cōpi

## Oratio quinta

copisint, habere: quasi eos non Dei mandato, non  
 ut administrator, quanquam maximus quidem, sum-  
 mamque habens potestatem, non ut mandatis iussa  
 exequatur, Pontifex Romanus uel eligat, uel con-  
 firmet: quandoquidem eâ de re satis disceptatum  
 est, ubi ostendimus à Domino Episcopum, cum ille  
 consecratur, in amplissimo dignitatis gradu locari.  
 At, inquit, ut philosophari uideantur, non  
 aptos. (utor Græcâ uoce, quia Latiniâ caremus,  
 nisi proximè dicamus) Immo uerò proximè, & ap-  
 tos: Deus est enim princeps causa, atq; hoc in genere  
 ita princeps, ut unica sit ac singularis. Pontifex  
 autem Maximus, quin causarum administrarum  
 quidem, sed efficientium primaria sit; atque adeò  
 primaria, ut à se tanquam diuinæ potestatis uicariâ  
 ceteræ omnes pendeant, sibi que pareant; dubitat eo-  
 rum, qui rectè sentiunt, nemo. Atque eo quidem  
 Vicario, ut administratorum omnium Principe, in  
 mysterijs administrandis utitur Deus. Sed attendite,  
 quaeso, Patres optimi, quem in modum illi, ut nos  
 decipiant, contendant. Cum enim Pauli uerba il-  
 la exponerent, In quo uos posuit Spiritus san-  
 ctus Episcopos regere Ecclesiam Dei: Spi-  
 ritu sancto fieri, Apostolum aiunt intellexisse, quòd  
 Antislites ritè agunt. Quasi idem sit Episcopum con-  
 secrari, ac cetera omnia, quæ Antislites tractant,  
 administrari. Atqui non Ambrosius, non Augu-  
 stinus, non Hieronymus, non Chrysostomus, non  
 Gregorius Pontifex Maximus, non Damasus, non-  
 dum

•mndio

•mndio

•biicitur.

•mndio

Refutatur.



dum quisquam sanctissimorum patrum hunc locum  
 ita interpretatus est; quin manibus Antistitis à  
 Deo intellexerit Episcopum creari. Quomodo Pau-  
 li præceptum intelligatur, proferatur Augustini August.  
 interpretatio. Nam nemo ignorat Episcopos  
 seruatorem Ecclesiæ instituisse. Ipse enim  
 prius, quàm in cælum ascenderet, imponens  
 manum Apostolis, ordinauit eos Episco-  
 pos. Hoc Apostolus Spiritui sancto ascribit,  
 cùm dicit, Attendite uobis & uniuerso gregi,  
 in quo uos Spiritus sanctus posuit Episco-  
 postegere Ecclesiam Domini IESU. Nimi-  
 rum Spiritus sanctus, Spiritus CHRISTI est. Obiicitur.  
 At normam, regulamque gregis custodiendi à summo  
 Præside debet accipere, qui Episcopus instituitur.  
 Nempe quam tradidit Dominus. nosler, IESUS Refutatur.  
 CHRISTVS; quam ille potest declarare, mutare  
 non potest. At esto, inquit, Pontificatus à Deo Obiicitur.  
 sit genere quodam institutus; atque curatio, si ad ge-  
 nus spectetur, cùm eo diuino iure apta ac nexa. Cùm  
 autem huic, illi, hoc, illo loco Romani Pontificis ar-  
 bitratu defertur, nemo inficiari potest ab eo, non à  
 CHRISTO proximè deferri. Verùm enim, si gene- Refutatur.  
 ra causarum distinxeris, facile erit, ut intelligas à  
 CHRISTO, ut à principe causâ, uimque prima-  
 riam habente; à Pontifice Maximo, ut à causâ ad-  
 ministrâ atque uicariâ, proximè committi. An  
 ius matrimonij, quæ maris cum femina legitima  
 coniugatio dicitur, ita diuinum est; ut, cùm hic hanc  
 coniu-

utibido

coningem ducit, ille illam, Dominus dicat, Quos  
 Deus coniunxit, homo non separet: ius  
 coniugij, quo hic Episcopus cum hac Ecclesiâ, ille  
 cum illâ ritè ac sanctè coningatur, tu diuinum esse  
 negas? cum ed diuinius hoc illo sit, habendum, quò spi-  
 ritus carne præclarius quiddam est. Quandoquidè il-  
 lud connubium in sensu carnis positum, infixumque  
 est: hoc ab omni concretionè mortali disijunctum at-  
 que remotum, in spiritu omnino totum nititur.  
 Quid si id illis assentiamur? num sequitur uniuscu-  
 iusque Episcopi dignitatem, ac munus iure diuino  
 neuiquam teneri? An non Dei mandato desertur?  
 nisi arbitraris à Deo Pontificatus speciem, quam  
 Plato Ideam uocat, esse constitutam: quæ, etiam si  
 in singulis non appareret, in se ipsâ præclarius elu-  
 ceret, præstantiorèmq; uim haberet: ut res om-  
 nes mente cælesti diuinæque notione comprehensæ  
 omni æternitate continentur, statûque permanent  
 meliore: quamuis, ubi sub aspectum uenerint, oc-  
 cidant. Num eam ille inuenit, ut in se ipsâ consi-  
 steret, non in singulis exprimeretur? atqui in Apo-  
 stols eam expressit, atque in ijs, qui subsecuturi  
 erant, ut effingeretur, mandauit. An non genus  
 ita in singulis seruator, ut his omnino demptis, il-  
 lud quoque prorsus demi oporteat? nemo Episcopus  
 inflictuatur; tollatur necesse est ordo Episcoporum:  
 nisi censes in uno speciem rei, non in pluribus repe-  
 riri; ut in Phœnice (si credimus, quæ de illâ aui  
 Græci scriptores commenti sunt) ut in Sole, in Lu-  
 nâ

na, in singulis sideribus, quæ errantia uocantur, ut in singulis illis mentibus, quæ cæli orbis mouent, quemadmodum Peripatetici docent, ut in singulis illis rerum primordiis, quæ appellantur elementa, singulariter suam cuiusque formam atque naturam: ita Episcopi ordinem in uno, nempe in Pontifice Romano seruari. Quàm pietatis Christianæ sit hoc affirmare, quàm ab Ecclesiâ receptum, quàm maioribus nostris probatum, qui audet fate-  
 ri, uiderit. Quid? ius naturæ, quod in homine pro-  
 creando Deus principio statuit; cùm hic homo illum hominem gignit, in eo generando uim suam non retinet? aut qui gignitur, non eâ nascitur lege? cùm eiusmodi ius in Episcopo creando seruetur, quod à principio non differt, quid est, ut si illud diuinum est, hoc non sit diuinum? At, diuinum si esset, Ecclesia-  
 sticam præfecturam, ac potestatis usum Episcopo summus Pontifex adimere sine causâ nequiret; ac, si adimeret, non ualeret, neque quippiam haberet firmitatis. At ualet, nequæ est, qui irritum fieri id possit. Nihil est, ut mirum hoc esse uideatur: cùm summam eius uim lex nulla sit, quæ coerceat, nec affectus iniuriâ, qui iure diuino cogitur parère, habeat nisi Deum, quem appellet, atque obtestetur. Is audit appellantem; et, cùm iudicium faciet, quod illi iniquè acciderit, se ratum non habuisse ostendet. Attendite, Patres amplissimi, prestigias, uidete fallacias, quibus cùm illi alios decipere nituntur, se ipsos decipiunt. Putant enim nos hallucina-

Refutatur.

Obiicitur.

Refutatur.

Obiicitur.

N ri,

## Oratio quinta

Refutatur.
 ri, ac falli: quod, cum Pontificatus sit à Deo constitutus, siquis Pontifex huic, illi Ecclesiae praeponitur, existimamus à Deo proximè præponi, dum Ecclesiae suae consecratur. Quasi vero nemo Episcopus statuatur, cui non manus eius aspectabilem in modum accesserit. An non mirificā quadam ratione, quæ oculos hominum fugit, in eum manus sanctissimas porrectas admovent, spiritumque diuinum afflāt; cum, eum qui consecrauerit, in caput manus sub aspectum cadentes, uel Maximus Antistes, uel suo quouis alius nomine, ut administrator, porrexerit? nisi putas, quem ad constitutum diē ut administrator absoluit Sacerdos, à Deo proximè absolui: quem Episcopum cuidam Ecclesiae consecrat Pontifex Maximus, non proximè à Deo consecrari. Quamobrem meritò consequitur, ubi Episcopo alicuius Ecclesiae praefectura fuerit delata, ut iure diuino ita ad residendum in eius administratione compellatur, ut non sit integrum Pontifici Maximo præcipere, quod Dei mandato aduersetur; & eum à præstandis officijs, quæ suæ debet Ecclesiae, remoueat. At instant ieiunitatem cibi opponere: quod non semel consutum est. Instant obijcere in Rep. magistratus iure naturali esse constitutos: nec tamen sequi, ut hic, illiue magistratus eodem iure statuatur. Quemadmodum etiam consequens non est, ut, quia rerum omnium, quas Deus creauit, nihil tam præstans, tamque præclarum, quam homo est; nihil sit tam præstans, tamque præclarum, quam hic, illiue homo: ita

ita

ita falsò nos argumentari, hunc, illumve Pontificem à Deo proximè creari; hunc, illumve Pontificatum proximè institui: quia proximè Pontifex ab eo creatus est, proximè Pontificatus institutus. *At* Refutatur.  
*uerò*, quæ illi sumunt, si hunc in modum sumantur, magistratus, ut magistratus est, iure naturæ fuit constitutus; & rerum omnium, quas Deus creauit, nulla reperitur, qua homo, ut homo est, nobilior non sit: sine dubio consequatur, hunc, illum magistratum, ut magistratus est, iure naturæ esse constitutum; atque hunc, illum hominem, ut homo est, rem nobilissimam esse. Vt planè sequitur hunc, illum hominem, ut est particeps rationis, Dei similem haberi; cum homo, ut est particeps rationis, Dei similis habeatur. Quamobrem rectè concludimus, hunc, illum Pontificem; ut Pontifex est, à Deo proximè constitutum esse; hunc, illum Pontificatum, ut Pontificatus est, à Deo proximè institutū; hanc, illam ouium suarum administrationem, ut ouium suarum administratio est, à Deo proximè delatam: propterea quòd proximè à Deo Pontificem, ut Pontifex est, constitutum esse; Pontificatum, ut Pontificatus est, institutū; ouium suarum administrationem; ut ouium suarum administratio est, delatam, nemo est, qui non affirmet: tametsi hunc, illum in ordinem Pontificum summus Pontifex eligit; hunc, illum Pontificatum instituit; hanc, illam ouium CHRISTI administrationem tribuit. Atque, cum primum curationem gregis suscepit, Episcopus, aded

## Oratio quinta. C

CHRISTO Domino fidem obstringit, ut eius mandato ad pecus pascendum residere cogatur. Quapropter liquet, eos suis fallacijs deceptos esse; non sanè quidem nos, qui sanctissimorum Patrum sententiam simpliciter tenemus; ipsamque ueritatem nudam, puramque amplexamur; non captiosè inuertimus, non immutamus. Nec possum satis mirari, ab ijs planè assertum iri, Antistitem, ut primum Pontificialem magistratum inierit, diuino iure ad parendum Romano Pontifici, qui ex uniuerso grege sibi commisso, oues aliquot ad pascendum impertiuuit, atque in partem laboris uocauit, compelli: non eodem iure Deo parere cogi, eisque de pecore pascendo præceptum seruare: quasi nunquàm Dominus id mandauerit. Quocirca, cùm argumentorum sedes, quibus illi hanc ueritatem obliterare, ac potius delere conantur, in personam, atque in loco, ac tempore positæ sint; quasi quæ Deus præcepit nullam in personam, nullo tempore, nulloque loco essent seruanda: uide-

Obiicitur.

Refutatur.

te, Patres optimi, quàm opinione fallantur. Etsi, diuino iuri seruando tempus quoddam certum, certumque quendam locum Ecclesia præscribat: num Deus ita præcepit, ut non aliquo tempore, non aliquo loco præceptum seruari oporteat? An non Deus mandauit, ut Sacerdoti suo tempore, suoque loco, nempe cùm opus fuerit, peccata confiteamur; ac septimum quenque diem sibi colendo omnino utique tribuamus? Cùm Pontifex Maximus confitendi tempus, locumque præfinierit, nonne animaduertit iam

iam tum id opus esse, quod Dominus mandauerat? Cum Deo, quem Soli gentes diem attribuerant, consecrauit; nonne hunc, quo Sol inslitia surrexit ad diem lucis æternæ, uitæque immortalis initium afferendum, septimum esse diem, quem sibi ille constituto quidem ævo totum consecrandum imperauerat, declarauit? An, qui tempore, locoque præstituto de peccatis subit iudicium Sacerdotis; qui diem illum septimum sanctè religiosèque colit, non Dei præcepto paret? Nec uerò, quia ritum sacrorum non semel Ecclesia uariavit, sacra ipsa mutata sunt. Nec, quia non eodem omnino ritu in re diuinâ faciendâ Græci, atque Latini utuntur, non idem sacrificium est. Nec, quæ in mirabili mysterio lauandi apud uarias Christiani orbis nationes dissimilitudo reperitur, sanctæ lauationis naturam mutat. quippe uim rei neque tollunt, neque uariant, quæ accidunt, quæque ad materiam spectant: quæcunque porrò tempus, quæ locum, quæ personam attingunt, accidere dicuntur. Quia uerò id est eiusmodi, cum hunc, illum Episcopum creat Pontifex Romanus; huic, illi Ecclesiæ præponit: nihil profecto est, quin iure diuino constringatur, quod Deus constituit. Constituit autem, quod ipsi etiam constituentur, Pontificatum, curationemque animarum. Quamobrem quisquis Pontifex creatur, facere non potest, quin pro officio præstando, ac pro hominum grege pascendo, non lege diuinâ obstringatur. At non sequitur, ut in eo munere obeundo residere co-

Obiicitur.

## Oratio quinta

*gatur : cū profectò nihil intersit , per aliū omne , an per se ipsum id exequatur . Nam tritum uulgaris sermone illud est , qui per alium agit , per se ipsum age-*

*re uideri . Rectè sanè quidem dicitur uideri ; cū esse , quæ non sint , non pauca uideantur : eiusmodi*

*hoc genus est , in quo , qui per alium agit , per se ipsum re uerâ non agit . Atqui non desunt , qui uel ipso Episcopo sint prudentiores , doctrinâque ad populum docendum , atque ad omne reliquum munus instructiores ; quorum ille operâ si in pecore compascendo uteretur , Ecclesiæ longè melius prouideret .*

*Refutatur . Rarò quidem hoc usu uenit , adeòque rarò , ut ne-  
tiquàm admitti , tanquàm huic negotio accommodatum , oporteat . Immò uerò , qui , quod debet , officium præstare nescit ; quia , cū id sumpsit , gra-  
uiter peccauit ; admonendus esset , ut Pontificatu se abdicaret : ac , nisi obtemperaret , etiam cogendus .  
Sal enim si euauerit , quid reliquum est , nisi ut proijciatur , & conculcetur ? Atque , scientiam qui repuleris , te , inquit Dominus , repellam , ne mihi Sacerdotio fungaris . At , si dederimus Episcopo , ut ferè fit , in Euangelio prædicando doctiores adhibendos esse : num concedemus , ut ille obmutescat ? An non interpellabit nos illud Esaiæ , atque obloquetur , Canes muti ? Num , ut ad ad Vicarium omnem rem conferat , ipse aliud agat : quasi hic præfecturam Ecclesiasticam , non ille ipse suscepit ? Atqui Dominus non sic boni Pastoris officium definiuit . Num , ut , quod per se ipse possit , efficere negligat ?*

*nam ,*



nam, etsi Vicarius, præsertim in magnâ diœcesi, constituendus est; hic tamen se Episcopi adiutorem, non Episcopum esse meminerit: ut, cum ille in primariâ resideat Ecclesiâ, hic ipse, quod reliquum est, iunget, inspectet, intelligat, ad eum denique referat; ut prudenter, & consultò res tota peragatur. At non desistunt contendere, ut probent se Vicariorum operâ, qui sint ad Ecclesiam regendam idonei, CHRISTI præcepto satisfacere: cum dicant CHRISTVM pastorum principem nihil à se aliud exigere, nisi ut oves pascant. Nam, quemadmodum, cum iamdudum nata esset Ecclesia, & cum iam etiam adolesceret, adeò pauci, qui pastoris officium exequi possent, reperirentur, ut Episcopi per se ipsos id præstare cogerentur: sic temporibus nostris tam multi abundant, qui ad illud idem munus explendum aptissimi habeantur; ut per eos id omne facile ac probè queant efficere. Si tam multi periti ad hoc opus comperiuntur, quare non eorum peritissimis committitur? cur omnium sermè rerum inscijs, non ij cooptantur? At esto, aliorum labore ouibus bene consultum sit: nam etiam, si ijs pastor in terris non esset, Deus profectò non deesset: num à rectâ conscientia non discedit? num officio suo non deest? num purâ integrâque mente sustentatur, qui alteri delegat, quod sibi mandatum est; modò, ut debet, exequi id possit? An, qui se excusauerit, eius excusationem Deus acceperit? Quanquam ouibus quidem promissa exsoluentur; mali tamen pastores, seu

Obiicitur.

Refutatur.

Aug de Pa-  
Rorib.

## Oratio quinta

Aug. ex Ser-  
mone de  
tempore.

a. Tim. 3.

negligentiæ, seu sceleris pœnas dabunt. Iam uerò quem maximè amare debent, tantùm abest, ut diligant, ut, in qua re ille erga se eorum amorem poscit, hanc omnino negligent. Amant Deum: pascant ipsi eius gregem, non alijs pascendum committant. Id sanè charitatis, id amoris erga se ille, cùm ter à Petro poposcisset, à quocunque item ouium suarum pastore postulauit. Aliud profectò est nihil, quo suam erga eum pietatem præferant: id unum denique habent, quo à se eum amari declarent: nimirum quod in eius pecore pascendo positum est, etiam si essent mortem pro ouium salute obituri. quod uitæ discrimen pro eo grege pastor subierit, quem numquàm, aut raro inuisit? An qui dominantur, rerùmque potiuntur, iure naturali per se ipsos, quod cuiusque munus exigit, ad præstandum compelluntur: Episcopi, quam quisque Ecclesiam suscepit, eodem iure administrare per se ipsos non debent? Erubescat enim oportet, ut Paulus condoces facit, qui in operis Ecclesiæ non est: atque, ut ille idem auctor est, qui nihil suscipit laboris, comessere non debet. An Ecclesiastici ministri, qui in Ecclesiâ nihil nauant, nihilque elaborant; eo pane uestantur, qui operis sit constitutus? Si Antistiti, quod ipse officium exequi debet, alteri delegare fas esset, cùm uel minimè idoneus quisque id præstare posset; quid est, quod in eo deligendo tot conciliorum decretis, totque Maximorum Pontificum consultis cautum est, ut diligentia studii que plurimùm ponatur? Quid deindè est, quod tan-

tantoperè uniuersa præses Ecclesiæ de creandis Episcopis laboret, si licet cuique suum munus delegare?

An non ille melius delegaret? Tollat, si potest, ordinem Episcoporum; ut superuacaneum: Vicarijs utatur, qui munia, quorum ille causâ institutus fuerat, obeant. Sin minus potest, ne sinat eos uagari, in Regiâ spatiari, Regia negotia gerere, Romæ domicilia, fortunâsque suas collocare, à suis præfecturis abesse, quod ipsi per se executuri essent, per alios præstare. At Augustinum Valerius sibi substituit.

Obijcitur.

Refutatur.

An ætate confectus, cum sibi uires deessent, ad grauissimum onus ferendum non meritò sibi adiutorem adsciuit, nequid iacturæ Ecclesiæ faceret? Nec ita collegam sibi surrogauit, ut à grege discederet; & otiosâ cessatione frueretur. quin etiam, cum perspectum haberet pastoris præsentiam, & uigilantiam pecori pascendo necessariam esse; eum sibi socium adscripsit: qui, quod ipse præsens obire non poterat, expleret. Nec uerò id ita se habet; ut, quemadmodum res priuatas, sic etiam publicas unicuique liceat per alios administrare. An qui Prætores, qui Consules, qui Duces creantur, præsertim quibus pro magistratu obeundo stipendia penduntur; quas susceperunt prouincias, ijs nefas est alios in earum administratione substituere: Episcopis suas dioceses alijs delegare fas erit? Ab ouium curatione sine earum utilitate abesse licuerit: quas quæsitum de cælo Deus descendit, inuentâsque uitæ iacturâ, ac pretiosissimi sanguinis impensâ sibi comparauit? At

Obijcitur.

urgent,

## Oratio quinta

urgent, Paulinumque Nolanum Episcopum omni  
 præditum sanctitate obijciunt; qui, quemadmodum  
 à Magno Gregorio memoriae proditum est, ut unam  
 ex ouibus suis à prædonibus captam reciperet, reli-  
 quo pecore deserto, tum se sponte in piratarum manus  
 coniecit. Neque enim si divinâ lege præscriptum es-  
 set, ne quis à grege discederet, Antistes ille omni  
 virtutum genere cumulatis. non minimo eius peri-  
 culo seruitum isset. An non Principem pastorum Do-  
 minum nostrum IESVM CHRISTVM imitatus  
 est; qui, ut unam, quæ perierat, inueniret, nouem  
 ac nonaginta oues reliquit? At ille sibi eâ inuenien-  
 dam esse non ignorabat: hic, cum haud quaquam nos-  
 set, an ouiculam suam liberaturus esset, cur pecus  
 reliquum omne deseruit? An communi hominum  
 conditione specimen sanctitatis, quod in illo Ponti-  
 fice elucebat, æstimamus? Nonne prærogatiuâ qua  
 dam id factum potius putandum est; ut illi Deus,  
 cum aurem animi clam uelleret, quod erat futurum,  
 aperuerit? quod coniecturâ, licebit, assequamur; si  
 rectè, quod secutum est, animaduertemus. Neque  
 enim grex relictus detrimenti quicquam accepit:  
 sed amissâ ouiculâ quæ erat, receptâ, ac plerisque  
 alijs captiuis è seruitute redemptis, ipse incolumis  
 Ecclesiam suam repetiuit. Quippe Deo parendum  
 est, etsi iubet secus, atque præcepit. Cum enim il-  
 le præcepisset, nequis se paricidio obstringat: eius  
 tamen insu multæ uirgines, ut docet Augustinus,  
 sibi necem consciuerunt, quas in cætum sanctorum  
 cæli-

Refutatur.

Obijcitur.

Refutatur.

cœlitum Ecclesia cooptauit. Atqui Timotheus Episcopus Ephesus, ut, quæ Paulus imperauerat, faceret; Ecclesiâ suâ relictâ, alias peragranit. nam, Apostolo iubente, Epheso Corinthum, Corinthe Romanam, Româ Hierosolymam dicitur profectus esse. Multa præterea solent enenire, quibus cogitur Episcopus ab Ecclesiâ suâ discedere. Quid tum? num eam ob rem non diuino iure ad residendum ille compellitur? An eo uinculo hoc ius eum constringit, quo nullam ob causam solutus ac liber abire possit? Nam præceptum de grege pascendo diximus in ijs mandatis, quæ aientia dici solent, recenseri; atque eiusmodi esse, quod, quando, & quantum coerceat, declarari possit. Neque enim inter se pugnant, Dei mandato in custodia pecoris esse residendum, & res enenire, quarum causâ non modò interdum ab eâ discedere liceat; uerùm etiam non semel expediat. Itaque Timotheum, licet, existimemus maioris commodi gratiâ Epheso absuisse: ut Episcopi Hispani ouibus suis relictis in hac urbe generalis Concilij causâ septennium consumpserunt: ac iam nunc permulti non unâ è regione profecti biennium agunt. Nec uerò desinunt instare, cum uni Petro, non etiam cæteris Apostolis de pascendis ouibus præceptum traditum esse nitantur; ac satis mirari non possint Caietanum sibi non constare. Qui Pontificum omnium principem uniuersæque Ecclesiæ præsidem esse Romanum Pontificem cum probare conatur, mandatum hoc asserit soli Petro datum esse, & quidem

Obiicitur.

Refutatur.

Obijcitur.

de

## Oratio quinta

de officio, quod ita in Romano Episcopo singulare est, ut in alium neminem conuenire possit: cum autem de Residendo disceptat, uulgare id facit, atque ei cum cæteris omnibus Ecclesiarum præfæctis commune.

**Refutatur.** Vtrumque uerum est, ac ne illi ipsi quidem possunt inficiari; cum munus Episcoporum a Deo institutum esse fateantur. Nam eos meminisse uelim, hanc cauillationē, uti falsam, elusam esse, cum diximus uni Petro mandatum esse, quod uniuersam Rem Christianam attingit: cæteris omnibus in eo, tanquam in capite, quod ad singulas Ecclesias attinet: quemadmodum sanctissimi eruditissimi que Ecclesiastici doctores nos utique docuerunt. Iamque adhuc cauillantur, cum aiunt, si residendum omnino esset eo mandato, quod Petrus accepit; consequens esse, ut ipse Pontifex Romanus per se ipsum, nō per alios (quod

**Obiicitur.** fieri nequiret) oues Domini pascere deberet. Quid ni? animaduertant, quæso, non dissimilem rationem in omni Re Christianā gubernandā, atque in singulis Ecclesijs administrandis tenendam esse: neque in grege pascendo disparem prorsus in Maximum Antislitem, atque in cæteros omneis administrationem conuenire. Pascit oues, qui Remp. Christianam gubernat, cum residet in Ecclesiā; quam Petrus, ut Principem uniuersi orbis, sibi elegit. Elegit autem Romam, in qua Apostolicam primariāque sedem collocaret. Ac propriē priuatimque Romanam præfæcturā administrat: reliquas omneis, quas Petrus, quas qui ei successerunt, quas denique ipse constituit, diæcese s

diœceses ita gubernat, ut in singulas præfectos, quæ-  
admodum Dominus mandauit, mittat, suam cuique  
deferat administrationem, suæ quæque Ecclesiæ  
consecrandum curet. Ipse, quicumque ex quauis  
uel gente uel natione se appellent, ad se confugiant;  
eos benignè audiat, clementer excipiat, ius omnibus  
dicat. Tum uerò ex illâ summâ celsâque arce in om-  
nem Christianum orbem oculos conijciat, circumspi-  
ciat, provideat, nequâ in parte Res Christiana dam-  
num accipiat, nequid non rectè agatur, nequid de-  
nique præter legem Diuinam, præterque Pontifi-  
ciam accadat. Ceteri uerò, qui singulis præfectu-  
ris funguntur, pascant oues, si in primariâ suâ quis-  
que diœcesis Ecclesiâ consideant; reliquis locis pa-  
rochos præponant, qui suam singuli parochiam ad-  
ministrent: circumspiciant omnem regionem; ad se  
confugientibus aureis patientes præbeant; reliquam  
diœcesim interdum inuisant; prospiciant denique, ut  
omnia bene gerantur. Iam uerò boni pastoris defi-  
nitionem, & quæ illi attribuuntur, negant cuiquam  
alteri, præterquam CHRISTO Domino, con-  
gruere; idque uel ipso Caietano auctore confirmant.  
Atqui testimonia luculentissima nobis non de-  
sunt sanctissimorum Patrum, ut planè docuimus,  
qui ex illâ definitione præceptum de Ecclesiâ regen-  
dâ hoc deprompserunt; quo, siquod ei periculum in-  
tendatur, Anistitem non modò ad defendendum,  
sed & ad uitam pro illâ ponendam, compelli uelint.  
Caietani uerò sententiâ, si rectè eius uerba perpen-  
dimus,

Obiicitur.

Refutatur.

## Oratio quinta

dimus, Episcopi non excluduntur, quin in pastoribus queant percenseri. Vnus enim CHRISTVS propriè uerèque erat Sacerdos: cùm autem ad patrem, de cuius cœlesti sinu prodierat, esset rediturus, Sacerdotes instituit; qui suo nomine, ut ueri Sacerdotes, rem diuinam in terris facerent; hoc est, quorum Sacerdotio atque officio, quod in sacratissimæ crucis arâ truentum ipse Deo patri soluerat, quotidie ipse idem in altari mirificè repræsentaret. Vnus item CHRISTVS propriè uerèque erat Pontifex & pastor, quem unum, non quènque alium, de omnibus cura attingebat. Qui unus erat ostium, quo in caulam introiri oporteret: quicunque alio aditu irruerant non pastores fuerant, sed fures. Cùm autem ad cœlum esset ascensurus, Pontifices pastoresque constituit; qui, ut ueri pastores, atque CHRISTI, aut quidem curæ ipsius CHRISTI Vicarij, quæ eius sanè erant oues, tanquàm proprias pascere, & custodirent; atque hoc munus ita exequerentur, quemadmodum ipse definierat. Nempe ita eos instituit, ut suam personam omnino in pecore pascendo induerent; & à se magistro, qui pro ouium salute uitam profudit, exemplum, ut boni discipuli, caperent. Itaque sanctiss. ille Antistes, atque eruditiss. acutissimusque doctòr, cùm restrictè elogium illud, quod ad pastorem spectat, obseruaret, atque ad interiorem sensum referret, nec non, in quem perse ac primum conueniret, ostenderet; quò magis excluderet eos, qui non essent à CHRISTO instituti, neque



neque eius personam gererent, eum in modum expo-  
 suit. Nam sine dubio Pontifices, qui, quæ sua sunt,  
 non quæ CHRISTI, agunt; mercenarii profectò,  
 & alieni habendi sunt, non pastores. Illud autem,  
 quod maximè absurdum, ac potiùs impium esset, si  
 boni pastoris officium in CHRISTVM tantummo-  
 dò, non etiam in eos, quos ille Episcopos constituit,  
 caderet; consequeretur, ut Romanus Pontifex pa-  
 stor non esset; neque ille, neque alius quisquam Epis-  
 copus mortem pro omnibus oppetere deberet: neque  
 Petrus, neque Paulus, neque Clemens, neque Ana-  
 cletus, neque Evaristus, neque Timotheus, ne-  
 que Polycarpus, neque Ignatius, neque Cypria-  
 nus, nec quisquam alius Pontifex (nam dies  
 deficeret antequàm omnes recensere) ut Dei  
 præcepto paveret, vitam pro Ecclesiâ profudis-  
 set. An Dominus, ut de se loqueretur, qui sit bo-  
 nus pastor, constituisset, eumque à mercenario, at-  
 que ab alieno dislinxisset, non ut, qui pastores fu-  
 turi essent, instrueret. Nam, quod de se dicebat,  
 id sane eò spectabat, ut ijs quidem exemplo, docu-  
 mentòque esset, quibus præcepta dabat. Omitto quæ  
 de tempore, quo CHRISTVS in solitudine ieiunus  
 fuit; de ritu, quem in diuinâ carne suâ mysticum in-  
 morem ministrandâ, & in poculo propinando ser-  
 uauit, obijciunt; ut ostendant, non Dei mandato  
 nos urgeri, quò omnia, quæ illæ fecit, imitemur.  
 At hoc quidem certè præcepto cogimur pro Eccle-  
 siâ, cùm opus fuerit, mortem obire: nisi putamus

ad illud

ad illud

ad illud

Obijciunt.

ad illud

Refutatur.

Ca-

## Oratio quinta

*Catherino magis, quàm Augustino Christianæ doctrinæ summo presidio; quàm Liberio & Nicolao, qui Pontifices Maximi fuerunt; quàm Aquinati sanctiss. locupletissimoque Doctori, qui doctissimis luculentissimisque scriptis suis Theologiam omnem illustravit; credendum esse. Ego uerò malletm cum*

**Obiicitur.**

*horum quolibet errare; quàm cum illo rectè sentire. Quàm longè deinde à uero aberrant, qui aiunt, quæ Apostoli, quæ uates Episcopis præcipiunt, ut ad curationem gregis incumbant, ut uultum pecoris agnoscant, ut cætera officia pãstoris exequantur; neutiquàm ad ius diuinum attinere? An ment-*

**Refutatur.**

*tiuntur uates, qui Dei, quæ ipsi denuntiant, effata esse ut intelligamus, comonefaciunt? An ne illi ipsi miserrima supplicia minarentur, uel Apostoli summum cruciatu à Deo metuerent, nisi ille id mandauisset? Nec dum enim iure Ecclesiastico eã de re consultum erat, quò uel eadem esset, uel alia pœna*

**Obiicitur.**

*metuenda. At non omnia, quæ Apostoli præcipiunt,*

**Refutatur.**

*in diuinis præceptis recensentur. Atqui Augustinus, Hieronymus, Gregorius Magnus, Ambrosius, Chrysostomus, Basilius, cæteri omnes sanctissimi locupletissimique scriptores, quæ Petrus, quæ Paulus Episcopis mandat, in Dei mandatis percensent.*

**Obiicitur.**

*Iam uerò comminiscuntur Apostolos, ut Apostolos, non etiam ut Episcopos, fuisse ad Euangelium per se ipsos prædicandum compulsos: tum quia prædicandi munus Apostolicæ personæ tribuebatur; tum quia tempora illa id exigebant; cum fides Chri-*

*stiana*

fliana esset peruulganda, conferenda, communien-  
da, defendenda, ne à turbâ infidelium gentium, ne  
ab Iudæis, ne à sectis (quæ iam tum exoriri cæpe-  
rant) eorum, quos Apostolus falsos fratres appellat,  
damni quicquam acciperet. Quarum profectò re-  
rum cum omnino nulla sit, quæ hoc seculo urgeat,  
etiam si in officium prædicandi Apostolis Episcopi,  
quod ipsi inficiantur, successerint: necesse tamen eis  
non est per se ipsos prædicare. Commenta sunt ista, Refutatur.  
patres Amplissimi, ne dicam somnia, non quæ di-  
uino spiritu incitati et Apostoli et Vates cernebant,  
atque narrabant; sed anilia potius, uisis quæ simi-  
lia delirantium: cum soluere nequeant, quo con-  
stringuntur. Nam quem auctore proferre possunt,  
qui hoc idem senserit? qua ratione, ut hoc ipsi asse-  
rant, adducuntur? nam dicere, sit pro ratione ua-  
luntas, nisi imperandi summâ potestate excellat,  
non est hominis admodum prudentis; sed uel insa-  
nientis; uel ius, quod non habet, sibi arrogantis.  
At Paulus Timotheum, quem CHRISTVS Apo-  
stolum non instituerat, iussit prædicare; cum aper-  
tissime eum, quæ ad Episcopum spectarent, ut ma-  
iores nostri intellexerunt, daceret: cuius præce-  
ptum Ecclesia secuta instituit; ut, qui consecrat,  
Episcopo, qui consecratur, Dei nomine præcipiat,  
ut eat prædicatum. At populo Dei, non sanè gen- Obiicitur.  
tibus, quæ CHRISTO non credunt. An non erant Refutatur.  
ex populo Dei, quas Dominus noster IESVS CHRI-  
STVS. oues suas appellabat; cum diceret se alias

O oues

oues habere, quæ nec in Iudæorum grege pertense-  
bantur, nec dum in cætum eorum, qui sibi sanctè  
ac religiosè fidem adhiberent, ascribebantur. Qua-  
re, si opus esset, oporteret sanè à Pontifice Maxi-  
mo vel in Asiâ, vel in Africam ad populum CHRIS-  
TO acquirendum Episcopos mitti, qui Euan-  
gelium peruulgarent; ut Apostolos, in quorum lo-  
cum surrogati dicuntur, sectarentur. Nec me præ-  
terit quædã in Apostolis propria ac singularia, quæ  
in Episcopos non conueniunt, extitisse. In his autem,  
quod in prædicâdo positum est, minime ascriptum com-  
peritur: sed ad Põtificem per se ac primùm attinere.  
Diuus Thomas gratissimus auctor testatur. Recita  
testimonium sanctissimi atque eruditissimi doctoris.  
Vtrunque officium, scilicet docendi & bap-  
tizandi, Dominus Apostolis iniunxit. quo-  
rum uicem gerunt Episcopi: aliter tamen, &  
aliter. Nam officium docendi commisit eis  
CHRISTVS, ut ipsi per se illud exercerent,  
tanquàm principale. Vndè ipsi Apostoli dixe-  
runt, Nõ est æquum nos relinquere uerbuni  
Dei, & ministrare mensis. Officium autem  
baptizandi commisit Apostolis, ut per alios  
exercendum. Ac, ne arbitreris, docere aliud esse,  
atque Euangelium prædicare; audi, quæ sequuntur.  
Vndè & Apostolus dicit in primo capite Epi-  
istolæ prioris ad Corinthios; Non misit me  
CHRISTVS baptizare, sed Euangelizare. &  
hoc idè, quia in baptizando nihil operatur  
meritum

3 q. lxvii.  
Ar. 2. ad p.  
arg.

art. 10.

1. q. 91. art. 2.

meritum & sapientia ministri, sicut in docendo. Cum enim ille quæstionem tractaret, an sancto religiosoque ritu abluere sit Sacerdotum; argumentabatur Episcoporum munere id contineri: cum uno, eodémque præcepto tum abluendi, tum docendi, ac prædicandi officium Dominus detulerit: docere autem, quod est perficere, quæadmodum à Dionysio Areopagita didicimus, ad Episcopum spectet. An placeret, ut sicut abluendi opus Sacerdotibus Episcopi omnino reliquerunt, ita & prædicandi in alios reijcerent? At Ecclesia Religiosorum ordines,

Matth. ult.  
Eccl. Hier.  
15. & 6.

Obijcitur.

Refutatur.

Alterum porrò usui ita uenit, ut ius diuinum

O 2 non

## Oratio quinta

non perfringat, qui uel eâ necessitate urgeatur, quæ ad Augustinum sibi substituendum Valerium impulit; uel rerum, quæ non minimi sint momenti, occupatione teneatur; uel abesse à suâ diœcesi cogatur; uel ingenij impedimentis inhibeat; uel de officio quauis aliâ denique ratione reuocetur: modo ne ipse commoditatis suæ, uoluptatisque causâ à munere suscepto recedat; sed, quod potest, id saltem exequatur. Nec uerò non ea temporum nostrorum est infelicitas, ut, quamuis ad barbaras gentes docendas eundum non sit, non sanè quidem desunt, qui ad ueritatis cognitionem, atque ad respiciendum deducendi essent: cum tot dissensiones in Christianorum orbe, tot scholæ, tot sectæ à ueri perspicientiâ remotæ, ad ueterem probatamque uniuersæ Ecclesiæ fidem labefactandam, atque ad sanctissimæ sedis Apostolicæ maiestatem imminuendam emerferunt; quæ Antistitum curâ diligentiam, studio, doctrinâ, sanctitatis denique exemplo essent conuellendæ, ac radicitus extirpendæ. Nec dubitandum est, quin, si suâ quisque in præfecturâ Episcopi consedissent, nunquàm ab Ecclesiâ Romanâ tam multæ nationes defecissent. Neque enim nefarij, gloriæque humanæ cupidi homines res nouas moliri ueriti non essent; neque uim ullam habuissent populos à uerò Dei cultu auertendi. Sed esto, nulla sit hæresis in omni cœtu Christiano, nulla falsa opinio, nulla denique superstitio delenda; an corrupta interdum principum consilia, fœda popu-  

pulorum

pulorum studia, dissoluti Sacerdotum mores non ita effervescunt, ut omnia propè prodita prosligatæque sint? non altè aded radices egerunt, ut igni gladioque illo, quo oracula Domini accincta in hominum mentes immittuntur, non sine maximo labore exciri excindique possent? Sileant igitur, qui Vicarios uim hac agendi obtinere arbitrantur: qui novas eorum magnoperè probant Antistitum introductiones, qui nomen Pontificatus adipiscuntur, non Pontificatum, quippe titulo alicuius earum Ecclesiarum, quæ evanuerunt, ornantur. Nam, siue Pontificum incuriâ, siue rerum humanarum euentus eos introduxerit, ne deesset, qui locum uel negligentis Episcopi, uel absentis, uel quauis causâ impediti expleret: in ijs rebus id habendum est, quæ accidere dicuntur; nō quæ per se, ac necessaria sunt. Quæ uerò accidunt, rei naturam non mutant. naturâ enim comparatum est, ut qui Rem Ecclesiasticam, non secus, atque qui publicam capeffit, per se ipsum, non per alios eam administret. Illud porò liquet, ut Vicarijs Pontifices etiam præsentibus uterentur, ex eo factum esse; quòd, cum ipsi ad quæ præcipua sunt, nec alterius operâ præstari possent, incumbere; consentaneum fuit, ut, quibus reliqua committerent, haberent. Agite uerò, perspicite, quanta eius sit inconstantia; qui, ut uicaret, uim argumenti, à consuetudinis loco deprompti; cum argumentaretur Caietanus consuetudine præscribi posse, ne in munere obeundo Episcopus resi-

Obiecta diluuntur.

## Oratio quinta

deat, nisi diuino iure id cautum esset: inficiatur hoc posse præscribi; quod lege prohibeatur Pontificiâ, quam consuetudo rationis aliena nequit euellere. Atqui non semel ille idem fatetur ratione haud quàm carere, si per alium exequaris, quod per te ipsum efficere debeas: propterea quòd, qui per aliû agit, per se ipsum agere uidetur. Quamobrem, cum ea consuetudo in ratione, quam in primis ille probat, sit constituta; consequeretur, quemadmodum, eruditissimus ille Pontifex decus cum uniuersæ religionis Christianæ, tum eorum, qui doctrinam Aquinatis profitentur, argumentatur; ut ad residendi præceptum tollendum, si Ecclesiasticum, nõ etiam diuinum esset, temporis præscriptio, quod humanis in rebus dominatur, ualeret. Videte etiam, quàm ijs, quæ ille sumit, quod concludit, aduersetur. Sumit, a Domino et ordinem Episcoporum institutum esse, & officia constituta: ac iure diuino compelli, uniuersæ quidem Ecclesiæ præsidem ad Episcopos creando, ad præfecturas Ecclesiasticas eis deferendas, ad præcipiendum, ut in munere exequendo resideant; ipsos autem Episcopos ad parandum. Concludit Ecclesiastico, non etiam diuino præcepto ijs esse residendum. Quisnam uel Dialectica ignarus non animaduertat, si nihil aliud est parere, quàm quod præcipitur, obire; iure autem diuino Episcopi Pontifici Maximo parere coguntur; consequens esse, ut quod ab eo sibi præcipitur, iure diuino obire cogantur: cum autem iure diuino ille,

ut



ut resideant, præcipere cogatur; eodem iure hi reside-  
 dere cogantur, oportebit. Ac, ne obijciant, non  
 concludi iuris esse divini, quod mandatur; addite,  
 cum imperatur, quod à Deo constitutum est, id ius  
 divinum attingere. Imperari autem, quod à Deo  
 constitutum est, quippe omnium curationem, quam  
 & constituit Deus, et iussit. Episcopos adhibere. Ita  
 quæ iure illos divino urgeri, ut ad omnium curatio-  
 nem incumbant; cum sibi à summo Pontifice man-  
 datur. Nec, si Dei mandatum non esset, ut ad pa-  
 scendum gregem resideamus, hoc ille iure divino  
 nobis præcipere cogeretur. Nam quis Domini man-  
 dato ad imperandum compellitur, quod ille non mā-  
 dārit? Perspiciat deinde, quā rectè explicet ar-  
 gumentum, quod ab obligatione sumitur. Si pro-  
 ptereā, inquit, quod iure divino statutum est, ut  
 operario merces pendatur, opus eodem iure man-  
 daretur; consequeretur, ut omnes artes, etiam il-  
 liberales, ad hoc idem ius attinerent. At sumat,  
 quod verum est, cuius quidem operis causā à Deo  
 uestigal constitutum est, atque Dei mandato debe-  
 tur; hoc certè Dei mandato eo munere fungenti de-  
 beri: necesse sit, concludat Dei mandato officium,  
 cui uestigal Deus ipse assignavit, Sacerdoti fungen-  
 dum esse. Num Religiosis viris; qui multis, post  
 seculis munus prædicandi susceperint, à Deo mer-  
 ces aliqua, ut prædicatum eant, præstituta est?  
 num sutoribus, ut calceos ad pedes uestiendas mo-  
 liantur? num cæteris operarijs, ut suum quisque

## Oratio quinta

opus, efficiant? Quanquàm singulis ad operas conduētis, laboris causâ stipendium iure diuino persol-  
uendum est. quandoquidem scriptum est, opera-  
rium dignum esse mercede suâ. O acutum hominem  
ô acrem Dialecticum: cùm ea nobis attribuat, quæ  
si concederentur, multa absurda inferri oporteret.

**Obiicitur.** Atqui rationem illam, quæ in Episcopi cum Eccle-  
siâ coniugio fundatur, ita demoliuntur. Si Episco-  
pus iure diuino cum Ecclesiâ coniugaretur, nun-  
quàm ab eâ separari posset. at Pontifex Romanus  
potest hunc ab illâ separare. illud igitur coniugium

**Refutatur.** non diuino iure tenetur. At, etiam si separetur, con-  
iugium non soluitur: quemadmodum nè si uir qui-  
dem à coniuge suâ seiungatur. Vt enim illa homi-  
num coniugatio nunquàm tolli potest, ut primùm  
legitimè coniuncta est: sic nunquàm Summus Pon-  
tifex efficiet, ut uinculum illud summæ coniunctio-  
nis rumpatur; quo, tanquàm sponsus, cum Ecclesiâ  
Episcopus copulatur: ita arctâ; ita sanctâ, ita re-  
ligiosâ necessitudine fit illa copulatio, cùm eidem il-  
le consecratur. Consecratur autem hoc iure, ut ad  
cuiuscunque loci Ecclesiam eius potestas ac munus

**Obiicitur.** applicetur, ipse nequeat illâ, quamlibet ob causam,  
repudiare: etsi non semel usu uenit, ut ab eâ disjun-

**Refutatur.** gatur. At Pontifex Maximus potest alterius loci  
Ecclesiam ei deferre. Quidni, si expedire uideatur?

**Obiicitur.** Si alteram ille susceperit, priorem omittat, oport-  
tuerit. Assentimur. consequitur, ut illud connubium  
non diuino iure teneatur. Inficiamur conclusionem.

At

at si diuino id iure constringeretur, hanc missam facere, illam habere non posset. Vt tandem aduersarij nostræ sententiæ nec dissimulare nec pervertere, quod nos planè asserimus, queant; fatemur, quod illi ipsi affirmant; unum esse uerè sponsum Ecclesiæ Dominum nostrum IESVM CHRISTVM: suæ sponsæ ab eo datos esse custodes, qui tanquàm sponsi eam castè sanctèque custodirent: unum, qui uniuersè, nempe quæ Apostolicam Petri sedem teneret; cæteros, qui sigillatim certo quodam in loco, prout suam cuique præfecturam, qui Remp. Christianam gubernet, committeret. Nam rectè Ecclesiam Remp. dixeris, aut quidem certè Reip. similem. Illa enim multas præfecturas complectitur: hæc multas dioceses. Illam Senatus unius Principis instar habens, uniuersè administrat; cæteri magistratus singulatim suâ quisque in præfecturâ: hanc Pontifex Maximus uniuersè gubernat; minores Pontifices sigillatim suâ quisque in diocesi. Illi omnes Reip. fidem obstringunt; hi planè omnes Ecclesiæ, quæ sanè custodiendam atque seruandâ, ut abudè ostēdimus, à Deo sumpserunt. Illi eo iure, quod dedit, qui Remp. constituit, legibusque informauit, obligantur: hi quoque, eo iure, quod statuit, qui Ecclesiam sui sanctissimi sanguinis pretio comparatam fundauit, diuinisque mysterijs communiuit. Illi quibus præfecturis funguntur, ante constitutum diem Senatus iniussu se abdicare non possunt: hi delatas sibi dioceses summi Præsidis iniussu dimitte-

Refutatur.

Oratio quinta

re nequeunt. Vtrique suo iure, illi Remp. hi Eccle-  
 siam administrare ita coguntur; ut loco, cui præ-  
 feñti sint, nunquàm temerè queant discedere. At-  
 que hi quidem custodes sponsæ uocari potiùs debent,  
 quàm sponsi. Quia uerò, ut CHRISTI Domini  
 meruerunt appellari; digni etiam sunt, qui sponsi di-  
 cantur; rectè à nobis dictum est, eo connubio, quod  
 nunquàm solui possit, cum Ecclesià hos coniugari:  
 & uerò ita coniugari, ut eà quidem in parte illi in-  
 seruiant, ubi eos Pontifex Maximus plus esse pro-  
 feñturos censuerit: nec uinculum coniunctionis, quo  
 ipsi cum illi copulantur, laxari; quamuis, priore  
 diœcesi dimissà, alteram assequantur. Cùm autem  
 eius coniugio fruantur, ubi eam administrant, ibi-  
 dem dimittat singulatim, non uniuersè eius spon-  
 si nuncupantur. Vnus enim, ut diximus, Pon-  
 tifex Romanus uniuersæ Ecclesiæ sponsus nomi-  
 natur. De connubio quidem Episcopi cum Eccle-  
 sià humano iure nunquàm soluendo, accipite In-  
 nocentij III Pontificis Maximi testimonium.  
 Cùm ergo fortiùs sit spiritale uinculū, quàm  
 carnale; dubitari non debet, quin omni-  
 tens Deus spiritale coniugium, quod est in-  
 ter Episcopum & Ecclesiā, suo tantū iu-  
 dicio reseruauerit dissoluendum; qui dissolu-  
 tionem etiam carnalis coniugii, quod est uiri  
 cum fœmina, suo tantū iudicio reseruau-  
 erit, præcipiens ut, quos Deus coniunxit, ho-  
 mo non sepatet. Ac, ne dubitetis, cùm quis au-

toritate

*toritate Pontificis Romani ab Ecclesiâ remouetur, id agi institutione diuinâ; audite, quæ sequuntur. Non enim humana, sed potius Diuina potestate coniugium spiritale dissoluitur, cum per translationem, depositionem, aut cessionem auctoritate Romani Pontificis, quem constat esse Vicarium IESU CHRISTI Episcopus ab Ecclesia remouetur. & ideò tria hæc, quæ præmisimus, non tam constitutione Canonica, quàm institutione Diuina soli sunt Romano Pontifici reservata. Perspicua hæc quidem sunt & aperta; adeoque dilucidè & disertè exposita, ut uel ab ijs, qui ius Ecclesiasticum interpretantur, eum in sensum accipi non possint; ut quemadmodum omne, quod ratione ac merito molitur, quod præcipit, quod constituit Pontifex Romanus; ita hoc idem agere diuinâ potestate, tanquàm CHRISTI Vicarius, intelligatur. Nam quid sibi uolunt illa, Suo tantum iudicio reservauerit: et, Institutione diuina soli sunt Romano Pontifici reservata: nisi Deum, quæ sibi reservarat, ut Pontifici Romano item reservarentur, instituisse? Quod uni eidemque Ecclesiæ Episcopi præfideant, unusque sit Pontificatus, cuius à singulis solida & integra pars teneatur; auctor est Cyprianus ille et doctrinâ & sanctitate maximâ præditus Antistes. Recitetur summi Sacerdotis testificatio. Quam unam Ecclesiam etiam in Cântico canticorum Spiritus sanctus ex persona Domini*

Cyprianus.

ni designauit, & dixit, Vna est columba mea, perfecta mea, una est matri suæ electa genitrici suæ. *Et paulò post, Quam unitatem firmiter tenere & uindicare debemus, maxime Episcopi, qui in Ecclesia præsidemus, ut Episcopatum quoque istum unum atque indiuisum probemus. Tum paucis interiectis, Episcopatus unus est, cuius à singulis in solidum pars tenetur. Ecclesia una est, quæ in multitudinem latius incremento fecunditatis extenditur. Quid ipse Apostolus? num Episcopos huic illi Ecclesiæ? an Ecclesiæ præfectos ait fuisse? In quo, inquit, uos Spiritus sanctus posuit Episcopos regere Ecclesiam Dei, quam acquisiuit sanguine suo. quanquam in Asiâ ille Milesiis, hic Ephesijs, alius alijs propriè priuatimque præesset. Quid ipsa Ecclesiæ? nonne idem se in Episcopo consecrando præ se tulit, intellexisse? Nam Ecclesiæ se itidem obligasse Episcopus meminert, si memoriâ repetierit sibi hæc dicta esse, cum annulum acciperet, à quo consecratur. Accipe annulum, fidei scilicet signaculum, quatenus sponsam Dei, sanctam uidelicet Ecclesiam, intemerata fide ornatus custodias. Quæ cum eadem summo Pontifici dicantur, hoc qui dem interest, quòd alio loco dictum reperi as; Illi quidem, Tribuas ei Domine Cathedram Pontificialem ad regendam Ecclesiam tuam, & plebem tuæ sortis intra mundi limites uniuersi,*

## De officiis Eccl. præst. III

uerſi. *Episcopo autem, Tribuas ei Domine Cathedram Episcopalem ad regendam Ecclesiam tuam, & plebem sibi commissam.*

*Vtrique à Deo Ecclesia regenda tribuitur, sed illi plebs uniuerso terrarum orbe comprehensa cõmittitur, huic definito quodam loco. At non possum eorum audaciam, ne dicam impudentiam, satis admirari, qui non uerentur asseuerare, si Pontificia præcepta tollerentur, ius residendi nullum fore: quasi antequàm Ecclesia eâ de re præcepta tradidisset, temerè Apostoli, et qui in locum eorum successi sunt, nullo iurè, non diuino, non ipsius naturæ, diuina mysteria dispensarent, officiâque à Deo constituta exequerentur. Omitto ueteris testamenti Sacerdotes non alio iure, nisi diuino, Deo ministrasse. Nâ, quod aiunt, cùm primùm Episcopo Ecclesiastica præfectura tribuitur, residendi in ea mandatum dari; illud Dei præceptum esse iam planè ostendimus. Postremò simulant, se nunquàm intelligere potuisse, quod dixit Caietanus, Residendi præceptum, quanquàm, prout in his, quæ quod sit agendum, imperent; non quod sit uitandum, prohibeant, percensetur; ac, prout mandati ratio postulat, non sanè perpetuum pastoris officium requirit: materia tamen causâ in qua munus uersatur, ita urgere, ut uel perpetuam, uel assiduam curationem poscat, at, quia materia nulla est in hoc orbe inferiore, quæ uti materia est, mutationi subiecta non sit, usu interdum uenire, ut arcta uis illa præcepti ita relaxetur,*

Obiecta re-  
felluntur.

## Oratio quinta

xetur, ut neutiquam perfringatur: cum multa so-  
 leant præter rei naturam, præterque rationem ac-  
 cidere. Nam Episcopi munia sunt eiusmodi; ut,  
 quanquam nonnulla stas quibusdam temporibus  
 obeantur, ut quæ ad initiandum attinent, quæ ad o-  
 leum consecrandum, quæ ad cæleste epulum exi-  
 bendum: nemo tamen possit inficiari esse præterea  
 quædam ita incerta; quæ, cum quotidie possint eue-  
 nire, nescias autem qua die sint euentura, quotidiana-  
 nam Antistitis præsentiam exigere videantur: ne,  
 si quando te absente aliquid horum acciderit, pigeat  
 te abfuisse. id genus enim sunt, quæ auctore Eze-  
 chiele diximus ad pastoris officium spectare. Ac, si  
 Pastores à Domino uerè, qui sint Episcopi, nomi-  
 nantur; dubitandum non est, quin eorum opus quo-  
 tidianum sit: quippe quos pascere oves quotidie pla-  
 nè oporteat. Cum autem nonnunquam id contingat,  
 quod, si à grege pastor discedat, eumque alteri, à  
 quo custodiatur, commendet, ad pecoris quoque u-  
 tilitatem redundet, non est, ut dici queat, officio suo  
 deesse, ac præceptum non seruare. Atque hæc ea  
 mutatio est, quam materia potest habere, manda-  
 to nullà ex parte prætermisso. Nam ad commodi-  
 tatem singularum partium attinet uel quod cuius-  
 que incolumitatem attingit; nedum, quod uel capi-  
 tis, uel corporis uniuersi. Ex quo fit, ut non modò  
 uel pro capite seruando manus plagam accipiat, uel  
 ne corpus uniuersum pereat, crus abscindatur; ue-  
 rum etiam, ut crus ipsum malè affectum, aut quod  
cunque



eunq̃ue aliud membrum seruetur; in brachio uena  
interdum incidatur: cum ea sit partium inter se con-  
iunctio, eaque cum toto corpore necessitudo, quæ  
facile hoc utique patitur. Ita Episcopi operam si-  
ue Resp. Christiana, siue priuata requirat, à Dei  
præcepto non discedat; cum à suâ præfecturâ absit:  
modò prospiciat, ne quid interim illa iactura faciat.  
Iam uero, cum Ecclesiæ iure nexi se se dediderit,  
nihil profectò mirum erit, si, quamuis usu certu-  
iusdam loci sit; interdum tamen eius, fructum alter  
eapiat iussu eius præsidis, qui Remp. Christianam  
eius mancipium est, administrat: At qui adhuc in Obijcitur.  
dubium reuocant; quod nō in omni Ecclesiæ memo-  
riâ perspectam esse arbitramur, sanctissimorumque  
patrum auctoritate confirmatum, Episcopos à  
CHRISTO fuisse institutos: cum haud quaquàm  
constet, quo loco eos Dominus instituerit. Nam a-  
lij dixerunt in cœnâ illâ sanctissimâ summos Sacer-  
dotes fuisse cooptatos; potestatemque alios initian-  
di accepisse: quippe cum Dominus Deus noster ius-  
fisset eos facere, quod ipse fecisset. Alij, postquam è  
sepulchro surrexit; & quidem cum eis diuinum spi-  
ritum afflauisset, ac potestatem & docendi & de  
peccatis iudicandi dedisset, ut arbitrato suo tum ani-  
maduersione remitterent, tum iudicij seuerita-  
tem retinerent, atque ad Euangelium prædican-  
dum misisset. Alij, dum esset ad cælum ascensurus,  
cum sublati porrectisque manibus, ut auctor est  
Lucas, eis benedixisset. nunquam enim ille benedi-  
cere

## Oratio quinta

*ἱεράς  
τὰς χεῖρας  
χειροτονί-  
ας.*

*cere consuevit, quin cæleste donum afferret. Quó-  
nam cælesti dono illos affecit, nisi quod porrectis  
manibus indicauit? Vsus est enim præclarus ille scri-  
ptor Euangelij uocabulo ad id alludente, quo uete-  
res Græci utebantur, cum in re aliquâ decernendâ  
psephismata declararent, siue bella susciperent, si-  
ue præclaros ciues Reip. præficerent: ut Aposto-  
los Ecclesiæ præfectos esse demonstraret; quos Cle-  
mens ille Romanus, quem sibi succedere Petrus ius-  
serat, & Augustinus tradunt, antequàm cælum  
repetiuiisset, Episcopos Dominum porrectis mani-  
bus cooptasse. Sunt, qui multò antè, cum XII Apo-  
stolos elegisset, atque ad Regnum Dei peruulgan-  
dum misisset, nîmque eis præbuiisset, & sanandi,  
qui morbo laborarent, & liberandi, qui Dæmo-  
num dominatu opprimeretur. Ac messis multa cùm  
esset, ex turbâ non modicâ, qui se affectabantur,  
duos & septuaginta operarios ascripsit, qui qui-  
dem eis ad metendum essent adiutores. nimirum,  
ut illi tanquàm Antistites præirent: hi tanquàm  
Sacerdotes in mysteriorum administratione seque-  
rentur. Nec desunt, qui postquàm ad cælum ascen-  
disset; nempe quinquagesimo illo die celeberrimo,  
quo diuino spiritu afflati uim illam admirabilem,  
quam sibi CHRISTVS promiserat, acceperunt.  
Eâ u. Paulus dona illa, quibus Ecclesiam suam Do-  
minus locupletauit, insinuauit contineri. Ascen-  
dens, inquit, dedit dona hominibus; hoc est,  
cùm ascendisset. sic uerbum Græcum esset interpre-  
tandum.*

Paulus  
Eph. 4.  
ἐν αὐτῷ.

tandum. nisi enim ascendisset, promissum illis spiritum non afflauisset, neque dona impertiuisset. Si non abiero, inquit Dominus, Paracletus non ueniet ad uos. Sin autem abiero, mittam eum ad uos. Paulum secutus Dionysius ille, qui ab eo uisus est diuina mysteria didicisse, illa dona ita interpretatur, ut sint potestates, quæ in sacros ordines ascriptis deferuntur. At neminem possunt proferre: cuius testimonio sit asserendum, a CHRISTO Episcopos non esse constitutos. Immo uero, quam multis scripturæ id sumitur de locis, tam aperte probatur. quod enim sæpius inculcatur, hoc ipsum exploratius esse debet. Nec uero, quæ testimonia produciuntur, inter se contradicunt. nam omnium liquet cōsensione, a Domino Apostolos in summum Sacerdotium, duos & septuaginta discipulos in ordinem minore præditi dignitate electos fuisse. At uero, antequam dies ille sacratissimus publica, priuatæque hominum saluti præscriptus aduenisset, Dominus Deusque noster utrosque elegit, Deique Regnum iussit non extra Israelitanos fines prædicare. Deinde in cenâ illâ epulis, poculisque cælestibus extructâ pridie eius diei, quo se patri in arâ crucis immolandum exhibuit, pretiumque in mensâ representatum persoluit; Apostolos duntaxat consecrauit, potestatemque affecit, quod fecerat ipse, faciendi. cum enim sacrificium institueret, instituit etiam, qui sacra facerent, instituendique haberent facultatem. Tum uero ubi reuixit, atque

Dionysius.

Refutatur.

P Aposto-

## Oratio quinta

Ioan. 20.

*Apostolis intra domum Iudæorum metu coactis se se uiuentem ostendit, cum eos bono tranquilloque animo esse iussisset: Sicut misit me pater, inquit, & ego mitto uos. Mittebat autem eos ad Regnum Dei peruulgandum, non intra Iudæorū fines, sed per uniuersum terrarum orbem; ut, audito nuncio salutari, omnes nationes, omnesque gentes respicerent, Sancto spiritu & aqua renascerentur, sibi crederent, in se spem omnem salutis ponerent, se unice diligerent. Atque, ut earum rerum potestatem haberent, quarum causā ipse in terras de cælo à patre fuerat missus: Ac-*

Ioan. 20.

*cipite, inquit, Spiritum sanctum: quorum remiseritis peccata, remittuntur eis: & quorum retinueritis, retenta sunt. Quod Lucas his uerbis comprehendit, Quoniam sic scriptum est, & sic oportebat CHRIS TVM pati & resurgere à mortuis, & prædicari eius nomine pœnitentiam, & remissionem per omneis gentes à uobis incipientibus ab Hierosoly-*

Matth. 28.  
Mar. 16.

*mis. Vos autem testes estis horum. In eandem quoque sententiam sunt ea referenda, quæ scripsit Mattheus, quæ Marcus, qui etiam uim miraculorum disertè adiecit. Itaque suam eis de Regno Dei tradidit potestatem, cum eos diceret à se mitti, quemadmodum ipse missus fuerat à patre. Iamque, cum esset ad cælum ascensurus, ita eis sublati porrectisque manibus benedixit, ut potestatem dederit benedicendi. Episcoporum enim offi-*

cia

*cia sunt, iudicare, interpretari, consecrare, initiare, rem diuinam facere, abluere; quæ sibi quisque nostrum, cum iam iam esset consecrandus, meminisse poterit proposita fuisse. Nam paulò post, qui consecrabat, porrectis manibus inquebat, Accipe Spiritum sanctum. Deinde, cum potestatem daret iudicandi, Accipe baculum Pastoralis officii. Cum interpretandi atque docendi, Accipe Euangelium, uade & prædica populo tibi commisso. Cum Ecclesiæ custodiendæ, Accipe annulum. Cum eius defendendæ, & cum hoste certandi, Imponimus Domine capiti huius Antistitis, & Agonistæ tui galeam munitionis, & salutis. quippe mitram pontificiam imponebat. Cum benedicendi, Circunda Domine manus huius ministri tui. Nam & cum consecrat, & cum initiat, manibus porrigendis benedicit. Vim autem sacri faciendi, & abluendi iam tum non sumit: cum eum, dum Sacerdotio initiaretur, sumpsisset. Iudicandi uerò potestatem promiserat se daturum Apostolis Dominus noster* IESVS CHRISTVS. *Nam uos, inquit, qui secuti estis me, in regeneratione, cum sederit filius hominis in sede maiestatis suæ, sedebitis & uos super sedes XII. iudicantes XII. tribus Israelis. Dedit, cum post optatissimam sanctissimamque cænam eos alloqueretur: Ego dispono*

Ex Pontif.

Lucas.

## Oratio quinta

Mat. 18.

Ioan. 30.  
Luc. 24.

meam in Regno meo, & sedeatís super Thronos iudicantes xii. tribus Israelis. *Quemadmodum & ligandi & soluendi promiserat, cum dixisset, Amen dico vobis, quaecunque alligaueritis super terram, erunt alligata & in cœlo: &, quaecunque solueritis super terram, erunt soluta & in cœlo. Dedit, cum dixit, Accipite Spiritum sanctum. Quid? cum aperuit illis sensum, ut intelligerent scripturas, nonne uim interpretandi impertiuít? Itaque plures eis, aliam alio tempore, tribuit potestates, admirabiles illas quidem, sed quas exequi nunquam perfectè quíuissent; nisi promissum spiritum hausissent: qui illas adeò corroborauit, atque perfecit; hos eâ fortitudine, eâ sapientiâ, eo consilio, eo studio, eâ intelligentiâ, eâ pietate, eâ religione, eâ denique uirerum, quæ summam admirationem haberent, affecit; ut non modò promptè, & audacèter, ac sine ullâ difficultate suscepta munera obirent; sed & Dií potius, quam homines haberentur. Quamobrem omnis tollitur controuersia: cum Episcopo officia plura tribuantur; quæ non uno eodémque tempore delata, una expectatissima dies, ad quam Paulus, ac Dionysius dona hæc omnia retulerunt, confirmauit, atque affecta confecit; uimque præbuit, quæ, qui acceperant, illa efficere potuissent; nempe xii. discipuli, quos simul; ut Apostolos instituit, Episcopos creauit. Nec me latet, quem in modum illa Pauli uerba Ambrosius explicarit; ut ea dona, eâsque*

que potestates esse in Ecclesiâ demonstraret; in qua animaduertebat certos quosdâ ordines esse constitutos. Nam Episcopos Apostolorum dixit locum tenere; Presbyteros Prophetarum; Ministros, quos Diaconos appellant, eorum, qui Euangelium prædicant; Lectores Pastorum; quos uocant Exorcistas, Doctorem: cum Episcopi Apostolorum munere in præsidendo fungantur; Presbyteri scripturas explant, quas interpretari fuit Prophetarum; quantum in ipsis Ecclesiæ primordiis Vates, qui futura prædicarent, non desuerunt; Ministri Euangelium prædicant, uti de Philippo atque de Stephano traditum est; Lectores quodâ modo sint Pastores, quippe à quibus diuinorum lectione oraculorum populus, qui audit, saginetur: quando, Non paret tantum uiuit homo, sed & omni uerbo quod prodit ex ore Dei. Idem munus Doctorum est. qui enim ad legendum incumbunt, pueros instruere solebant, sicut mos patrius fuit Iudeorum: à quibus hæc institutio cum ad nos deducta esset, Antislitum negligentia iam obsoleuit. Nec uerò Exorcistæ non esse magistri uidentur, cum in templo minime quietos, minimeque compositos compefcant, interdum etiam uerberent: quod sanè officium ad Ianitores posset spectare; quippe qui nequid minus rectè, minusque aptè agatur, dum alios eijciunt, alios retinent, prospiciant. Sed nemini dubium est, quas singuli ordines in Ecclesiâ potestates priuatim nominatimque obtinuerunt; in summum

Matth. 4.

## Oratio quinta

Sacerdotium omneis præcipue perfectæque conuen-  
 re: cum summi Sacerdotis potissimum sit præside-  
 re, diuina effata interpretari, quæ Deus præcepit,  
 denuntiare, populum scripturæ pabulo explere,  
 rudes docere, senes de morum grauitate seruandâ  
 admonere, adolescentes ad pietatem Christianam  
 informare, omnes in officio retinere, Ecclesiam cu-  
 stodire. At esto, Apostolos ut Antistites Ecclesiæ  
 CHRISTVS præposuerit; num consequitur, ut,  
 qui subsecuti sunt, Episcopi in eorum sint locum sus-  
 secti? Quidni? At neque eodem in munere substitu-  
 tos, neq; eâdem in potestate reperias: quippe neq; in  
 legatione, cum æquè illi omnes in uniuersum terra-  
 rum orbem legati fuerint, ut cæleste Regnum consti-  
 tuerent, propagarēt, protenderent, stabilirent: ne-  
 que in Ecclesiæ uniuersæ administratione, quam  
 omnes Theologi asserunt illis pariter fuisse delega-  
 tam: neque in ui miraculorum, quæ in ijs mirifice  
 claruit: neque in prædicendo, neque in diuino iure  
 statuendo. Iam uerò, quod iactatis, quod ostenta-  
 tis, quo gloriari non dubitatis, si Apostolis Epif-  
 copi successissent; neque eorum pietas miranda, cha-  
 ritasque in Deum singularis sibi deesset; quam ter  
 Dominus ab eo, qui suas oues pascendas esset su-  
 scepturus, exegit; ut, qui eâ carerent, declara-  
 ret Pastores neutiquàm esse oportere: neque ipsi,  
 quæ sua sunt, non quæ CHRISTI, consecrarentur;  
 neque ad uoluptates, commoditatesque suas, non  
 ad CHRISTI gloriam, omne studium, omnem la-  
 borem,



borem, omnem denique industriam conferrent; cum eos esse pastores ille definierit, qui oves pascant, hoc est doctrinæ Christianæ ubertate exsaturent, & sanctitatis exemplo, tanquam pingui pastione, oblectent: quare, qui nec diuino amore flagrent, nec doceant, illis hos dixeris surrogari? Caueant, in mediis proferant, quæ contra Ecclesiæ decreta, qui ab eâ desciuerunt argumentantur. At uerò, ut, quam facile hæc refutentur, intelligant; adnimaduertant, quæso, quæ tanquam comperta ac minime controuersa, ponenda sunt. Ac, primum eas primas agri fruges appellari, quas aliæ secuturæ sint: ut, si aliæ non essent secuturæ, non eo nomine dicerentur.

Refutatur.

Apostolos autem à Paulo primitias uocari; quos, si nemo in Ecclesiasticis præsecluris fuisset subsequiturus, perperam hoc uocabulo nominarentur. Nā ille idem Paulus, cum esset ostensurus, qui Deo crediderint, omnes, ubi occubuerint, in uitam esse reuocandos: CHRISTVS, inquit, resurrexit à mortuis primitiæ dormientium. Quoniam quidem per hominem mors; & per hominem uiuificabuntur: unusquisque autem in suo ordine, primitiæ CHRISTVS, deinde ii, qui sunt CHRISTI, qui in aduentu eius crediderunt. Et, qui ex fide sunt, ut Abraami esse filios demonstraret, in eas primos narrauit credendi fructus extitisse; & eâ de causâ omneis gentes, quæ fidem eius essent consecuturæ, in illo ipso Deum amplexurum esse donisque cælestibus prosequi-

Paulus  
1. Cor. 13.Rom. 4.  
Gal. 3.  
Gen. 15. & 22.

## Oratio quinta

*entiarum. Atque eundem Israelitanorum paren-*  
*tem, cum esset Sacerdos, Melchisedeco, qui erat*  
*perpetuus Sacerdos, cessisse ostendit: ut Leuiti-*  
*eum Sacerdotium non modo Melchisedeco esse infe-*  
*rius declararet; verum in illud etiam transferen-*  
*dum. Cum enim Leuitarum patrem illi decimas de-*  
*disse dixisset, argumentatus est, qui ab alijs deci-*  
*mas accipere solebant, in eo iam antequam orti es-*  
*sent, decimas soluisse. Quapropter, quemadmodum*  
**CHRISTVM** *ille primitias mortuorum appella-*  
*uit, eo quod, cum ille primus e sepulchro surrexis-*  
*set, posthac qui crederent, essent etiam surrecturi;*  
*et Abraamum dixit primam credendi laudem ade-*  
*ptum esse, propterea quod alij deinceps essent eum*  
*in credendo secuturi; & cum decimas perpetuo*  
*Dei Sacerdoti dedisset, dedisse etiam Leuitas, qui*  
*erant ab eo originem ducturi: ita Apostolos pri-*  
*mitias uocauit; quod in mysteriorum administratio-*  
*ne, atque in Ecclesiâ regendâ futurum non esset,*  
*quin eos alij consequerentur. Atque, ut Abraamû*  
*ille patrem eorum, qui ex fide sunt, nuncupauit; ita*  
*Regius Vates Apostolos, parentes eorum, qui in*  
*Ecclesiâ principes futuri essent, appellauit. Recita*  
*mihî orâculum Vatis. Pro patribus tuis na-*  
*ti sunt tibi filii. Constitues eos Principes su-*  
*per omnem terram. Ita id maiores nostri in-*  
*tellegerunt: Non potest, inquit Cyprianus, Deû*  
*habere patrem, qui Ecclesiam non habet ma-*  
*trem. & secutus eum Augustinus, cum Ecclesiam*  
alloque-

Pfal. 44.

Cypri. de  
simp. prælato-

Aug. super  
Pfal. 44.

alloqueretur, Ne putes te desertam, quia non uides Petrum, quia non uides Paulum, quia non uides illos, per quos nata es: de prole tua tibi creuit paternitas. Pro patribus tuis nati tibi sunt filii. Constitues eos Principes super omnem terram. *Vt enim Prophetis Apostoli, sic Apostolis, qui uocantur, Episcopi, successerunt. Deinde illud ponendum est, Episcopum non idem omnino, atque Apostolum esse.*

Nam, tametsi quodam modo ille Apostolus dici potest; cum ad docendum in aliquam præfecturam mittatur, quemadmodum à Paulo, si Chrysostomo credimus, Epaphroditus Philippiensium Apostolus uocatur; unde illud, *Vade, prædica: atque ab Augustino dicitur Dei legatus; qui meminerat Paulum affirmasse de mysterio Euangelij se à Deo legationem accepisse; & Euaristum Pontificem Romanum, qui pro Domino uitam profudit, dixisse, eum esse amandum, atque suspiciendum, ut legatum Dei, & præconem ueritatis: non tamen appellari consuevit; cum propter excellentiam, præstantiamque Antistitum reliquorum, uocari illi propriè priuati quæ Apostoli meruerint, qui in omnes nationes à CHRISTO legati sunt. Fuit enim munus illud priuilegio uallatum, quod illi non aded primi, qui habituri essent successores, sed uni sanè omnium acceperunt. Quarum enim rerum causâ in totum orbem legati sunt, de his legatione, ut Apostoli; non item, ut Episcopi, fungebantur: & si primi*

onus

Aug. de. 12.  
gradibus.  
Eph.  
2. Cor. 5.

## Oratio quinta

onus Ecclesiæ gubernandæ, non sanè quidem ita uni, quibus in hoc alijs non essent successuri, sumpserunt. Vnus autem Petrus, præterquàm quòd erat Apostolus, fuit à CHRISTO in suum locum constitutus; & uniuersæ Ecclesiæ, ut pastor primarius ouium suarum, ipsiisque etiam Apostolis præfectus: ut, quamuis tanquàm Apostolus eis non anteciret; ut eximius CHRISTI tamen Vicarius, & Pastor cunctarum ouium singularis, Ecclesiæque præses uniuersæ, illorum esset Princeps. Cùm autem ille, qui erat Apostolus, CHRISTI quoque uicem, numénque in toto eius grege pascendo tenebat; atque etiam, ut uniuersi pecoris Pastor, Apostolicâ auctoritate polleret: successores, qui in eodem munere suffecti sunt, Apostolici Antislites uni ex omnibus nuncupantur; eorúque sedes, quæ Apostolus Dei Princeps Vicarius Romæ posuit, Apostolica & prima omniû uocatur. quippe cùm Petro, tum ut uni ex Apostolis, illud onus à Domino impositum esset, illaque auctoritas Apostolica delata; tum ut primo omnium præsidum Ecclesiæ uniuersæ, qui erant subsequuturi. Iam uerò annotandum est non omneis, quæ Apostolis datæ sunt, potestates in Episcopos conuenire: ut ne mirum sit hos illis non esse ijs in rebus, quæ ad Pontificium minus non attinent, substitutos. Nam ad illud quidem, quæ ex eo ipso apta pendent, spectare dicuntur: quod genus ea sunt, quæ nobis in consecrando proponebantur. Edere autem miracula, prædicere

re futura, condere ius diuinum, eorum profectò  
 temporum fuit, quibus discipuli Ecclesiam gigne-  
 bant, educabant, instruebant: cùm essent non mo-  
 dò Iudæi, quibus CHRISTVS fuerat promissus,  
 at cùm uenisset, nondum erat perspectus, informan-  
 di; uerùm etiam nationes, quæ Deum prorsus igno-  
 rabant, ad credendum excitandæ, atque inducen-  
 dæ; & quæ à Domino ipsi acceperant, edocendæ.  
 Ac, tantùm abest, ut illa munia sint Episcoporum;  
 ut uiri sanctitate insignes illi quidem, sed ad quos  
 pascendarum ouium officia minimè attinerent, san-  
 ctæque etiam femine in Ecclesiæ incunabulis, quæ  
 uentura essent, præsentirent. Quisnam uestrum i-  
 gnorat Agabum, quæ Paulo essent obuentura, præ-  
 dixisse? Philippique illius, qui fuit unus è septe-  
 tem ministris, quatuor filias, ut uirginitate, ita  
 præfensione rerum futurarum, claruisse? Nec post-  
 hac defuerunt, quibus & prænoscenti, quæ fuif-  
 sent consecutura, & rerum mirabilium edendarum  
 uim Deus, cùm Episcopi non essent, impertiuit: ut  
 planè ostenderet, nec in Episcopis eam requiri; nec  
 ita in Ecclesiâ consopitam esse, ut, ubi opus fore ui-  
 derit, non sit excitaturus. Quod autem prætere-  
 uatum erat, quoniam Antistitum munus attinge-  
 bat, id relictum illis est; nempe scripturam inter-  
 pretari. Ac, tametsi nequeunt diuinum ius consti-  
 tuere; hoc tamen & à Pontifice Maximo, & ab  
 oecumenico eorum Concilio ritè conuocato decla-  
 rari posse dubitat nemo: atque ita declarari, ut non  
 semel

## Oratio quinta

semel de rebus ad fidem spectantibus dogmata protulerint; & , quæ tenenda essent, quæ reiicienda, decreuerint. Hinc illa, eiusdem naturæ, quod ὁμοίως Græcè dicitur; & Dei mater, quod θεοτόκος prodierunt. Tum uerò obseruandum est; non idem personam, atque bene affectam personam, ualere: nec idem esse usum iuris, ac rectum usum: at officium personæ deferri, rectum eius usum, personæ bene affectæ. prudentis autem esse officium ei, qui moris probitate doctrinæque sit præditus, tribuere; ut eo rectè fingi possit. Quamobrem, qui non merenti Episcopium manus detulerit, errauerit ille quidem: sed nunquàm sanè erit, ut is Episcopus esse desinat; eò quòd suscepto munere minùs rectè fungatur. Quàuis enim Pontificia potestas ei sit committenda, in quo pietas, erga Deū, religiòque emineat: si cui tamen nullo eius merito committatur, nunquàm profectò amittatur; etiam si illà is abutatur: quoniam ita personæ tribuitur, ut insigne quoddam decus in eius animo imprimatur, quod nunquàm deleri possit; & cum eo nexa, aptæque sit Episcopia uis illa, quæ nunquàm ei sanè queat auferri. An non illud Domini elogium uulgatum est? Super Cathedram Moysi sederunt scribæ, & Pharisei. Omnia ergo, quæcunque dixerint uobis, seruate & facite: secundum opera eorum nolite facere. Vt planè intelligamus, detractâ opinione probitatis, nec auctoritatem Episcopo detrabi, nec potestatem; et si eum aut inuisum Deo, aut neglectum d

Etum à Deo iudicamus. Postremò, quod antehac à nobis assertum, explanatùmque est, in memoriam redigatur, oportebit; nullam esse Remp. ita bene fundatam, ut, quam CHRISTVS constituit. Rēp. autem bene fundari non posse; in qua nec leges ferantur, nec magistratus instituantur, qui eam administraturi sint, & cum eā perpetuò duraturi. Ita Romæ Consulatùs, Prætura, Aedilitas, cætera officia non esse antè desierunt; quàm Resp. adeò euauisset, ut ne umbra quidē eius appareret. Ecclesiam autem Dei sine ullā dubitatione perpetuò esse permanentem, nec antè defuturam, quàm secula omnia finiantur: quæ uerò ad eam gubernandam ille constituit munera, cum eā sine ullo fine duratura. Neque enim non summæ stultitiæ esset arbitrari, præceptū illud, Pascue oues meas, quo officiū Rēp. Christiæ administrandæ institutum est, ita fuisse traditū; ut post obitū Petri, Apostolorumque reliquorum, uim nullam esset habiturum: quasi non ita pecori suo Dominus prospexisset, ut nunquàm ei pastores essent defuturi. Nec par non est, ut cum temporum uniuersitate locorum etiam uniuersitas intelligatur: ut, cum sanè nunquàm oues in orbe terrarum defecturæ sint, nusquàm etiam, qui eas pascat, sit defuturus. An non absurdum esset, atque à diuinā sapientiā multum abhorreret, qui Synagogæ dixit, Quid ultra debui facere uinæ meæ, & non feci? Ecclesiæ, quam sanguine suo imbutam, ac potius ablutam sibi adeptus est, non satis prouidisse?

Neque

## Oratio quinta

Neque enim illi satis providisset, si eam unius instar ouilis habentem sine uno aequali pastoralis magistratu constituisset: atque, cum plures illa greges completatur, non suum cuique pastori perpetuo committi iussisset. Quamobrem, Patres amplissimi, uidetis, quæ nobis obijciuntur, quam facile refellantur: quandoquidem pro comperito habemus nec Remp. suam à CHRISTO ita esse fundatam, ut in eâ quos instituit, magistratus ante uniuersitatis finem sint defuturi; nec, quas dedit Apostolis, potestates omnes ad Episcopiû munus attinere; nec, si diuinâ charitate deficiant pastores, atque à priscâ illâ sanctitate recedant, nec si minus rectè oues pascant, pastoralis dignitate priuari. quanquam id maximè reprehendendum est, ut grauissimâ pœna sit coercendum; cum in Dei summam offensionem incurrant. Quod uitium si in Pontifice Maximo, quod Deus obruat, deprehenderetur; unus esset Deus, à quo iudicari deberet: si in cæteris; uterque. Neque enim seuerum Dei iudicium effugiant, si minus à summo Præsidente puniantur. Hoc enim iam nunc contendimus, ut, quo Deus officium constituit, iure diuino se exequi debere in Obiicitur. animum inducant, quò arctiùs residere in suâ quisque præfecturâ cogantur. Nec desistunt urgere, ne, quod nos nitimur, statuatur. nam uno, aiunt, excepto Petro, qui Romæ sibi ac successoribus sedem æternam posuit, cuius nutu & auctoritate Ecclesia tota esset gubernanda; neminem ex Apostolis proferri



ferri posse, qui usquam solium Pontificium constituerit, nisi unum forte Iacobum, cui non defuerunt, qui in Hierosolymitanâ Ecclesiâ successerint; alterumque Ioannem, qui discipulum habuit Polycarpum, eumque Ephesijs Episcopum dedit. An dubitas Petrum ipsum, ceterosque Apostolos in omni regione terrarum, in qua Christiana religio suscepta esset, Regnumque Dei constitutum, Episcopiam potestatem posuisse: cum singulis eadem auctoritas eademque vis esset sedis Pontificiæ statuendæ? Nam Petro auctore Marcus dicitur Alexandrinam Ecclesiam fundasse: ipse Petrus Antiochenam, antequam Romam se contulisset, Paulus in Syriâ, in Ciliciâ, in Asiâ, in Bithiniâ, in Ponto, in Macedoniâ, in Græciâ, in quacunque natione Euangelium prædicauit; Sacerdotem aliquem qui præsideret, Ecclesiâque regeret, creasse; ac Timotheum, Titum, Philamonem, ceteros sibi socios adiutoresque in suscepto munere obeundo, adsciuisse. Idem quoque Andream, Thomam, Philippum, Mattheum, reliquos fecisse, quò quisque CHRISTI nomen protulerat, existimandum est. Quid Barnabas? an non Cypri Pontificiam sedem locauit, suamque in quaque Antistitem ciuitate dedicauit? Nam in Italiâ diæceses Episcopis à Petro esse tributas, stulti sanè esset ullâ ex parte dubitare. Postquam autem Dei Regnum creuisset, asseuerandum est, qui successerunt, ijs curæ fuisse, ut quicquid deinceps accessisset, in præfecturas distribueretur, ac suis cuique Ponti-

Refutatur.

## C I      Oratio quinta

Obiiciunt.

*Pontifex ascriberetur : Idque omne Dei mandato .  
Atque ea quidem est in Apostolorum locum sancta  
religiosaque successio : quam si quis in dubium vo-  
caret ; à directâ uia ueritatis longè aberraret . At es-  
sto , sit à CHRISTO Episcoporum ordo institutus ; num  
sequitur , ut eius institutione Episcopi ius sint Eccle-  
siae dicturi , sanctosque templorum administratos in  
potestate ditioneq ; habituri ? Sunt enim , qui , cum  
omnino negent Sacerdotibus , quos Græco nomine  
Presbyteros appellant , eos anteire ; diui quoque  
Hieronymi auctoritate nituntur . Qui , cum ad E-  
uagrium scriberet , nihil inter Episcopum atque pre-  
sbyterum interesse ostendere conabatur ; nihiloque  
hoc illum maiorem olim extitisse : uerum ad dissi-  
dia tollenda , ut , dum quisque sibi ius uendicaret ,  
ne eâ discordiâ Ecclesia dilaberetur , unum deinde  
cooptatum , qui cæteris præponeretur : idque à  
Marco clarissimo Euangelij scriptore usque ad He-  
raclam ac Dionysium Episcopos Alexandrinos ser-  
uatum ; ut de collegio illa ipso ipsi presbyteri unum ,  
qui cæteris præesset , eligerent , Episcopumque ap-  
pellarent . Et , cum Epistolam , quam Paulus ad  
Titum dedit , explanaret , antequam dici esset cœ-  
ptum , Ego sum Pauli , Ego sum Apollinis , Ego  
autem Cepha ; communi , ait , presbyterorum con-  
filio Ecclesias gubernari consuesse : postquam autem  
quos quisque religiosè castèque abluerat , suos esse ,  
non CHRISTI , putauit ; toto terrarum orbe de-  
cretum esse , ad dissensionum semina delenda , ut u-*

nus

nus ex presbyteris in quaque Ecclesiâ cæteris omnibus præficeretur : ac presbyteris quidem perspectum esse oportere , se ex Ecclesiæ consuetudine ei , qui sibi prapositus fuerit , esse subiectos : Episcopis uerò , se magis consuetudine , quàm Dei præceptione presbyteris anteponi ; ac sibi cum eis Ecclesiæ communem esse administrationem debere . Quapropter argumentantur Episcoporum præstantiam , qua ipsi cæteris Domini nostri ministris præferuntur ; Ecclesiastico ; non diuino iure munitam esse . Ego uerò uellem , Patres optimi , ut qui ista nobis obiectant , considerati adeò fuissent , ut neutiquàm ad nostram sententiam conuellendam , eorum calumniâ cauillatorum , qui ab Ecclesiâ descuerunt , uerentur : atque ut , quem nobis sanctissimum ac doctissimum , & de Re Christianâ optime meritum opponunt , eius consilium sensumque expendissent . Illi quidem , qui obstrepere atque obloqui non desinunt , ut conuicijs sedem Apostolicam conscindant , ad summi Pontificis auctoritatem euertendam , ut ualidissimas machinas , quæ aduersus Episcopos scripsit Diuus Hieronymus , collocant . Huius autem mens illa fuit , illudque propositum ; ut , Episcopis non , quam à Deo potestatem accepiissent adimeret : sed quam sibi ad presbyteros contemnendos assumebant : cum coram se nec rem diuinam eos sinerent facere , nec mysteria ministrare , nec benedicere , nec prædicare , nec docere , nec rem ullam , quam exequi possent , obire , ut hæc om-

Refutatur.

Q nia

nia munia ad se uros attinere ostenderent, unòsque se esse, qui in Ecclesiâ dominarentur. Quam superbiam Antistite indignam, quod animi fastidium, quod supercilium cùm modestissimus ille Sacerdos molestè ferret; tanquàm esset obliquam uirgam directurus, ut mores Pontificum deprauatos emendaret, in aduersam partem ita sententiam inorsit, ut uisus sit Episcopis derogare, quod decebat; presbyteris tribuere, quod minùs congruebat. An non sagittarij, dum nervos intendunt, ita arcum in aduersum inflectunt; ut, cùm iacta euolant, sagittæ, grauiorem illæ plagam infligant, ipsi uictoriam consequantur. Ita Paulus, cùm Iudæos legem magni facere; fidem, quam sibi habendam esse CHRISTVS docuerat, parui pendere animaduertisset; ita hanc illi anteposit; ut, quam Iudæi legem præferebant, ipse contemnere uideatur. Contra Iacòbus, qui fidem colebant, cùm eius uideò niti atque confidere perspexisset; ut, quæ Deus mandauit, negligerent; usque adeò hæc probauit; ut propemodùm præstulerit se illam possi habere: cùm neque legem ille aspernaretur, neque hic fidem non pluris aestimaret. Vterque enim Apostolus cùm esset, ac nimirum à CHRISTO ad salutem hominum quærendam uocatus; id sine dubio contendebat; ut, quod obliquum existeret, in directum adduceretur; quod uel ad laeuam, uel ad dextram deflexisset, ad rectum curriculum reduceretur. Quid? Dominus Deusque noster, cùm eò, quod uidisset Iudæos

Iudæos

Iudæos uultum sibi fingere, natiuitatemque eius colorem alieno mutare, ut cibi ieiunitate corpus castigare putarentur, ac præ se quandam gererent sanctitatem; Apostolos iussisset, dum abstinentiam faciemque mallerent, faciem lauare accuratè, caputque unguento. perfricare: num existimatur præcepisse, ut in abstinendo & ablueretur uultus, & caput ungeretur? an potius admonuisse, ut intelligeret pharisaicam simulationem esse fugiendam? Quid uerò de Episcoporum excellentiâ Doctor ille amplius senserit; idem ipse tum in commentarijs, quibus oracula Esaie doctissimè explicauit; tum in Epistolâ, quam scripsit ad Nepotianum, cum presbyteros admoneat, ut subditi sint Pontifici suo, quem, ut animæ parentem, amare debent: illique Episcopos honoris gradu ac potestate superiores, omniumque ordinum Ecclesiasticorum, quos ille recenset, Principes esse fateatur. Dicit autem consuesse presbyteros, qui erant Episcopi assentimur: idem utrumque nomen ualuisse inficiamur. Illud enim honoris erat potius, quam ætatis (quanquam presbyteri qui Græcè, seniores Latine appellantur) hoc muneris & potestatis. Nec unquam hæc duo genera fuerunt in eodem dignitatis gradu collocata. nam, etsi principio unum genus erat, quod utroque nomine diceretur: id tamen usu uenit, cum pauci essent, uixque singuli in quaque ciuitate, qui Ecclesiam gubernarent, & Sacerdotio fingerentur. Nec uerò locus ille ex Epistolâ datâ ad Philippenses ar-

## Oratio quinta

gunt una in urbe plures Antistites consedisse: siue in-  
 telligatur, ut ab Ambrosio, qui non ad Episcopos,  
 qui Philippis essent, interpretatur; sed suo, eorum-  
 que etiam, qui apud se erant, nomine Paulum ad  
 Philippenses literas dedisse: siue, ut ab alijs expo-  
 nitur, qui aiunt eum scripsisse, non ad Episcopos,  
 qui una in ciuitate residerent; sed nomine Philip-  
 pensium comprehendere etiam, qui finitimis in oppi-  
 dis erant Antistites constituti, tanquam essent u-  
 nius Ecclesie Sacerdotes. Rex enim Macedonum  
 Philippus urbem, quæ à conditoris nomen accepit,  
 condiderat, caputque constituerat regionis: quem-  
 admodum nomine Romano Latinos quoque omneis  
 complecti solemus. Neque illud ex commentarijs  
 de actis Apostolorum ita interpretandum est, ut  
 Ephesi ab Apostolo plures Episcopos esse institutos  
 intelligamus. Alloquebatur enim ille Episcopos,  
 quos in Asia constituerat, suo quæque in cætu Chri-  
 stiano, ac tum Miletum conuocauerat, ut eos, an-  
 tequam abiret, uiseret; atque ad pasceudum, quem  
 quisque à Deo gregem sumpsisset, portaretur. Quid,  
 cum ille idem Paulus ad Titum scripsisset? nonne  
 eum admonuit, ut suum in quaque Episcopum ci-  
 uitate, non ut in singulis plures ille statueret. Cre-  
 ta enim insula adeo magna est, ut teste Homero, cen-  
 tum oppida communita habuisse dicatur. Nole-  
 bat enim Apostolus, ut Chrysostomus & Theophy-  
 lactus docent, in tam amplâ insulâ totque oppidis  
 præditâ unum Episcopum esse. Nec mirum est à Pe-  
 tro,

tro, à Paulo; ab Ioanne presbyteros, qui essent  
Episcopi, appellatos. Cum eos hoc nomine uocan-  
dos censeret, ut animaduertent se morum graui-  
tate atque prudentiâ magis, quàm ætate seniores  
esse oportere. quandoquidem scriptum est canos es-  
se hominis sensum, & ætatem senectutis uitam ma-  
culis carentem. Nam, quem sæpe appello, ille ip-  
se Paulus Timotheum commonescit, ut daret ope-  
ram, ne quis adolescentiam contemneret: ut nimi-  
rum, quod ætas per se nequiret, probitatis ac sa-  
pientiæ commendatio præstaret. At esto, eodem in  
loco plures presbyteri sint instituti, qui Episcopi æ-  
tiam nominarentur: num putandum est non aliquem  
ibidem extitisse, qui Ecclesiæ uniuersæ præsideret?  
eos autem illo nomine dignatos, quasi propriè sibi  
hoc conueniret, non communi quodam more: nec  
quia, cum Antistiti adiutores essent, adsciti, cum  
eo, quæ ad probè administrandum attinerent, spe-  
cularentur, præsertim quibus aliqua parochia fuis-  
set delata? Quamobrem, cum Sacerdotes digni re-  
perti essent, qui eodem nomine dicerentur, præser-  
tim qui parochi essent instituti; iure optimo Diuus  
Hieronymus eos contemni indignabatur. Quia ue-  
rò in Ecclesiæ gubernatione Episcopis illi erant adiu-  
tores, eorûmque serè omnia munera obibant, factû  
est, dum adhuc Apostoli ætate agerent, ut sibi plus,  
quàm congrueret, arrogarêt; atque, quemadmodum  
Corinthios Paulus, cum ortam esse inter eos con-  
tentionem intellexisset propterea, quod aliquis di-  
ceret,

Oratio quinta

teret, Ego quidem sum Pauli, alius autem Apollinis, alius Cephæ, alius CHRISTI; admonuit, ut omni dissensione depositâ, cuius nomine erât abluti, eius profectò unius se esse intelligerent: ita cum eâ de causâ, quod eum quisque affectaretur, qui sibi mysteria impertiuisset, dissidia in Ecclesiâ cœpta essent excitari; qui adhuc superstites erant, Apostoli declarauerunt hoc non esse ex CHRISTI instituto: qui, ut in cœlo nihil ordinis alienum esse uoluit, nihilque perturbatum; ita in terris nihil, quod inordinatum, confusumque esset, instituit; sed Episcopos constituit, qui in Ecclesiâ præessent: id esse inentiquam posse, nisi unus in quoque cœtu Christiano præsideret, ad quem essent omnia referenda: nomina uerò, quæ hætenus fuerant promiscua, distinxerunt. Atque hoc est, quod sanctissimus ille Doctor tradidit, iam inde ab Apostolorum temporibus toto orbe terrarum esse decretum: cum iam à Marci ætate, qui Alexandrinam Ecclesiam in ordinem adduxit, donec rerum in Aegypto Christiani principes potiti sunt, unus Antistes Alexandriae ex presbyteris electus sit, qui cæteris omnibus præficcretur: & Clemens Romanus prodiderit, Petrum, à quo ipse fuerat, ut sibi in sanctam sedem Apostolicam succederet, institutus; præcepisse, quo loco Patriarchæ, quo Primates, quo Archiepiscopi, quo Episcopi statuendi essent. Audite, quæ postremò hic auctor locupletissimus dixit, ut ostenderet à Petro hæc omnia ex Dei institutione



*stitutione fuisse constituta. In singulis uero ciuitatibus singulos, non plures Episcopos constitui, præcepit: qui Episcoporum tantum uocabula sortirentur. Quoniam neque inter ipsos Apostolos par fuit institutio: sed unus præfuit omnibus. Quid sibi uult illud, Qui Episcoporum tantum nomina sortirentur? Quid aliud, nisi ut dissidium tolleretur, quod inde uel ortum erat, uel oriri potuisset, quia promiscue presbyteri omnes Episcopos se & appellari, & esse studebant; cum eo se nomine ab Apostolis nuncupatos esse arbitrarentur? Itaque non uetuit Ecclesiæ princeps uniuersæ, ne plures crearentur presbyteri, qui speculari officio fungerentur: sed, ne quis præter unum, qui cæteris omnibus præesset Episcopus appellaretur. Nec aliud Diuus Hieronymus sensisse uidetur. Recitentur eius uerba: Episcopi nouerint se magis consuetudine, quam dispensationis dominicæ ueritate presbyteris esse maiores; & in communi debere Ecclesiam regere. Quod non inficietur hic ipse, Episcopus Dei præceptione presbyteris esse superiores, ipsa comparatio planè declarat. Quid autem erat, quod Ecclesiæ tulerat consuetudo? nempe, quod Episcopi non sinebant, exequi munia presbyteros, quæ quondam ij solebant, nec secum illis Ecclesiæ gubernationem esse communem. Principio enim Sacerdotum collegium Senatus locum, Episcopus Principis tenere uidebatur. Quapropter uidetis, Pa-*

## Oratio quinta

tres amplissimi, quàm fallantur, qui huius nobilissimi Doctoris testimonio existimant Episcoporum præstantiam ac iurisdictionem non esse diuino iure uallatam. Nam utrosque, ut nos planè assentimur, promiscuè & presbyteros et Episcopos dici consuesse: sic ille neutiquàm inficiatur à Domino fuisse institutos: & quorum dignitatis gradus, & potestates re ex diuinâ institutione distinguebantur, sic nomine ex præcepto Ecclesiastico creptos esse distingui. Nimirum, quæ potest Ecclesia rebus antiquis nouas ob causas nomina noua imponere (quosq̃ uoc enim, & διοίκως, uocabula quidem noua in Concilijs œcumenicis inuenta sunt: res autem ipsæ uetustæ erant: quippe filium Dei naturæ eiusdem ac patrem esse; Mariam Virginem Dei genetricem) illa eadem potuit ob rerum nouitatem uerba antiqua à communi significatione ad propriam, à laxiore ad strictiorem, ab ampliore ad arctiorem uocare, & quæ latiùs fundebantur, compressius cohibere. Quod ipsum cum Augustinus accuratissimus in loquendo animaduertisset, honorum hæc uocabula dixit esse, quæ iam Ecclesiæ usus obtinuit: non dixit honoris gradus, quos Ecclesiæ usus obtinuit, ut rectè ac doctè Castrensis uir præstanti ingenio & doctrinâ singulari obseruauit: cum dignitates potestatesque Ecclesiasticas Deus instituisset, nomina Ecclesiæ inuenisset. Quamobrem asserendum non est, à Deo non fuisse institutos, qui in Ecclesiâ præfessent. Habemus enim, quæ testimonio multorum pa-

trum

trum eâ dere Apostoli tradiderunt, quæ iniussu Dei constare nequiuissent. Nam principio cum Paulus multas, diuersasque regiones peragrasset, multisque in locis Christianam religionem conseruasset, non quàm primùm uniuersas ciuitates, sed quasdam in singulis domos, familiâsque ad credendum induxit: atque in quaque presbyterum, eundemque Episcopum, qui ei præfideret constituit. quippe præter hoc est Senior, ut diximus, nomē honoris erat, Episcopus officij. Quod cum ex multis locis Epistolarum, quas ille scripsit, liquere possit; tam ex parte prioris, quam ad Corinthios, extremâ constat, Salutant, inquit, uos omnes Ecclesiæ Asiæ: salutant uos in Domino multum Aquila & Priscilla cum Domestica sua Ecclesia. Hos enim ille Ephesi reliquerat. Et ex principio eius, quâ ad Philemonem? Paulus uinctus CHRISTI IESU, & Timotheus frater Philemoni dilecto & adiutori nostro, & Apphiæ forori charissimæ, & Ecclesiæ, quæ in domo tua est: illi quidem Ecclesiæ domesticæ Aquila, hæc Philemo præerat. Quia uerò Apostoli perpetuam in terris mansionem habituri non erant: Fidelium autem cætus in dies augebatur; ut quâ quisque prouinciam sumpisset, in singulis eius ciuitatibus Episcopum, qui cæteris præesset, constituerent; instituerunt, ut presbyteri aliquem de suo collegio eligerent, qui Ecclesiæ præfideret: idque, ut docet Anacletus, Dei mandato. An dubium est Ephesijs atque Asianis Timotheum, Cre-

Cretenſibus Titum præſuiſſe? Quod autem hi poteſtatem in preſbyteros animaduertendi haberent, ex Pauli epiſtolis nemini ueſtrum perſpicuum eſſe non debet. Cum enim ad Timotheum ille ſcripſiſſet, admonuit, ſiquis preſbyterum accuſaſſet, ne ſine duorum aut trium teſtimonio nominis delationem admitteret; qui uerò peccaſſent, in conſpectu omnium argueret, ut ceteri timerent: cum ad Titum, præcepit, ut imperioſe reprehenderet. Neque inſciamur, Paulo initiante, illos eiſmodi imperiū adeptos: ſed Paulus ipſe affirmat à Deo, non à ſe illis datum eſſe. Quid cum Deus Apoſtoliſ præbuit poteſtatem iudicandi? num uolebat in ijs ſiniri? an eſſe, ut ſæpe dictum eſt, in Eccleſiâ perpetuandam; & uerò in ceteris omnibus, qui deinceps eſſent ſucceſſuri? Agè uerò, ubi nam Hieronymus dixit preſbyteros Ephęſios fuiſſe porrectis manibus ab Epiſcopis inſtitutos, & in Pontificiâ poſitos auctoritate; ac poteſtatem initiandi, ceteraque munera, quæ eſſent Pontificum eorum, qui proprie priuatimque Epiſcopi ſunt appellati, accepiſſe? Solâ enim cooptatione Epiſcopos ait à preſbyteris differre. et quidem rectè: ſed tum quia non eadem ratione hi atque illi conſecrantur; tum quia poteſtatem, quæ in preſbyteros non cadit, dum cooptantur, accipiunt. Vtrique ad natiuū uerūque CHRISTI corpus æquè initiantur: ad arcanum occultūque illud, quod Græcè myſticum appellant, non æquè. preſbyteris enim nulla pròlis Eccleſiaſtica gi-  
gnenda,

gñendæ, nulla Spiritus sancti afflandi, nulla indicandi, nulla Ecclesiæ regendæ, sacris munitisque tradendis facultas datur. An putatis tunc Ecclesiæ defuisse mysteria, quæ ad hæc opera exequenda traderentur? Nam Timotheum & Titum liquet ad hæc ipsa obeunda Episcopos ritè fuisse institutos. Erant autem illi Ephesij præpositi suæ quisque domesticæ Ecclesiæ regendæ eo ritu, quo hodie præponuntur, qui parochi appellantur. Sed, qui eis præsideret, esse profectò oportebat. Quocirca Pauli illa uerba, Attendite uobis ipsis, ad omnes, quos Apostolus dicitur afflatus, siue inferiore, siue superiore Sacerdotio fungeretur: quæ sequuntur, Et uniuerso gregi in quo uos posuit Spiritus sanctus, ad Episcopos duntaxat referenda esse mihi uidentur; ut, quod congruit, cuique tribuatur. Nòdum enim compartū est moris unquam fuisse; ut, cui uel parochia uel domestica Ecclesia cōmitteretur, ad hoc munus obeundū Ecclesiastico ritu, quem Apostoli ipsi Dei præcepto tradiderunt, consecraretur. Itaque accipiamus uerba tam sancti præclarique Doctōris in sensum, quo neque ueritas cōuellatur, neque Hierarchia destruat. Nam, ut sonant, si ita acciperentur, ne ipse quidem Pontifex Romanus ex diuinā institutione diceretur in Ecclesiā presbyteris præesse. Quia neminem ille uidetur excepisse, ne Apostolum quidem ullum: cū legeret & Paulum, qui in Ecclesiā secum laborarent, omnes suos adiutores ac socios uocare consueisse; & Dominum Apostolis, qui essent

In c. olim  
D. xcv. In  
c. legimus.  
D. xliii.

sent adiumento, LXXII. discipulos, tanquàm laboris participes dedisse. An non illud, Si auctoritas queritur, orbis maior est urbe: nisi rectè intelligatur, quæ est omnium Ecclesiarum magistra, sedis Apostolica maiestas uniuersæ Ecclesiæ minùs esset præferenda? Nec uerò existimandus esset tam accuratus luculentusque scriptor sibi nõ constare: qui Episcopos Apostolorum, presbyteros septuaginta discipulorũ asserit esse successores: Apostolis Dominum tribuisse eandem ac Petro ligandi atque soluendi potestatem, antequàm illis huc unum præposuisset: eam huiusmodi fuisse, ut intelligerent, qui ab ijs damnarentur, quod homo decreuisset, diuinã sententiã roborari, & quodcunque ligatum esset in terrã, ligari pariter in cælo: eundem illum Dominum Deumque nostrum Apostolos, Vates, Doctores, Pastores, qui cætera diuina munera obirent, in Ecclesiã statuisse: qui presbyteros in seruitudo ab Episcopis dignitatis gradu positos agnoscit: qui uni eidemque ciuitati posse Episcopos plures esse inficiatur: qui Aaronis locum Episcopos, filiorũ presbyteros tenere affirmat: quod Petro CHRISTVS Dominus dixit, Quæcunque ligaueris, Episcopis dictum esse interpretatur; cum exponeret, quis esset ille seruus fidelis & prudens, quem familiæ Dominus præfecisset, CHRISTVM patrem familiã, Apostolos & Episcopos seruos appellat. In bonam, inquam, accipiamus partem, quæ Diuus Hieronymus clarissimum Ecclesiæ lumen dixit: ac fateamur

1. Cor. 12.

Super Ep.  
ad Philip.  
Ad Nepotianum.

teamur divino iure Episcopos presbyteris esse usque  
 quaque superiores: cum illi in Ecclesiâ ex divini in-  
 stitutione præsideant. Neque enim putandus est  
 CHRISTVS Dominus deterius, quàm homines  
 Remp. constituisse. Constituisset autem deterius, at  
 non semel diximus, nisi instituisset, qui in eâ præf-  
 sent. At satis est unum instituisse; nempe Pontifi-  
 cem Romanum. An ulla unquam Resp. quæ magno  
 potiretur imperio, rectèque ac prudenter fundata  
 esset, uno contenta fuit summo magistratu? Ac, si sa-  
 tis est unum præfectum esse Pontificem Romanum,  
 cur ille ab incunabulis Ecclesiæ cepit alios ad Ecclē-  
 siam regendam initiare? cur in toto Christianorum  
 orbe ad hoc idem munus exequendum, ubi essent qui  
 CHRISTI colerent numen, alibi alij cooptaban-  
 tur? An non Dei mandato? At, si manus dare no-  
 luerint, sed adhuc in eâdem opinione permanserint;  
 prospiciant, obsecro, ne sacratissimum Ecclesiæ sta-  
 tum, atque Remp. quam Græco nomine, Hierar-  
 chiam appellant, delere enitantur; eâque ratio-  
 nem improbare, qua ductum ostendimus Petrum  
 ad decernendum, unum in quaque ciuitate Ecclesiæ  
 præfici oportere, eumque Episcopum nominari. Ut  
 enim CHRISTI præcepto non omnium Apostolo-  
 rum æqua fuit potestas, sed unus eorum Princeps:  
 ita in quoque cœtu Ecclesiastico non omnium Sacer-  
 dotum excellentiam parem esse decebat; sed unum  
 præficiendum esse, cui cæteri omnes parerent. Nā  
 (si licet rebus cū magnis componere paruas) quem  
 locum

Obiicitur.

Refutatur.

locum in amplissimo Romana Ecclesiæ collegio Pontifex Maximus, cum in catu presbyterorum obtinet Episcopus. Et, quemadmodum ille in toto terrarum orbe præsidet, hic in certi cuiusdam loci præfecturâ. Nec temerè institutum putamus, ut ferè XII. Sacerdotes in quaque Ecclesiâ, qui Græco uerbo Canonici uocantur, consituerentur, qui Episcopo in rerum Ecclesiasticarum administratione essent adiumento; eumque, ut Ducem, sequerentur. Quasi illi XII discipulorum, hic instar CHRISTI Domini haberet. Quamobrem ne dubitate, Patres amplissimi, statuere Episcopos à Domino Deoque nostro ad Ecclesiam regendam fuisse institutos, eiusque præcepto ad considendum suâ quenque in præfecturâ compelli.



# A N T O N I I

128

SEBASTIANI MINTURNI,

EPISCOPI VVENTINI,

110962.1

10.110

De officijs Ecclesiæ præstandis;

TRIDENTINA VI.



XISTIMAEAM, Patres Amplissimi, qui hactenus, ut sententiam sanctissimorum doctissimorumque Patrum improba-  
rent, acerrimè contenderunt; in animum eos induxisse, cum facile essent refutata, atque re-

iecta, quæ ad opinionem eruditissimi Caietani oppugnandam opponebantur, sibi amplius non esse postulatis nostris obsistendum. Cum autem ad acrius dimicandum iam ualidissimas, ut putant, copias comparasse uideantur; ut, pro qua arma Christianæ doctrinæ sumpsimus, iuris diuini iustam, sanctam, religiosam, Ecclesiæ necessariam causam defendamus, nobis totis uiribus connitendum esse arbitramur. Multa ex diuinâ scripturâ, ex his, quæ maiores nostri tradiderunt, ex luculentissimis ueterum monumentis, ad obiecta repellenda attulimus. Agè uerò ad peruicaciam aduersariorum expugnandam, aciem rationû instruamus Imperatore CHRI-

STO,

## Oratio sexta

Episcoporum  
origo.

STO, legato eius Paulo; quarum Duces sint Patres; ut uetustate, ac sanctitate, ceteris præstantiores, sic doctrinâ haud quaquam inferiores. In dextro igitur cornu Antislitum origo collocetur. Cum enim in terras Dominus uenisset, qui non solueret, perfringeretque legem; sed perficeret, atque expleret; ut de medio non sustulit Sacerdotium, sed de synagoga in Ecclesiam transfudit; sic etiam uidetur distinctos eius gradus, qui erant in ueteri testamento, in nouo seruari utique uoluisse. Quippe quæ in illo existerant, umbram, atque speciem quandam rerum, quæ in hoc erant futuræ, si Paulo credendum est, præ se gerebant. At nec umbra est, quæ non corporis similitudinem referat; nec figura, quæ non ueritatis. Cum autem in lege illâ priscâ reperiâmus à Deo fuisse constitutum, ut Aaron in maiore Sacerdotij gradu, in minore filij ponerentur, officiisque distinctis, ornatuque diuerso dignoscerentur (Ille enim uestitu angustiore ornabatur; in penetrabile, abditumque sanum, uti in sacratissimam, maximèque religiosam templi partem, ac Deo propriè, priuatimque consecratam ingrediebatur: diè festum expiationis celeberrimum, atque sanctissimum celebrabat) non est dubitandum in Ecclesiâ, quam unice diligit, fuisse ab illo institutos, qui superiores, qui inferiores essent Sacerdotes. In hanc aciem, uti dux, prodeat Leo summus ille Pontifex, cognomento autem Magnus, his quidem instructus, quæ ad uniuersos Germaniæ Galliæque Episcopos scripsit.

Leo. Ep.  
LXXXVI.

scripsit. In diuinis literis præcipiente Domi-  
 no, solus Moyses in tabernaculo Dei erexit al-  
 tare; solus ipse unxit: quia solus utiq; sūmus  
 Dei Sacerdos erat; sicuti scriptum est de eo:  
 Moyses & Aarō in Sacerdotibus eius. Ideoq;  
 quod tātū Principes Sacerdotū facere iussī  
 erant, quorū typū Moyses & Aaron tenuerūt,  
 decretū est, ne presbyteri, qui filiorū gestant  
 figuram, arripere præsumant. *Apostolicarum*  
*uerò institutionem clypeo tectus, qua sanè hoc idē*  
*docent;* Vobis quidem Aaron is est, qui est  
 Episcopus. Itaque si dictus est Moyses à Do-  
 mino Deus, & uobis Episcopus in Deum  
 honoretur: & *Anacleti Pontificis Maximi An-*  
*tesignano milite comitatus;* Quo loco contem-  
 plari oportet Aaronem summum Sacerdotē,  
 id est Episcopum fuisse: porrò filios presby-  
 terorum demonstrasse figuram. *Leonem asse-*  
*ctetur Hieronymus rerum scriptarum gloriā cele-*  
*bris, insignisque primipilus. Nam ex illā ipsā Epi-*  
*stolā, quam ipse idem ad Euagriū dedit, arrepta*  
*hæc sunt:* Ut sciamus traditiones Apostolicas  
 assumptas de ueteri testamēto, quod Aaron,  
 & filii eius, atque Leuitæ in templo fuerunt,  
 hoc sibi Episcopi, & presbyteri, & diaconi  
 uendicant in Ecclesia. Quod eā de re Apostoli tra-  
 diderunt, non est dubium, quin à CHRISTO Do-  
 mino acceperint. Nam uel ipse Hieronymus, cū  
 in Diaconos inueheretur, testatus est ordinem eorum

Leo Epif.  
86.

Anaclet.  
Ep. 2.

R origi-

# Oratio sexta

originem à Deo duxisse. Recitetur Doctoris celeberrimi ex Epistolâ, quam ad Rusticum Episcopum ille scripsit, testimonium: Sufficit huic ordini tantum fuisse per Deum concessum, ut non solus Sacerdos in templo Dei totum agere, & implere uideatur. *Audite, quæ Cyprianus de his rebus, quas Apostoli tradiderunt, scripta reliquit: Ipse summus Sacerdos sui est sacramenti institutor & auctor: in cæteris, homines Spiritum sanctum habuere doctorem. & sicut par est Spiritui sancto; & CHRISTO diuinitas; ita in suis institutis æquæ est auctoritas, & potestas. Nec minùs ratum est, quod dictante Spiritu sancto Apostoli tradiderunt, quàm quod ipse tradidit, & in sui commemorationem fieri præcepit. Manet singulis propria dignitas, & unitormis in suo genere stat actio omniû: Nihil addi, nihil subtrahi nihil potest corrigi, uel mutari. Nemini autem dubium est in ueteri testamêto principi Sacerdotum ius et potestatem in omnem ordinem eorum, qui in tēplo Deo seruiebant, fuisse. eâ de re sit lex ipsa documêto. Qui superbierit nolēs obedire Sacerdotis imperio, qui eo tempore ministrat Domino Deo tuo, ex decreto iudicis morietur homo ille: & auferens malum de Israele. Accedat & Clementis Romani præclara testificatio: Primus enim Pontifex Aaron chrismate compositionis perunctus princeps populi fuit, & tanquàm*

Cypr. de  
cæcan Do-  
mini.

Deut. 37.

em.  
J. III.

tanquam Rex primitias & tributum per capita accepit à populo, & iudicandi populi sorte suscepta de mundis immundisque iudicabat.

In sinistro cornu eorum, qui Deo ministrant, successio statuatur. Cum enim Dominus ex non parvo cœtu discipulorum duodecim elegisset, qui locum summorum Sacerdotum tanquam Aarones, ut diximus, in Ecclesiâ tenerent, Apostolosque nominasset, adsciuit duos & septuaginta, qui adiutores tam multilaboris futuri essent, ac uelut filij Aaronis sacrorum administri: ut illi præessent, & imperarent: hi parerent, & imperata exequerentur. In aciem primarij Duces producantur, ut pro tuendâ Pontificum in Apostolorum locum successionem certamen in-eant. Quorum primus sit Clemens diui Petri & discipulus, & successor. Hæc enim ille, cum Episcopos alloqueretur: Dominus noster mittens uos uice sua in loco Apostolorum ad prædicandum præcepit uobis docere omnes, omnesque uobis obediens, ut sibi, existere. Nimirum Apostolos iussit Dominus Deusque noster docere omne hominum genus; sed, quod eis dixit, cæteris omnibus, qui erant in eorum locum successuri, præcepit: ut ipse idem uisus est testificari. Quod uobis, inquit, dico, omnibus dico. Et ille idem Clemens, quæ Petrus dixerat, cum exponeret. Episcopos uicem Apostolorum gerere Dominum docuisse dicebat, & reliquorum discipulorum uicem tenere presbyteros debe-

Episcop.  
successio,  
Luc. 6.

Clem. Ep.  
iii.

Mar. 13.

Clem.  
Ep. 1. al  
Iac. fr.

## Oratio sexta

*re. insinuabat. Deinde Anacletus & summus Pontifex et Martyr gloriosissimus, qui à Petro tum didicit, tum etiam Sacerdos fuit institutus, ac rem ipsam latius dilucidiusque explicauit. Sacerdotum, inquit, ordo bipartitus est: & sicut Dominus illum constituit, à nullo debet perturbari. Scitis autem à Domino Apostolos esse electos, & constitutos, & postea per diuersas prouincias ad prædicandum dispersos. Cum uerò messis cœpisset crescere, uidens paucos esse operarios, ad eorum adiumentum LXXII. eligi præcepit discipulos. Episcopi uerò, Domini Apostolorum, presbyteri autem LXXII. discipulorum locum tenent. Tum uerò et sedis Apostolicæ decus, & Martyris gloriam adeptus Urbanus: Res ipsæ in ditione singulorum parochiarum Episcoporum, qui locum tenent Apostolorum erant, & sunt usque adhuc, & futuris semper debent esse temporibus. Accedant Stephanus & Euaristus eandem dignitatem, eandemque laudem assecuti: quorum alter Apostolorum successores, Deique regias sedes; alter Domini legatos Episcopos appellat: & Damasus nec inferiore amplitudine, nec minore præditus sanctitate; qui Episcopos Apostolis successisse testificatur, presbyteros in Ecclesia LXXII. discipulorum speciem præferre. Eos sanctissimi, doctissimi que scriptores sequantur Isidorus, & Beda. Ille presbyteri, inquit, successores, & Vicarii sunt LXXII. disci-*

Anacl. Ep.  
1.

Urbanus,  
Ep. ad omr.  
Episc.

Stephanus.  
Ep. 2.  
Euaristus,  
Ep. 2.

Damasus.  
Ep. 4.

Isidorus.

LXXII. disci-

LXXII. discipulorū, quos præmittebat Dominus IESVS CHRISTVS in omnem urbem, omnemq; locum, quo erat ipse uenturus. ita presbyteri, quia sunt adiutores Episcoporū, rudes populos initiant, abluendos in Ecclesiæ communitatem recipiunt, in omnibus Mysteriis usque ad manus porrigendas populo Dei ministrant: Episcopi uerò successores sunt Apostolorum. *Hic, sicut duodecim, inquit, Apostolos formam Episcoporum exhibere simul, & demonstrare, nemo est, qui dubitet; sic & hos LXXII. figurā presbyterorum, id est secundi ordinis Sacerdotum gessisse sciendum est: tametsi primis Ecclesiæ temporibus, ut Apostolica scriptura testis est, utrique presbyteri, utrique uocabantur Episcopi; quorum alterum scientiæ maturitatem, alterum industriam curæ pastoralis significat. Ad hanc religiosam sanctāque successionem communiendam Paulus CHRISTI legatus profert, tum quæ ad Ephesios scripsit; Et ipse dedit quosdam quidem Apostolos: tum quæ ad Corinthios: Et quosdam quidem posuit Deus in Ecclesia primum Apostolos. Capita attingo: cū hæc eadem integra usque ad postremum alio loco produxerim. Ita enim illum in Ecclesiā ordinem instituit Dominus, ut in eā perpetuò permanere nullo prorsus modo posset, nisi supersint, qui in eorum locum succedant, quos ille Episcopos constituit.*

Beda  
l. 3. super  
Luc. ca. 13

Eph. 4.  
1. Cor. 12.

tuit illos eosdem, quos Apostolos cooptauit. Ac, ne-  
quis id indubium uocet, ipse Imperator CHRISTVS  
deducat in aciem, quæ Ioannes magistro ante omnes  
alios discipulos charus ab eo dicta esse memoriae pro-  
didit: Sicut misit me pater, & ego mitto uos.  
Quemadmodum ipse Legatus Dei Patris erat, sic  
& Apostolos legauit. CHRISTI Legati Episco-  
pi dicuntur: ut Pontifices Maximi Anacletus, &  
Euaristus; ut sanctissimi Antistites Cyprianus, &  
Augustinus docuerunt. Ipse idem Clemens Episco-  
pum CHRISTI, locum tenere aperte, dixit et pro  
Domino legatione fungi: Iam uerò cum Deus, non  
hominum aliquis, Ecclesiæ dona dederit, teste illo  
eodem Paulo; Episcopia potestas, ut ille idem au-  
tor, & eum secutus Areopagita Dionysius testan-  
tur, in diuinis muneribus percensetur: Apostoli,  
ut Clemens Alexandrinus tradidit, omnibus donis  
cælestibus ita cumulati fuerint, ut, quo illi donati nō  
sint, in Ecclesiā reperiatur munus profectō nullum:  
sequitur ut, quæ est, si Areopagita credimus, præ-  
cipua dignitas, eā non caruerint. Quem in modum  
hæc successio sit, institutiones Apostolorum decla-  
rant, atque ipse Clemens Petri successor exponit.  
Nempe CHRISTO Apostoli successerunt; Apo-  
stolis, qui Episcopi dicuntur. Audite, quæ Clemēs  
perhibuit: Intellexerunt sancti Apostoli, qui  
à Deo electi sunt: & nos, qui post ab eis ele-  
cti sumus. Quid? quos illi elegerunt, ab ijs nōne  
alij deinceps cooptati sunt? Quem morem semper  
tenuit



tenuit Ecclesia; donec facultatem cooptandi iure suo sibi uni omnem, ut uniuersæ pastor Ecclesiæ Pontifex Romanus assumpsit. Producatur in medium ex Epistola; quam ille idem ad Iacobum fratrem Domini dedit, locupletissimum testimoniū. Episcopos per singulas ciuitates, quibus ille non miserat; perdoctos, & prudentes, sicut serpentes, simplicesque, sicut columbas, iuxta Domini præceptum nobis, ut mitteremus, præcepit: quod etiam facere inchoauimus; & Domino opem ferente facturi sumus. Vos autem per uestras dioceses Episcopos sacrate, & mittite: quia nos ad alias parteis, ut ipse iussit, agere curabimus. *Explicat enim, quæ sibi Petrus mandauerat. Audite &, de quibus nos Apostoli admonuerunt, eodem Clemente auctore:* Etenim à Mose Dei amicissimo Principes Sacerdotum constituti sunt: à Seruatore nostro nos Apostoli: ab Apostolis uerò ego Iacobus, & ego Clemens, & nobiscum alii, ne omnes iterum connumeremus. *At, ne quis miretur, quem CHRISTVS Episcopum instituit, ab Apostolis dici constitutum. Dominus enim, ut sæpe dictum est, Episcopos in Ecclesiâ constituit: ne mini locum finitum, certumque in orbe terrarum uniuerso, in quo munere suo fungeretur, assignauit: ipsi inter se ut regiones, ciuitatésque sibi distribuerent, in quas religioso quodam ritu dicarentur, præcepit. Itaque Iacobus, qui frater Domini dixe-*

Clem.  
Ep. 1.Clem.  
Epit. Apost.  
Instit.

## Oratio sexta

batur, etsi Episcopus à CHRISTO erat institutus; cum suffragijs tamen omnium Apostolorum Spiritu sancto admonitore, ac duce Hierosolymitanam Ecclesiam suscepisset, in qua summa apud omnes esse admirationi uidebatur; suscepisset cum merito suo, tum, ut putandum est, CHRISTI Domini causâ, ut in qua regione ille natus erat ad regnandum, qui ei sanguinis cognatione coniunctus esset, præficeret: in eo formam, normamque Episcopi aspectabilem in modum consecrandi, & in sede Pontificiâ collocandi, quam adhuc Ecclesia seruat, expresserunt. Accipite præterea, quæ sequuntur. Verum non omnino quisque, qui crediderit, illico Sacerdos constitutus erat, uel principatus amplitudinem consecutus. Postquam uero assumptus est in cælum, nos oblato secundam constitutionem ipsius sacrificio puro & incruento designauimus Episcopos, & presbyteros, & diaconos septem numero: quorum unus fuit Stephanus beatus ille Martyr haud inferior nobis erga Deum beneuolentia. Ac, ne putetis humano instituto id fieri, audite, quæ paulò antè traduntur: Nostis enim omnino à nobis nominatos esse Episcopos, presbyteros, & diaconos, precando & manibus porrigendis, scilicet ut ex differentia nominum differentiam rerum demonstraremus. Neque enim, qui uolebat, apud nos manum implebat, & creabatur Sacerdos excelsorū,  
ut

ut tempore adulterini uiculorum sacrifici  
 ab Hieroboamo deprauato Sacerdotio; sed  
 qui uocabatur à Deo. nam nisi diuinitus esset  
 quiddam institutum ordinum differentia, pla  
 nè sufficeret uno nomine omnia confici. Ve  
 rùm à Domino docti rerum cōuenientiam,  
 Episcopis quidem, quæ pertinent ad Sacer  
 dotii principatum, tribuimus: presbyteris  
 autem, quæ ad Sacerdotium: diaconis ue  
 rò, quæ ad utrorumq; ministerium: ut quàm  
 purissimè sacrorum ceremoniæ peragantur.  
*Quid dilucidius, quid euidentius de successione, &  
 de præstantiâ Pontificum dici potuisset? Ac, ne du  
 bitaremus de Apostolicarum institutionum auctori  
 tate, ultimum eorum decretorum, qui Canones Apo  
 stolici uocantur, & recepti sunt, eas probauit.*  
*Nam à VI œcumenicâ Synodo reiecta sunt, quæ  
 erant ab Hæreticis deprauata. Ipsi etiam illi præsti  
 gates oraculis editis accincti in eodem cornu ponan  
 tur. Illud enim Dauidicum non semel à nobis alla  
 tum est: Pro patribus tuis nati sunt tibi filii.  
 Patres, Augustinus Apostolos; filios, Episcopos esse  
 interpretatur. Nunc accipite, quod Hieremias ef  
 fatus est: Dabo uobis Pastores secundum cor  
 meum, qui pascant uos scientia, & doctri  
 na, & suscitabo uobis Pastorem seruum  
 meum. Nempe CHRISTVS hic est Pastorum  
 princeps: illi Apostoli, & qui eos deindè sunt Epis  
 copi subsecuti. In medio dignitas, atque potestas  
 Pontifi-*

Psal. 44.  
 Auguſt.  
 Hier. 3.

## Oratio sexta

Episcoporum  
potestas iu-  
dicandi.

Pontificum collocetur; qua ū non modò presbyteris,  
ac sacrorum templique ministris præferuntur; sed  
nim quoque alligandi, & absoluedi; atque omni-  
no iudicandi, gubernandique adepti sunt non secus,  
ac Petrus ipse: quanquàm ille primus, ut omnium  
longè princeps. Proferantur hunc in locum, quæ  
iam suprà attulimus: Amen dico uobis, quæ-  
cumque alligaueritis super terram. &, Ac-  
cipite Spiritum sanctum. &, Sedebitis & uos  
super sedes duodecim iudicantes XII. tribus  
Israelis. &, Ege dispono uobis, sicut dispo-  
suit mihi pater meus Regnum. Ebdem mittat  
Paulus C H R I S T I Legatus, quæ ipse scripsit de An-  
tistitum potestate. Cum eorum munia, qui Deo ser-  
uiunt, exponeret, in ijs gubernationem recenset, &  
officium præsidendi. Qui præest, inquit, cum soli-  
citudine. &, Rogamus fratres, ut noueritis  
eos, qui laborant inter uos, & præsumt uo-  
bis in Domino. &, Rogamus uos fratres,  
corripite inquietos. &, Aduersus presbyte-  
rum accusationem noli accipere, nisi sub duo-  
bus, aut tribus testibus. Peccâtes coram om-  
nibus argue: ut cæteri timorem habeant.  
Atque, ut ostenderet præceptum iudicandi diuinum esse:  
Testor, inquit, coram Deo, & C H R I S T O  
I E S U, & electis Angelis, ut hæc custodias si-  
ne præiudicio: nihil facies in alteram partem  
declinando. &, Cretenses semper mendaces,  
malæ bestię, uentresq; pigri. Testimonium  
hoc

Matth. 18.

Ioan. 10.

Matth. 19.

Luc. 22.

1. Cor. 12.

Rom. 12.

1. Thef. 5.

1. Tim. 5.

Tit. 1. & 2.

hoc uerum est. Increpa illos durè? & argue.  
cum omni imperio: nequis te contemnat.

*Illà uerò ad obedientiam, quæ illis debetur, attinet:*

Obsecro uos, fratres: nostis domum Stepha- 1. Cor. 16.

næ, & Fortunati, & Achaici; quoniam sunt.

primitiæ Achaïæ; & in ministerium sanctorum

ordinauerunt semetipsos: ut uos subditi si-

tis iis, & omni cooperanti & laboranti, Heb. 13.

Obedite præpositis uestris, & subiaceite eis.

Ipsi enim peruigilant, quasi rationem pro a-

nimabus uestris reddituri. Rom. 13.

Omnis anima

potestatibus sublimioribus subdita sit. Nam,

si Regibus, ut pareant omnes, præcipit; multis ma-

gis, quibus potestas regendæ Ecclesiæ diuinitus de-

fertur, ut Pontificibus obediant, mandat. Mittat et

Anacletus primipulum illum hastatum. Hic er- Anacl. ep. 2.

go, inquit Petrum ostendens, ligandi solnēdīq;

potestatē primus accepit à Domino, primusq;

ad fidem populum suæ prædicationis uirtute

adduxit, uerboq; instituit. cæteri uerò A-

postolici cum eodem pari consortio honorem

& potestatem acceperunt: ipsumq; Principē

suum esse uoluerunt: qui etiam, iubente

Domino, toto orbe terrarum dispersi Euan-

geliū prædicauerunt. Ipsi quoque decedenti-

bus, in locum eorum Episcopi successerunt,

quos qui recipit, & uerba eorum, Deum ac-

cipit: qui autem spernit eos, eum a quo mis-

sunt, & cuius legatione funguntur, sper-

nit

Oratio sexta

nit; & ipsi indubitanter spernuntur à Domino. Hunc sequatur eius Armiger Pontificij iuris interpres, qui argumentatur Episcopum Apostola ordine & ratione consecrationis patrem esse; in administrando autem inferiorem. Nam, Petro qui succedunt, totam Ecclesiam administrant: qui uero Apostolis, partem. Eodem in loco ponantur ex Antepilanis summorum Pontificum, qui hanc Episcopiam potestatem defendant, Urbani: Quod sedes in Ecclesiis Episcoporum excelsæ constitutæ, & præparatæ inueniuntur, ut throni speculationem & potestatem iudicandi, & soluendi atque ligandi à Domino sibi datam materiam docent. Vnde ipse Seruator in Euangelio ait, Quæcunque ligaueritis super terram, erunt ligata & in cælo: & quæcunque solueritis super terram, erunt soluta & in cælo. & Accipite Spiritum sanctum: quorum remiseritis peccata, remittuntur eis: & quorum retinueritis, retenta sunt. Ista prætulimus charissimi, ut intelligatis potestatem Episcoporum uestrorum, in eisq; Deum ueneremini. Leonis Magni: Cum dixit CHRISTVS Petro, Tibi dabo clauēs Regni cælorum, & cetera quæ suprâ attulimus. Leonis VIII, Quamuis enim omnibus generaliter Apostolis dictum sit à Domino, Quæcunque ligaueritis in terra, ligata erunt & in cælo: & quæcunque solueritis in terra, soluta erunt & in cælo:

Glossa.

Vrb. in epi  
stola ad om  
nes Episco  
pos data.

Leo in An  
nuario.

Leo IX. ad  
Patriarchā  
Antioche  
num.

cælo: tamen non sine causa specialiter & nominatim dictum est beato Petro Apostolorum Principi, Tu es Petrus, & super hanc petram ædificabo Ecclesiam meam: & tibi dabo claves Regni cælorum. & in alio loco, Confirma fratres tuos. *Innocentij III.* Petro dictum est in Euangelio, & audisti sæpius, & legisti. Quodcumque ligaueris super terram, erit ligatum & in cælis: & quodcumque solueris super terram, erit solutum & in cælis. Quod si omnibus etiam Apostolis simul dictum esse reperias: non tamen aliis sine ipso. & alio loco: Sacramentum hoc nemo conficere potest, nisi Sacerdos, qui fuerit ritè ordinatus secundum claves Ecclesiæ, quas ipse Apostolis concessit, eorūque successoribus, *IESVS CHRISTVS.* Iam uerò Ioannes Pontifex Romanus interdicendi uim, religiosèque proscribendi felicem Episcopi mucronem appellat. Eam, ut ceteros omnes diuinas potestates, quis præterquam Deus, qui unus auctor est omnium munerū cælestium, dare potest? Prodeat in aciem Magnus ille Gregorius, qui ab hac parte prælium committat. Libet, inquit, ergo intueri, illi discipuli ad tanta onera humilitatis uocati, ad quantum culmen gloriæ sint producti. Ecce non solum de se ipsis securi fiunt: sed etiam Principatum superni iudicii sortiuntur; ut uice Dei quibusdam peccata retineant, quibusdā uerò

*Innoc. III.  
ad Patr. Cō  
stantinop.*

*In cō. Late  
ran.*

*ob. 990  
1219 1216*

*Ioannes Pa  
pa.*

*Greg. Ma  
gnus.*

*1043  
1044*

uerò relaxent. Horum nunc in Ecclesia Epi-  
 scopi locum tenent; & soluendi; & ligandi  
 auctoritatem suscipiunt; qui gradum regi-  
 minis sortiuntur. Comitentur eum magni no-  
 minis duces, Cyprianus maximus CHRISTI A-  
 thleta; Basilus ille Magnus; qui ut eloquentiâ Ec-  
 clestasticis meo quidem iudicio scriptoribus cæteris  
 omnibus præstat, sic uita sanctitate à nemine supe-  
 ratur; Chrysostomus in scripturâ diuinâ explicandâ  
 summam laudem adeptus; Hilarius in scribendo ac-  
 curatè ac doctè inferior nemine; Epiphanius impia-  
 rum omnium sectarum acerrimus exagitator; et Am-  
 brosius Ecclesiasticorum Doctorem decus. Quorum  
 quidem arma hæc sunt. Cypriani; Et quamuis  
 Apostolis omnibus post resurrectionem  
 suam potestatem parem tribuat, & dicat, Si  
 cut mittit me pater, & ego mitto uos: ac-  
 cipite Spiritum sanctum, sicui remiseritis  
 peccata, remittuntur illi; sicui retinueri-  
 tis, retinentur. Tamen, ut uirtutem ma-  
 nifestaret, unitatem eiusdem originem ab  
 uno incipientem, sua auctoritate dispo-  
 suit. Hoc erant utique & cæteri Apostoli,  
 quod fuit Petrus, pari cõsortio præditi & ho-  
 noris, & potestatis. Sed exordium ab unita-  
 te proficiscitur, ut Ecclesia una monstretur.  
 Basilij; Hoc ab ipso CHRISTO docemur, qui  
 Petrum post se Ecclesiæ suæ pastorem consti-  
 tuit. Petre, inquit, amas me: Pasce oues me-

as

Innot. 1. 1.  
 2. 1. 1. 1.  
 3. 1. 1. 1.

Innot. 1. 1.

Innot. 1. 1.

Cypr. de  
impl. præl.

Innot. 1. 1.

Innot. 1. 1.

Innot. 1. 1.

Innot. 1. 1.

Basil. de uita  
solic.



as; & consequenter omnibus pastoribus, & doctoribus eandem potestatem tribuit. cuius signum est, quod omnes ex æquo ligant & absoluunt; quemadmodum ille, & Si itaque mundi huius principibus, qui principatum iuxta humanas leges acceperant, tantam subiectionem per pios diuina lex tribuit, idque adhuc eum impietate uiueret: quantam obtemperantiam debet religiosus ei, qui a Deo constituitur Princeps, & ab ipsius legibus potestatem accipit? Quomodo non resistit ordinationi Dei, qui præposito suo resistit? *Chrysostomi*: Sicut misit me pater & ego mitto uos. Quare hoc dicit? eorum animos dirigit, & suam proponit auctoritatem: si quidem suum eis relicturus erat ministerium, & quod nondum rogassent patrem, sua eis auctoritate potestatem præbet. Insufflauit enim, & dixit, Accipite Spiritum sanctum. Quorumcunque remiseritis peccata, remittentur eis: & quorum retinueritis: retenta sunt. Quemadmodum enim Rex præfectos mittens, ut in carcerem reos intrudent, ut liberent, potestatem præbet: ita Iesus discipulos dimittens hac munit auctoritate. & quid nam hoc aliud esse dicas, nisi omnem rerum cœlestium potestatem a Deo filio illis traditam. *Hilarij*, Specialem populi principibus, idest Episcopis in expectatione aduentu-

Super  
Esa. 61.

Chrys.  
Hom. 8.

Idem de Sc.  
cer. l. 3.

## Oratio sexta

Super  
2. Tim. 5.

Ambr. in  
Pastorali.

August.  
Clem.

In Apосто.  
Instit.

uentuque suo sollicitudinem mandat. Hunc enim seruum fidelem atque prudentem propositum familiaris significat. & nos, o sancti & beati viri, ob fidei vestre meritum claves Regni cœlorum sortiti, & ligandi atque soluendi in cœlo & in terra uos adepti potestatem, gesta esse per Dominum nostrum IESUM CHRISTUM Dei filium uideratis. *Epiphanius*, Quid negotii esset Episcopo, si presbyterum non obiurgaret? si non super presbyterum haberet potestatem? Quemadmodum etiam rursus dicit, aduersus presbyterum ne cito admiseris accusationem, nisi coram duobus, aut tribus testibus: & non ad aliquem presbyterum. *Ambrosii*: Idcirco nos, quibus in uerbis diuinis credita est dispensatio, & qui gregem CHRISTI alendum suscepimus. *Et cetera, que iam dudum recitata sunt*, cum exponeretur præceptum illud, *Pasce oues meas*. His etiam accedant tela illa *Augustini*, ibidem in medium producta. *Deducatur ad pugnam illud ex Apostolicis institutionibus*: Tuque sede in Ecclesia, cum sermo nem habes: ut potestatem habeas eos, qui peccauerint, iudicandi: nobis enim Episcopis dictum est, Quodcunque ligaueritis super terram, erit ligatum & in cœlis: quodcunque solueritis super terram, erit solutum & in cœlis. Iudica ergo cum potestate, tanquam Deus. *Eadem in parte constituitur condenda*

de

de legis potestas, quam primarij duces tutantur Cyprianus, & Augustinus, qui eam Episcopis à Deo delatam esse dixerunt. Atque inter munera Episcoporum, quæ nullo prorsus modo in presbyteros conveniunt, primum in certamen descendat, quod est initiandi beati Pauli præsidio munitum. Noli negligere gratiã, quæ in te est, quæ data est tibi per prophetiã cû ipositione manuû presbyterii. In quo etiã sint Chrysostomus, et Theophilus patres sanctissimi, & scripturarû explanatores luculentissimi: qui, quos ille dixit manus porrexisset, Episcopos fuisse tradiderunt. Addit Chrysostomus, quod & ille significavit, Episcopum ab Episcopis, non à presbyteris in Pontificiã sede collocari. Est & decretum Simplicij Pontificis Romani: Decerni mus, ut, qui gradus Sacerdotalis aut Levitici ordinis peruersè adepti sunt, depofiti æquo iudicio amittant. Quod Concilium Hispanense confirmavit; cû Episcopus in cooptando manus porrexisset, simplex Sacerdos bene precatus esset. Nam ex diuino instituto si presbyteri ijdem essent, qui & Episcopi; consequeretur, ut, quemadmodum presbyteros Episcopi initiant; ita Episcopos possent presbyteri cooptare. Deindè, quod in unctiõne consecrandâ uersatur, sacrosanctorum conciliorum decretis uallatum. Nam alterum & tertium Carthaginensia concilia cauerunt, Ne presbyterorum quisquam Chrisma conficere audeat. Quod primum Toletanum, ut uetus uniuersæ Eccle

Cypri.  
August.  
Potestas legis conden-  
dæ.

Potestas ini-  
tianti.

1. Tim. 4.

Chrysost.  
Theophyl.

Simplicius  
Papa.

Concil. Hi-  
spal.

Potestas Un-  
ctionis con-  
secrandæ  
Concil. Car-  
thaginen-  
sæ.

S sive

## Oratio sexta

Potestas  
firmandi.

AA. 8.

AA. 19.

Concil. Flo-  
rent.

sia institutum, corroborauit. Hoc manus asseble-  
tur, quæ Chrismate utitur ad diuinum spiritum as-  
flandum, uis confirmandi, atque, ut ueteres loque-  
bantur, consignandi, Episcopi propria illa quidem,  
sed presbyteris interdum necessitatis causâ à Recto-  
re Ecclesiæ uniuersæ permissa. Affletetur, inquam,  
beati Luca, qui Apostolorum actâ memoria pro-  
didit, clypeo protecta. Cum enim Apostoli, qui  
erant Hierosolymis, audissent Samariam rece-  
pisse uerbum Dei per prædicationem Philippi  
diaconi, miserunt ad eos Petrum & Ioan-  
nem: qui, cum uenissent, orauerunt pro eis,  
ut acciperent Spiritum sanctum. Nondum  
enim in quenquam illorum uenerat: sed bap-  
tizati tantum erant in nomine Domini IESU.  
Tunc imponebant manus super illos, & acci-  
piebant Spiritum sanctum. Iam uero tunc Pau-  
lus Ephesum profectus reperiisset, qui lauactione à  
Ioanne institutâ abluti, CHRISTI nomen profite-  
rentur, an esset Spiritus sanctus, ignorare; eos na-  
mine Domini IESU ablui iussit: Et cum, inquit,  
imposuisset illis manus Paulus, uenit Spi-  
ritus sanctus super eos. Posthac, quem illi,  
precando manibusque porrigendis Spiritum san-  
ctum affluerunt: eundem Episcopi precatione, &  
sacrâ unctione, frontem signando, præbere con-  
sueuerunt. Nam Florentino Concilio declaratum  
est pro illo ritu, quæ manus porrigebantur, in Ec-  
clesiâ dari confirmationem. At enim in confirman-  
do

*do quæ sacra unctio adhibetur, tradidit Fabianus et Pontifex Maximus, et Martyr gloriosus, à CHRISTO Domino fuisse institutam. In illa die, inquit, Dominus IESVS, postquam cœnauit cum discipulis suis, & lauit pedes eorum, sicut à sanctis Apostolis maiores nostri acciperunt, nobisque reliquerunt, chrisma conficere docuit. Ipsa enim lauatio pedum nostrorum significat baptismum, quando sancti chrismatis unctione perficitur, atque confirmatur. Quare, ut soli Apostoli manus porrigebant, ita ad solos Episcopos, qui eorum in locum surrogantur, attinet unctionem consecrare; & ea, qui nomine IESU CHRISTI abluti fuerint, consignare. Nemo enim ex LXX. discipulis, quibus presbyteri dicuntur successisse, reperitur usquam manus porrexisse: ut dubitandum non sit carere presbyteros facultate confirmandi. Accedant, tanquam ueri præsidia, sanctissimorum auctorum testimonia: nimirum Pontificum Romanorum, & trium quidem Martyrum, qui pro glorioso CHRISTI nomine uitam profuderunt. Clementis, Omnibus festinandum est, ut sine mora Deo renascantur, ac demum ab Episcopo consignentur, id est septiformem gratiam Spiritus sancti accipiant. Nam, ut ille idem ait, Qui per aquam fuerit regeneratus, nec postea septiformi Spiritus sancti dono ab Episcopo confirmatus, perfectus esse Christianus nequaquam poterit,*

De chrismate  
 Fabianus  
 Papa

Clemens  
 Papa

Oratio sexta

nec sedem inter perfectos habere ; nisi necessitate , non incuria , aut uoluntate hoc minus sit assecutus : ut à beato Petro accepimus , ac cæteri sancti Apostoli præcipientes Domino docuerunt. *Vrbani* , Omnes fideles ab Episcopis manibus porrigendis Spiritum sanctum accipere debent : ut plenè Christiani inueniantur. quia , cum Spiritus sanctus infunditur , cor fidele ad prudentiam , & constantiam dilatatur. *Eusebii* ; Porrigendarum manuum sacramentum magna ueneratione tenendum : quod ab aliis perfici non potest , nisi à summis Sacerdotibus : nec tempore Apostolorum ab aliis , quam ab ipsis Apostolis legitur , aut scitur peractum esse : nec ab aliis , sicut iam dictum est , quam ab iis , qui illorum locum tenent , unquam perfici potest , aut fieri debet. Nam , si aliter præsumptum fuerit , irritum habetur , & uacuum : nec inter Ecclesiastica unquam reputabitur sacramenta. Totidem uerò eorum , qui illud idem præclarum diuinumque nomen adeò disertè sunt professi ; ut , si opus fuisset , pro eo mortè oppetere , nunquam recusassent. *Damasii* , Quod solis Apostolis , eorumque successoribus proprium sit officium tradendi Spiritus sancti , liber Actorum Apostolicorum docet , præsertim cum ex septuaginta Discipulis , quorum in Ecclesiâ præbyteri speciem gerunt , nemo legatur donum Spiritus sancti et manibus porrigendis , ut prædictum est , tradidisse.

Vrbani  
Papa.

Eusebii  
Papa.

Damasii  
Papa.

- ” prium sit officium tradendi Spiritus sancti , liber A-
- ” ctorum Apostolicorum docet , præsertim cum ex se-
- ” ptuaginta Discipulis , quorum in Ecclesiâ præbyte-
- ” ri speciem gerunt , nemo legatur donum Spiritus san-
- ” cti et manibus porrigendis , ut prædictum est , tradi-

disse.

disse. *Innocentij*, De cōsignandis uerò infanti- Innocentius  
Papa.  
 magnifestū est ab alio fieri, quā ab Episco-  
 po nō licere. Nam presbyteri, licet sint Sacer-  
 dotes: Pontificatus tamen apicem non ha-  
 bent. Hæc autem Pontificibus solis deberi,  
 ut uel consignent, uel Spiritum paracletum  
 tradant, non solum consuetudo Ecclesiastica  
 demonstrat, uerum & illa lectio Actorum A-  
 postolicorum; quæ asserit Petrum & Ioan-  
 nem esse missos, qui iam baptizatis Spiritum  
 sanctum traderent. Nam presbyteris, siue  
 extra Episcopum, siue præsentē Episcopo  
 cum baptizant, chrismate baptizatos unge-  
 re licet, sed quod ab Episcopo sit consecra-  
 tum: non tamen frontem eodem oleo signa-  
 re; quod solis debetur Episcopis, cum tra-  
 dunt Spiritum paracletum. *Leonis*, Nam, Leo  
ep. 86.  
 quamuis cum Episcopis plurima præbyte-  
 ris mysteriorum communis sit dispensatio:  
 quædam tamē auctoritate ueteris legis, quæ  
 dam nouæ, etiam Ecclesiasticis regulis sibi  
 prohibita nouerint; sicut Presbyterorum &  
 Diaconorum & Virginum consecratio: sic &  
 constitutio altaris, ac benedictio, uel unctio,  
 siquidem eis nec erigere altaria, nec Eccle-  
 sias uel altaria consecrare licet: nec manibus  
 porrigendis fidelibus, qui sint uel baptizan-  
 di, uel conuersi ex hæresi, paracletum Spi-  
 ritum tradere: nec chrisma conficere: nec

Oratio sexta

Concil. Hispalen.  
2.  
Conc. Constantinense.

chrismate baptizatorum frontes signare. *Accedat & auctoritas Hispalensis Concilij secundi, in quo hæc eadem repetita comperies: et Constantiensis, in quo illa impietas execratione conscissa est, quæ asserebat Pontificem Maximum, ceterosque Pontifices inueniunt confirmationem, clericorumque cooptationem, & locorum religiosorum consecrationem questus, honorisque causa sibi reseruasse. Acie sic instructa, subsidia comparentur: quæ, si res in angusto esse uideatur, sint submittenda.*

Subsidia.

Clem.

Ep. 1.

*Comparentur autem ex his, quæ præterea sanctissimi patres, eruditissimi que rerum diuinarum scriptores tradiderunt. Subsidant hæc igitur quasi Triarij milites; Clementis Pontificis Romani: Nullum etiam presbyterum in alicuius Episcopi parochia aliquid agere debere sine eius permisso Petrus docebat: sed & cunctos presbyteros propriis Episcopis in omnibus absque mora obedientes instituyente Domino esse debere. Ac paulò post, Ecclesiæ clauēs Episcopos esse dicebat. Ipsi enim habent potestatem claudere cælum; & aperire portas eius: quia clauēs cæli facti sunt. Admonere autem eos neminem debere docebat: quia oculi Domini sunt: & qui eos tangit, tangit pupillam oculi eius. Et alio loco, Episcopos iubebat Sacerdotes suos cunctosque reliquos Ecclesiæ ministros, atque omnem plebem sibi commissam uerbo diuino & mandato instruere;*

&

Matth. 16.  
Zach. 2.  
2. q. 7. Sacerdotes.



& dirigere: hosque omnes suos Episcopos tota animi uirtute diligere, ut oculos suos: quia oculi sunt illorum: eorum præceptis in omnibus obedire; etiam si aliter, quod absit, agant. *Ignatij Episcopi Antiocheni, quem Ioannes Apostolus habuit auditorem, cum ad Ephesios litteras ille dedisset*, Omnem itaque, quem mittit pater familias pro sua dispensatione, sic nos oportet suscipere, quemadmodum ipsum; qui mittit. Ergo Episcopum, sicut ipsum Dominum, oportet contemplari Domino assistentem: *Et cum ad Philadelphenses*, Principes subditi estote Cæsari, milites Principibus, diaconi presbyteris ut sacrorum administratoribus, presbyteri uerò, & diaconi, omnes clerici, simul & omnis populus, Principes, atque Cæsares obediant Episcopo, Episcopus autem CHRISTO. *Hieronymi; cum in Iovinianum inueheretur*: Super petram fundatur Ecclesia. licet id ipsum super omnes Apostolos alio loco fiat, & cuncti claues Regni cælorum accipiant, & ex æquo super eos Ecclesiæ fortitudo solidetur: tamen propterea inter duodecim unus eligitur, ut capite constituto schismatis tollatur occasio. *Augustini*, Nam, si in Petro non esset Ecclesiæ sacramentum, non ei diceret Dominus, Tibi dabo claues Regni cælorum; quæcunque solueris in

Ignatius  
Episcopus.

Hieronym.

August.  
Tract. 80.  
super Ioan.

## Oratio sexta

terra, soluta erunt & in cœlis: &, quæcunque ligaueris in terra, ligata erunt & in cœlis. Si hoc Petro tantum dictum est, non facit hoc Ecclesia. Sin autem in Ecclesia fit, ut quæ in terra ligantur, ligentur in cœlo; & quæ soluantur in terra, soluatur in cœlo: quia, cum excommunicat Ecclesia, in cœlo ligatur excommunicatus: cum reconciliatur ab Ecclesia, in cœlo soluitur reconciliatus. Si hoc ergo in Ecclesia fit: Petrus, quando clauces accepit, Ecclesiam sanctam significauit: scilicet in Petri persona significauit. *Leonis Magni, cum Rauennium Arelatensem Episcopum per litteras alloqueretur: Euge serue bone, & fidelis: quia super pauca fuisti fidelis, supra multa te constituam: intra in gaudium Domini tui. Quippe, ut supra diximus, seruus ille fidelis & prudens, cui pater familiars domum suam administrandam commisit, Episcopus est. Et in epistolâ, quam ille scripsit ad Theodorum Foroiulensem Antistite: Mediator enim Dei & hominum, Deus & homo CHRISTVS IESVS, hanc præpositis Ecclesiæ tradidit potestatem, ut & confitentibus satisfactionem pœnitentiæ daret, & eadem salubri satisfactione purgatos ad communionem sacramentorum per ianuam reconciliationis admitteret. Basilij, Nostrum est Episcopum petere, Domini uerò eum de signare. Et alio loco, cum exponeret uerba illa Esaiæ,*

Leo Magnus.

Basilij.  
Ad Neocæs.

*Esaiæ*, Institutam Iudices tuos, sicut prius. Tactis Regibus de Iudicibus meminit. Quoniam illa Iudicum Resp. liberior erat, & naturæ convenientior; cum populus suis legibus vivebat, Deumque solum agnoscebat. Status autem Regis ex imprudentia illorum profectus est. Quare oportebat, ut quibus beneficium cōferebat, beatiorum statū restitueret. Nimirum cum Remp. Christianam fundaret Dominus Deusque noster, ut Synagogæ Sacerdotes olim iudices dederat; ita Ecclesiæ regendæ Episcopos præfecit. Accedant & rationes summorum divinæ scripturæ interpretum armis protectæ. Nemini dubium erit Iudam à CHRISTO Domino Episcopum fuisse institutum, qui illud memoria repetierit, Et Episcopatum eius accipiat alter, quem in modum ab ipso Petro intelligatur. Quippe in Episcopiam dignitatem, quam cum à Domino Iudas proditor acceperat, abiecerat; alterum esse surrogandum. Qui discipulum, à quo proditus est, Episcopum fecit; ceteros Apostolos, qui pro se vitam profuderant, in eodem speculandi loco non posuit? Qui in locum proditoris Matthias successit, à quo susceptus est? nonne à Domino, si Chrysostomo, si Dionysio Areopagita, si ceteris omnibus locupletissimis testibus credere par est? Deum aiunt monstrasse, quem præferebat: Petrum, in quem erat electus, ei locum assignasse. Quid Paulus? nonne se à Domino id dignitatis potestatisque accepisse

PSAL. 108.

## Oratio sexta

se profitetur, quod ille Apostolis antea dederat? Pontificium id fuisse, quo se uel Petro parem esse declarat, Hieronymus, Ambrosius, & Chrysostomus planissime testificantur: nam ad Euangelij prædicandum, regentæque Ecclesiæ potestatem hoc ipsum referunt. Audiatur uerba Pauli ad Galathas scribentis:

Gal. 1.

Notum nobis facio, fratres, Euangelium, quod annuntiaturum est à me, non esse secundum hominem. Neque enim ego ab homine accepi illud, neque didici: sed per reuelationem IESU CHRISTI. Et paulò post, Mihi autem, qui uidebantur esse aliquid, nihil contulerunt. Audiantur, quæ eâ de re Hieronymus scripserit: Potest & oblique in Petrum,

Hierony.

& in cæteros dictum accipi, quod non ab Apostolis ei sit traditum Euangelium, sed ab ipso IESU CHRISTO, qui & illos Apostolos elegerit. Vnus atque idem, inquit, mihi

1. Pet. 1.

Gal. 2.

Euangelium præputii, & Petro circumcisionis credidit: me misit ad gentes: illum posuit in Iudæa. Quæ deinde Ambrosius, Nihil dicit se ab Apostolis consecutum: sed à Deo.

Ambros.

Gal. 2.

Qui enim operatus est Petro in Apostolatû circumcissionis, operatus est mihi in gentibus. Petrum solum sibi comparat: quia primatum ille accepit ad fundandam Ecclesiam: se quoque pari modo electum, ut primatum habeat in fundandis gentium Ecclesiis: ita tamē, ut & Petrus gentibus prædicaret, si causa fuisset

fec

set; & Paulus Iudæis. nam uterque inueni-  
 tur, utrunque fecisse. Sed tamen plena au-  
 ctoritas Petro Iudæis prædicandi data digno  
 scitur: Paulo perfecta auctoritas gentibus  
 prædicandi. *Quæ denique Chrysostomus;* Iam se Chrysost.  
 cæteris honore parem ostendit. Nec se reli-  
 quis illis, sed ipsi summo comparat declarâs;  
 quod horum unusquisque parem sortitus sit  
 dignitatem. quam à Deo, non ab homini-  
 bus ei datam esse testatur Lucas. Ministran- A. 2. 13.  
 tibus, *inquit*, illis Domino ac ieiunantibus,  
 dixit Spiritus sanctus, segregate mihi Sau-  
 lum & Barnabam in opus, ad quod assum-  
 pli eos. . . *Ac, non multò post*, Et ipsi quidem  
 missi à Spiritu sancto abierunt: *Accipiantur*  
*& quæ deinde ille idem Chrysostomus; cum locum* Chrysost.  
*illum Epistolæ prioris, quæ ad Corynthios scripta* 1. Cor.  
*est, exponeret.* Nam, si ampliùs aliquid gloria-  
 tus fuero de potestate nostra, quam dedit no-  
 bis Dominus in ædificationem, & non in de-  
 structionem uestram, non erubescam. Au-  
 fert, *inquit*, ea quæ impediunt; &, quæ noxia  
 sunt, amouet; & uera ad ædificationem com-  
 ponit. quippe hoc munus Episcopi est uim  
 gubernandi habentis, *Et quæ, cum alterius hæc* 2. Cor. 11.  
*uerba, Existimo me nihil fecisse minùs, quàm*  
*magnos Apostolos, explicaret:* Non iam, *in-*  
*quit*, cum illis, sed cum Petro, ac cæteris se  
 comparat. *Non enim dixit, Nihil me ampliùs*  
locuti

## Oratio sexta

locuti sunt Apostoli. Sed quomodo? Arbitror sic. Puto nihilo minorem me esse eximiis Apostolis. Non sanè dixisset Paulus se egregijs Apostolis esse nihilo inferiorem existimare, nisi illi à Deo omnem Episcopiam potestatem accepissent: quam si ab homine habuissent, meritò se ijs præferre potuisset. Quare uidetis, quàm totà errent uia, qui Apostolos à Petro, non à Deo, asserere audent Episcopos fuisse institutos. Cùm autem Paulus, qui à Spiritu sancto missus esset, à CHRISTO Domino se missum ait; euidentissimè ostendit, ut docet Chrysostomus, Filij eandem esse, atque Spiritus potestatem: quemadmodum teste Hieronymo, quæ Patris est, eandem esse Filij diuinitatem; cùm CHRISTO in literis ad Galathas datis attribuat, quæ alio loco Deum Patrem impertiuisse testificatur. Alios, inquit, posuit Deus in Ecclesia primo Apostolos, secundo Prophetas, tertio Doctores; & quæ sequuntur, Immo uerò, cùm in illà eadem Epistolà se Euangelium accepisse per reuelationem IESU CHRISTI dixisset: paulò post, Placuit, inquit, ei, qui me segregauit ex utero matris meæ, & uocauit per gratiam suā, ut reuelaret filiū suum in me, ut annunciarē illum in gentibus. Quia uerò, quod Dei munus est, quod opus Patris, & Filij, & Spiritus sancti; impudentis, stultique esset, hominum cuiquam id tribuere; desinant aduersarij negare, à Domino Episcopos & institui, & uim omnem Pontificiam habere. Quamobrem cùm

Domi-

Gal. 1:  
2. Cor. 12.

Gal. 1.

*Dominus Deusque noster IESVS CHRISTVS statuisse, quemadmodum suâ præsentia, cum inter homines uitam ageret, Ecclesiam regebat, eius mysteria dispensabat, Antistites instituebat; sic postquam è conspectu mortalium omnium esset discessurus, Ecclesiæ spiritu suo se perpetuo esse adfuturum, Episcoposque rectores, mysteriorumque ministros daturum; principio diuini sui spiritus editâ clarâque uoce hoc ipsum declarauit, Segregate, inquit, mihi Saulum & Barnabam in opus, ad quod eos assumpsi; Vt posthac cum instituerentur Antistites, Ecclesiæque præficerentur; à se institui, præficique crederentur: affirmante Augustino temporibus Apostolorum manibus porrigendis, Spiritum sanctum, qui sub sensum oculorum caderet, dari consuesse; ut deinde, cum manus porrigerentur, etsi non aspectabilem se præberet, tribui tamen pro certo haberemus. Spiritus sancti uerba illa cum exponeret Cyprianus, Spiritus sanctus, inquit, declarat suum esse Episcopos ponere ad Ecclesiam regendam, atque ad opus: quod, quale sit Paulus ipse exponit, nempe opus ministrandi, opus bonum. Audite, quæ Latinorum ut uetustissimus, ita clarissimus id genus scriptorum Tertulianus de Spiritu sancto, quem CHRISTI Vicarium uocat, tradidit. Hic est, inquit, qui Prophetas in Ecclesia constituit, magistros erudit, linguas dirigit, uirtutes ac sanitates facit, opera mirabilia*

August.

Cyprianus.

Tertullian.

lia

## Oratio sexta

lia gerit, discretionēs spirituum porrigit, gu-  
 bernationes cōtribuit, cōcilia suggerit, quæ  
 que alia sunt charismatum dona, componit,  
 & digerit: & ideo Ecclesiā Domini undique  
 & in omnibus perfectā, & consumatam facit.  
 Quid luce clari⁹ dici potuisset ad ostēdendū Ecclesiæ  
 Rectoribus à spiritu diuino uim tribui gubernandi?  
 Audite et, quæ Basilius: Spiritus sanctus est, qui  
 distribuit, filius qui mittit, fons & auctor pa-  
 ter. Et planè intelligatis nec Dei min⁹ esse Episco-  
 pias potestates deferre; quā, quæ non sunt, creare,  
 et efficere, quod uis naturæ non potest; nec plus hoc,  
 quā illud, sibi assumere homini licere. Postremò  
 ad agmen subsidiorum ex scholis educatur Aquina-  
 nas ille, quo nihil doctius, nihilque sanctius habet  
 Theologia. Ille enim in his, quæ scripsit contra Gen-  
 tes; & in his, quæ in præfatione, cum Pauli lite-  
 ras ad Timotheum explicaret, docuit à CHRISTO  
 discipulis sic delatam esse curam, & potestatem,  
 ut ad eos, qui subsequuturi essent, deriuaret; nempe  
 ad Ecclesiam edificandam; ut perpetuanda omnino  
 sit, quandiu edificari Ecclesiam oportuerit. Quis au-  
 tem dubitat nondum edificari desuisse, nec ante-  
 quā rerum uniuersitas finem habeat, desituram.  
 Atque, cum munera diuina, quæ à CHRISTO  
 Domino proficiuntur, aspectabilibus quibusdam si-  
 gnis deferantur, par etiam fuisse, ut aspectabilem  
 quendam in modum, quippe manibus porrigendis,  
 ut illa cœlestis præberetur. Et alio loco, tametsi ad  
uerum

D. Thom.  
 l. cōtra gē.  
 4. c. 74.

Gap. 76.



uerum natiuumque CHRISTI corpus consecran-  
 dum non plus Episcopo, quam cuius Sacerdoti sit  
 potestatis: ad regendum tamen cætum Christianum  
 longè hunc illo esse præstantiorem: cum Sacerdos ef-  
 se nemo possit, qui ab Episcopo non cooptetur, nec  
 res ulla magni ponderis in Ecclesiâ sit agenda, quæ  
 ei non reſeruetur: quippe cum sine eius auctoritate  
 nihil, quod eiusmodi sit, exequi possit Sacerdos: ac  
 perspectum esse, uim Christiani populi gubernandi  
 ad Episcopiam dignitatem attinere: & , quemad-  
 modum oportet in aliquâ Ecclesiâ unum esse Episco-  
 pum, qui toti illi, ut caput omnium, præſideat; ne-  
 cesse item esse, ut in Ecclesiâ uniuersâ unus sit Prin-  
 ceps, qui præſit. Quare, si comparatio uera est, quo  
 iure, & qua potestate uniuersæ Ecclesiæ Pontifex  
 Romanus; Ecclesiæ suæ Episcopus præponitur. Nec  
 præteream, quæ in opusculo XIX. is idem literis  
 mandauit. Cum enim rationem afferret, cur Epis-  
 copus in eos, qui parochio subiecti sunt, proximam  
 habet uim iuris dicendi; non item Archiepiscopus,  
 in quos Episcopo ius est; Sacerdotis ait potestatem  
 & lege naturæ, & iure diuino Episcopo subiectam  
 esse: quandoquidem, ut Dionysius docet, si cum Epis-  
 copiâ potestate conferatur, sit illa imperfecta. In  
 Episcopum uerò Ecclesiasticâ institutione Archiepis-  
 copum ius habere: ut non ullâ aliâ in re huic ille su-  
 biiciatur, nisi in qua Ecclesiâ statuerit: at Episcopo  
 Sacerdos, in quem ei iure diuino potestas est, nullâ  
 non in re parere cogatur. Nec sanè secus, illum in  
 eos,

## Oratio sexta

eos, qui sibi subiunguntur, ac summum Pontificem  
 in omnes Christianos, proximam iurisdictionem ob  
 tinere. Quid præterea memorem? an, quæ ille idem  
 tradidit in opere illo diuino, ac nunquam satis lau-  
 dato, quam Summam appellauit, cum Episcopos  
 Apostolorum successores uocat; Episcopiam pote-  
 statem ait & iurisdictione præditam esse, & or-  
 dinis dignitate; & si multò maior est, qua Pon-  
 tificex Maximus præstat, eiusdem tamen generis ha-  
 beri; quæ Sacerdotis est, & generis diuersi, & lon-  
 ge inferiorem? Aut, cum de sententiâ Dionysii con-  
 cludit Episcopos esse in optimo perfectoque statu; pro-  
 pterea quòd, cum Episcopium munus, quod pastora-  
 le officium uocant, suscipiunt, earum rerum se obli-  
 gatione deninciunt, quæ ad perfectionem spectant; in  
 quibus id recensetur, ut pro diuibus suis uitam pone-  
 re debeant. Hanc obligationem dicit ab Apostolo bo-  
 nam professionem appellari: cum Timotheus id esset  
 in conspectu multorum testium professus, dum mani-  
 bus porrigendis in Episcoporum ordinem ab eo coopta-  
 retur. Nam adhiberi ad id profitendum ait solen-  
 nem quandam consecrationem, ut interpres commo-  
 nefecit, cum exposuit illud, Resuscita donum Dei,  
 quod in te est, cum ego manus porrexissem:  
 & diuus Dionysius, qui docuit, cum Episcopus initia-  
 tur, super eius caput diuina effata imponi, ad signi-  
 ficandum participem illum esse integræ, totiusque  
 Hierarchiæ potestatis. An, quæ cum de materia  
 rerum omnium multa dixerit: nempe in statu perfe-  
 cto

In Addit. ad  
 1. q. xl.

1. 1. q. 184.  
 art. 5.

2. Tim. 1.  
 Glossa.

In quol. 1.  
 q. vii. ar. 14

Et haudquaquam alium, nisi Episcopum collocari: qui solenni ac religioso ritu, cum sacra initiâque traduntur, animarum curationem sumit: parochis delegari potius quædam officia, quam aliquem perfectionis locum assignari. De potestate autem gubernandi, quæ in acie princeps presbyteris opponitur, cum alio loco multa differuerim, hoc etiam nonnulla attigerim, id non puto esse prætermittendum; quod ita apta nexaque est cum Episcopi dignitate; ut, quamuis ei facultas iuris dicendi à Pontifice Romano deferatur, non sit, quò minus diuinâ lege muniatur. Cum enim dubitandum non sit à CHRISTO Episcopos esse institutos, ut quas, custodiendas oues susceperint, pascant; quem populum erudiendum sumperint, doceant; quæ sibi Ecclesia delata fuerit, regant; intelligere non possum eos hanc potestatem à Deo cum dignitate non proximè habuisse eò, quòd præfecturam; in qua munere suo fungi possint, à Pontifice Maximo accipiant. Ac, tametsi à Deo non proximè habetur, propterea quòd eam tribuit Pontifex Romanus: non tamen sequitur, ut non sit diuino iure communita. At contra, qui Episcopos à Deo potestatem iuris dicendi insciantur habuisse, quæ presbyteris sint iure diuino superiores, exercitum instruunt. Atque ad dextrum quidem cornu, quod nos in acie collocauimus, id opponunt: quod satis sit, quæ data sunt ad significandum, ijs aliquâ ex parte, quæ significata sunt, respondere. Erant enim in ueteri testamento ceremoniæ: sunt & in nouo,

Quæ aduersarij obui-  
ciant.

T non

non sanè rationis eiusdem . Erat in illo Sacrificium :  
 est & in hoc ; sed generis diuersi . Erat in illo Sacer-  
 dotium , quod Pontificem Maximum , minoresque  
 Sacerdotes comprehendebat : est etiam in hoc eo-  
 dem , in quo Romanum Pontificem , ut eius princi-  
 pem , habemus ; presbyteros , ut Sacerdotes , minore  
 dignitate insignes . Atque in eo quidem profectò  
 satis est Pontificem Romanum geminâ potestate , &  
 quæ ordinis dicitur , & quæ iurisdictionis , pollere ;  
 cæteros , cum longè inferiores sint , non utique oportet . Nam , ut alijs præsent presbyteris , nihil aliud  
 requiritur , quàm ius illud ; quod ordinem , di-  
 gnitatēque consequitur . Vnum præterea dicunt ,  
 nempe Petrum , à CHRISTO Domino fuisse Epi-  
 scopum institutum : uni illi potestatem omnem regen-  
 dæ Ecclesiæ delatam . quippe cui soli dictum sit ,  
 ut pasceret oues suas : A Petro in cæteros Aposto-  
 los quicquid est & dignitatis , & potestatis Episco-  
 piæ , tanquàm à fonte , deriuasse . Pro hac sententiâ  
 qui pugnent , Anacletū , Leonem Magnum , Innocen-  
 tium III . Pontifices Romanos , eosque summâ præ-  
 ditos auctoritate ; Cyprianum et Augustinū sanctis-  
 simos doctissimosque Antistites in aciem proferre  
 nituntur . Recusant illi ueritatis acerrimi defenso-  
 res ex eâ parte pugnare : cum id , quod sibi attri-  
 buitur , nunquàm sensisse fateantur . Quæ nam sint ,  
 quæ putatis Anacletum ex uestrà sententiâ di-  
 xisse ? Hierosolymis primum Archiepiscopum Iacô-  
 bum fratrem Domini , qui Iustus uocabatur , à  
 tribus

Obiicitur.  
 Anaclet.  
 Ep. 2.

tribus Apostolis fuisse institutum. Id facile rejiceret, qui Archiepiscopos à Petro atque ab Apostolis, non Episcopos initium assereret habuisse. At Maximus ille Pontifex de Consecratione Pontificis, cui quidem aliqua Ecclesia gubernanda assignaretur, uerba faciebat; ut doceret, quando primum ratio consecrandi sit instituta, & in quo primo cæpta sit seruari. nimirum in Iacobo fratre Domini, cum ei Hierosolymitana Ecclesiæ curatio in distributione provinciarum ac regionum; in quas Apostoli iussu Domini Deique nostri ad Euangelium prædicandum ituri essent, obtigisset. Sacerdotum, ille inquit, ordo bipartitus est. Nempe Episcoporum & presbyterorum. Et sicut Dominus illū constituit, à nemine debet perturbari. Declarat deinde, quo pacto bipartitus ille ordo à Domino fuerit constitutus, ut supra accepistis. Et alio loco, cum de Apostolorum Pontificiâ potestate loqueretur: Qui etiam iubente Domino in toto orbe dispersi Euangelium prædicauerunt: ipsis quoque decedentibus, in locum eorum successerunt Episcopi. Apostolorum, ut Episcoporum, proprium priuatique munus erat Euangelium prædicare: qui essent adiumento ad hoc idem exequendum alij discipuli, tanquam presbyteri, asciti sunt. Neque enim rectè dicerentur Episcopi in locum Apostolorum successisse, nisi in Episcopiâ potestate surrogati fuissent. Quamobrem, cum Apostoli Episcopi essent à Domino

Refutatur.

146

## Oratio sexta

mino instituti, ut hominis cooptatione haud ququam egerent: tamen, ut in aliquo eorum, quæ in Episcopo consecrando ratio tenenda esset, ostenderetur, Iacobum, qui Hierosolymitanam Ecclesiam regendam sumpserat, elegerunt; in qua inciperet servari; et ijs, qui subsequuturi essent consecrationis exemplum daretur. Ac iure optimo id Hierosolymis: cum unde lex Evangelij ortum habuisset, inde initium quoque eorum, qui Euangelium essent predicaturi, consecratio duceret. Id plane Anacletum insinuasse, considerate, ac recte eius uerba obseruanti perspectum erit. An non erant Episcopi Iacobus, et Ioannes, qui Petro socij collegæ quæ in eo consecrando fuerunt. Nisi est, qui putet secus, atque Apostoli tradiderunt, in consecrando etiam, qui non sint Episcopi, adhiberi, at nusquam reperiens eos ab hominibus aliquo in Episcoporum collegium cooptatos. Quocirca, quod ait Chrysostomus, meritò probatur, fratrem Domini, quem Deus Pontificem instituerat, non esse ab Apostolis denuò in Pontificij ordine ascriptum, sed in Pontificij sede Hierosolymitanæ Ecclesiæ summam cum dignitate, ritumque nouo collocatum, quem Græcè ἐπίσκοπον appellant. Ex quo fit, ut, quod ipse Anacletus non prætermisit, dubitadum non sit Iacobum fratrem Domini, qui Episcopus à CHRISTO fuerat institutus, ab Apostolis atque à Petro Archiepiscopum Hierosolymitanum, qui eius regionis Episcopis præesset, fuisse constitutum. Deus enim unum Archiepiscopum, quippe Petrum, qui uniuersæ Ecclesiæ præsideret, instituit.

Chrysoft.

Is, ut alio loco dicemus, cum ubique adesse nequirit, consilio cæterorum Apostolorum adhibito, institutum legemque de Patriarchis, & Archiepiscopis, quorum primus extitit frater Domini, constituendis promulgavit. Proferre et alia in medium, videlicet eundem Anacletum tradidisse in nouo testamento post CHRISTVM Dominum à Petro Episcopium ordinem inceptum esse: cum ille primus in Ecclesiâ CHRISTI Pontificatum accepisset. quippe cui dictum esset à Domino per vulgatum illud, Tu es Petrus. Itaque illum primum à Domino ligandi, solvendi que potestatem habuisse: primum ad fidem populum Euangelio prædicando adduxisse. Deinde Leonem Magnum dixisse, Pontificij muneris mysterium ita Dominum ad omnium Apostolorum officium attinere voluisse, ut in beatissimo Petro omnium Apostolorum summo id præcipue collocaret; ut ab eo quasi quodam capite dona sua velut in corpus omne diffunderet; ut se extorem, ac de mysterio diuino eiectionem intelligeret, qui auderet à Petri soliditate recedere: cum ad participandum quod unum est, & quidem individuum, et adeo uocaret, ut, quod ipse erat, insisteret appellari: quippe saxum illud, quo Ecclesia fundatur. Ac magnam profecto, & incredibilem huic viro sanctissimo gratiam apud Deum fuisse, et mirificam cum eo diuine potestatis consortionem: ut quicquid illi ipsi committere cum cæteris uoluit esse principibus, id sanè nunquam nisi per eundem ipsum dederit.

Obiiciuntur  
Anaclet.  
Ep. 2.

Leo.  
Ep. LXXX  
VII. ad  
Ep. Gallos.

Singula

# Oratio sexta

**Leo. ix.** rit. Tum Leonem **ix.** Non sine causâ speciatim no-  
**Innoc. iii.** minatimque beato Petro Apostolorum principi  
 dictum esse, Tu es Petrus. Innocentium prætereâ  
 iii. Ligandi solvendi que potestatem non accepisse  
 Apostolas sine Petro: accepisse autem Petrum sine  
 illis: ut, quod non alij sine ipso, ipse sine alijs ex pri-  
 vilegio possit obire: cum sibi uni à Domino tributa  
 esset plenitudo potestatis. Iam uerò Cyprianum,  
 Vnum Pontificatum, eumque indiuiduum esse: cu-  
 ius quidem à singulis pars integra, solida que tene-  
 tur. Ecclesiam quoque unam, quæ incrementò for-  
 titudinis latius extenditur: quemadmodum solis  
 multi quidem radij sunt; sed lumen unum: rami ar-  
 boris permulti; sed robur unum tenaci radice fun-  
 datum: & cum de fonte uno plurimi, defluunt ri-  
 ui; multitudo licet diffusa uideatur exundantis co-  
 piæ largitate; id quod unum est in ipsâ origine serua-  
 tur. Auelle, inquit, Radium solis à corpore: di-  
 uisionem lucis id, quod unum est, non ca-  
 pit. Abscinderamum ab arbore: germinare  
 abscissus non potest. Hunc eundem auctorem  
 scripsisse, Super unâ à Domino Ecclesiam edificari:  
 & postquam resurrexit, licet Apostolis omnibus  
 eandem dederit potestatem: tamen, ut quod unum  
 est declararet, eiusdem unius originem ab uno inci-  
 pientem suâ auctoritate constituisse. Postremò Au-  
 gustinum, Nemini dubium esse, quin sedis Apo-  
 stolice principatus ante quodcunque Episcopium  
 munus sit ponendum; atque in hoc ipso munere Pon-  
 tificem

August.



tificem Romanum antecellere, summoque in fastigio  
 speculæ pastoralis eminere. Addite & illud Cyril-  
 li, Nulli profectò alij, quàm Petro, quod suum  
 est, CHRISTVM plenè commississe: id om-  
 ne ei soli dedisse. An non meritò ij, recusant pro ue-  
 strâ sententiâ certare? Quid nam ex eorum iudicio  
 profertis, quo non omnem Episcopis Ecclesiæ regen-  
 dæ potestatem à Domino Deoque nostro delatam es-  
 se concludatis? Num quis eorum asserit, quod quis-  
 quam nostrum inficietur? Nos cum Anacleto profi-  
 temur Pontificem Romanum esse Principem Episco-  
 porum, primarium summumque in Ecclesia Ponti-  
 ficatum obtinere: cum Petro succedat, qui princeps  
 fuit Apostolorum, primus in Ecclesiâ Pontifica-  
 tum accepit, primus ligandi solvendi que potesta-  
 tem habuit, primus denique, qui nondum crede-  
 bant, ad credendū Evangelio peruulgando adduxit;  
 cum Leone, cum ceteris omnibus hunc ipsum unum  
 universæ Ecclesiæ caput esse; in hoc uno Pontificium  
 munus ita præcipue collocari, ita ab eo in reliquum  
 omne corpus vim diuinam diffundi, ut qui ab eo re-  
 cedat, id omne, quod erat cōsecutus, amittat. Quem-  
 admodum palmites tantisper pubescunt, dum in uite  
 manet; rami uirescunt, dū in arbore; mēbra uigent,  
 suūque munus obire possunt, dum in corpore; di-  
 uellas palmites, excindas ramos, continuò arescant;  
 abscindas membra, statim emoriantur, oporteat: ita  
 Antistites tantisper vim habet officiij fungendi, dum  
 in Ecclesiâ permanent: discedunt ab eâ, ius omne  
 T 4 abijciant.

Cyrillus.

Refutatur.

Vide Ep.  
LXXXVII.  
Leonis ad  
Episc.  
Gallos.

311. 1. 1. 1. 1.

abijciant. Hoc fuit sanctissimorum Pontificum propositum: ad hoc vires dicendi conferebant; ut ostenderent, Ecclesiam membrum esse nequire, qui caput relinquat, & quod unum est in ea; à capite proficisci. In eos inuehuntur, qui à Romanâ Ecclesiâ desciscunt: cum eius auctoritatem contemnere uideantur. Quid est, quod Cyprianus, & Augustinus insinuare noluerunt: cum in Ecclesiâ, quod unum est, in Petro significari tradiderunt? cum ei soli dixit Dominus, ut pasceret oves suas, ut acciperet claves Regni cœlestis: Ecclesiâ dixisse, propterea quod in hoc uno Ecclesiam, quæ una est, præmonstraret? Hanc esse sacerdotum matrem, hanc cœlestium donorum fontem, hanc lucis diuinæ solem? cum Petrus ipsam uniuersam Ecclesiam repræsentet, in eum quoque hæc omnia conuenire. quidnam aliud, inquam, planè insinuare uoluerunt? nempe tantisper Sacerdotes in sancto cœtu mansuros esse, dum coniuncti cum eius capite fuerint: multum abest, ut à Deo muneræ eis deferri negauerint. Quid est, quo corpus humanum uiuit? nimirum Anima. Quid est, quod vires & uniuersæ illi, & singulis partibus tribuit? Anima. Quid est, quod & in hoc ipso toto, & in quaque eius particula residet? Anima. Sed, quamuis ita in corpore, & uniuersæ & sigillatim resideat; in capite tamen, tanquam in arce, dicitur domicilium tenere: ut ab eo vires diffundi in reliquum corpus omne uideantur. Haud secus, quo Ecclesia uiuit, CHRISTI spiritus est, qui nim illi eundem

in

in modum præbet; qui item in eâ permanet; qui in Apostolico folio, tanquam in capite, præcipue sedet; diuinas indè uirtutes mittere in reliqua membra dicitur: quemadmodum in arbore uis naturæ ab radice ramis id omne, quo illi uigent, & frondescent, subministrat; de fontanis aquæ emet- gentis fluuios derivat; lux de globo solis radios ef- fundit, ex quo fit, ut quem in modum capite abscis- so, reliquum omne corpus intereat, oportet prædix excisâ arbor tota in nihilum occidat; fonte exsicca- to, aqua omnis exarescat; solis globo obscurato lumen omne euanescat: ita, si sedes Apostolica (quod omen Deus auertat) caderet, totum Ecclesiæ ædifi- cium corrueret, non contrâ, Ecclesiæ uniuersæ iactura fieret, siquæ pars periret: ut neque corpo- ris, siquod membrum amputaretur; neq; arboris, si ramus aliquis excinderetur; nec aquæ totiùs, si riuus lus aliquis arefceret; nec solis, si quis radius deficeret. Quamobrem hæc comparationes non sanè id sibi uolunt, ut Antistites à Deo potestatem regendæ Eccle- siæ non accipiant, sed, ut nunquàm habituri sint, si à capite deficiant; si Apostolica sedis auctoritas desit. Qui comparationem Ecclesiæ cum humano cor- pore obseruauerit; planissimè perspectum habuerit, ita suum cuique membro officium tribui; ut à capite non defluat; sed capiti propriam esse uiam inuier- si corporis regendi: corpus tum bene habere; cum suo quæque pars fungitur officio; quod alterius est, sibi non asciscit. Ac, ne quis hæc me fingere arbi- tretur,

- Leo Magnus. Ep. LXXXII. **Leo Magnus.** **Obiicitur.** **Refutatur.** **Dionysius Papa.**
- retrahitur; memoria, queso, repetatur; quae dedit Leo Magnus. Anastasio Thessalonitenſi Episcopo precepta; quae scripsit Nonus, qui nos unum corpus animae, unumque spiritum esse, ut in spem unam vocati sumus, ad ostendendum in uno corpore multa esse membra (quod Paulus multo ante docuerat) hac singula suam ita officium obtinere; ut se inter se, aliterque alterius sibi minus assumere nitantur; corporis compositione perturbetur. uidelicet iure optimo Pontifices Romani reprehendebant tum quia, quod est sedis Apostolicae, sibi arrogabant; tum etiam, qui ab ea deficiebant; & quod in Ecclesia uirum, unumque confessione constringitur, rescindere conabantur. At instant adhuc opponere Christianissimos Duces, nempe Nicolaum, & Dionysium Pontifices Maximos: cum illo teste asserant omnes dioceses a sede Apostolica fuisse constitutas: ab hoc parochias omnes distributas, certisque finibus descriptas. Sed quantum, si plane id eis assentiamur, non utrique sequatur, ut Episcopi a Deo minus instituti sint: non tamen putamus id esse concedendum; quod satis mirari non possumus doctissimi iuris interpretes affirmare ueritos non esse: Nam Dionysius non Pontificum dioceses, sed Sacerdotum parochias; non in toto orbe terrarum, sed in Romanam Ecclesiam se statuisse profitetur. Consueti Severo Episcopo Cordubensi respondet, sequendum esse, quod ipse tum egerat in Ecclesia Romana: hanc normam ei, ceterisque omnibus Episcopis tenendam. Hortatur; ut, quod sibi
- scribi.

scribitur, ad quocunque poterit, deferat: ut hoc ipsum generatim, non sanè speciatim nominatimque præceptum sit. Nicolaus id innuit, quod nos etiam contendimus, sedis Apostolicæ auctoritate Pontificias omnes præfecturas esse institutas: cum Petrus, cæterique Apostoli, ut docuit Anacletus, Domino iubente, inter se provincias, regionesque distribuissent, ut cuique assignaretur, quam quisque regendam suscipere, in qua Evangelium acceperint, CHRISTI que nomine censerentur, in Pontificias diœceses, descripsissent, nomina Aristitum distinxissent; quæ quisque in civitate præficiendus esset, qua consecratione addicendus, constituissem. Hanc regulam Apostolicæ auctoritate institutam, cum omnis Ecclesia recepisset, atque servaret: rectè dixit Maximus ille Pontifex eruditissimus, observantissimusque Romanæ maiestatis, à sede Apostolicâ diœceses omnes fuisse constitutas. quippe qui planè sciret à Petro institutionem illam præcipuè, tanquam à capite, manasse. Unus enim ordo Episcoporum à CHRISTO Domino institutus est: unus omnibus Princeps datus; qui eorum controuersias dirimeret, causas iudicaret, omnibus de rebus, rationibusque decideret, quem Sacerdotes appellarent, cuius fidem implorarent, qui denique prospiceret, ut universa Ecclesia, & singulæ diœceses rectè administrarentur; nimirum Petrus, & quisquis esset ei successurus. Is, cum ita se hominem esse agnouisset, ut animadverteret, nec se posse ubique interesse, nec qui

Nicolaus  
Papa.

qui Româ longiffimè abeffent, ut eò vocarentur, compellere oportere; confilio cæterorum Apoftolorum adhibito, præfefturas maiores defcripfit, inftituitque præfeftos, qui ita præfiderent, ut in ijs nim suam obtinerent: nempe tum quos Archiepifcopos uocant, ut Sacerdotes, ad quos ab Epifcopis appellarent, haberent: tum quos Patriarchas, ut ne Epifcopis, ad quos ab Archiepifcopis male accepti confugerent, deeffent. Nec dubitandum eft, quin fedes Apoftolica maiores omnes præfefturas conftituerit, & quæ una illas conftituendi ita ius retinuerit, ut nunquam alteri id impertierit. Ac de ijs puto Nicolaum uerba feciffe: cum Ecclefia Conftantinopolitana, quod erat Romana, fibi afciscere non uereretur: Pontificias autem fedes mihi compertum non eft omnes à Pontifice Maximo pofitas fuiffe: quinimmo, ut diximus, Cledens à Petro, qui fibi fuccederet, electus, cum ad Iacobum fratrem Domini scriberet, admonuit, qui in Oriente præfidebant, ut Epifcopos cooptarent; & suam cuique ciuitatem, ad quam nondum quisquam à Petro miffus fuerat, assignaret: quemadmodum ipfe creârat, atque creaturus effer, quos in Italiam, in Gallias, in Hispanias, in Germaniam, in alias regiones ad regendam Ecclefiam mitteret. Ex quo fit, ut dubitare nequeamus Ecclefiam Romanam Epifcopi foli collocandi potestatem non adeo fibi refervaffe, ut Patriarchis neque Epifcopos cooptare, neque diœceſes inftituere, neque inftitutas diftribuire liceret: immo uerò id tan-

diu licuisse, quandiu neque à capite disiuncti sunt, neque ab Ecclesiæ corpore abscissi. Illud porro existimo, querendum esse, quod ego, quidem nondum compertum habeo, an Pontifex Maximus ad Episcopos unquam scripserit; quos esse, ut Episcopos, dixerit, in laboris partem, non in plenitudinem potestatis accitos. Patriarchas ille, & Archiepiscopos admonere consuevit, ne sibi plus, quam oporteret, arrogarent. Cum usque adeo muneris sui participes eos effecisset, dum ad sedem Apostolicam, in qua una totius Ecclesiæ regendæ summa plenæque potestas à CHRISTO Domino sit collocata, confugere cuique fas esset. Eius ut uniuersæ Ecclesiæ rectoris est providere, ut alio loco diximus, nec ubi Domini ouibus desit, qui eas bene pascat; ad se confugientes excipere; se appellantes audire; prospicere, nequid detrimenti accipiant; optimis consultis uniuersæ Ecclesiæ consulere; non cuiusque loci præsesturam speciatim administrare: uni Ecclesiæ Romanæ speciatim præficitur. huius propriè priuatimque curationem, ut Romanus Episcopus, sumit: uniuersè ac generatim totius Christiani cætus. Quamobrem Pontifex Romanus nunquam fuit se uniuersalem Episcopum appellari, non sanè quòd uniuersa præsidem Ecclesiæ se uel à CHRISTO institutum ignoraret, uel haberi nollet; sed ne omnium Ecclesiarum, in quas cætus omnis Christianus diuisus esset, unus esse Episcopus uideretur; ac, ne quod cuique Domini iussu deferendum est, id omne sibi assumere putaretur

V. Leo. Ep.  
LXXXII.

Leo Non.

retur. Neque inficiamur Episcopos in partem laboris uocari, non eius quidem, qui in Pontificem Maximum conuenit, ut uniuersæ Ecclesiæ administratorem (huius, ut diximus, Patriarchæ, atque Archiepiscopi participes sunt) sed certè illius, qui Episcopis omnibus impertitur: cum sua cuique præfectura tribuitur, in qua dumtaxat Episcopia omnia, quæ Deus constituit, munia rectè exequatur. Munus ipsum Episcopium integrum, totumque ex diuinâ institutione partitè ac distinctè in suâ cuique diœcesi præbetur: sed pars laboris dicetur, non modò si singulæ diœceses cum uniuersæ Ecclesiæ administratione conferentur: uerùm etiam si attendemus, totius Ecclesiæ suam cuique partem assignari. Nec uerò arbitror in ueterum monumentis, quem iam pridem Episcopos eligendi, confirmandique morem seruat Ecclesia Romana, reperiri: cum per multos annos id in usu fuisset, qui in partem hæreditatis à Domino uocati essent, populi suffragijs adscitis, Antistitem eligerent, electum Metropolitano Episcopo consecrandum repræsentarent. Iam nõ modò Leonis, & Gregorij, ac Nicolai; sed & Innocentij III temporibus confirmandi Episcopi potestatem Metropolitano fuisse, perspectum erit legenti, quæ ille scripsit ad acta Archiepiscopi Duronensis rescindenda; qui Episcopum electum à collegio Sacerdotum, à se confirmatum, ab Ecclesiâ Abricensi in Andega uensem præter morem, præterquæ sedis Apostolicæ auctoritatem transulisset. Nec inficior electionem  
illam



illam Antistitum olim seruatum esse, & concessu  
 Domini Dei que nostri, ut tradidit Anacletus, &  
 sedis Apostolicæ permissu. At plane affirmo, qui  
 eoritu illâ etate cooptabantur, ueros Pontifices ex-  
 titisse: qui nunc præter morem ab Ecclesia Romanâ  
 & institutum, & seruatum, aut sine eius au-  
 thoritate designarentur; uanos esse, falsaque  
 Episcopos appellari. Nec dubito Ecclesiam, ipsum-  
 que Pontificem Maximum moris uariandi, mutan-  
 dique uim habere. Cum autem moris mutatio rem  
 ipsam neutiquam mutet, consuetudo in Episcopo  
 creando mutata id casu non erit, quæ minus a Deo,  
 ut memoriâ maiorum nostrorum, ita nunc & insti-  
 tuatur, & Episcopias potestates accipiat; quemad-  
 modum in Epulo CHRISTI Domini, ritus non  
 semel mutatus rem ipsam nunquam mutauit, ne to-  
 tuescerentur CHRISTO, qui ad sacrum illud con-  
 uuiuium accederent. Quamobrem, quod obijcitur,  
 facile in fugam uerti potest. Nemo non asserit, quan-  
 quam Pontifex Romanus Episcopus est Ecclesiæ to-  
 tius, atque uniuerso præsidet orbi Christianorum;  
 tamen, ut ille speciatim in propriâ quidem Romanâ  
 diœcesi: ita in suâ singulos Episcopos utraq; fungi  
 potestate diuinitus delatâ: quippe cum omnes Eccle-  
 siasticæ præfecturæ ita CHRISTI Domini iussu  
 constitutæ sint, ut in quaque sint Sacerdotes, & qui  
 in sortem diuinæ hereditatis uocantur, & qui ijs om-  
 nibus præficitur ad Ecclesiam in eâ parte regendam,  
 atque ad ius dicendum, ne dum ministros in illa pro  
 pagan-

pagandos: Nec uero inficiari quisquam potest, a  
 CHRISTO Apostolos fuisse institutos, qui Eccle-  
 sia praeessent; alios discipulos, qui illis essent adiu-  
 mento, & parerent: atque ita Ecclesiam fundatam;  
 ut in ea, quos ille ordines, quas potestates consti-  
 tuisset, nunquam non seruarentur. Quapropter nul-  
 la est diocesis, in qua iidem illi ordines, eadem il-  
 lae potestates retinendae non sint. nimirum ut quaeque  
 habeat, qui praesideat; habeat & qui pareant, ad  
 domum CHRISTI aedificandam. Ad alterum cor-  
 nu ita se opponunt, ut Episcopos in Apostolorum lo-  
 cum successores illos quidem esse fateantur: sed non sa-  
 ne in omni munere substitutos: cum illi uim efficien-  
 di, quae in miraculis percensentur, haberent, malos  
 Daemonas eieciendi, morbos sanandi, quae de ipso  
 Deo, atque de CHRISTO tenenda essent, decer-  
 nendi; in toto denique orbe terrarum Ecclesiae re-  
 genda: quam Episcopis datam esse, nemo cui mens  
 quidem sana sit, affirmare potest. An non leuiora,  
 hebetioraque haec tela sunt, quam quibus plagam in-  
 fligi posse metuamus? Nam metuenda essent; si cui  
 potestati Apostolicae, quae Episcopia non esset, E-  
 piscopi successisse dicerentur. Cum autem non idem  
 sit Regnum Dei gubernare, quod parare ac stabilire  
 Apostolis, ut illud compararent; et communirent,  
 Diuina munera, quae nobis obieciuntur, impertita  
 sunt: ut gubernarent, quae Pontificia uocantur. At-  
 que in his Episcopos surrogatos esse, quae ad guber-  
 nandam Ecclesiam spectarent, profiteamur: non sane  
 in

Obiicitur.

Refutatur.

in cætu Christianorum uniuerso; quod uni Petro, ut summo CHRISTI Vicario nominatim, cæteris Apostolis generatim, prærogatiua quadam datum esse accepimus; sed quenque in certâ ac definitâ præfecturâ, quæ sibi fuerit delata. Nec uerò, qui Petrum subsequuntur, Presides Romani in aliâ potestate præterquam in sede Apostolicâ tenendâ, atque in Ecclesiâ uniuersâ gubernandâ; & in rerum earum, quæ Christianam fidem attingunt, declaratione surrogantur. At instare pergunt propterea; quòd, si tantundem Episcopi potestatis in regendâ diœcesi, atque Apostoli, nati sunt; id nec illis adimere unquam Pontifex Romanus, nec minui re potuisset: Quid tum? An non uel Apostolis uim illam amplissimam gubernandi, siquando abuti eâ cepissent, detrudere quiuisset? Nec uerò, qui in Petri locum successerunt, eam antè represserunt, quàm Episcopi præuaricandi, subque munere ad quæstum atque ad libidinem abutendi initium fecissent. eâ enim lege potestas Pontifici Maximo data est pecoris pascendi, ut ipse totum Dei Regnum administraret: in partem autem administrationis, cum amplissimum regnum futurum esset; alios, qui ut Pontifices, CHRISTI que Vicarij regerent, quemadmodum dictum est, uocaret; iusque illorum, siquando eos regendi potestate non rectè uti animaduertaret, cohiberet: errantes autem castigaret; atque in eos censoriam animaduersionem adhiberet. Nam, ubi sine ratione id unquam esset molitus, non est du-

Obiicitur.

Refutatur.

## Oratio sexta

Obiicitur.

bium, quin seuerum Dei iudicium eâ de re illi subeundum fuisset: cùm omnis eius administratio ex hac pendeat lege: quasi maxima eius potestas libera, solutâque esset; ut Reges suis præfêctis libere, ut libet, ac sine ullâ iuris offensione uim administrandi uel amplificant, uel restringunt; ut ille idem ijs, quos ipse legat: ita Episcopis, quam Deus constituit, facultatem gubernandi non iustam ob causam reprimeret; non utique peccaret. Ad rebur militum, quod in medio positum est, repellendum uires omnes obijciunt. Principiò sumit, quod ex Deo nō proficiscitur *quod*, id omne iure diuino haud quam teneri: non planè omnia, quæ sacræ monumentis scripturæ tradita sunt, ad hoc ius referri oportere: non quæ in documentis, haud quaquam in præceptis recensentur: cuiusmodi esse dicunt, Vade, uende omnia, & da pauperibus, & sequere me. Non quæ ipsi suo iudicio Apostoli probant: ut, De uirginibus præceptum Domini non habeo, consilium autem do: non quæ de iudicijs, non quæ de ceremonijs constituit Moses, non quam tulit legem: non ea denique, de quibus Prophetæ commonefaciunt; ut, Agnosce uultum pecoris tui, & quibus in malos pastores Ezechielis inuehitur. Deinde assumunt potestatem Ecclesiæ gubernandæ non *quod* Episcopis à Deo cōmitti; cùm Pontifex Maximus hunc, illum Episcopum instituat; huic, illi; hanc, illam tribuat præfêcturam; hoc, illo loco; hoc, illa tempore deferat pascendi, custodiendique

diendique Christiani gregis facultatem. *Tostremo* concludunt, Ecclesiastico iure, non divino Ecclesiæ gubernandæ, quam habent Episcopi, potestatem teneri. Nam, quam ordinis potestatem appellant, concedunt, Episcopis dari à CHRISTO, & ad ius diuinum attinere. An putatis hæc esse arma, ut Poeta comminiscuntur, Vulcania; quorum uis nequeat perfringi? Quidnam omnino est ipsum *ἀπέδος* ex Aristotele arreptum? Nonne id ualet, tum quod Latine Proximè, cui contrarium est ipsum Remotè: tum quod Primum atque Præcipuè; cui, quod est Secundò loco, opponitur? Vtram in significationem id accipiant, uerum est, quod sumunt: quod assumunt falsum omnino. Num potestatis Ecclesiasticæ gubernandæ Deus uel remota, uel non præcipua causa est? Quisnam præter illum ipsum tã diuinæ ac tam præclaræ facultatis auctor esse potest? Quicquid enim est supra hominum naturam, supraque omnem uim caelestem, id ab uno potest fonte Deo manare. quippe qui unus dona hominibus, ut à Paulo didicimus, dederit; quorum alij essent Apostoli, alij Prophetæ, partim Euangelij Præcones, partim Pastores et Doctores. Num ut Pastores, ac Doctores dicerentur: non ut pastoralis munere, docendique officio fungerentur? Quid tandem est pastoralis curatio? nonne Ecclesiæ gubernatio? Quid docendi officium? an non rectè & Christianè uiuendi rationem ostendere ad gloriam sempiternam? Hæc monstrat, illa perficit: hæc dat præcepta, illa iubet seruari: hæc legè

Refutatur.

V 2 declarat,

## Oratio sexta

*declarat: illa lege agit ad regendum. Num quis Ecclesiam regere potest, qui uim iuris dicendi non sit consecutus? Quapropter ita apta, nexaque est cum Episcopi dignitate potestas gubernandi; ut, quauis ei facultas iuris dicendi à Pórtifice Romano deferatur; non sit, quò minùs diuinà lege muniatur. Cùm enim uel, qui contradicunt, asserant à CHRISTO Episcopos esse institutos, ut quas custodiendas oues suscepèrint, pascant: quem populum erudiendū sumpserint, doceant: quæ sibi Ecclesia delata fuerit, regât: intelligere non possum eos hanc potestatem à Deo cū dignitate non proximè præcipuèque habuisse, eò quòd præfectura, in qua munere suo fungi possit, à Pontifice Maximo, uti summo, & CHRISTI Vicario, & administratore, accipiant. Nunquàm enim Pontifex Romanus id sibi assumpsit, ut Deum non auctorem, se non administrum, & in Ecclesiâ gubernandâ, & in quacunque Episcopîâ dignitate deferendâ appellauerit. Nunquod dignitatis multum habens munus unquàm fuit sine p̄sidentendi, regendique potestate? An non definitur dignitas, ut sit honesta auctoritas, quam & cultu & honore, & uerecundiâ dignam existimemus? Dignitas potestatis expers, quam maiestatem, quam amplitudinem habuerit? Iam Leoni illi Magno dignitas idem est, atque potestas. Audite, quæ beatissimus Pontifex dixit, cùm de corporis mystici compositione atque cõsensione loqueretur: Hæc connexio totius quidem corporis unanimitatem requirit; sed præci-*

Leo Magnus.  
 Ep. LXXXII.

præcipuè exigit concordia Sacetdōtum; quibus & si dignitas non sit communis: est tamen ordo generalis. Quoniam inter beatissimos Apostolos in similitudine honoris fuit quædam discretio potestatis; &, cum omnium par esset electio; uni tamen datum est, ut cæteris præmineret. *Vnus enim, idemque Episcoporum ordo cum sit, una eademque potestas, quam ordinis uocant; de regendi potestate, qua inter se ij discernuntur, Maximus ille Antistes uerba faciebat.* Hanc dignitatem non omnibus communem, sed qua alij plus, alij minus ualeant, appellabat: quam alio loco diuinitus datam esse fatetur; neque ab Apostolicâ sede Ecclesiis, Ecclesiarumque Sacerdotibus derogari. Quid? cum reprehenderet Hilarium Episcopum, qui ius Metropolitanorum sibi uendicaret; nonne ius illud dignitatem nuncupauit? At nobis, inquit, ipsum *ἀπὸ τοῦ* id significat, quod per se primò, ac sine ullâ causâ administrâ. Si uerbum hoc ita accipiendum est, inficiamur, quod sumunt. quandoquidem, etiam si à Deo non proximè hæc potestas, de qua certamus, haberetur; propterea quòd à Pontifice Romano, ut Reip. totius Christianæ administratore, tribuatur; non sequeretur, ut non sit diuino iure uallata. Nam, si eam ob causam id sequeretur; cum Deus in Ecclesiâ nihil agat sine causâ administrante, consequens sanè esset, ut quod ius diuinum attingeret, comperiretur in eâ profecto nihil. An non sacerdotis administra-

Ep. LXXXVII.

Obiicitur.

Refutatur.

## Oratio sexta

tione, ut alio loco abundè ostendimus, se ipsum Deo  
 Patri CHRISTVS offert? suis ad uescendum præ-  
 bet? qui ad credendum accedunt, sanctè abluit?  
 qui peccata confitentur, absoluit? Episcopi manu  
 atque precatione diuina dona impertit? ablutos con-  
 signat? quæ religiosa sunt, qui se Deo ad famulan-  
 dum addicunt, consecrat? ministros sacris ini-  
 tiat? Nec ad absoluendum Sacerdotis operâ ute-  
 retur, nisi ille uel à suo Pontifice, uel à Romano, cu-  
 ius in cætu Christiano & summa & princeps aucto-  
 ritas est, facultatem suæ potestatis fungendæ acce-  
 pissent. Neq; satis id mirari possum, quo suâ isti opina-  
 tionè comprobare nituntur; cum, quâ Israelitanis legē  
 Moses dedit, ex iure diuino eximunt, eò quòd Dei  
 nomine cælestis eam nuncius, non ipse Deus, diser-  
 tis uerbis tulisset; dux ille Israelitanus, non ipse  
 Deus dedisset: Nunquid in ueteri testamento, quod  
 in ius diuinum sit coniiciendum, reperiēs; si nihil ad  
 id attineat, quod Deus per alios sit effatus? Quis  
 unquàm Deum uidit? quis unquàm audiuit loquen-  
 tem? De cælo ille nuncium mittebat; qui, quæ ipse  
 iuberet, exponeret: spiritu suo uates excitabat, at-  
 que ad effandum permouebat. In nouo quid eiusmo-  
 di haberemus? Vix admittendum esset, quod Domi-  
 nus noster IESVS CHRISTVS edocuit. quippe  
 ipse nihil monumentis literarum mandauit; disci-  
 puli, quæ ad nos omnia peruenerunt, tum tradide-  
 runt memoriter, tum in scriptis reliquerunt. Quæ  
 Petrus, quæ Paulus, quæ Ioannes, quæ cæteri

Apo-



*Apostoli perscripserunt, nihil quod ad diuinam legem spectaret, continerent. quippe quæ illi, non Deus ore suo, quamuis Dei spiritu incitati, literis prodiderint. Quæ de fide sacrosancta concilia statuerunt, ab hoc ipso iure abhorrent. At non, quia* Obiicitur.

*sator hominum, repertor, & genitor dicitur Deus, homines ipse gignit. est enim prima causa ille quidem; sed uniuersalis, cuius nutu, & ope omnia generantur. Nam sol & homo, quod Philosophi docent, generant hominem: quia uero ille quidem generalis auctor est generationis uniuersæ, hic proprius humanæ; hic, non ille propriè hominem dicitur procreare. Agnosco, Patres amplissimi, cauillationes; agnosco fallacias, quibus, qui id argumentantur, uos capere nituntur. Sed in re tam seriâ non esset profectò cauillandum. Neque enim persuasum habeo eos latere, non eâdem ratione earum rerum, quas ipse creat, atque illarum, quæ ab alijs causis ortum habent, Deum effectorem esse. Nam principîo, cùm hominem totum sine ullâ materiâ, ac sine ullâ causâ adiuuante procreasset; uim naturæ dedit, quæ sub sensum cadunt, generandi: animi uerò creandi potestati ita sibi reseruauit; ut nunquàm eum sit creaturus, nisi illa materiam ad capiendum præparauerit. itaque illa corpus animo, quem Deus per se creat, circundat, quo is probè uti possit. Ex quo fit, ut exterioris pater hominis homo sit; auctore quidem sanè Deo, ut generali causâ: interioris autem ipse Deus omnino, ut proprius præcipuusque* Refutatur.

V 4 creator,

## Oratio sexta

creator; at non sine operâ naturæ, quæ illi ad uellendum animum corpusculum parat. cum autem animum creat, ut diuinâ exornat intelligendi; quæ eius naturam, ac dignitatem ijs nodis apta, nexaque consequitur; ut nunquam eâ carere possit ille quidem, sed non sanè uti, dum est in corpore inclusus, sine earum partium adminiculis, quæ sibi à naturâ extrinsecus ad utendum affinguntur. Quamobrem, etsi in rerum generatione generalis auctor Deus est, quo uolente, atque opitulante, & uim præbente omnia planè oriuntur: in creando tamen, quod aliunde originem ducere non potest, ipse proxima principalisque causa est. Quid in Christiano gignendo, cum homo ex aquâ, & Spiritu sancto generatur iterumque dicitur nasci? nonne homo ad lauationem materiam comparat, mysterij formulam in ablundo adhibet à CHRISTO institutam; eâ prolatâ, Deus uim præbet, qua interiùs homo innouatur? Ita Pontifex Romanus Episcopum eligit, electumue confirmat, consecrat, consecrandumue curat ad partem aliquam Ecclesiæ regendam. Deus illi, cum initiat, Pontificiam & dignitatem, & potestatem regendi interiùs tribuit; qua iure diuino, ut Pontifex & præsideat, & gubernet. Quam Deus uim ei præbet, Pontifex Maximus, ut CHRISTI Vicarius, ad præfecturam aliquam Ecclesiasticam applicat. quasi materiam, ut adminiculum animo natura, ita illi eam ad munus Episcopium fungendum impertit; additque ius Ecclesiasticum, quo ad uim suam

suam utendam ille iure suo diuino uti possit. Quocir-  
 ca desinant tandem adeò parui Episcopos facere, ut  
 Deum non aliter eorum, atque cæterarum omnium  
 rerum esse effectorem asserere minimè uereantur; ac  
 tantundem in hos ipsos curæ, cogitationis que diui-  
 næ, quantum in cornos, atque in pecudes deriuare.  
 Quippe dat iumentis escam, ut ait *Vates*, & pul-  
 lis cornuorum se inuocantibus. quasi, qui Deo con-  
 secrantur, Antistites nibilo pluris ab eo, quàm cæ-  
 teræ animantes ducantur; nihil diuinitus accipiant,  
 quod sibi cum ijs non sit commune. Nec uerò urget,  
 quod deindè sumunt, non omnia, quæ sacris literis  
 prodita sunt, ad ius diuinum attinere. nam satis est  
 nobis hoc ipsum, quod agimus, ut alia permulta,  
 ad illud ipsum spectare. Quæ uerò ad confirmandum,  
 quod sumpserunt, inducunt; cùm iam alio loco sint  
 à nobis confutata; acta non sunt agenda. Nam,  
 quod huic, illi; hanc, illam Ecclesiæ partem regen-  
 dam deferat: id certè Dei mandato exequitur. At,  
 si Ecclesiæ gubernatio non esset à Deo constituta, nec  
 ex diuinâ institutione huic, illi Episcopo à Pontifice  
 Romano committeretur; concederem ad ius diuinum  
 eam non esse referendam. At qui Episcopo electo, non  
 dum consecrato iurisdictionem ille desert: ut confi-  
 tendum sit non ui consecrationis eam deferri. Quid  
 tum? an non illa, ut Episcopo, ei desertur? Nam  
 esto, interdum munus regendi delegetur: cùm ex po-  
 testate illâ amplissimâ Maximus Antistes id possit,  
 cui uelit, delegare; non sanè quidem ut Pontificium  
 tribuatur.

Obiicitur.

Refutatur.

Obiicitur.

Refutatur.

## Oratio sexta

tribuat<sup>ur</sup>. Neque enim, cui libuerit, nisi Episcopo, id ille detulerit Dei mandato; qui præcepit, ut Episcopos in Ecclesiâ ad gubernandum constitueret. At

**Obiicitur.** Innocentius III. Episcopo ritè electo, & comprobato, ait Episcopiam illam dignitatem, quam consecrando assequitur, nihil addere ad officium Ecclesiæ regendæ obeundum: cum pontificiâ præditus interdum sit dignitate, qui nulli Ecclesiæ præsideat; ut, qui cum præfecturam abdicat, onere deposito,

**Refutatur.** honorem custodit. An non sanctissimus, doctissimusque ille Pontifex Maximus Episcopo electo ui coniugij, quo Ecclesiam, qui eligit, ei coniungit, ut primùm id fuerit confirmatum, asserit Ecclesiæ administrationem delatum iri? & meritò, cum Spiritus sanctus connubium illud Episcopi, & Ecclesiæ coniugauerit. Quemadmodum enim, cum primùm maris cum fæminâ coniugium initum fuerit, uiro in uxorem parta erit potestas: ita, ut primùm Episcopus Ecclesiæ diuini spiritus uinculo coniunctus fuerit, ius in eam, imperiūque adipiscatur, oportuerit. Qua propter Episcopo, ut primùm eius, & Ecclesiæ connubium fuerit coniugatum, diuino iure uim tribui

**Obiicitur.** gubernandi asseratis, necesse est. At, inquirunt, id asserendum esse inficiamur, eligentis, & eius, qui eligitur consensu, quam regendi potestatem diuini-

**Refutatur.** tūs dari contenditis, deferri. Atqui id facile concesserint, si animaduuerit, quæ eodē loco ille idē sūmus Pōtifex de coniugio attigit. Cum enim corporeū maris, et fæminæ connubium, quod animarum consensio

ne coniungatur, cū eo, quod spiritus est in Episcopo cū Ecclesiā coniungendo, cōpararet: eo nunculo utrumque dixit à Deo coniungi; quod sanè in neutro nisi ille idē solvere quisquā possit. quippe cū aded cōsensus hominū ad cælestia dona capiendā requiratur, ut, si virgo Dei mater à salutarī illo nūcio assensū cohibuisset, neq; coniugiū naturæ diuinæ cū humanā consecutū esset, neque salutis nostræ primordium, uirginalis & conceptus, & satus ille, quem nemo satis potest admirari. Nec uerò, nisi assentiretur, qui religiosè, abluatur, ex aquā, & spiritu unquā renascetur. Idque non sanè, quod suapte uī assensus hoc ipsum molitur: sed quod superueniat spiritus, & uigor ille sanctus; Deique uis ingens, & mirifica obumbret. Qui spiritus, quæ uis diuina (sic Deo placitum est) nisi assensus hominis accesserit, aderit profectò nunquā. Quapropter ex diuino instituto, ut, quamuis homines connubia coniungant, uinculo tamen cælesti connectuntur: quamuis homo abluat, homo ablui se assentiatur; spiritus tamē sancti aduentu lauatio sanctè perficitur: ita, quamuis homo Episcopum nominet, eligat, comprobet; homo se nominari, eligi, probari uelit; Deus tamen illum uī suā mirum in modum Ecclesiæ coniungit: & uerò haud secus atque consecrat; quam in eo consecrando administer adhibeatur. Quid igitur Episcopo proficit consecratio, si potest non dum consecratus Ecclesiam administrare? At, nisi intra tempus ab Ecclesiā præstitutum consecratur;

Obiicitur.

## Oratio sexta

**Refutatur.** tur; *ius, quod electus comprobatusque fuerat asse-*  
*entus, amittat. Electio & comprobatio connubium*  
*illud connectit: consecratio consumat, ut pontificia*  
*munera Episcopus rite possit obire. sicut, quem pec-*  
*casse uehementer pœnituerit, id planè consequetur;*  
*ut, quicquid erratum est, sibi remittatur: modò &*  
*statuat se ad diem indictam esse iudicium Sacerdotis*  
*de peccatis subiturum; & subeat, ubi dies constitu-*  
*ta adfuerit. Item, qui eligitur, & approbatur, non*  
*est dubium, quin diuino uinculo Ecclesiæ coniuge-*  
*tur: dummodo ad præscriptum tempus constituat*  
*se consecratum iri: ac, ni consecratur, intelligat e-*  
*lectionem, approbationemque illam nihil sibi post-*  
*hac iure ipso ad connubium fruendum ualere. Nam,*  
*tametsi dominus consecrâdi tempus non præstituit,*  
*ut ne confitendi quidem peccata: consecrandum ta-*  
*men Episcopum esse; ut peccata confitenda omnino:*  
*iussit: cùm autem id Ecclesiâ præfinierit, ut Dei præ-*  
*ceptum seruetur; si nec proponat, qui Episcopus de*  
*signatur, hoc sibi esse custodiendum; nec ad diem*  
*constitutam obeat: non est profectò, ut sibi Eccle-*  
*siam coniugio copulatam arbitretur. Quamobrem,*  
*ut primùm Episcopus ad aliquam præfecturam su-*  
*mendam designatus fuerit, Pontificiam potestatem*  
*gubernandi à Deo susceperit. Ac fatendum est, id*  
*omne extra ius diuinum haud quaquàm poni oport-*  
*tere; nec uim ullam omnino argumentationem eo-*  
*rum, qui contradicunt, habere. At plerique omnes*  
*scholastici doctores, in quibus recensentur. Diuus Tho-*

mas,

mas, & beatus Bonaventura; qui, ut in numero eorum, quos iam pridem Sanctos appellamus, ab Ecclesiâ ponuntur, & doctissimi scriptores habentur; ita cum priscis illis, quorum, & auctoritas permagna est, & fama admodum illustris, tum doctrinâ, tum sanctitate conferri possunt: scholastici doctores, inquâ, ferè omnes à Pontifice Romano tanquàm à fonte omnem Ecclesiasticam potestatem permanare dixerunt. Qui uerò spiritu Dei ducuntur, eundem sensum habere existimemus, oportet: etiam si uerbis dissentire uideantur. Atqui spiritu eodem cum incitentur eruditissimi sanctissimique Patres, eandemque demum in sententiam eant; in aciem, quam nos instruimus, omnes accipiantur, necesse est. Quippe qui Leonis Magni, cuius sententiam supra exposuimus, secuti, ut Pontificum omnium Principem, Ecclesiæque præsidem uniuersæ Romanum Antistitem, ac diuinorum mysteriorum, celestiumque munerum primarium administratorem, per quem cæteri omnes eorum participes fiunt, esse profitentur: sic auctorem CHRISTVM, à quo hæc omnia proficiuntur, agnoscunt; & quæ ille constituit, iure diuino stabiliunt. Nec uerò unquàm crediderim eos sinere ex nostrâ in eorum aciem se deductum iri. Nam illi de Ecclesiæ administratione, quam Dei mandato Episcopis eorum princeps tribuit, loquuntur: Is enim unus, cum uniuersi cætus Christiani gubernationem à Domino accepisset, cæteris, prout ille præceperat, impertit: qui

Refutatur.

## Oratio sexta

qui cū potestatem iuris dicendi, uimque gubernandi, dum initiarentur, à CHRISTO sumpsissent, ipsam siue iurisdictionem, siue Ecclesiæ administrationem non delegatam illam quidem, sed ordinatā à Pontifice Romano, aut potius per eum à Deo suscipiunt. Ac Leo Magnus, quem ij sequuntur, ut diximus, ad Episcopos Galliæ scribit de fide illā Petri, qua is meruit non modò Antistitum omnium esse caput, sed & id, quod ipse erat CHRISTVS nominari; nimirum Lapis, super quē ille esset Ecclesiam suam edificaturus: ut, qui mysterij diuini partem habere uellet, ne à firmitate earum rerum discederet, quas ille idem Petrus tenendas esse docuerat. Atque hanc ipsam Pontificiam potestatem, de qua nunc agitur, non semel is idem Pontifex Maximus, ut Magistratum Latini scriptores, dignitatem appellat, eāque diuinam: ac presertim in eādem Epistolā, ut dictum est, cū Hilarius Episcopus sibi plus, quā liceret, assumeret. Nam, ut illum reprehenderet, ostendens quā ipse, ut decebat, summi præsidis personam gereret, Nostra, inquit, cura non sua quærens; sed quæ sunt CHRISTI, dignitatem diuinitus datam nec Ecclesiis, nec Ecclesiarum Sacerdotibus abrogabat. Episcopos, Sacerdotes Ecclesiarum uocat. Quamobrem, qui CHRISTVM fontem munerum Ecclesiasticorum nuncuparet, Petrum fluium ab eo manantem, Episcopos riuos, in quos flumen ad Ecclesiam irrigandam deducitur, à nero fortasse neutiquā



quàm aberraret: cùm à CHRISTO per Petrum ad Episcopos illa permanere dicantur. Vt mirandum non sit Petrum etiam fontem nominari: quando, ut primum fons ille patere cæpit, ex eo hic fluuius prodijt, quod caput aquarum cùm sit, fons, quoque dici solet. quæ enim in fonte aquæ includuntur, ex eo quamprimùm erumpere uidentur. Vt CHRISTVS mons quidem sit, fontem habens interiùs inclusum, qui saxo percussò, cùm primum cæptus est aperiri, fontem Petrum protulit sub oculos cadentem. Is adeò permagno fluuiò perlabitur, ut in plures amnes deductus uniuersum terrarum orbem pererret, cætùmque irriget omnem Christianum. Ac, ne quis miretur fontem, qui ipse CHRISTVS est, Petrum appellari: cùm ille ipse lapidem, qui ipse erat, eum dici uoluerit: et, qui ipse uerè est, non modò illum ipsum, uerùm etiam quicumque suum pecus pascendum sumeret, pastorem, & esse & uocari statuerit. An, cùm ita Resp. Christiana ordinata sit, ita fons ille emergat, ita flumen labatur; aquæ illæ à Deo non manant? ad Deum originem suam non referunt? diuinæ non sunt dicendæ? Quàm ridiculum est, quòd aiunt, uerbis illis, Quæcunque alligaueritis super terram, erunt ligata & in cælo. quæcunque solueritis super terram, erunt soluta, & in cælo: Apostolis promissam, non datam esse, & alligandi, & absoluendi potestatem. Cùm enim hoc idem uni Petro antea dixisset, omnes diuinæ scripturæ explanatores promissam, non datam

Obiecta refutancur.

## Oratio sexta

datam exponunt : esto, promiserit tum Petro; non dederit, quod se daturum dixisset. At hoc loco Petro; ceterisque Apostolis aperte se indicat dedisse. cum pronunciatum esset, tumque quoddam illud sit; quod, quamuis in posterum dirigatur, enuntiandi tamen nim dilucide habeat. Amen, inquit, dico vobis. An dicere eo loco non est dare potestatem? An non ipsam Amen; quod sequitur, affirmat?

At esto, promittatur. An Deus non stat promissis? an is est, qui, quæ pollicetur, non soluat? an Apostolorum quisquam; uno, qui Dominum prodidit, excepto, meruit, ne promissa consequeretur? At uni Petro, quod fuerat promissum, disertis postea datum legitur verbis: nempe illi uni promissæ sunt claves Regni cælestis; cum se illi uni eas daturum dixit: datæ, cum illum unum iussit pascere oves suas.

**Refutatur.** An non testimonijs luculentissimis sanctissimorum doctissimorumque Patrum ostensum est, et si unum Petrum Dominus alloquebatur, quod tamen uni promissum, datumque est, Apostolis omnibus promissum, datumque esse? sed, quare uni, iam late explicatum est. haud quenquam uelim repetitâ occidere Crambe. Nimirum, non ut unus gubernaret: sed planè, ut unus uniuersæ Ecclesiæ præesset. Iam uerò Apostolis datum est, quod esse promissum aiunt: cum eos accipere Spiritum sanctum iussisset.

**Obiicitur.** Quid eorum primipilus? An, inquit, Hæreticus dicar, si ad neutram clauem iurisdictionem spectare affirmem. At inficiari non poterit, si in hac sententia

tentia

tentiâ permanferit, se in quadam hæresi uersari, quæ Refutatur.  
 à communi opinione, ac potius ab omnium consen-  
 sione, qui de uicinijs scripserunt, recedit, cum  
 eâ potestates omnino omnes à Domino Deoque no-  
 stro Apostolorum Principi datas complectantur.

Itaque desperanti similis uidetur, qui in pertinaciâ  
 suæ opinionis obfirmatus, cum eam se tueri pos-  
 se minimè confidat, negat, quod nondum cuiquam  
 dubium fuit: ut obsequi uoluntati suæ, quàm ratio-  
 nem sequi malit. At, si diceret non omnem clauium Obiicitur.  
 potestatem in Episcopos conuenire, libentissimo qui  
 dem animo assentiremur. Sed quæ ad iudicandum at-  
 tinent, atque ad Ecclesiam alicuius loci regendam,

& minores dici solent potestates; eò quòd pastoralis  
 munere comprehenduntur, non est quod ab Episco-  
 copiâ dignitate seiungantur. Neque enim Pontifex Refutatur  
 Romanus, ut unus ipse Domini oues pascat, ut fuit  
 uniuersi cætus Christiani pastor institutus: uerùm  
 ut alios quoque pastores ad pascendum adhibeat.

Quod adeò ei mandatum est; ut, si minùs Episco-  
 pos creârit, qui in regendâ Ecclesiâ sibi socij partici-  
 pèsque essent, ut nos exposuimus, laboris, pluri-  
 mum ille peccaret. Quamobrem, cum Dei manda-  
 to Antistes cooptentur, iniuriâ sanè à iure diuino  
 eorum potestates eximuntur; etiâ si non proximè à  
 CHRISTO proueniant. At instant adhuc oppone-  
 re Aquinatem, cum dixerit potestatem iurisdicen-  
 di simplici hominis iussu deferri, eamque mutari pos-  
 se. An putant eruditissimum Doctorem, eundem-

## Oratio sexta

Refutatur.  
Opusc.  
XI X. C. 4.

que sanctissimum sibi non constare? quippe qui plane docuerit, ut diximus, Episcopo cum sacra, initiisque traduntur, animorum curationem, quæ sine iurisdictione esse nequit, præberi: in Sacerdotes, & lege naturæ, & iure diuino illum potestatem habere: nec aliter in eos, qui sibi subiunguntur, ac summum Pontificem in omnes Christianos, proximam uim iurisdicendi obtinere: atque alio loco, cum declararet, quanto parochis Episcopi sunt excellentiores; hos regibus, illos præfectis comparauerit. Quemadmodum enim ex ijs, qui rerum in terris potiuntur, ait Regem solum solenni quodam ritu in regali folio collocari: ceteris simplici delegatione imperium dari: ita in Ecclesiâ, religiosâ consecratione Episcopo dumtaxat Pontificiam administrationem deferri; parochis puro quodam mandato curationem committi. Quamobrem, cum Doctor ille & eruditione & sanctitate insignis de duplici Episcopi potestate loqueretur; & quo inter se differrent, esset expositurus; ac naturam utriusque perpenderet, quam mysticam, sacramque ipse appellat: dixit suapte ui nunquam sine consecratione deferri; alteram, quæ iurisdictionem attingit, uel simplici hominis iussu committi: cum sua hæc natura id ferat, ut possit à summo Pontifice, cui quidem ille uelit, delegari. Et uerò eam iurisdicendi facultatem intelligit, quæ præfecturam ipsam Ecclesiasticam consequitur. Cum enim ad Pontificem Maximum attingat huius, illi; hanc, illam diœcesim assignare: eiusdem

iusdem quoque est iurisdictionem, qua in eâ regenda usus sit, præbere. At uim illam iurisdicendi, & gubernandi, quæ cum dignitate pontificiâ coniuncta est, neque mysticam sacramque esse inficiatur, neque in consecrando haberi. Atque ei, qui à corpore Ecclesiæ sit abscissus, & à capite disiunctus, utranque superesse quidem assentitur, sed facultatem ritè utendi auferri. Id autem interesse; quòd, si quid is illâ potestate, quanquàm non rectè, exequitur, ualet: quod hac, non ualet, propterea quod non modò illa interiùs mystica est, uerùm & extrâ eius item usus ad mysterium spectat: hæc, etsi consecratione accipitur, eius quidem utendi facultas ad sacrum non attinet, sed tota ab hominis dumtaxat pendet uoluntate ad gubernandi munus obeundum. Itaque Episcopo ius in Ecclesiam regendam docuit Aquinas à Deo proximè deferri: facultatem iuris utendi uel simplici puròque hominis mandato committi. Quam nos iurisdicendi facultatem nuncupamus, alij subiectam ad ius dicendum materiam appellant, in qua Episcopi potestas uersari possit. Nimirùm Pontifex Maximus Ecclesiam alicuius loci Dei mandato sub eius ditionem subiungit, in qua Pontificali iure uti queat. eam cum ipse dederit, si iusta suberit causa, ad Ecclesiæ utilitatem auferre omnino potest: potestatem gubernandi, iudicandique diuinitus datam, non potest; quamuis merentem iure queat, ne illâ utatur, cohibere. Quare uim nullam habet, quod obicitur; si à Deo pote-

stas iurisdicendi habeatur, nihil esse, cum adimi-  
 tur iurisdicatio, quod minus, si illa utatur. Antistes,  
 quod molitur, assequatur: quemadmodum assequitur,  
 cum initiat, aut consecrat, aut consignat, etiam  
 si peccet: quia Pontifici Maximo prohibenti non pa-  
 ret. Nam constat in his, quae accidunt, id recense-  
 ri; non sane in his, quae rei uim internam per se  
 attingunt. Materia potestati subiecta cum demi-  
 tur, deest, in quo ea possit exequi uim suam. Demi-  
 tur, cum ita officitur, ut uim eius capere nequeat. Ignis  
 nunquam se in ligna immittet, nisi illa sint apta, af-  
 fectaque ad suscipiendum. Cuius materies ad uim eius  
 potestatis, quam ordini attribuit, capiendam non fit  
 item non habilis; id causa est, quod illa pendet tan-  
 tummodo ex hominis uel initiandi, uel consignan-  
 di uoluntate: haec ex iussu prohibentis, qui adimit  
 Episcopo eos, in quos iudicandi munere uti haberet.  
 Illa cum imprimat sacram quandam notam, in ani-  
 mo initiari, consignariue cupientis, quae deleri  
 nequit; ut Pontifex Romanus, qui rerum omnium  
 praepotens est, eam eluere non potest; ita nec effice-  
 re, quin imprimatur: haec nullam mysterij uestigiū  
 inscribit, quod insignitum, impressumque relinqua-  
 tur. An inferior Sacerdos à Deo & ligandi, & ab-  
 soluendi potestatem, quae ad iudicium attinet, su-  
 mit, tamen si illa uti nequit, nisi utendi accipiat à  
 Pontifice facultatem: qui summus dicitur Sacerdos,  
 ut iudicandi diuinitus ei non desertur, eò quod uti  
 illa non possit, si Pontifex Maximus nolit? Nec  
 cessaria.

cessant obijcere, auctore Deo, quod ipse de se ait, Reges regnare; & qui leges ferunt, quæ iusta sint, decernere: potestatem teste Paulo, quæ à Deo non sit ordinata, nullam reperiri: Principes item, ut Sacerdotes, ungi consueſſe: neminem autem ita insani-  
re, qui eos constitui diuino iure fateatur. Quantâ pietate, quantâque religione, Patres amplissimi, hæc obiectionibus, ipsi qui obiectiones, uiderint. si non secus ciuilis potestas, atque Ecclesiastica esset ad auctoritatem Dei referenda; Romanus Imperator, cui planè in orbem terrarum summum imperium est, non cederet Pontifici Romano. Uterque Maximus princeps in Rep. Christianâ: uterque ad Deum æquè refert originem suam: uterque sacrâ unctiōe oblinitur: utraque potestas à Deo constituta. Ne ipse quidem immeritò, si Dijs placet, se inferiorem duceret Princeps Turcarum; qui terrâ, max. que rerum omnium quàm præpotens sit, perspectum habetis. Desinant, quæso, hæc aliquando effutire, ne delirare uideantur. Num eadem ratio est Regni cælestis, atque humani? utrunque Deus constituit. Num ne eadem lege? omnia Deus, quæ supra Lunam, quæ infra sunt; quæ sub aspectu ponuntur, quæ à sensu cernendi remouentur, creauit. In orbe terrarum, quod regnaret, genus hominum statuit. Ipsi inter se ut alij præessent, alij parerent, instituit: ut, qui præsiderent, eorum imperata si quis contemneret, peccaret. Id sanè sibi uult, quod tradidit Paulus, qui resistit potestati, Dei resistere institutioni.

Refutatur.

## Oratio sexta

tutioni. Regem ipse sponte sua neminem designavit: ipsi inter se homines ui dominari, urbes capere, gentes nationesque sub iurisdictionem suam subiungere ceperunt. Ut merito quatuor illi unius dominatus quatuor belluis comparentur: quasi abiecta ratione, principes illi dominandi libidine indueti, a bestiis didicerint bella mouere; quibus uirium minus erat, inuadere, sub potestatem subijcere, imperare. Ipsi inter se Resp. humanas constituerunt; siue optimates praessent; siue pauci, ipsique praepotentis dominarentur; siue populus rerum potiretur, siue unus imperium, isque aut Rex, aut Tyrannus obtineret. In illa natione, quam unam ex omnibus sibi delegit, Sacerdotium instituit, quod uere regia summamque amplitudine praeditum caelestis regni instar haberet, quam *ιεραρχια* appellant; et suo nomine, qui eo fungeretur, ius populo diceret. Ipsi Israelitani, nescio qua ambitione, & cupiditate Regum splendoris, permoti, ut quemadmodum, ceterae nationes principem haberent, qui arma caperet, aciem instrueret, praeretur, pugnaret, bella gereret, hostem repelleret, aliena regna inuaderet, domi splendide uiueret; qui essent in famulatu, permultos magnifice aleret; uiros militares, eosdemque fortissimos eligeret; quorum alios Centuriones, alios Tribunos, alios Magistros equitum constitueret; unum aliquem militiae praeficeret: ipsi inquam Israelitani Regem petiuerunt. Petentibus dedit non inuitus; ut non sane quidem sponte sua, sed qui bene pla-



ne declarauerit; se, non Vatem, Sacerdotemque suū,  
 à suis contemptum; eos sibi hominem, qui regnaret,  
 prætulisse. Vngi Reges non inficiamur; consecrari,  
 Deoque addici inficiamur. Quancquàm neque idem  
 in ungendo ritus adhibetur: neque Rex quicunque  
 ungi consuevit. Episcopus nemo unquàm fuit, qui  
 non consecraretur; qui consecratus non sit, ei nihil  
 electio, nihil approbatio profuerit, nisi tandem con-  
 secratur, quò minùs de loco deiciatur. At demus Re-  
 gnum Israelitanum à Deo constitutum esse ad Re-  
 gnum, quod CHRISTO eius filio Rege institui de-  
 beret, præmostrandum: ut Sacerdotium satemur  
 institutum, quod Domini Deique nostri Sacerdotiis  
 significaret: cum ille unus in omni aternitate & cæ-  
 lo terræque præpotens rerum omnium Rex futurus  
 esset, & Sacerdos. Num in Christianorum orbe  
 quæ regna sunt, illo eodem auctore omnia fuisse con-  
 stituta assentimur? sed assentiri oportuerit; quos  
 Deus instituit Reges, ungiue iussit, eos diuino iure  
 institutos obliuiscere fuisse: quod constituit Regnū;  
 quod Sacerdotium, diuinā lege fundatum. Mosē,  
 ut nostis, & Sacerdotem & Imperatorem Israeli-  
 tanis Deus dedit. Mosēs Dei mandato fratrem, &  
 qui ab eo originem ducturi essent, ad amplissimum  
 Sacerdotium elegit: Imperium Nūni filio commi-  
 sit. utrunque eruditissimi, sanctissimiue scriptu-  
 ræ explanatores iure diuino uallatum esse confiten-  
 tur. Ad pastorem illum, eundemque uatem regiū,  
 quod Saulus Regnum leuæ mentis errore, cum Dei

## Oratio sexta

præceptum neglexisset, amiserat, accepimus denegasse: hunc planè CHRISTI significationem habuisse; ex huius illam progenie in eam lucem, qua homines fruuntur, suscipiendum esse; ad illum ipsum unum Israelitanum & Regnum, & Sacerdotium peruenturum. Vbi ille aduenisset & Rex, & Sacerdos, Israelitanis utrunque defuturum. Quam Ecclesiam Dei uocamus, non secus, atque cum Moses & imperaret, & Sacerdotio fungeretur; immò uerò præclarius, ueriusque à CHRISTO & Rege, & Sacerdote, genus electum, regale Sacerdotium, & gens sancta meruit appellari. Vnum ille Regnum quod cæleste dicitur, præterea nullum, constituit; in eo principes posuit, quos ipse summos instituit Sacerdotes. Neminem, qui cætus hominum regeret, præterquam quibus amplissimum Sacerdotium mandauit, elegit. His unum præfecit, quippe Pontificem Romanum, qui uniuersæ Rei Christianæ præesset. Adhæc ipsa comprobanda accipite, Patres amplissimi, quæ Magnus ille scripsit Basilius, cum id Esaie dilucidè explicaret: Institui Iudices tuos, ut prius. Omisis, inquit, Regibus de Iudicibus meminit. quoniam illa Iudicum Resp. liberior erat, & naturæ magis conueniens: cum populus legibus uiueret suis, Deumque solum Dominum agnosceret. status autem Regius ex imprudentia illorum profectus est. Quare, quos beneficio præclaro afficiebat, iis meliorem beatiorumque

**Basilius.**

remque statum promissus ille CHRISTVS re-  
stitueret, oportebat? Hæc est illa in terris Hie-  
rarchia, quam nos docuit Dionysius Areopagita  
Pauli discipulus. In eâ multi Hie. archæ, quos tum  
Episcopos, tum Pontifices, tum etiam CHRISTI  
Vicarios, interdum & Legatos appellamus, iure  
diuino præsent. Vnus, qui propter excellentiam  
CHRISTI Vicarius vocatur, & commune omnium  
Episcoporum nomen efficit suum, eorum princeps  
est ex Domini instituto; unus, à quo omnes creantur,  
à quo præfecturas accipiunt, à quo tota Resp. Chri-  
stiana gubernatur. Qui rerum in orbe terrarum po-  
tarentur, nequiquam sustulit: sed reddi, quæ sunt  
Cæsaris, Cæsari iussit; quæ Dei, Deo. Quamobrem,  
qui summi Sacerdotes cooptantur, iidem CHRISTI  
regnum administrant. His quotquot hoc regno com-  
prehenduntur, quotquot se Christianos profitentur,  
uel ipsi principes parere debent. At Ecclesia Roma-  
na ritum instituit, quo quem ipsa Occidentis impe-  
rio præfecerit, quem insignibus Regijs, regali que  
appellatione decorauerit, quem de se optime meri-  
tum magnificentissimis decretis honestauerit; in eo sa-  
crâ unctione oblinendo, in bene ei precando, uetè-  
rem illum morem ungendi Regis, quem Israelitani  
Vates adhibere Dei iussu consueuerunt, imitaren-  
tur: ut principes Christiani se Dei nutu, ac volun-  
tate rerum potiri animaduertent; in eius se esse po-  
testate ac ditione; ab eo regi, & gubernari: CHRI-  
STVM eius filium Dominum omnium, qui dominaren-  
tur;

## Oratio sexta

tur; Regem omnium, qui regnarent, agnoscerent;  
 eius Vicarijs obedirent; Ecclesiam defenderent; Ec-  
 clesiasticas immunitates tuerentur. id promitteret,  
 eum diadema imponeretur; id planè pollicerentur;  
 id iureiurando affirmarent. Quapropter post CHRIS-  
 TI Domini aduentum Pontificis consecrandi nò ea  
 dem è ratio, quæ Regis ungendi: cum illa diuina  
 sit; hæc planè humana. Deus enim instituit, ut præ-  
 clarâ quadam notâ, eximiòque Episcopij muneris  
 insigni sibi Episcopi dicarentur. Diademata, cæte-  
 ra insignia Regalia, ritum Regis ornandi homines  
 inuenerunt. Pontifices Romani, ad id maiore cum  
 maiestate obeundum, religionem quandam adiunxe-  
 runt: quâ nihil ille insignitæ notæ, quæ euanesce-  
 nequeat, interiùs suscipit; etsi mentem egregiam,  
 ut par est, bonâque uoluntatem. Cum autem Epi-  
 scopus consecratur, in eius animo Pontificiæ dignita-  
 tis insigne uestigium ita impressum, & consignatum  
 inscribitur, ut nunquàm deleri possit. Quàm probè  
 maiores nostri Episcopiam potestatem cælestem esse;  
 regiam terrenam demonstrant? Cum Chrysostomus  
 dicat, quantò cælum terrâ est eminentiùs; tantò hæc  
 illâ esse præstantiorem: Ambrosius, adèò Regalem  
 dominatum post Sacerdotium esse habendû, ut plum-  
 bo aurum non tantò esse pretiosius putet, quantò  
 pluris hoc illo æstimandum: Innocentius III, quæ  
 cælestia sunt, tam præponenda terrenis censeat,  
 quàm corpori animus præfertur: ipse Iustinianus  
 Imperator ita sentiat, Sacerdotium Imperio præstare;

re;

Chrysoſt.

Ambro-  
sius.

Innoc. III.

Iuſtinia-  
nus Imp.

re ; ut hoc diuinis rebus præesse , illud humanis arbitretur. Iam uerò urgent, & tanquàm amentatam hastam in nos torquent ; atque , ut putant , eâ ualidiorem, qua in certando Achilles utebatur: cùm argumentantur , si Dei mandato ad Ecclesiam regendam Episcopi creandi essent, id planè sequi oportere, ut non ritè instituantur, qui ad ius dicendum non designentur. At liquet in Ecclesiâ iam olim morem fuisse , ut Nicephorus testificatur , Episcopos honoris causâ cooptandi ; & quidem ad munia , quæ ordini ascribuntur , obeunda . Multos præterea creati ad Ecclesiam administrandam , cui nihil præter nomen relictum sit: cùm in eâ neque plebem, quam doceât, habeant ; neque Ecclesiasticos ministros , quorum operâ ad Deum piè sanctèque colendum , utantur . Quàm facilè hoc telum perfringatur , quæso , animaduertant . Quod testificatur Nicephorus , nunquàm Ecclesia Romana , quæ uniuersi cætus Christiani magistra est , probasse reperitur . qui suâ quondam abutebantur potestate , ab ijs id factum compertum habemus . Vfus Pontificiæ potestatis , non abusus opponi deberet , ad sententiam nostram refellendam . Quid , si probemus , quæ de Barse et Eulogio , qui desertis in locis uitam agebant , narrat Nicephorus , etsi non aliquâ in urbe Pontificio munereungebantur : in ea tamen sancta religiosâque sodalitia , quæ erant in solitudine constituta , ut Episcopiam haberent potestatem , existinemus licet Aristites esse cooptatos . Nam in eâ sodalitate , quam

Obiicitur :

Nicephorus l. 21.  
c. 2 l.

Refutatur.

dis. 73  
l. 2

D. Bene-

**D. Benedictus** constituit, *Episcopie dignitatis insignibus, qui præsidet, ornatur. Atqui utrunque Edessenorum Episcopum fuisse reperies. Illud porro contenderim neminem unquam in Episcoporum ordinem esse cooptatum; qui ius Episcopij muneris liberum haberet. Ac, tantum abest, ut Romani Pontifices approbarent præsaturas Episcopis deferri, quæ uano quodam tituli splendore honestarentur, re nullæ essent; ut uetuerint, nequis eas deinceps suo iniussu deferret. Non deerant Antislites Metropolitanæ, qui, quos uiri doctissimi monstri instar habere dicunt, consecrarent. Facultatem eos designandi sibi Pontifices Maximos ad utilitatem Ecclesiæ reseruasse; nempe nequâ in parte deesset, qui eam, cum opus esset, administraret, licet, arbitremur. Qui Dei præcepto eius oues pascit in orbe terrarum uniuerso, ut mandatum exequatur, neminem Episcopum eligit, quæ non ad opus pascendi designet, et in quo cooptando non eandem cooptandi notam, ac formulam, quæ una est, omnino adhibeat. An exciderût illa uerba; Vade, & prædica populo tibi commissio? Aut putant inanem esse hanc precationem, Tribuas ei Domine sedem Episcopiam ad regendam Ecclesiam tuam, & plebem sibi commissam? et illam, Deus omnium fidelium Pastor, & Rector hunc famulum tuum, quem Ecclesiæ tuæ præesse uoluisti, propitiùs respice; da ei, quæsumus, uerbo, & exemplo, quibus præest, proficere? Aut, memoriâ*  
*earum*

Ex Pontificali.

earum rerum deposuerunt, quas quisque Episcopus, antequàm consecratur, promittit, quas profitetur, quas iureiurando affirmat? siqua est alia forma, si qua alia ratio, quam in consecrando unquàm Ecclesia seruárit, doceant, proferant, ostendant. ne clàm teneant, ne soli habeant: nobis nulla præterea comperta est. Antequàm in diœceses Ecclesiam Apostoli distribuissent, Episcopi ad Ecclesiam regendam etsi non ad certam definitamque præfecturam, ad certum tamen definitumque officium, nempe ad opus Episcopium exequendum, ubicunq; Euangelij prædicandi locus daretur, ut illi ipsi Apostoli à Domino instituti sunt, cooptabantur. Post diœcesium distributionem nemo unquàm Pontifex cooptatus reperitur, qui non ad aliquam Ecclesiam gubernandam designaretur. Vt primùm autem aliqua regio ad credendum, atq; ad religionem Christianam profitendam inducta esset, in eà quidem Episcopi suà quisque in ciuitate constituebantur. Interdum etiam ad eas prouincias mittebantur, quas CHRISTI religiosa præcepta suscepturas esse considerent: ut in his Domini Delque nostri nomen sanctum, potentiàmque mirificam peruulgarent; populosque de salute, ac de uitâ eternâ, quam ille credentibus pollicetur, docerent; & religione susceptâ, in officio retinerent: diœceses distribuerent, in suâ quemque Antistitem crearent. Id Tito à Paulo mandatam comperitur, cùm ad Cretenses eum legasset. At uideo statim mihi oppositum iri, quòd beatissimus Petrus

Obiicitur.

trus

## Oratio sexta

Refutatur.

Ioannes  
111.

Marianus  
Scotus.

trus Clementem Episcopum, & successorem in Ecclesiâ regendâ, ut postquam ipse è vitâ mortali ex-cessisset, non cum adhuc ipse uiueret, Pontificium opus exequeretur, constituit: quod Linum, & Cletum Episcopos instituit, non qui populum erudirent, & quod Pontificis proprium munus est, obirent: (hoc sibi ille reseruauit) sed qui Sacerdotis officia plebi præstarent: ut ipse liberior, & expeditior ad precandum, atque docendum incumberet. Verum enim, qui diligentius, consideratiusque rem ipsam animaduertent; nunquam profectò hanc nobis historiâ obijcerent. Cum dies uitæ postremus immineret, compertumque haberet Pontifex ille Maximus se propediem supplicium ad Domini gloriam subiturum; qui sibi succederet Clementem, non modò elegit, sed et in sede Pôntificali collocauit. Linum, & Cletum, si Ioanni III. Pontifici Romano locupletissimo auctori fides adhibenda est, iam priorem adiutores Sacerdotes sibi adsciuerat: si Mariani Scoti testimonium contemnendum minimè est, Chorepiscopos nominauit. Id etiam præsert, quod traditum est, ut populo Sacerdotis officia præstarent. Quamobrem Chorepiscopos, non Episcopos institutos fuisse scribendum esset. Recitentur, quæ sanctissimus ille Pontifex in scriptis reliquit, cum de Chorepiscopis ageret. Si Petrus princeps Apostolorum adiutores sibi adsciuit, Linum & Cletum: non tamen potestatem Pontificiam, aut ligandi, aut soluendi eis normam tradi-

dit:



dit: sed successori suo sancto Clementi, qui sedem Apostolicam traditam sibi à beato Petro tenere promeruit. Linus uerò & Cletus ministrabant exteriora. Petrus autem uerbo & oratione instabat. Munus ministrandi septuaginta fuit discipulorum. *Nam paulò post, Septuaginta, inquit, electi sunt discipuli, qui exteriora peragerent. Ut planè ostenderet ad id Linum, & Cletum, quod Chorepiscopi efficere solebant, non ad opus Episcopium ascriptos. Quod haud multò post planius declarat. Linum, inquit, & Cletum nihil legimus Pontificia uel administratione, uel potestate egisse: quod enim à beato Petro mandabatur, id tantummodò agebant.*

*Audite, quæ Marianus eius sententiam secutus, concludit. Clemens ergo primus post Petrum Romanam Ecclesiam tenuit; uel cum Lino & Cleto, sicut cum Petro fuerunt, nempe eius fuerunt adiutores. Neque mihi obiectione aue-*

Obicitur.

Refutatur.

*rint, quod ille idem Marianus tradiderit, Clementem antequàm Petrus in crucem actus esset, nouem annos Romanam sedem tenuisse. An non par fuit, ut quo tempore Petrus cum totâ Iudeorum gente Româ eiectus est, qui Romanam Ecclesiam regeret, Episcopum cooptaret? præsertim cum eum elegerit, quem successorem esset relicturus. Num donec ille exularet, præsertim cum nesciret, an esset unquàm de exilio reducendus, princeps Ecclesia Pontifice carere*

## Oratio sexta

carere debebat? aut, siquid humanitus illi accidisset, sine pastore grex primarius erat reliquendus? Cum autem, qui res gestas summorum Pontificum scripserunt, maior pars Linum, & Cletum, aut certe quidem Cletum in his, qui sedem Apostolicam tenuerunt, percenseant; probatur mihi admodum, quod ait Pontificij iuris explanator, ne Ioannes III. Damasus refragari uideatur; Clementem, ne posteris esset exemplum successoris designandi, quod periculosam haberet imitationem, Pontificatu abdicato obtinuisse, ut Linus, hoc mortuo, ut Cletus in Episcopum Romanum eligeretur. Cum is ex uita migrasset, ipse superstes uiueret, munus Pontificium, quod à Petro susceperat, obijisse. Quàm leue sit id, quod etiam opponunt, nemini perspectum esse nequit. Quid sibi uult, inquit, Pontifices Maximos decennio, aut etiam longiore annorum curriculo bis operam Sacerdotibus cooptandis dedisse, Episcopos xv. cooptasse? nonne ut paratos Antistites haberent, quos ad Ecclesias regendas, cum opus esset, mitterent? Quæ ratione, quo teste, quo auctore ad hoc asserendum inducantur, nequeo sanè intelligere. An non memoriâ tenent eodem loco scriptum reperiri, Per diuersa loca Episcopos illos esse institutos: Vt planè, si uelint, perspiciant, non antequàm certi cuiusdam loci Ecclesia præsidem postularet, fuisse cooptatum. Si esset hic locus, dicerem de his, qui se & esse & nominari Episcopos cum uelint, non habent, ubi Episcopio munere fungi queant.

Obiicitur.

Refutatur.

rat. Nemo inficiari potest, eos iam pridem institui-  
 ceptos esse. At multi asseuerant, si quæ uiri doctri-  
 nâ præstantes, ab ipso iure ortum non ducere. Non  
 semel concilia maiorum nostrorum decreuerunt, ne-  
 quis in Ecclesiâ non suâ doceat, aut quoduis aliud  
 Pontificium opus obeat: ne unius eiusdemque ci-  
 uitatis Episcopia præfectura duobus deferatur. An  
 non usu uenit, ut in Oriente, quæ diœcesis Episco-  
 pum habeat suum, quamuis à capite Christiani cœ-  
 tus disinctum; Romæ alteri ea tribuatur? si li-  
 cet, atque expedit deferri: qui cooptatur, ad  
 eam regendam cur non accedit? Quid significat  
 regula illa Chalcedonensis concilij, nequis so-  
 lute liberè que initietur? Nōne, ut necui sacra ini-  
 tiæque tradantur; qui non officiis certo quodam loco  
 obeundis addicatur? Hoc institutum undè originem  
 traxerit, nondum mihi exploratum est. Nam,  
 quod est in Concilio Constantinopolitano, & in Chal-  
 cedonensi de Episcopis, qui ad gubernandas Barba-  
 rorum Ecclesias creabantur, nihil ad hoc ipsum at-  
 tinet: cum iam diœceses illi & haberent, & admi-  
 nistrarent. Quod proditum est, baud scio an minùs  
 locuplete auctore, cum Africam Barbaræ nationes  
 Romano Imperatori admissent, Ecclesiis Africa-  
 nis Episcopos non desitos esse consecrari, non utique  
 urget: cum adhuc spes aliqua superesset eius provin-  
 ciæ recipiendæ. Quamobrem hunc morem Eccle-  
 sia Romana retineat, fateor me ignorare. sunt,  
 qui dicant, ut, quam cæpit possessionem earum diœ-  
 cesium

cesium tribuendarum, teneat. Agnosco consulta  
 eorum, qui ius Pontificium pertrahant. Utinam  
 ne in messem Theologorum falcem immisissent.  
 Quis uspiam dicatur id possidere, in cuius possessio-  
 nem ne pedem quidem unquam posuerit? tantum  
 abest, ut surculum ad eam usurpandam defregerit.  
 An non ij potius ad se ius possidendi spectare contem-  
 derint, qui eas habent Ecclesias, nec dum earum u-  
 sum, qui finis rerum est, amiserunt. si eis liceret,  
 nonne ex iure manu consertum uocarent, qui in ea-  
 rum rerum, quibus alij potiuntur, possessiones ir-  
 ruissent? sed quemadmodum, quamuis diuturna  
 possessio, in qua ij sint, qui à capite Ecclesiæ remoti  
 ab eâ recesserunt, nihil summi Pontificis potestati  
 præscribit, quo minus iure suo uti possit: ita necesse ei  
 non est hanc rationem ad ius suum retinendum adhi-  
 bere: præsertim cum ad Ecclesiæ edificandam nihil  
 proficiat: atque haud sciam, an magis causam, cum  
 minus uelit, præbeat peccandi. Quæ à Deo data est  
 plenissima, summaque potestas, et lex humana quid  
 unquam præfinierit? In ea, quæ ab homine deferun-  
 tur, hæc norma præscribendi, de qua tam multa id  
 genus Iurisconsulti perscribunt, uim fortasse habe-  
 re posset. Nunc sedem Apostolicam, eamque Ro-  
 manam Deus fundauit: ea maximæ potestatis, qua  
 prædita est, Deum auctorem habet. Nec desunt,  
 qui affirmant, ut, qui in summo Ecclesiæ Romanæ  
 collegio sunt ascripti; qui in Germaniâ, in cæteris  
 nationibus Transalpinis principes se appellari glo-  
 riantur,

riantur, Episcopi munus contemnunt; opibus Ecclesiarum fruuntur, administrationem, quibus committant, habeant. An id probandum sit, ut quæ ipsi officia per se Dei præcepto præstare coguntur, per alios exequantur, non est meum disceptare. Illud habetote, neque decipi Deum, neque irrideri. Ego uero hoc uelim, qui maximas obtinent, locupletissimæq; diœceses, ut dent partem aliquam, ad cuius Ecclesiâ sumendâ cooptari Episcopus is queat, cuius operâ sint usuri; ne uano, falsôq; nomine appelletur; modò ipsi obire munia sua ne desinant. Postremo, quasi equû Troianû ad expugnandâ nostrarum arcem rationum, apponût machinam ex testimonijs Chrysostomi, Ambrosiiq;, et Augustini conflatam. Inter Episcopum, inquit Chrysostomus, atque presbyterum interest ferè nihil. Quippe & presbyteris Ecclesiæ cura cômmissa est: & quæ de Episcopis dixit Paulus, ea etiam presbyteris congruunt. Nempe sola cooptatione superiores illi sunt; atque hoc tantum plûs, quàm presbyteri habere uidentur. Ambrosius, Post Episcopum diaconi cooptationem subiecit. Quare? nisi quia Episcopi, & presbyteri una cooptatio est. Vterque enim Sacerdos est, Sed Episcopus primus, ut omnes Episcopi presbyteri sint: non sane omnes presbyteri Episcopi. Hic enim Episcopus est, qui inter presbyteros primus est. Denique Timotheû presbyterum cooptatum significauit: sed

2 2 quoniam

Obiicitur,

Tim. 3.  
Chrysost.

Ambros.

Auguft.

quoniam ante fe alterum non habebat, Epifcopus erat. *Auguftinus*, Presbyterum intelligi Epifcopum probat Apoftolus; cum Timotheum, quem presbyterum cooptauit, instituit, qualem debeat Epifcopum creare. Quid eft enim Epifcopus, nifi primus presbyterorum, hoc eft summus Sacerdos? Nec aliter Epifcopos; quàm compresbyteros uocat, & confacerdotes fuos. nunquid aut coministros, aut condiaconos fuos dicit Epif-

Refutatur.

copos? Quid tum? permiſſam ait eſſe Chryſoſtomus presbyteris Eccleſiæ curationem, non eos ad Eccleſiam regendam conſecrari. Quid prætereà inſinuauit, cum Epifcopos dixit eſſe presbyteris ſolâ cooptatione ſuperiores, niſi Epifcopum tam ad Eccleſiæ gubernationem religioſo quodam ritu, qui, præbytero, cum adminiſtratio committitur, non adhibetur, cooptari; tum etiam uim in quencunq; ordinem cooptandi obtinere? Quid *Ambroſius*? an non docet utrumque eâdem ratione conſecrandi in Sacerdotij collegium adſciri? hoc inter ſe differre, quod Epifcopus principem in Sacerdotio locum; quæ presbyterum uocant, inferiorem tenet. Maior ille eſt, hic minor Sacerdos. Quamobrem ille non explicat; ſed poſtulantî planiſſimè declarauit: nempe eligi, ac deſignari Epifcopum ad Eccleſiam regendam, & conſecrari: ut ab incunabilis Chriſtiani cætus Dei præcepto inſtitutum eſt: presbyterum ad rem diuinam faciendam cooptari. Neque uerò, quod  
ait

ait. Quoniam ante se alterum Timotheus non habebat, Episcopus erat; id profectò est, ut intelligamus Episcopum esse, quo alter Sacerdos superior non sit. Nam qui Archipresbyteri nuncupantur, cum Ecclesiæ deest, qui præsideat, cæteris omnibus præferuntur. Verùm, ut id assequatur, qui præficiendus est, ei satis non esse fungi Sacerdotio, sed hoc omne necessarium, quod Apostoli Domini mandato instituerunt, Paulum enim, ut Timotheum Episcopum à se ritè cooptatum esse ostèderet, hæc est Episcopos adfuisse more maiorum in eo consecrando, dixisse, qui locum illum explanaverunt, intellexere. Quapropter Sacerdotio præest Pontifex eâ potestate, quam diuinitus, cum consecraretur, accepit: presbyteri uti Sacerdotes inferiorem positi loco ei parere coguntur. Quid Augustinum intulisse arbitrantur? nunquid aliud, quàm esse presbyteros, qui Episcopi non sint: qui Sacerdotes non sint, Episcopos non esse? illos proximè ad hos accedere: ceteros ordines Ecclesiasticos multum abesse? At quid est illud, quod ille idem ait, In Alexandria, & per totum Aegyptum si desit Episcopus, presbyterum consecrare? Quid aliud, nisi quiddam id genus, quod interdum Pontifex Romanus necessitatis causâ permisit; nimirum ut, quod est proprium munus Episcopi, obeat Sacerdos? Nunc ad rei naturam attinet? num ad quæ per se est præstantia personæ, spectat? num proprium officium attingit, quod in ea conijcitur, quæ præter ius, præ-

tēque normam diuinitus institutam accidere dicimur? quod uenia datur? quod tempus, & necessitas flagitat? An putant plus illā etate presbyteris, cūm initiarētur, deferri, quā nostrā, quā & sacrificandi; & ligandi; absoluendique; atque abluendi, & docendi tribuitur potestas? atque ita quidem, ut rei diuinæ faciundæ libertatem habeant, cūm uelint: ligandi; absoluendique; & abluendi, atque docendi nunquā, antequā ab Episcopo accipiant. Naturā sanē comparatum est, & diuinā lege constitutum, quemadmodū ait diuus Thōmas, ut Episcopis presbyteri pareant, nihilque quod propriē priuat inq; ad eos pertineat, eorum iniussa exequantur. At negare potest nemo Episcopis iurisdictionem à Pontifice Maximo prāberi. Assentimur, quod sumunt, tanquāminimē controuersum; si accipitur, ut nos exposuimus. Inficiamur sequi, ut ne in iuredicendo sint ex diuinā institutione presbyteris Episcopi superiores. Ad hoc confirmandum sumo iure diuino Pontificem Maximum creare Episcopos oportere; eisque Ecclesias regendas cum ipsā iurisdictione deferre; nequā in parte desit; qui, ut pastor ritē cooptatus, pascat oues Domini Dei que nostri; quod illi etiam concedunt: ac nemo in dubiū uocare debet, qui nōrit illud Dei mandatum, Petre amas me; pascere agnos meos: & pascere oues meas; & quæ Ecclesia tradidit; & quæ cūm omnes priuati Patres sanctissimi docuerunt, tum Clemens ille Romanus, qui refert, quæ à Petro ipse acceperat,

Obiicitur.

Refutatur.

Clemens  
Papa.



ceperat à Christo Domino fuisse constituta. In his hoc ipsum est, quod agitur: cum etiam ipse Catherinus eorum, qui contradicunt, Antesignanus asserit Episcoporum & ordinem & officium ad ius diuinum deferri, tanquam inuentum, institutumque à CHRISTO, qui iussit Petrum, ut sæpissimè inculcatum est, pascere oves suas; ceterosque Apostolos creauit Episcopos his uerbis: Sicut misit me pater, & ego mitto uos. Accipite Spiritum sanctum: *Ioan. 20.* & quæ sequuntur. Atque concludit; à quacunque potestate quæ infra Deum sit, effici non posse, ne ab ipso quidem summo Pontifice, qui Dei uicem, nomenque obtinere propter excellentiam dicitur, ut ne Episcopi, eorumque munia sint in Ecclesiâ. Atqui Episcopus Deus instituit ad opus exequendum, nempe, ut Paulus testatur, ad Ecclesiam regendam. Regi Ecclesia non potest sine iurisdictione. Itaque sequitur, cuius mandato Episcopi creantur, eiusdem iussu eis iurisdictionem mandari. Præterea quicquid à Deo constituitur, ac datur ad Ecclesiam edificandam, id omne diuinum est. Petro, & cuique successori data est gubernatio, & iurisdicctio ad Ecclesiam construendam. Tota igitur Ecclesiæ gubernatio, totaque in eam iurisdicctio diuina est. Quod totum est diuinum, eius quoque partes diuinæ sunt necesse est, modò generis eiusdem notione comprehendantur. Pars gubernationis ac iurisdictionis, quæ datur Episcopo, eiusdem generis est, ut docet Aquinas, ac tota illa, quam obtinet Pontifex Maximus.

D. Thomas.

## Oratio sexta

Itaque eam esse planè diuinam concedant, oportet. Quod est diuinum id uel à Deo proximè habetur, uel ab homine Dei mandato, Quamobrem consequitur, ut Ecclesiæ gubernatio, & iurisdictio, quæ Episcopo mandatur, si non proximè à Deo deferatur, deferatur necesse est ab homine Dei præscripto. At iurisdictio committi à Pontifice Romano delegari que

**Obiicitur.** solet, quam diuinam dixerit profectò nemo. Sed

**Refutatur.** multum interest, si neres ipsa Dei præcepto ordinata, an hominis uoluntate, nūquæ delegata. Ipsa iurisdictio non est eiusdem generis in eo, cui delegatur: atque in eo qui delegat. Facultas enim iurisdicendi, quam Deus instituit, quæ à Deo, uel proximè sumitur, uel eius mandato; ita diuina est, ut delegari non queat, quin mutet genus. Fit enim humana, cum delegatur: atque incidit in genus eorum, quæ accidere dicuntur: cum sit planè per se in eo, qui delegat. Iam uerò officium mandatur cum potestate: officium Episcopi sic ab Ecclesiâ definitur, ut eum oporteat iudicare, interpretari, consecrare, consignare, initiare. Munus Episcopium à Deo fuisse constitutum non semel ostensum est: omnes quoque assentiuntur uix interpretandi, & consecrandi, & consignandi, & initiandi suscipi à Deo. Quid est, ut iudicandi inficientur? cum unà, ac pariter ab Ecclesiâ, quæ ad Episcopi officium attineant, in eo consecrando percipiantur. Tum uerò Deus Apostolis, tanquam Episcopis, præbuit potestatem iudicandi, quæ in Ecclesiâ perpetuò permaneret; non, ut iam ostendi-

ostendimus, quæ in ipsa finem haberet: nisi existimant non recte Christianam Rempublicam, & Hierarchiam fundatam esse. Episcopi Apostolorum muneri Pontificio succedunt, eam saltem in parte, in qua regendam Ecclesiam suscipiunt: consequens est, ut eam quidem sanè in parte diuinitus habeant, indicandi potestatem. Quod sumimus, Lucas nos docuit. Luc. 22.  
 quod assumimus, Anacletus, Evaristus, Pius, Urbanus, ceteri Pontifices Maximi, quorum nomina Pont. Romani.  
 langum esset proferre, tradiderunt. Postremo, quod non semel commonuimus, etsi iurisdictio à summo Pontifice præbetur, potestas iuris dicendi à Deo quidem omnino desertur, ut illa Episcopus utatur, uti nequit regendæ Ecclesiæ potestate, qui ei non præest, nec supra omnes est, quos ea complectitur. Quapropter Episcopus, ut potestate diuinitus suscepta utatur, sit presbyteris Ecclesiæ, quam regit, additis superior, necesse est: & quidem eo iure quo illam sumit, sumit iure diuino: quippe, ut diximus, à Deo. Iam, Patres amplissimi, uidetis, quam acriter Peroratio.  
 animo, & quam nehementer utrinque pugnatum sit. Cum autem acies aduersaria, quanquam armis exuta non habet; quo nostri exercitus impetum sustinere possit, adhuc tamen dimicare audeat; ne sinite eam malle non sine dedecore, quod uerum est, impugnare; quam loco cedere: sed tandem iubete manus dare, nictante se omni perniciâ depositâ profiteri, aut certe à pugna abstinere, pacemque ut nobiscum habeant, optare. Quod sanè fecerint;  
 si fa-

## Oratio sexta

*si facile, quod postulamus, nobis concesserint: nempe diuino iure Episcopis suâ cuique in diœcesi esse residendum declarari. Audistis enim, Patres optimi, non aliam, qua residere cogamur, hac iuris diuini declaratione præstantiorem iniri posse rationem: atque hoc esse caput præstæ institutionis in Repu. Christianâ renouandæ: hoc proximum principium in pristinum splendorem Ecclesiæ restituendæ: hoc denique felix initium optatæ morum emendationis, qua nihil commodius posse reperiri, nihilque ualidius non modo ad omnem rerum Ecclesiasticarum abusum tollendum, sed etiam ad scholas, sectasque impietatis conuellendas; atque ad eos, qui ab Romano Pontifice descuerunt, recipiendos, totus Christianorum cætus arbitrat; idque à Deo optimo Maximo notes diēsque supplici precatōne poscit. Ad hoc ipsum, uos orat, ut toto animo incumbatis, ne tandem re infectâ concilium dimittatur: illos etiam obsecrat, qui hætenus eos duces secuti sunt, qui scribendo contra hanc ueritatem arma mouerunt, ut eam non modo desistant oppugnare, sed & summâ alacritate suscipiant, defensamque, & saluam uelint. Audistis, deinde tantum abesse, ut ea declaratio sit de potestate, quam Deus sedi Apostolicæ Romanæ dedit, detractura; ut ad eam quidem stabilendam, ad recuperandum autem id omne, quod desciiuit, nihil aliud plus uirium habere uideatur. Ad hoc ipsum plane statuendum accepistis etiam Episcopos esse à Deo constitutos, datasque eis potestate*

flates, quibus illi essent persunctori: nec sane, ut  
 tanquam in Ecclesiâ dominarentur, onere alijs im-  
 posito honoris nomen retinerent, diuitibusque afflue-  
 rent: verum ut ei seruirent, & laborarent, & qui-  
 bus commodis fruerentur, laboris esse fructum intel-  
 ligerent, non dignitatis: ac par cum sit nullam me-  
 lius fuisse unquam Remp. eâ, quam Deus constituit  
 fundatam: Reipublice autem causâ magistratus in-  
 stitui; non contrâ, illorum gratiâ Remp. constitui  
 consuevisse; Episcopos, qui Ecclesiâ administra-  
 rent, à CHRISTO hac ratione esse ordinatos, ut  
 unus eorum esset princeps, Ecclesiâque præset, ur-  
 niuersæ; isque Pontifex Romanus, quippe ipse Pe-  
 trus, et quisquis ei deinceps esset in Apostolicum so-  
 lum successurus, cæteri in partem operis, ut diluci-  
 de exposuimus, uocarentur, ac suæ quisque Ecclesiæ  
 præsiderent. Hanc Remp. Christianam Dionysius  
 ille Pauli discipulus Hierarchiam appellat: quam,  
 ut Deus fundauit usque ad sæculorum omnium finem  
 permansuram; sic asseramus oportet in eâ potesta-  
 tes, & magistratus, quos Hierarchas ille uocat,  
 constituisse; ut cum eâ perpetuò durarent; & qui-  
 dem ut Apostolis, quos illi Episcopos creassent, suc-  
 cederent, his alijs qui essent subsequuturi; ac planè in  
 patrum filij locum perpetuâ quadam successione con-  
 stituerentur, & tanquam principes orbi terrarum  
 præset. His clarè, & abundè, ut puto, demon-  
 stratis, atque scripturæ auctoritate, ac testimonijs  
 sanctissimorum, doctissimorumque Patrum, & ui-  
 ratio-

rationum confirmatis, rem in eam conclusionem uer-  
niffe; ut iure diuino Episcopis in sua cuique praelectu-  
ra sit atque residendum. Acceperitis postremo, ac  
potius asposuistis, cum aduersarij aciem, ut in fur-  
gam exercitum nostrum uerterent, instruxissent;  
utrinque fortiter esse dimicatum. At tandem ijs, ui-  
ctis, pulsisque arma detracta, telaque coniecta  
perfracta esse. Reliquum igitur esset, ut dimicatio-  
nis uictores nostri duces declararentur, atque id,  
de quo certabatur, in eorum praemium ueniret. At,  
Patres amplissimi; his eam laudem non quero:  
quando ueritatis tuenda causa nostri concertarunt,  
non gloriose cuiuspiam comparando. Sed, quae-  
so, obsecramus illos, ut aliquando patiantur, diuinum  
ius residendi impictum remanere. Et fallacis pra-  
estigijque eorum perspectis, qui ad illud reiiciendum  
uix omnes ingenij contulerunt, ne bellum reno-  
uent; ac pacem nobiscum inuant: qua parta mun-  
sumus, et unam, atque unam omnes animorum con-  
sensione coniuncti uerum amplectamur, ut Dei mi-  
nistros deet, ad ea, quae eius gloriam, ac decus at-  
tingunt; consecranda. Quoniam quidem Rem Chri-  
stianam, ut incolumem uelitis, in hunc locum a  
PIO XII. beatissimo ac prudentissimo Pontifice  
Maximo conciliana conuocatum est: ut impietatis  
undique hostili riptam periculis summa prudentia  
explicitis aut ab hoste domestico, quem ab usum ap-  
pellant, liberetis: ut sanctissimis consultis renoue-  
tis: ut denique in pristinam dignitatem renouetis.

Quod

Quod nūquam profectū erit, donec, in cōtrouersiam,  
 quæ maiores nostri, perspecta, non controuersa in-  
 quàm habuerunt, adducemus. Ac, si quæ quidem,  
 aut potius iam esse, non despero, ut omni contentione  
 abiectā, ad quod Reip: interest, animi ingenique  
 nires omnes intendatis: cum iam summā concordia  
 quotidie conuentus agantur, & incredibili modera-  
 tione, non pertinaci dimicatione de rebus maximis  
 disceptetur. Ac, quod non puto, si qui in eadem ob-  
 stinatione perfluerint, qui non sanè permulti erunt;  
 ut, quod nos defendimus, ius diuinum nullo prorsus  
 modo admittendum esse in animum inducant: non ue-  
 strum est, Patres sanctissimi, pertinaciā paucorum  
 adduci; ut, quod maximi ponderis est, negligatis.  
 Ac ne, si multi quidem in eandem sententiam irent,  
 nobis hoc ipsum esset prætermittendum. Cuius enim  
 id agitur, quod diuinum est, non permulti qui scrip-  
 turam, & doctissimorum Theologiae scriptorum  
 monumenta uix primoribus labris attigerunt, quid  
 sentiant exquirendum est: sed quid censeant Patres  
 illi, qui in assiduā de rebus diuinis disceptatione, at-  
 que in ueri explicatione plures annos cōsumpserunt.  
 Qui si pauci admodum essent, cum in hoc sacrosan-  
 cto Concilio diuinæ scientiæ peritissimi non pauci pro-  
 fectū sint; eorum esset, non multorum sententia re-  
 tinenda. Iam uerò, si ad eos, qui de residendo scripse-  
 runt, spectemus; non modò plures, qui pro iure di-  
 uino defendendo in certamen descenderint, quàm qui  
 illud ipsum impugnauerint, reperiamus; uerum e-  
 tiam

tiam eius rei, quæ tractabatur, longè peritiores. Quidnam Caietano illo Antislite, qui illustrissimum, amplissimumque Romanæ Ecclesiæ collegium honestavit, ex disciplinâ Theologorû doctius? Quid præclarius, quid mirabilius maiorum nostrorum sæcula habuerunt? Quid Bartolomeo Mirandâ Archiepiscopo Toletano sacris literis eruditius? quid accuratius in breuiter colligendo, quotquot unquam habita concilia fuerunt? Quid utroque in benemerendo de sanctissimâ sede Apostolicâ præstantius? Vterque summâ contentione id molitus est, ut Pontifex Romanus ex diuinâ institutione, ut sanè quidem est, uniuersæ Ecclesiæ & princeps, & rector sit habendus, ac supra quodcunque generale concilium, extrâque omne hominum iudicium ponendus. Quid Dominico Petróque Sotis hac ætate clarius, qui de rebus diuinis doctissimè, & accuratissimè scribendo, non modò in quo erant ordine Prædicatorum scripti, uerùm in toto Christianorum orbe maximam laudem sibi comparârunt? Quis ex celeberrimâ scholâ Aquinatis plus unquam gloriæ consecutus est, quàm Iacobus Naclantus Episcopus Clodiensis; cuius ut præfentiâ hoc ipsum concilium imprimis latatur, sic etiam doctrinâ singulari plurimùm adiuuatur? Quid dicam de mirificâ eruditione Francisci Turrensis uiri tantæ lætitionis, ut nihil in totâ scripturâ exaratum sit, quod non perlegerit; nihil occultum, quod non perspexerit; nihil ab hominum sensu uel acutissimo remotum, quod non animaduernerit; nihil de-

niquè



nique Græcè, nihilque Latine de Theologiâ memoriæ traditum sit, quod non uiderit? Nec uerò auctoritas contemnenda est Francisci Cordubensis, quem ex sanctissimâ sodalitate à Diuo Francisco constitutâ ob eius mirificam doctrinam, morumque incredibilem probitatem religiosum suæ conscientiae iudicem, uitæque censorem elegit, amplissima illa, ac religionis Christianæ obseruantissima Romanorum Bohemorumque Regina; in qua CAROLVM. V. etius patrem planè agnoscas, præsertim cum mirari satis non potuerit hoc loco de re tam perspectâ, ac tam necessariâ disceptari: atque ad hanc contentionem tollendam iudicium suum, ut mihi uidetur, uerissimum in mediâ Germaniâ adhibuerit. Nam uel usque ad toto diuisos orbe Britannos huius disceptationis fama, sermôque peruenit, atque utinam sine insigni labe nostræ existimationis. Omitto alios multis doctrinæ, pietatisque notis insignes, qui disertè, & eruditè eandem quæstionem pertractârunt. Qui contraxerunt non inficior perdoctos fuisse illos quidem; et quam artem profitebantur, antequàm Theologiam attingerent, in ea ferè summos; sed qui in rerum diuinarum exactâ perfectâque cognitione, et in scholis eruditissimorum Theologorum non diutissimè plurimùmque uersati esse uideantur. Quamobrem cum res ipsa per se, ac suapte naturâ iam nota, compertâque sit; ac satis ab ijs asserta, & defensa, qui & scientiâ, & auctoritate cæteris omnibus antecellunt: obsecro uos, Patres optimi, ut iuris diuini

ni causam suscipiatis; Dei que mandato Episcopos in  
 sua quenque præfecturâ ad residendum, compelli de-  
 claretis. Nec uos ad id prætermittendum impellat;  
 nescio quæ inanis suspicio Apostolicæ potestatis mi-  
 nuendæ: quæ, cum primum de iure diuino agitur,  
 quasi eius perspicientia sit Pontificis Romani maie-  
 statem imminutura, quo illa constituta, stabilita-  
 que est; ac res proponitur, quæ si decernatur, stu-  
 dijs nostrarum uoluptatum; nostræque ambitioni  
 loci nihil sit relietura; Concilio statim obijcitur, ut  
 pueris infantibus aui nomen & umbra, quem dum  
 uiuerent, ij maxime timebant; ut sileant, desinant-  
 que petere, quod cupiunt. At prudenter sanè qui-  
 dem matres hunc illis timorem injiciunt, qui pueri-  
 li uanæque appetitione ducuntur, ac sæpe quod sibi  
 obest, appetunt. Concilio autem eruditissimorum  
 sanctissimorumque patrum, qui optimo consilio, re-  
 ctissimæque ratione utuntur; &, quod postulant,  
 Christianæ Reip. prodesse animaduertunt; non ui-  
 deo, quare incuti metum istum conueniat. nisi qui  
 incutunt uel pueros non esse, qui, quod poscimus,  
 ignoremus; uel improbos, qui prudentes, quod ma-  
 lum est; uelimus, arbitrentur. Vtram de nobis ha-  
 beant opinionem, considerent, quantâ nos afficiant  
 ignominia: cum uelle nequeat, quod Ecclesiæ non sit  
 obsuturum, qui Pontificiæ potestatis sedis Aposto-  
 licæ Romanæ ullâ quicquam ex parte detrudere stu-  
 deat. Nos autem is quidem facile ignoscimus, cum  
 eiusmodi contumeliæ plagam sine ulli difficultate ui-  
 demus;

temus; nec timeamus, nequam dedecoris notam fama nostræ inurat; quæ etiam si inuratur, obtrectatoribus in tã maledicâ ætate ueniam demus. Atque eorum suspicionem bonam in partem accipimus: sed etiam atque etiam oramus, ut eam deponant, ac nobiscum Remp. Christianam capeffant: cui quod sit profuturum, id in primis ad amplitudinem Pontificis Maximi tuendam spectare uelim, ut existiment. Quod certè faciant, si diuinum ius residendi nobiscum toto pectore amplexentur. At uos, Patres amplissimi, date operam, ne diutiùs, quod tam piè, tamque iustè postulamus, differatur. Ac prospicite, ne uel oscitatio, uel dissimulatio hæc nostra ueri statuendi, det uulgo causam, aut de nobis non bene, aut de Pontificiâ dignitate non rectè sentiendi. Alterum enim de duobus esse contenderint, aut odio nos legem diuinam habere; ac niti, ne ea constringamur, ut, non quæ Dei sunt & Ecclesiæ, quæramus, sed liberè ac solutè commoda nostra consestemur: aut qua gloriamur Episcopiâ potestate, eam à Deo non esse institutam, nec præclarum ac diuinum quiddam habere, quo tantum uenerationis assequatur, ut non modò in summo dignitatis gradu sit collocanda, sed & Principibus, qui gentibus ac nationibus terrâ marique imperant, populisque uniuersis timori maximo futura. Quis nam erit, qui ita, quæ ab homine quantacumque auctoritate prædito, constitutæ sint potestates, ut quæ à Deo, reneretur? Ex quo fiat oportebit, ut qui nos tan-

## Oratio sexta

*quàm Dei administratos colere deberent, ipsi ludibrio futuri simus. Ac si diuinorum mysteriorum, quæ dispensamus, plus rationis, quàm nostrorum uitiorum habuerint; non erit, quin cum in totum Concilium, tum in uos, Illustrissimi Præsides, culpam huius hæsitationis sint collaturi. cum haud dubiè intelligant, si uelitis, ac iubeatis, uestrâ auctoritate quàm primùm fore, ut ius residendi diuinum esse statuatur. Nec dubito, si ipse Pontifex Maximus adesset, quin hoc idem iuberet. At uos, qui eius personam geritis, & quo res loco sit, uidetis, agnoscite quod uestrum est; ac prouidete, ut, quod principid maxima pars Concilij poposcit, disertis id uerbis declaretur. Quod si uestro consilio, uestrâque prudentiâ declaratum erit, præter quàm quòd, siquid dedecoris immineret, id omne uitaretur; nemo dubitauerit, quin ei, cuius locum obtinetis, uobis ipsis, uniuerso denique Concilio sit maximo decori futurum: quod non modò nullâ temporis longinquitate deleri possit; uerùm etiam apud Dominum Deum nostrum adeò ualeat, ut tandem cuique uestrum in cælesti Regno gloriam afferat sempiternam. Amen.*

F I N I S.